

PACTA CONVENTA  
AVGVSTI III.  
REGIS POLONIARVM  
MAGNI DVCIS LITVANIAE  
ET ELECTORIS SAXONIAE  
COMMENTARIO PERPETVO  
ILLVSTRATA  
A  
GODOFREDO LENGNICH D.



---

LIPSIAE  
APVD IACOBVM SCHVSTER.  
1736.



SERENISSIMO  
AC  
POTENTISSIMO DOMINO  
DOMINO  
AVGVSTO III.

REGI POLONIARVM  
MAGNO DVCI LTVANIAE RVSSIAE  
PRVSSIAE MASOVIAE SAMOGITIAE LIVONIAE  
VOLHYNIAE KIOVIAE PODOLIAE PODLACHIAE  
SMOLENSCIAE SEVERIAE  
CZERNICHOVIAEQVE


DVCI SAXONIAE IVLIAE CLIVIAE MONTIVM  
ANGRIAET WESTPHALIAE SAC. ROMANI IMPERII  
ARCHI-MARESCHALLO ET ELECTORI LANDGRAVIO  
THVRINGIAE MARCHIONI MISNIAE SVPE-  
RIORIS ET INFERIORIS LVSATIAE

BVRGGRAFIO MAGDEBVRGI COMITI DIGNITATE  
PRINCIPIS HENNEBERGICO COMITI MARCAE RAVENS-  
BERGAE ET BARBYAE DYNASTAE IN RA-  
VENSTEIN ET RELIQ.

REGI AC DOMINO SVO  
CLEMENTISSIMO







SERENISSIME AC POTEN-  
TISSIME REX.

**Q**ui grauissimam Reipublicae  
cladem, si quando mortalitati  
eriperetur Augustus Secun-  
dus, olim praeuidebant, non aliud huic  
tanto malo sciebant remedium, quam si

\* 3

Filius,

*Filius, suffragiis populi in Paterno col-  
locaretur fastigio, ac suis virtutibus nu-  
tantem salutem fulciret. Euocabat sum-  
mus rerum Arbiter, optimum Regem, &  
Tu Auguste Tertie Rex ac Domine cle-  
mentissime, statim plurimorum votis ex-  
petebaris: in Te Vno, aiebant, summa es-  
se omnia, Te Vnum imperii molem & dif-  
ficillimis temporibus sustinere posse: esse  
Tibi aetatem rebus gerendis parem, ma-  
gnum animum, pietatem, temperantiam,  
aequitatem, humanitatem, liberalita-  
tem, regendi artes, industriam, prouい-  
dentiam, opes amplissimas & plura alia;  
praeterea faciem decoram, in vultu maie-  
statem, & corpus cum dignitate proce-  
rum: quae quamuis fortuita, placent  
tamen in priuatis, in Principe vero, cul-  
tum*

tum ac *venerationem* prouocant augen-  
que. *Quae ergo erat multorum solici-  
tudo, imo qui moeror!* cum, incertis  
quamuis auctoribus, rumor incederet, velle  
*Te Poloniam suo fato permittere sperari*  
*maiora, in praesens Saxoniam sufficere.*  
*Quibus tamen Tuum in gentem nostram*  
amorem, propius inspicere contigerat,  
non poterant adduci, ut crederent, velle  
*Te Regnum in acerbissimo luctu, in mediis*  
turbis, ac metu grauioris mali destituere.  
Sciebant illi, non posse Te, *Magnum Tu-*  
*um Parentem aemulari, cuius tamen di-*  
*uinias virtutes exprimis & refers, nisi*  
*subuenias, ut Iste olim, labanti post Iohan-*  
*nis III. mortem Reipublicae aderat.* Ex  
quo vero salutare *Tuum consilium patuit,*  
*redibat animus ac futurae felicitatis fidu-*  
*cia.*

cia. Et ciuium quidem votis fauebat  
Caesaris studium, Russorum vero Augu-  
sta, suos offerebat exercitus, qui eligen-  
tium libertatem tutarentur. Omnia  
haec, Rex Auguste Tertie, pro tua ele-  
ctione nitebantur, quae sine caede, sine  
minis, sine contradictione, uno ore & ani-  
mo successit quam felicissime.

Recipiebas tamen, Domine clementissi-  
me, Regnum lacerum & armis infestum;  
erant ab alienati multorum animi, alio-  
rum tamen magis quam sua voluntate;  
ferro & incendio miscebantur omnia;  
& quod bono Principi molestissimum,  
cogendi erant nonnulli, ut ad Rempubli-  
cam redirent, a qua discesserant. Ve-  
rum non forte, sed quadam prouidentia,  
illam

*illam tempestatem, illos turbines ac pro-  
cellas exstitisse reor, ut eminentes Tuae  
virtutes, quae sensim & per interualla  
patuissent, statim & uno fere tempore  
proferrentur, probaresque experimen-  
tis, posse Te Regnum, quod meruisti,  
tueri. Qui scirent animi Tui robur,  
nisi aduersus discrimina firmissimum Te  
praestitisses? Quotusquisque incompa-  
rabilem nouisset mansuetudinem, nisi ul-  
tro, imo, victos recepisses in gratiam,  
qui Tuam Maiestatem armis oppugna-  
uerant? Ad quam paucos Tuae liberalita-  
tis fama peruenisset, nisi in publicam sa-  
lutem, paternas opes profudisses? Et  
quantum a Te differre videreris, si tran-  
quillum adiisses Regnum, si omnes in Tui  
venerationem obuiam effusi, si tempus*

\*\*\*

*omne*

*omne inter plausus & laetitiam transmissoes, si cuncti ad Tuum nutum voluntatemque statim, se composuissent? Alia Regni Tui incunabula & rudimenta: Rempublicam sistere, pacare Poloniam, ignoscere lapsis, concordiam reddere, futurae felicitatis noua fundamenta iacere & firmare, ac eadem via, qua Parens imperium ingressus, ad immortalem gloriam niti & contendere.*

*Non quidem licuit, Rex ac Domine clementissime, cum Tuam Cracouiam ingredereris, Maiestati, inter caeteram turbam, acclamare, fuit tamen mibi dies ille vere festus, quo Regni insignia capesseras, quod intestini mali finem, quasi aliqua specula prospiciebam, ac Tuam salu-*

*salutem, Tuam fortunam, iam publicam,  
Deo votis commendauit ardenter: Imo  
cum tristissimum Parentis obitum, publica  
voce dolorem, iam Te Regno optabam,  
precabarque, ut Augusto Secundo succe-  
deret simillimus. Haec quamuis tectius  
dici videbantur, facile intelligebar ab il-  
lis, qui Parentem nouerant, & Filium  
non ignorabant. Patere, Rex ac Do-  
mine clementissime, per Tuam, quae in-  
nata Tibi, indulgentiam, iam Te aperti-  
us coli, & plane delynari munuscum  
noli, quod omne suum pretium ex pactis  
Tuis conuentis habet, & sine quibus Tu-  
am Maiestatem accedere non sustinuisse.  
Demitte vultum, ex illo Tuo fastigio in-  
ciuem, forte quidem ex insmis fere, sed  
qui fidem & pietatem in Regem, sum-*

*mum decus dicit, quique Deo quotidie  
supplicat, ut Augustus Tertius, Augu-  
stum Secundum gloria aequet, felicitate  
& annis longe superet, ac gloria, felici-  
tate, annis superetur a nemine*

## **SACRAE REGIAE MAIESTATI**

**REGI AC DOMINO CLEMENTISSIMO**

*deuotissimus ac subiectissimus ciuiis*

**GODOFREDVS LENGNICH.**



## PRAEFATIO.

**S**olent Poloniae Reges, dum eliguntur, cum Republica pacisci, & spondere, quibus vel repetantur, quae olim bene constituta, vel quae minus recte se habent, melius ordinentur, vel commoda tum Regni ac prouinciarum tum priuatorum augeantur. Prima occurruunt *Ludouici pacta*, cum *Casimiro M.* viuente, successor designaretur, cuius exemplum, repetitum nonnunquam, ex *Henrici tempore*, in perpetuam transiit consuetudinem, simul coeperunt *Pacta Conuenta* dici, ac Regni constitutionibus inferi, vt publico hoc documento, vis illorum & auctoritas constaret.

Legis enim vigorem habent pacta conuenta, vt adeo quidam *obligationis Regiae decalogum* nominare non dubitauerit. Scribebantur olim ante Regiam electionem, post eam vero, a *Michaelis tempore*, constitutis ex Senatu & Nobilitate, qui Reipublicae nomine, cum Regis electi legatis agant, ac conditionibus subscriptant: inter quos tamen & alii nomina sua addunt. Regis vero legati ante collo-

## P R A E F A T I O.

quiū de pactis, mandati litteras exhibent, & negotio finito, conceptis verbis iurant, Principem promissa religiose praestitum.

Hoc modo ad Maiorum exempla, fidem suam Reipublicae obstringi voluit, AVGVSTVS III. Rex ac Dominus noster clementissimus, vt Ordines scirent, quid sibi a nouo Rege expectandum; quae sub *Eo* legum securitas; & quanto omnium commodo, Paternum fastigium, *Filius*, piis suffragiis, ascenderit. Sunt tamen in pactis bene multa, ciuium plurimis, vt exteris taceam, non satis cognita; sunt alia, pro more solennium pactionum, breuius posita, quam vt a lectoribus, in his minus exercitatis, statim perspici possint; sunt, in quibus ad iura & consuetudines prouocatur, quae obscura manent, nisi illa in promptu habeas; sunt antiqua, sunt noua, sunt nuper inducta, quae nosse ac secernere a se in uicem, vt non omnibus datum, sic plurimum illorum interest, qui in Polonorum Republica peregrini haberi nolunt.

Credidit ergo *Vir Illustrissimus*, qui in suo laudabili secessu, praeter grauiora, & de litterariae rei commodis multum cogitat, magnam apud lectores initurum se gratiam, si sua, qua pollet, auctoritate efficeret, vt pactis vberior accederet commentarius, ipsisque exteris, ad interiores iuris nostri publici recessus, aditus recluderetur & pateret. Et mihi quidem, argumentum, quod magis honorificum esset, vix mandari poterat, quam recensere pacta, quae *Magno Regi* cum populo celeberrimi nominis, & cuius cauſa nuper maior Europae pars, in

arma

## P R A E F A T I O.

arma & caedes confurrexerat, intercedunt. In quo ita versatus sum, ut ad superiorum Regum pacta recederem, eadem cum praesentibus conferrem, vbi conuenirent aut diuersa essent, accurate notarem, quo, quae Reipublicae iam olim ab aliis promissa, annorum serie exhiberentur, ac rationes eiusdem rei, ex gestis priorum temporum adderentur. Ad normam legum illustravi, quaecunque illustranda erant, & pro maiori dictorum auctoritate, ipsa illarum verba recitaui: inde perpetuo statuta & constitutiones citantur, quod exteris in primis haud ingratum fore spero, quibus leges illae ad manus non sunt, & si essent, parum proficerent, quando lingua Polonica, qua scriptae constitutiones, ignoratur. Gentis historiam non omisi, quoties aut legis rationem, aut ea suggerebat, quibus rectius intelligi poterant, quae alias aut dubia aut in obscuro mansissent. Praeter haec quae occurrunt, vel frequenti scriptorum domesticorum lectione didici, vel ex illorum colloquiis, qui nostrarum rerum gnari sunt, accepi. Denique monendi lectores, partem commentarii, anni huius initio, totum fere, ante comitia nuper feliciter finita, confessum fuisse: quare ad §. 23. reditus nonnullorum, qui iam secutus, futurus perhibetur, ac illa, quae in memoratis comitiis acta, praeter vnum id, quod ad Curlandiam pertinet, plane silentur.

Genere dicendi usus sum strictiori, sine ambagi-  
bus, sine digressionibus, ne lectoribus taedium af-  
ferrem. Interpretari conatus sum pacta, simul il-  
lorum vocabula, non omnia tamen, sed ea, in qui-  
bus pactorum vis consistit, & quae a multis igno-  
rantur.

## P R A E F A T I O.

rantur. Multo minus animus fuit, legum quas adduxi, voces explicare, licet obscuriores in iis esse non diffitear, scribendus enim fuisset commentarii commentarius, & pro vno, duo in lucem prodiissent: sufficiebat mihi, ea esse plana, quibus probare volebam quae probanda erant. Quae in pactis, pro more gentis, admixta Polonis erant latina, retinui, quamuis plurima veteris Latii non erant, quod immutare illa religio erat. Idem de legum latinis vocabulis tenendum, nec non seruauit, quae in Polonia dudum recepta, adeo ut latinius reddi nequeant, nisi velis ab iis, quorum interest, non intelligi. Hoc vero, vna mecum aegrius ferent lectores, editionem commentarii mendis abundare, licet librarius, vir industrius & bonae famae in suo negotio studiosissimus, nullis pepercit sumtibus, quo nitide & eleganter prodiret. Videbor satis excusatus, quod per absentiam, operas typothetarum retractare non potui. Lustrauit, postquam plane exscriptae, priores quatuordecim plagulas, plures enim ad me nondum delatae, & indicem erratorum existantium confeci, quem ad librarium mitto, ut meo exemplo, caetera folia relegi curet, & addi quae in iis menda reperta fuerint. Instantes enim Lipsienses nundinae, quibus libellus prostare debet, quo minus id a me fiat, vetant. Scrib. Gedani d.

XVIII. Sept. MDCCXXXVI.

PACTA



PACTA CONVENTA  
A V G V S T I I I .  
REGIS POLONIARVM ET MAGNI  
DVCIS LITVANIAE,  
PERPETVO COMMENTARIO  
ILLVSTRATA.

P R A E F A T I O .

**Q**uandoquidem dispositioni Supremi Numinis, a cuius Nutu Reges & Regna pendent, sic placitum est, ut memoratus Serenissimus Princeps Regius, Dominus Elector & Dux Saxoniae, inter tot Praeclarissimos Poloni Sceptri competitores, liberis Serenissimae huius Reipublicae suffragiis, in *Regem Poloniae & Magnum Ducem Lituaniae*, ac caeterarum Regni Prouinciarum *Principem*, vnamiter electus & publice in campo electoral i declaratus sit, ex poscebant illico antiqua huius Republicae instituta<sup>1</sup>, pro integritate iurium & libertatum, atque meliori sorte & conditio ne istius Regni, vt certa pacta seu conditiones, partim a praedictis *Illustrissimis & Excellentissimis Ministris Plenipotentiariis* sufficienti potestate instructis oblatae, partim ab ipsis *Regni & M. D. Lituaniae Statibus* propositae, de mutuo consensu inirentur sancienturque:<sup>2</sup> quarum conditionum, patria lingua<sup>3</sup> ex

A

tali

tali methodo, quasi ipse met *Serenissimus Princeps, Electus Rex* praefens adesset, conscriptarum, tenor in eum sequitur modum.

I Vtique iam ab antiquo institutum, cum nouis Regibus per solenne pactum, ea constituere, quae ex publico vsu esse videantur. Nec tamen mos demum, extincta virili *Iagellonis* in Polonia, cum *Sigismundo Augusto*, stirpe, coepit, sed altius repetendum habemus. Designato a *Casimiro Magno*, consensu Procerum, sororis filio, *Ludouico*, Hungariae Principe, Successore, pacta conuenere, quibus futurus Poloniae Rex, inter alia spondebat: Se prouincias a Regno alienatas, in primis Pomeraniam suis sumtibus, suisque militibus recuperaturum, non nisi Polonum, qui per Regis absentiam praefit, Regno impositurum; tributa noua haud imperaturum, iura & libertates ciuibus sancte seruaturum, ac, si quae iis inique ablata, redditurum: quibus sub conditionibus, Proceres & Nobiles futuro Regi obsequium vicissim promittebant. *vid. ANON. ARCHID. GNESN. inter Script. Rer. Siles. Illustr. de SOMMERSBERG. T. II. p. 101.* Extant eiusdem Ludouici litterae apud *DLVG. Lib. IX. p. 1102.* anno 1355. datae, quibus, quae de tributis; de Regis iter facientis, in praediis Ecclesiasticorum & Nobilium stationibus; de expeditionibus militaribus extra fines Regni; de successione solius sexus virilis, tum Regis Ludouici, tum Iohannis illius, ut vocatur, Nepotis; ac aliis constituta fuerunt, continentur. Haec prima possunt pacta conuenta dici; Altera anno 1374. sequebantur, cum Poloni succedendi ius, filiabus *Ludouici* largirentur, tum enim idem Rex pollicitus, fines Regni non imminui, sed potius proferri; ciuitates, castra, possessiones, oppida & villas, ab omnibus, & singulis tributis & seruitiis, praeter duos grossos, de quolibet manso locato vel posesso, singulis annis soluendos, immunes esse; damna in expeditionibus ultra Regni limites accepta sarciri; vetera castra tum *Burggrauii* tum incolarum, sumtibus reparari; noua autem, siue Procerum siue Regis impensis, pro diuersis rationibus exstrui; dignitates & munia publica non extraneis, sed indigenis, conferri; Regno non nisi Polonum, & quidem talem, qui ex stirpe Ducum haud descendat, praefici; denique, ut caetera omittantur, castra & ciuitates, in quibus iudicia exerceantur, solis terrigenis seu Capitaneis in Regno consistentibus, salua conferendi caetera extraneis facultate, concedi debere. Continentur haec singulari diplomatica, quod in *LASCONIS Statutis f. 40.* legitur. Euaserunt pariter pacta conuenta, conditiones illae, quas obtulit *Iagello Lituanus*, quibusque obtinuit, cum *Heduigis* matrimonio, Poloniae Regnum. Recenset easdem *DLVG OSSVS L. X. p. 96. 97.* Idem *Iagello*, quo Polonis, qui filiorum alterum successorum promiserant, gratiam referret, plurima spopondit, ad quae seruanda futurus Rex obstringeretur, de quibus consulendus *DLVG OSSVS Lib. XI. p. 536. seq.* cum *Casimiro IV. Iohanne Alberto, Alexandro, Sigismundo I. & Sigismundo Augusto*, aut eorum nomine nulla intercesserunt pacta, nisi quod *Sigismundus* pater, electo filio, promisit, hunc, quamdiu Ipse viueret, non regnaturum, statim vero, ac ad iustum aetatem peruererit, iura & libertates sacramento firmaturum, simul de seruandis finibus Regni integris, ac recuperandis, quae iniuste ablata, fidem daturum. Post *Sigismundi Augusti* vero obitum, cum singulis, quotquot electi Reges, pacta inita, quae inter Regni Constitutiones suis locis reperiuntur.

2 Ergo & Rex Reipublicae, & haec Illi obligatur. Celsissimus quondam Princeps & Episcopus *ZALVSKI Epist. T. II. p. 188.* affirmat: ne vnum quidem fuisse Regem, qui pacta haec seruauerit, eoque nomine *Iohannem III.* excusat.

cusat. Hoc quamvis in medio relinquo, crederem tamen, quoties de neglectis pactis conuentis querela instituitur, dispiciendum esse, vtrum per Regem, an per Ordines steterit, quo minus illorum habita fuerit ratio.

3 Olim tamen latino sermone pacta conuenta scribi solebant, post Polono-nico. Primum mutati moris exemplum dedit Vladislaus IV. quod ex eo tempore in consuetudinem transit.

### §. I.

#### CAVTIO DE ELECTIONE LIBERA.

Senatus Regni, Ordo equestris, et omnes Status Regni Poloniae & M. D. Lituaniae, omniumque aliarum Prouinciarum annexarum<sup>1</sup> de hoc sibi apud Nos cauerunt, Nos vero idem illis pollicemur, illudque pro lege perpetua haberi consentimus, videlicet: quemadmodum per libera et vnamnia suffragia, omnium Statuum Reipublicae vtriusque gentis Polonicae et Lituaniae<sup>2</sup> singularumque Ditionum annexarum<sup>3</sup> ad hoc Regnum electi et suscepiti sumus: ita nec Nos nec successores nostri, stante vita nostra, Reges nominabimus, neque vlo modo aliquem in Thronum nostrum Regium inducemos, idque ideo, vt perpetuis temporibus, post decesum nostrum, libera electio Regum,<sup>4</sup> apud Status Regni & M. D. L. et omnium Prouinciarum annexarum, secundum iura, priuilegia<sup>5</sup> & Constitutiones de libera electione latae, tam antiquas quam recentes, annorum 1607. 1609. 1631. 1662. & 1667.<sup>6</sup> in pleno robore maneat.

<sup>1</sup> Non vno tempore Poloniae Regnum ad praesentem amplitudinem peruenit, sed crevit sensim, cum subinde nouae provinciae accederent, quarum aliae Poloniae, aliae Lituaniae iunctae: Liuonia, vtrique facta est communis.

<sup>2</sup> Eligunt Regem vna cum Polonis Lituani, idque ex veteri instituto. Postquam enim *Iagello* regiam dignitatem consecutus, prouisum a. 1401. vt Rege hoc, fine liberis & legitimis successoribus decedente, Poloni sine scitu & consilio Lituanorum, non aliud eligant: quod in Conuentu *Hrodensi* a. 1413. repetitum. LASCO Statut. f. 126. 129. PRILVS. Stat. p. 689. Et 692. Etc. Vladislaus Jagellonides cum caeteris iuribus & hoc de electione Regia ratum habuit, LASCO f. 129. PRILVS. p. 692. quod tamen fuit nouo diplamate a. 1499. firmatum. LASCO f. 131. PRILVS. p. 696. Denique per ultimam in Comitiis Lublinensibus a. 1569. unionem, statutum, vt nouus Rex, iunctis Polonorum & Lituanorum suffragiis, eligatur. VOL. CONST. p. 174. Seruatum id perpetuo, adeo, vt electo a Pononis Michaeli, in permouendis ad suffragationem Lituanis laboraretur, Epist.

ZALVSK. T.I.p. 126. & Iohannes III. non prius Rex solenni more dictus, quam Lituani accesserant. Ep. Z A L. T.I. p.558.

3 Inter caeteras prouincias, Regno iunctas, Prussiae, per deditiois pactum, quod *incorporationis*, vulgo vocatur, *priuilegium*, signatim cautum, quod ad electionem & coronationem Regum admittenda. Quare, cum absentibus Prussis, *Sigismundi Augusti* electio esset peracta, hi non tantum de laeso iure, questi, sed & seorsim, prouinciae nomine, sua suffragia in Eundem contulerunt. HIST. PRVSS. T.I. p. 83. 85. Imo *Sigismundus Pater*, suis litteris testatus, illibatum esse Prussorum in Regum Electionibus ius, illudque his verbis roborauit: *Vt quotiescumque Regem decedere, & Regnum vacare, aut electionem quomodo cumque celebrari contigerit, Domini Consiliarii ordinis utriusque regni Poloniae, antequam ad electionem procedant, prius Status & Ordines Terrarum Prussiae, de bac ipsa noui Regis electione certiores faciant, ac eosdem ipsis Status secundum antiquam consuetudinem, & contenta priuilegiorum eorum, ad eam vocent & admittant.* Exstant litterae inter *Iura Municipalia Terrarum Prussiae*.

4 Sunt Poloni liberae electionis obseruantissimi, habentque hoc ius, caeterorum veluti caput: ac ferunt molestissime, quidquid illi aduersari videtur. Inde tot Sanctiones totiesque repetita pacta, quibus successioni iretur obuiam, & omne illud, quod haberet haereditatis speciem, amoueretur. In *Articulis*, vt vocantur, Regi Henrico oblati, pro lege perpetua statuitur, ne Rex eiusque Successores, dum viuunt, Regem alium nominent, aut eligant, aut ad electionem conuenzum indicant, & aliquo modo Regem Successorem promoueant, idque ideo, vt perpetuis temporibus, post Regum obitum, libera electio omnibus Regni Ordinibus maneat: quare neque *Henricus*, neque qui secuturi, Reges, haeredis titulo vtantur. Quos Articulos Stephanus confirmauit. VOL. CONST. p. 253. Idem fecisse intelligendus *Sigismundus III.* cum praeter caeteras libertates, articulos in coronatione *Henrici Regis* sancitos, seruaturum promisit. VOL. CONST. p. 453. Idem caput ex *Henrici articulis*, in *Vladislai IV.* pactis conuentis repetitur, additis CONSTITVT. a. 1607. 1609. 1631. & priuilegiis a. 1607 & 1631. PORZ. ELEKC. a. 1652. p. II. Eadem iisdem verbis habentur in Pactis conuentis *Iohannis Casimiri*. PORZ. ELEKC. a. 1648. p. 15. Conueniunt Pacta conuenta, *Michaelis*, *Iohannis III.* & *Augusti II.* nisi quod *Michaelis*, CONST. a. 1662. & 1667. *Iohannis III.* & *Augusti II.* praeter has, & alia CONSTIT. a. 1670. adiicitur: praeterea in *Augusti II.* pactis, ad recentiora sancita, tempore *Iohannis III.* prouocatur. Non ergo mirum, magnos secutos animorum motus, quoties aliquid admisum, quod liberam electionem turbaret, aut suspicio oriretur, versari hoc ius in discrimine. Exempla, *Stephani*, *Sigismundi III.* *Vladislai IV.* & *Iohannis Casimiri* tempora suppeditant. Imo *Michaelis* & *Iohannis III.* Regna non omni caruerunt metu.

5 Iura haec exercuerunt Poloni a *Ludouici* tempore, fassique sunt Reges per totam Iagellonicam stirpem, se consensu & electione Ordinum gubernaculo admotos. Singulorum testimonia habentur in Statutis PRILVSI p. 5 seq. Idem post *Sigismundum Augustum* singulorum Regum Pacta conuenta loquuntur.

6 Non tamen pactis conuentis acquieuerunt Ordines, sed e re duxerunt esse, liberam electionem in Comitiis per constitutiones roborare. Cum, incertis quamvis autoribus, *Sigismundus III.* modo Regno Archiduci Austriae cedere, modo sibi filium *Vladislaum* sufficere velle, ferebatur, plurimi non inanem habebant famam, & qui turbare res, ex suis compendiis induxerant, speciosum

sum hoc argumentum cum aliis praetexebant. Tum secuta a. 1607. constitutio, qua Rex , quaecunque siue a semet, siue a superioribus Regibus, in gratiam liberae electionis, aut alio modo sancita, firmat, a Rege tum per *cessionem iuris*, tum aliis artibus, & quocunque praetextu, successorem constitui, ad Regnum prouehi & adduci vetat ; omnia, quaecunque vnuquam in hoc negotio, contra liberam electionem & consensum Ordinum fierent, irrita & inania pronunciat: quicunque iure aliquo praetenso, succedere, & Regnum sibi vindicare voluerit, hostem Patriae, ac omni tempore, Regno & magno Ducatu Lituaniae vt praesit, *inhabilem*, eosque, qui talem oppressorem liberae electionis, consiliis aut opibus adiuturi, aut futuri ei rei consci, perduelles iudicat. VOL. CONST. p. 829. tit. Napierwey Warunek. Sanctioni huic accessit, eiusdem Regis *Sigismundi III.* Diploma , quod tum statim constitutionibus debebat inseri, sed demum a. 1631. inter eas locum obtinuit. Est illud latine scriptum, vtiturque inter alia memoratus modo Rex, his verbis: *promittimus, neque Nos Ipsos admissuros, vt viuentibus Nobis, de substituendo Rege tractatus ineatur, neque passuros, vt quisquam alter hoc ipsum attentare praesumat : quin imo talem & tales omnes hostes patriae & subuersores publicae libertatis iudicamus, poenisque iis, quibus criminis perduellionis rei tenentur, subiacere decernimus.* Et nibilominus quicquid in derogationem libertatis eligendi Regis a quoquam factum attentatumue furerit, id irritum nulliusque roboris fore, pronunciamus &c. CONST. a. 1631. p. 2. Per Constitutionem a. 1609. Rex precibus equestris Ordinis annuit, vt diploma de libera electione datum, actis castrensis Regni & M.D. L. inseratur. VOL. CONST. p. 889. tit. Owarunku. An. 1626. in Comitiis Thorun. non leuiter commoti animi, cum Regni Pro-Cancellarius, imprudenter de Successore, Rege viuente, constituendo, mentionem inieciisset, ac Iohannem Casimiri, Regis filium minorem natu, commendasset. PIA SE C. Chron. p. 385. Rex tamen omnem exemit metum, dam Constitutionem anni 1607. noua lege a. 1631. firmabat iubebatque, Diploma illius temporis, vt antea dictum, in Volumen legum referri. CONST. a. 1631. p. 1. tit. Warunek. Quantum turbarum posterioribus Iohannis Casimiri annis, consilia de legendō, Rege imperante, successore dede-rint, narrant KOCHOVII Annales Climact. 3. quibus T. VII HISTORIÆ NOSTRAE PRVSICAE iungi potest. Duae inde illae, quae in pactis alle-gantur, natae sunt Constitutiones, altera 1662, qua omnia de libera electione iura & constitutiones, a Regibus quibusvis latae & in pactis conuentis firmatae, in omnibus capitibus suis roborantur, & omnes contra eandem transactiones & scripta tolluntur, & ne tum Reipubl. tum priuatis nocere debeant, cauetur CONSTIT. d. a. p. 3. tit. Reassumpcy. Altera vero a. 1667. eadem continet, & poenas contra violatores huius iuris in Constitutionibus decretas, ratas habet. CONST. d. a. p. 3. tit. Warunek. His meretur addi CONSTIT. a. 1670, tit. Warunek p. 12. qua integritati liberae electionis amplissime prospicitur.

## §. II.

DOMVS REGIA IVRE SVCCESIONIS  
ABSTINEAT.

Reassumendo omnia iura de libera electione cauemus, ne domus nostra Regia vllam successionem & praetextum proximitatis ad Regnum sibi praesumat<sup>1</sup>: his enim saltem praerogatiis

vtetur, quibus progenies antecedentium Serenissimorum Regum Poloniae vfa est, saluis iuribus Reipublicae circa hoc latis<sup>2</sup>.

**1** Est liberae electionis effectus, vt proles Regia, nullo succedendi iure gaudet: pugnant enim inter se electio & successio. Quoties ergo viuentium Regum Successores constituti, cuius rei exempla, *Casimiri M. Ludouici, Vladislai Jagellonis, & Sigismundi I.* tempora suppeditant, factum id Ordinum consensu, qui pro electione haberi potest. De hac tamen re in pactis conuentis, ante *Michaelem* nihil cautum est. Et leguntur plane eadem, quae in praesentibus, verba, additis, *ut Domus Regia aequalitati per omnia cum Statu Nobilitari subiaceat.* PORZ. ELEK. p. 14. Repetitur idem in pactis conuentis *Iohannis III.* at in *Augusti II.* omissa, quae in prioribus de aequalitate cum Statu Nobilitari leguntur. Ratio discriminis, non nisi ex Domum diueritate deducenda. Michaelis enim & Iohannis familiae illustres licet, pari tamen cum caetera Nobilitate iure vfae, quo easdem eximere non e re esse videbatur, licet summum consenserent fastigium, qui ex iisdem nati; personis enim eorum Dignitas haec collata, non familiae. At domus Saxonicae electoralis, alia erat ratio, haec vt ante electionem regiam eminebat, per eandem ad conditionem equestrum demitti haud poterat.

**2** Idem habent *Michaelis, Iohannis III. & Augusti II.* pacta, nisi quod linea e lumbis directe descendens, expresse nominetur. Quae tamen illae praerogatiuae, lex non loquitur. *Sigismundi III.* tempore, cui numerosa erat soboles, de bonis, dignitatibus ac iure quo vteretur, varia sunt constituta, quae tamen eandem supra priuatorum conditionem non extollunt. Quod & dicendum de iis, quae sequenti Interregno, & Vladislao IV. regnante, in gratiam eiusdem sobolis decreta. Quod si ad usum respicimus, habuerunt hoc praecipuum Regum filii, quod Regnum non tantum petere potuerunt, sed & iis in electione praelatus nemo. Inde tota *Jagellonis* stirps Regnum tenuit, *Vladislao, Casimiri IV.* filio natu maiore, excepto, cui Bohemia & Hungaria sufficiebant. Haec cum per *Sigismundi Augusti* mortem, in maribus deficeret, ea tamen *Sigismundi I.* filiae Annae in Polonia superstitis habita ratio, vt per pacta conuenta Stephano iungeretur. Huic nulla contigit proles, & post eius mortem *Sigismundus Sueciae Princeps* electus, ex hac, praeter alias, ratione, quod per matrem *Carbarinam, Sigismundi I.* Neps esset. Huius genus durauit in *Vladislao & Iohanne Castmire,* utroque Poloniae Rege. *Iohannis III.* obitus, primum omissae Regiae domus exemplum dedit, agebatque Respublica ex suis rationibus, quae, cum post acerbissimam *Augusti II.* mortem cessarent, rediit ad auitam pietatem, AVGUSTVM III. vt Paterni in Germania fastigii, sic virtutum omnium ex ase H A E R E D E M, eligendo. Praeterea legimus *Vladislauum, Patri, Sigismundo III.* in Comitiis a. 16II. flagitantibus Nunciis Terrestribus, in sella ad laeuam primum assedisse, HISTOR. NOSTRA PRVSS. T. V. p. 54. qui honor Iacobo, Iohannis III. filio, urgente licet Regina, negatus. Epist. ZAL. T. I. part. 2. p. 1042. 1058. Quod ad Iura Reipublicae attinet, quae salua volunt pacta, sunt tum ea, quae liberam electionem firmant, ne domus Regia sibi sumat, quae eidem aduersa; tum ad ea referenda, quae *Sigismundi III. & Vladislai IV.* temporibus constituta, quorum modo a nobis facta est mentio.

## §. III.

## CAVTIO DE RELIGIONE REGIS ET REGINAE.

Licet iura antiqua sint indubitata, quod Rex sit catholicus<sup>1</sup>, propter aeternum tamen valorem, nunc & in posterum, perpetua lege cauemus, pro Nobis & successoribus nostris, quia Nos fidem Romano-Catholicam profitemur, ne quoque in posterum Rex diuersae Religionis in Regnum Poloniae & M. D. Lithuaniae eligatur, nisi sit Romanae Orthodoxae Religionis Catholicae. Eiusdem fidei etiam Regina esse debet, siue natione, siue vocatione<sup>2</sup>.

<sup>1</sup> Ex quo Miecislaus I. Christianam Religionem amplexus, perpetuo vsu obtinuit, vt nonnisi Rex Romano-Catholicus Regno praeesset. Debuit ergo Jagello, sacro fonte ablui, ac Christianorum coetui aggregari, dum regnare voluit, quod & inter caeteras pactiones vltro Polonis obtulit. De Sigismundo Augusto exierat rumor, velle Eundem auita sacra deferere, imo promisisse ferebatur, se Augustanam Confessionem recepturum, *ILLVSTR. VIROR. EPISTOLAE T. II. DLVG OSS. p. 1793. 1667.* Vix tamen credibile, Regem otii amantissimum, ac voluptatibus distractum, de re tanti momenti serio cogitasse, & mutatione Religionis infinitis turbis implicari voluisse, quem metus a diuortio, quod cum coniuge, quam plane auersabatur, facere constituerat, retraxit. Magis ex ingenio locutus, cum Episcopo Varmiensi, Illustri illi Cardinali, Hofio, de sparso rumore sciscitanti, responderet: *ne crederet vulgi sermonibus, nihil tale sibi in mentem venisse unquam; se constanter in confessione fidei catholicae, quam a Maistoribus suis accepit, ad extreum usque spiritum suum permansurum.* *ILLVSTR. VIR. EPIST. p. 1667.* Quantum, Sigismundo Augusto extincto, Commendonius summi Pontificis Nuncius, laborauerit, vt post Illum Romano-Catholicus eligeretur, exponit *GRATIANVS in Vita Commendonii IV. 2.* Ex quo tempore summi Pontifices, nonnisi talem, Reipublicae per suos Nuncios commendarunt, quoties vacare Regnum contigeret. Et in hoc cura Commendonio ex voto successit, quod Henricus Dux Andegauensis electus, quem Hofius Cardinalis, acerrimum Catholicae fidei propugnatorem vocat. *ILLVSTR. VIR. EPIST. p. 1677.* De Stephani Religione anceps quidem erat opinio, sed aduentanti in Poloniā obuiam missus Sulikouius, qui animum Eius scrutaretur. Hic in secretiori colloquio, Regem ingenuē edocebat, sine fidei Catholicae vera & sincera professione & obseruatione, non solum diadematē Regio se non esse potitum, sed nec Cracouiam quidem, sedem coronandorum ac conseruandorum Regum laudatissimam & Catholicissimam esse conspecturum: Firmamentum esse Regni Catholicam fidem, & Catholicos Viros, ipsumque sacrum Ordinem esse primam & praecipuam Reipublicae partem, & Senatus caput, & Regis animam, lucernam ac spiritum vitalem &c. Verum Rex Sulikouium de Religionē plane securum reddidit, & sequenti die Missae sacrificio non sine lacrymis interfuit. *SVLIKOV. Comment. Rer. Polon. p. 60. sq.* Sigismundus III. Vladislaus IV. & Iohannes Casimirus, vt erant instituti, sic in Religionē Romano-Catholica perstiterunt. Remissior quidem visus Vladislaus; quod Missarum sacrificia publice

non

non frequentabat, sed excusat Eundem valetudine, & constantiae in Religione sua, perhibet testimonium PIASECIVS *Chron. p. 454.* Iohannes autem Casimirus, non tantum in societatem Iesu recipi voluit, sed & titulo Defensoris fidei & Orthodoxi a summo Pontifice ornatus. Michael in pactis conuentis primus faxit, vt Rex Poloniae non eligatur, nisi qui Romanae orthodoxae Religionis Catholicae, PACTA CONVENTA §. *Iubo dawne.* Quod in Pactis Conuentis Iohannis III. & Augusti II. repetitum. Post memorati Iohannis III. mortem, generali confoederationi insertum, Regem non nisi Romano-Catholicum eligendum, quam prouidentiam sibi tribuit, Princeps & Episcopus Varmiensis ZAL. *Epist. T. II. p. 121.* Ultimi autem Interregni confoederatio §. 10. adiecit, Regem eligendum ex utrisque Parentibus orthodoxae Religionis, natum esse debere. Quo tamen illa nouitas tenderet, iam tum praeuideri poterat, & probauit euentus. Cum mortuo Michaeli, Electoris Brandenburgici legatus, ex Regni Cancellario Lescinio percontaretur, vtrum aliqua spes esset, de uehendo in Regium fastigium Principe *Protestantium Sacris addicto*, si caueat, Religionem Romano-Catholicam se non turbaturum, & cui sufficiat, sua sacra intra conclave obire: Negabat hic, id fieri posse, obstantibus in primis Michaelis pactis conuentis, & quod sacer Ordo ac Nobilitas summis viribus repugnaturi. Simul fatebatur neminem Regno magis conuenire, quam Electoris filium, Carolum Aemilium, si sacra mutare velit. Episcopus tamen Cracouensis & Pro-Cancellarius solennem mutationem sacrorum non vrgebant, modo semper in Catholicō templo Missae interfit, siue interim preces fundat, siue quid aliud legat, sacram vero coenam suo ritu recipiat. P V F E N D. de Reb. Frid. Wilh. T. II. L. XII. p. 947. Inde cum Augustus II. Regnum peteret, praecipua Ipsius difficultas ex Religione ab iis molebatur, qui ignorabant, Principem Religioni Romano-Catholicae accessisse.

2 Inter Reginas duae fuere, Religioni Romano-Catholicae non addictae, altera Alexandri, altera Augusti II. Coniux, illa Graeca, haec Lutherana, neutra ob facrorum diuersitatem corona redimita. Vladislaus quidem IV. ad matrimonium filiae Electoris Palatini animum intenderat, quod non succedebat, cum illa in Religione Reformata perstaret. PIASEC. *Chron. p. 492.* Primum tamen in pactis conuentis Michaelis l. c. constitutum, vt Regina sit Romano-Catholicica, siue natione, siue vocatione, hoc est, aut quod in eadem Religione nata, aut quod mutatis Sacris ad eandem transierit. Cuius rei auctorem, Celfissimus ZALVS- KIVS, auunculum suum, Olzouium eo tempore Culmensem Episcopum & Regni Pro-Cancellarium laudat. *Epist. T. I. p. 209. T. II. p. 121.* Michaelis exemplum, in suis pactis, Iohannes III. & Augustus II. secuti. Idem Caput de Régina Catholica, cura Zaluski, Confoederationi ante Augusti II. electionem, insertum. *Epist. ZAL. T. II. p. 121.* Nec minus in ultimi Interregni Confoederatione generali §. 10. vt Regina sit Catholica, cauetur.

#### §. IV.

##### PACI DISSIDENTIVM PROSPICITVR.

Et quoniam in hoc inclyto Regno Poloniae, Polonicae & Lithuaniae Nationis & Prouinciarum annexarum, non exiguis est Dissidentium in Religione Christiana numerus, propterea exemplo Antecessorum nostrorum<sup>2</sup>, ne postea ex hac causa scissio-

Scissiones & sanguinis effusiones fiant, id quod antiquis confoederationibus<sup>3</sup> & constitutionibus<sup>4</sup> cautum est, perpetuis temporibus tenebimus, non obstantibus quibuscumque protestationibus<sup>5</sup>, integra tamen in omnibus dissidentium in Religione Christiana, pace & securitate<sup>6</sup>.

## §. V.

**1** Vna fuit olim, post receptum Christianismum, Religio, eaque Romano-Catholica. Cum Casimirus Magnus a. 1340. Russiam rubram Regno iungeret, admissa praeter Romano-Catholicam, & Graeca, quod eadem in illis Terris floruerat, & Rex fidem dederat Russiae Proceribus, se eandem haud violaturum aut mutaturum. *Dlvg. L. IX. p. 1058.* Inde, cum a. 1344. nonnulli ex hac gente, rebellionem molirentur, caussam allegabant, quod suae Religioni interitum metuerent. *Dlvg. l. c. p. 1071.* Ex hoc tempore, in Regno, cuius pars facta Russia, duae Religiones obtinuerunt. His tertia se iungere voluit, cum Vladislao Jagellone imperante, ex Bohemia, Huffitarum dogmata, in Poloniam se infunderent. Sed quo minus id fieret, obstitit Rex seueriori mandato a. 1424. Vieluni publicato, quo omnes haeretici in Regno capi & puniri, omnes, qui ex Bohemia venerint, Religionis nomine examen subire, quicunque ex Polonis in Bohemia fuerint, certo tempore, sub poenis grauissimis, tanquam haereticis irrogandis, in Patriam reuerti iubentur, ac mercatoribus omne cum Bohemia commercium interdicitur. *Lasko Statut. f. 75.* *Prilvs. Stat. p. 169.* Et a. 1438. Ordines aduersus eosdem haereticos illorumque fautores, Confoederationem Korczini inierunt. *Lasko l. c. f. 76.* *Prilvs. l. c. p. 171.* Sic repressi fuerunt Huffitae, quos sub Sigismundo I. & Sigismundo Augusto, Lutherani, Reformati & Fratres Bohemi fecuti, quorum doctrina, cum magno assensu exciperetur, per plurimas Poloniae & Lituaniae provincias se diffuderunt. Neque Socinianis, seu, vt vulgo dicuntur, Arrianis, qui circa eadem tempora suos errores propalabant, defuerunt aseclae & Patroni, vt pro vna Religione, iam diuersae incolarum distraherent animos. Omnes hi, cum Romano-Catholicis uno Dissidentium de Religione vocabulo continebantur. Cuius appellationis testem habemus confoederationem anni 1573. *Vol. Constit. p. 209.* quae Religionis libertati prospexit, primam, vbi Ordines Regni qui eam inierunt, se dissidentes de Religione esse, fatentur, sibique mutuam pacem, ac impunitatem sacrorum nomine appromittunt. Et reuera dissidebant a se inuicem, quotquot diuersam Religionem sequebantur, siue ea esset Romano-Catholica, siue alia quaecunque. Non ergo per illam confoederationem, solis, qui a Romano-Catholicis fecesserant, aliquid concessum, sed simul ipsis Romano-Catholicis, quod horum non minus quam caeterorum intererat, ob Sacra non turbari, non poenam, non vim pati: in primis cum ex multitudine dissidentium non vanus illo tempore suberat metus, ne aliquando Romano-Catholicis praeualerent. Quod cum non fieret, sed illorum numerus in dies iuminueretur, coepit dissidentium vocabulum, ad Graecos, Lutheranos, & Reformatos transferri, quasi iis a Romano-Catholicis, per dictam confoederationem, beneficii instar, pax Religionis nomine concessa fuerit, cuius limites statuere & coercere, his integrum esset.

**2** Sancita in Comitiis Conuocationis, post Sigismundi Augusti mortem, mutua inter Dissidentes de Religione pace, non postrema fuit cura, vt eadem ab

electo Rege rata haberetur, & cum caeteris iureiurando firmaretur. Id & spondebant legati Gallici, cum nomine noui Regis promitterent, Eum omnia iura, privilegia, immunitates, praerogatiwas - - - siue per Serenissimos Reges - - - concessas, vel quouis alio nomine quaeſitas, ac diuturno vſu approbatas, siue etiam circa electionem Regis, ex vnanimi & concordi omnium Ordinum consensu fancitas, integre & inuiolabiliter seruaturum, atque etiam Iuramento corporali confirmaturum. V O L . C O N S T . p . 226. Postea missi a Republ. ad nouum Regem Parisiis legati, inter quos de referenda inter pacta conuenta dissidentium pace, ortum certamen, Episcopo Posnaniensi, Palatino Siradiensi, & Mareschallo Curiae Lituanicae, id fieri posse negantibus, quod eidem in Polonia contradicatum fuisset, caeteris, vt fieret, exigentibus. Ambiguum reddebat Regem haec legatorum discordia, ex quibus Ioh. Zborouius Odolanouiensis praefectus, obuersus ad Monluccium, Valentiae Episcopum, qui inter Oratores Gallicos primus fuerat: *ni vos legati, inquit, nomine Principum (Regis Galliae Caroli, & Fratris Henrici electi iam Regis Poloniae) hanc conditionem acceptassetis, hicce Princeps nobis contradicentibus in Regem eligi non potuisset.* Henrico quaerente, quid loqueretur Zborouius, hic ad Regem dirigens sermonem; aio, dicebat, *Rex Serenissime, ni bi Oratores tui hanc conditionem dissidentium de Religione, nomine tuo acceptassent, nobis contradicentibus Rex eligi non potuisses, imo ni eam approbaueris, Rex Poloniae non eris.* FREDRO Hist. Henrici p. 116. Quare moniti a Rege legati, convenere, vt Rex cum caeteris capitibus iuraret, *se pacem & tranquillitatem inter dissidentes de Religione tuiturum; manu tenturum, nec ullo modo vel iurisdictione sua, vel officiorum suorum & Statuum quorumuis auctoritate, quempiam affici oppri- mique cauſa religionis permisurum, nec se Ipsum affecturum aut oppressurum.* V O L . C O N S T . p . 227. Pariter roboratur eadem pax inter dissidentes, in articulis Henrico oblatis & a Stephano firmatis. V O L . C O N S T . p . 253. Ipse Stephanus vero Henrici verba in suo iureiurando repetit, & in litteris generalis confirmationis iurium fidem dedit, licet priuilegia & libertates ecclesiasticas cum caeteris confirmauerit, id paci & tranquillitati inter dissidentes de religione, in iureiurando expresso derogare haud debere. V O L . C O N S T . p . 250. 259. Qui secuti, Reges omnes, tum per pacta sua, tum per solenne, quod dixerunt Reipubl. sacramentum, dissidentibus de Religione pacem sancte promiserunt. Michael quidem Rex de se praedicasse fertur, quod pacem hanc cum restrictione iurauerit: sed quam periculosem hoc, Dębicius Succamerarius Sendomiriensis exposuit: *silicet in uno puncto, inquiens, Regi Iuramentum restringere, licebit & in altero, conse- quenter in omnibus. Fatetur, se id in uno fecisse, quis scit, annon in pluribus?* Et Primas Prazmouius hanc mentis restrictionem Regi publice exprobauit. Epist. Z A L V S X . T . I . p . 170. 265. 322 seq.

3 Intelliguntur Confoederationes illae generales, quae singulis Interregnis, in comitiis conuocationis fieri solent. Prima quae inter dissidentes pacem sanxit, est anni 1573. cuius nota (1) ad hunc §. facta est mentio. Verba latine redditia adferre iuuat. *Et quoniam, aiunt Ordines, in nostra Republ. non paruum est diffi- dium in cauſa Religionis Christianae, occurrendo ne ex hac cauſa inter homines da- mnosa quaedam seditio oriatur, vti in aliis Regnis clare videmus, spondemus hoc no- bis inuicem, pro nobis & successoribus nostris, in perpetuum, sub vinculo iuramenti, fide, honore & conscientiis nostris, quod, qui sumus dissidentes de religione, pacem in- ter nos conseruare, & propter diuersam fidem, & mutationes in Ecclesiis, sanguinem non effundere, neque multare pecunia, infamia, carceribus & exilio, & su- perioritati alicui aut officio ad eiusmodi processum nullo modo auxilium dare: quin*  
*imo,*

imo, si aliquis sanguinem effundere voluerit, ex ista caussa, opponere nos omnes erimus obstricti, licet etiam id alioquin sub praetextu decreti aut alicuius processus iudicarii facere voluerit. VOL. CONST. p. 209. Idem iisdem fere verbis posteriores confoederations statuunt. Nouam tamen rem aggressa, quae Augusti II. obitum exceptit. Motis enim a Romano-Catholicis, conclavi Nunciorum iis, qui diuersae erant Religionis, caput de dissidentibus, per confoederationem hoc modo formatum: *Dissidentibus in Religione Christiana*, quo nomine saltem illi, qui a Romano-Catholicis diuersi intelliguntur, pacem iuxta antiquas Confoederations & praecipue iuxta constitutionem anni millesimi sepringentesimi decimi septimi, ac securitatem bonorum, fortunarum & aequalitatis personarum cœuemus, ita tamen, ut tantum in conclavi Nunciorum, in tribunalibus & commissionibus auctoritatem, simul suos priuatos congressus seu conuenticula, legibus prohibita, & officia Regni, Lituaniae, Palatinalia, terrestria & castrensa, saluis modernis possessoribus non habeant, neque villas protectiones per se & Ministros apud exterias potentias quaerant, sub rigore legis, de perduellibus sanctitae. CONFOED. GEN. a. 1733. p. 2. Posset hic quaeri, quo iure, Nobiles electi ad Comitia Nuncii, ob Religionem, legibus probatam, contra antiquum & perpetuum usum, nullo admisso facinore, conclavi Nunciorum a fratribus, absentes, arceri; iis quae praecipua habet equitatis ordo, more in libera gente vix audito, exui; ad conditionem plebeiorum redigi, & ob questus, ob Principum exterorum, quibus per publicas pactiones, ius est, intercessionem, poenae perduellionis subiici potuerint. Verum rem tam ampli examinis, arctiores Commentarii nostri limites haud admittunt. Dabitur forte alio tempore locus opportunior. Laudanda tamen insignis Reipubl. aequitas, quae per solenne cum nouo Rege pactum, antiquas confoederations asseruit: celebranda est summa Principis indulgentia, qui ciues veteri suo iure vti liberalissime concessit.

4 Praeter confoederations, rarius in Constitutionibus de pace dissidentium agitur, exstat tamen de eadem lex inter scita Comitiorum Stephani. VOL. CONST. p. 275. In CONSTITUTIONE a. 1631. p. 18. tit. Zatrzymanie pokoiu pospolitego. Violatores pacis publicae puniri iubentur, qui praetextu Religionis Catholicæ tumultus excitant, & vim inferunt: nec minus per aliam CONST. a. 1638. p. 44. tit. Poena ná tych, mulcta in eos statuitur, qui in Ciuitatibus Prussiae, Romano-Catholicos in exercitio suae Religionis turbatur. Ex hac tamen ratione, in pactis antiquae constitutiones allegantur, ne diuersae Religioni addictis, superioris Interregni Confoederatio, quae eodem Constitutioni anni 1717. subiicit, noceret. Est autem illa Constitutio, nonnisi Articulus IV. Varsauiensis post confoederationem Tarnogrodensem, pacificationis, qui ideo Constitutionis nomine venit, quod tota Transactio inter constitutiones sequentium Comitiorum recepta. Sed iam anno 1717. Augustus II. singulari rescripto cauerat, dictum „articulum prioribus Confoederationibus, Regis pactis conuentis, ac quibusuis „dissidentium iuribus haud quicquam derogare debere.

5 Paci dissidentium multi intercesserunt, Sacri, Ciuilis, Senatorii, Equestris Ordinis, neque uno tempore, sed diuersis. Cum primum eadem a. 1573. sanctiebatur, statim contradictiones, non quidem in ipsis coronationis comitiis, post illa tamen, scriptae, & Parisiis coram Rege Henrico, ab Episcopo Posnaniensti, Palatino Siradiensi, & Mareschallo Curiae Lituanae, qui ex numero legatorum erant, repetitae fuerunt, quaeque in Epistolis ZALVSKIANIS Tom. II. p. 749. seq. exhibentur. Post electionem Sigismundi III. tres Episcopi, suo & aliorum

Archi-Episcoporum, omniumque, siue ex sacro siue ciuili Ordine, secum facientium nomine, paci dissidentium & Regio in eandem iuriurando singulari scripto oblocuti, cuius capita exhibet Illustriss. Regni Referendar. Ioseph Andr. Zaluski in libro quem inscripsit: *Dwa miecze (gladii duo)* p. 70. 71. Et cum Rex ille, in templo Oliuenis monasterii, prope Gedanum, in pacta conuenta iuraret, Episcopus Cuiavienensis, nomine Romano-Catholicorum, paci inter dissidentes iterum contradixit, at pro iis, qui diuersae religionis, Przienius, regesfit. HIST. PRVSS. T. IV. p. 26. Mortuo Sigismundo III. Confoederationi generali Archi-Episcopus Gnesnensis cum Episcopis, ac illi, qui in Religione Romano-Catholica ardenter, aut saluis iuribus Ecclesiae Romanae, aut excepto articulo Confoederationis subscripterunt, eo consilio, ut vel plane auersarentur inter dissidentes pacem, aut interpretandi eandem ad suae Ecclesiae commodum, sibi potestatem seruarent integrum. Primum hoc fuit exemplum subscriptae in religionis caussa, cum exceptione, confoederationis, quod ex illo tempore in consuetudinem transiit. Lutherani contra & Reformati, per suas subscriptiones, dissidentium pacem integrum seruare conati, quod primum factum in confoederatione ante electionem Iohannis Casimiri, & postea repetitum fuit. Antea tamen questi in Comitiis Electionis Vladislai IV. de inducta a Romano-Catholicis nouitate, conuenitque post longas & acres disceptationes, ut in pactis conuentis noui Regis, paci dissidentium verba adiicerentur: *non obstantibus quibuscumque protestationibus, & saluis iuribus Ecclesiae Romano-Catholicae, integra tamen in omnibus dissidentium in Religione Christiana pace & securitate.* PIASEC. Chron. p. 448. HIST. PRVSS. T. VI. p. 12. 13. PORZ. ELEK. a. 1632. p. II. §. a wtey-samey. Quae in pactis conuentis Iohannis Casimiri, Michaelis, Iohannis III. & Augusti II. repetita leguntur. Nisi quod in Augusti II. pactis, Iuribus Ecclesiae Romano-Catholicae, excepta & iura Ducatus Masouiae & Liuoniae nominatim iuncta, occurunt. Nihilominus in pactorum conuentorum subscriptionibus iurium Ecclesiae Romano-Catholicae, ut & pacis dissidentium fit mentio, ut haec pariter & illa salua sint, quasi a priuatis roborandum esset, cui per sollennem conventionem inter Regem & Rempbl. prospectum.

6 Integra illa pax & securitas iam in prioribus pactis fuit promissa, vt modo dictum. Est autem pax & securitas *integra*, vbi ob Religionem nemo turbatur, nemo possessionibus suis exuitur, aut dignitatibus caeterisque, quae per leges sperare potest, arcetur. Vsi eadem vna cum Romano-Catholicis, qui Religionis erant diuersae, neque obstabat lex, quo minus vterentur. Fuerunt in Senatu, & in conclavi Nunciorum, gesserunt publica munia, adhibiti quibusvis Reipubl. negotiis. Solet quidem a nonnullis obiici statutum Vladislai Iagellonis nota<sup>(1)</sup> ad hunc §. memoratum, vt & Ordinum *Confoederatio Korczini* a. 1438. contra haereticos inita. LASCO f. 76. PRILVS. p. 171. HERBVR. tit. Haereticus. Sed ostensum eadem nota<sup>(1)</sup> Vladislai Statutum, in Haereticos ex Bohemia, qui Hussitae dicti, latum, quod & de Confoederatione Ordinum dicendum. Minime intelligendi Graeci, Lutherani & Reformati, quibus dissidentium nomine in pactis asserta securitas; Graeci enim ante Iagellonem fuerunt, promisitque illis Religionis libertatem Casimirus M. cum Regno iungeret, ut constat ex allegata nota<sup>1</sup>. Lutherani vero & Reformati Vladislai Iagellonis tempore nondum extiterunt, qui ergo potuerunt eius lege coerceri? Quod si quis eosdem nihilominus ad haereticos referre velit, nae is Regi & Reipubl. aduersatur, qui dissidentium vocabulo non haereticorum vtuntur. Cum ergo a. 1658. in comitiis vox audiretur, haereticum per se esse infamem, neque in Nunciorum conclavi lo-

cum

cum habere posse : statim subiunxerunt Romano-Catholici, per haereticos solos intelligi Arrianos, non dissidentes, quales essent Lutherani, Reformati & Graeci. Hist. Pruss. T. VII. p. 198. De his Dissidentibus, Augustus II. in pactis conuentis §. Wrozdawániu, plane & aperte loquitur: in distributione dignatum, sellarum Senatoriarum & Capitaneatum cum iurisdictione continuum usum & antiquam praxin, a sanctae memoriae, Iohanne Casimiro, Michaele, Iohanne III. sacrosancte obseruatam, punctualiter retinere promittimus, exceptis Mennonistis, Anabaptistis, Quakeris, qui hoc iure, quod dissidentibus in Religione Christiana seruit, vti non debent: quin etiam omnia iura & statuta, contra Arrianos lata, in eos reassumimus. Pacificatio post Tarnogrodensem confederationem, parum alias dissidentibus fauens, non tamen iisdem viam ad dignitates paecludit, sed id tantum art. 2. §. 6. Cancellariis iniungit, vt iisdem sine praeiudicio Catholicorum gratias Regias figillent. Cons. a. 1717. p. 13. Quam indigne per ultimi Interregni confederationem habiti, supra iam allatum. Verum redditia iis, per pacta conuenta, priori pace & securitate, antiquum ius noua lege firmatum fuit.

### §. V.

#### DE GRAECAE RELIGIONI ADDICTIS.

Et quod attinet, ad personas Graecae Religionis, unitas & disunitas<sup>1</sup>, quidquid propter alia impedimenta, in praesenti electione, locum nancisci non potuit, hoc in comitiis futurae coronationis, iuxta iura antiqua utriusque partis, in praesentia Deputatorum ex utroque ordine, sine omnibus dilationibus & disquisitionibus, per Commissarios indilat pacificare, & ita coniunctim cum Republ. componere promittimus<sup>2</sup>: vt cuilibet in suis bene fundatis grauaminibus ius & satisfactio fiat. Bona & dignitates spirituales Graecae Religionis, personis incapacibus, iuxta iura antiqua non dabimus, nec per cessionem tenere permettemus.<sup>3</sup> Autulsa bona a metropoli Kiouiensi<sup>4</sup> iure belli non alienata, ad eandem metropolin spectantia, iuxta antiqua iura eidem adiungere promittimus<sup>5</sup>.

<sup>1</sup> Religio Graeca per utramque Russiam, rubram & albam, latissime olim diffundebatur, viguitque ibidem, antequam Regno iungeretur. Tempore Sigismundi III. orta magna dissensio, cum a. 1595. habito concilio, pars Ecclesiae Romano-Catholicae accederet, ac missis Romam Vlodomoriensi & Luceorieni Episcopis, Summo Pontifici se submitteret, atque in consortium sacrorum reciparetur; alii in diuersitate Religionis manerent perstarentque. PIASEC. Chron. p. 138. 139. Litterae Cardin. OSATI ex edit. A MELOTII T. I. p. 5II. T. II. p. II. Ex hoc tempore dupli appellati Graeci nomine, vt, qui Romano-Catholicis iuncti, uniti, caeteri disuniti dicerentur, simul controuersiae inter utramque partem infinitae, ac perpetuae de iurium laesione quaerelae exortae sunt. In primis

*disuniti ab vnitis male se haberi affirmabant, quod fauore Romano-Catholico-rum praeualerent. Tentatum saepius dissidium hoc tollere, Graecos omnes ad vnam Romanam Ecclesiam redigendo, laudatque, vt caetera exempla taceamus, suum in hoc studium & feroarem, Michael Rex, in litteris ad summum Pontificem datis : pro vniione, inquiens, Russorum Graecorum cum Latinis, quantum consiliis & ferro etiam nunc laboretur, vel hoc argumento sit, quod florentissimis & feracissimis Vkrainis terris, tot iam annis carere, quam vniون Graeci ritus non retinere, leuius existimemus, tractatum pacis, quem sola vnitorem caufsa difficilem reddit, magno Reipubl. dispendio & Regni periculo trahamus, vitam, fortunam, sanguinem ciuium, pro defendenda re Christiana, in aciem aleamque mittamus. Audeo ego adfirmare Sanctitati Vestrae, si de protectione vnitorem vel paululum mittam, si Abbatias & templa ab vnitis recens recepta relinquam, si res disunitorum ad eum statum, quo sub antiquis Regibus fuerunt, reuocem, plane merito pacem domesticam cum Cosacis concludi & bellorum ab intra & extra tempestate obuiamiri posse. Ep. Z A L V S K. T. I. p. 281. Et inter cauſtas feralis illius belli Cosacici, sub obitu Vladislai IV. orti, illatam disunitis, ad quos pertinebant ipſi Cosaci, vim reperimus, & quum ſequenti anno ad Zborouum, pax parum tamen diuturna componeretur, singulari capite conuenit, vt immunitatibus Ecclesiae Orientalis Graeco-Russae lege publica eaueretur, & ne eius templo, cleruſ, ac bona spiritualia, ab vnitis inuaderentur. KOCHOV. Annal. Clm. I. p. 25. 151.*

2 Actum de compositione inter vnitos & disunitos, iam Sigismundi III. tempore, in Comitiis a. 1609. & cum non succederet, in proxime futura dilata, utriusque tamen parti iniunctum, vt pacem seruet, constituta in turbatores decem millium florenorum mulcta. CONST. p. 893. tit. Rel. Grecka. Nihilominus haec compositio in diuersa comitia fuit reiecta, vt patet ex Constitutionibus memorato Sigismundo III. regnante, non vno tempore sanctis. Post illius mortem, in Comitiis Conuocationis, cum neque tum controuersiae finiri posſent, Rege Sueciae ac Poloniae Principe Vladislao, nonnullisque ex Senatu & equestri ordine mediis, capita transactionis conscripta, quae utriusque partis allegati domum ad suos receperunt. CONFED. GENER. a. 1632. §. W. Religii Greckiey. Haec cum habita haud fuerunt rata, alia in Comitiis Electionis proposuit Vladislaus, ad quae pacem fine mora tentaturum Idem in pactis conuentis spondebat: §. A co ſie & in Comitiis Coronationis, diploma Graecis non vnitis, pro certa in futuris Comitiis pacificatione, datum approbat. CONST. p. 15. tit. Asekuracya. Inde a. 1635. in comitiis pax inter Graecos ad capita in electione Regia scripta constituitur, & vt obseruetur, perpetua lege edicitur: simul omnes processus & litispendentiae occasione Religionis inter eos ortae, sub mulcta a. 1609. constituta abolentur. CONST. p. II. tit. Rel. Grecka. Sed turbata haec fuit pax non vno modo, vti ex CONST. a. 1641. patet, p. 6. tit. Rel. Grecka, quare post sanctiones alias, noua lege a. 1647. decretum, CONST. p. 3. tit. Rel. Grecka, vt omnia iura Russis Graecae Religionis seruentia, ad capita in electione Regia scripta, executioni mandentur, Commissariis in hanc rem nominatis. Docet tamen CONFEDERATIO GENERALIS p. 4. §. Religia, quae Vladislai IV. regnum exceptit, non omnia ad normam memoratorum capitum fuisse redacta, sed vt hoc fieret, & futuro Regi inter pacta conuenta commendaretur, Ordines non tantum edixerunt, verum & nouus Rex Iohannes Casimirus, id se facturum, in pactis suis §. A co ſie fidem dedit. Exarserat iam tum Cosacicum bellum, simul pro disunitis gestum, fecutaque & a. 1658 Commissio Hadiacensis, his admodum

dum fauens, KOCHOV. *Annales Cl. II.* p. 316. CONST. a. 1659. p. 51. tamen a. 1668. in confoederatione generali, Ordines compositionem postulationum futuro Regnanti diligenter se commendaturos promiserunt: & electus in Regem Michael, per pacta conuenta pollicitus, eandem in coronatione sua, iuxta iura antiqua vtriusque partis, per Deputatos ex utroque Ordine, sine omnibus disquisitionibus & dilationibus, efficere, & ad execusionem per *Commissarios* vtriusque gentis Deputatos, sine procrastinatione deducere. PORZ. ELEK. a. 1669. p. 15. §. A co sie. Quod in pactis conuentis *Iohannis III.* & *Augusti II.* repetitum.

3 Id primum insertum pactis conuentis *Michaelis*, ex quibus in sequentium Regum pacta translatum fuit.

4 Kiouiae, primis Religionis Christianae in illo tractu initii, fuisse Metropolitam, institutumque ad Graecos ritus, a Vlodimirio, Russiae Duce, circa finem saeculi X. cum ipse eadem Sacra fuisset amplexus, vulgo perhibetur. WENGERSC. *Slaon. Ref. lib. IV.* p. 457. 458. ibique allegata NIESIECKIEGO korona Polska p. 89. Indicem illorum, qui hanc dignitatem ad nostra usque tempora gesserunt, exhibet Reuerendus Pater Niesiecki, in sua *Corona Polonica I. cit.* qui simul docet, eosdem modo se summo Pontifici submisso, modo ab eodem fuisse alienos, reditu tandem ad obsequium facto, iam in eodem perstare. Per Commissionem Hadiacensem antea allegatam, Metropolitae Kiouiensi, ab auctoritate Summi Pontificis licet alieno, in Senatu Regni locus post Archi-Episcopum Leopoliensem concessus, CONST. a. 1659. p. 52. §. A ze wopolney, quod tamen in usum deductum non est. Pactis Conuentis *Michaelis*, post Episcopos, subscripsit Gabriel Koleda, Archi-Episcopus, Metropolita Kiouiensis, Haliciensis & totius Russiae; cuius tamen nomen in Indice *Niesieci* haud reperitur. Inter suffragatores electi *Iohannis III.* sub Palatinatu Polocensi legitur Cyprianus Zochowski, Metropolita Kiouiensis, Haliciensis & totius Russiae Archi-Episcopus Polocensis. Cuius mentionem Niesiecius tum inter Metropolitas Kiouienses, tum Archi-Episcopos Polocenses, sed demum ad a. 1680. mentionem facit. KORONA POLSKA p. 91. 92.

5 Quae de bonis, Metropoli Kiouiensi reddendis, sanciuntur, praeter haec, in solis Augusti II. pactis exstant. Et videntur intelligi bona, quae in manibus priuatorum haerent, a quibus eximuntur iure belli amissa, qualia sunt, quae olim in ditionem Magnorum Principum Moscuae venerunt, & quibus Rex Poloniae per solenne foedus a. 1686. cessit. Fuit inter eadem ipsa Kiouia, a qua Metropolis suum habet nomen, quod retinet, quamvis Metropolitanus extra eandem, in Regis Poloniae terris agit.



## §. VI.

CONTRA MENNONISTAS, ANABAPTISTAS  
ET QVAKEROS.

Contra Mennonistas, Anabaptistas, Quakeros, qui ad ius dissidentibus in Religione Christiana inferuiens, pertinere non debent<sup>1</sup>, omnia iura & statuta contra Arrianos lata<sup>2</sup>, reassumimus.

<sup>1</sup> Mennonistae, Anabaptistae, & Quakeri, inter dissidentes de Religione non fuerunt, qui a. 1573. sibi mutuam pacem pacti. Venerunt ex Belgis & Anglia, feracissimis omnium Religionum Terris, Gedanum, inde per Prussiam sparsi, commerciis, opificio, agriculturae intenti, procul a Republ. sibi viuunt. Tolerati, neque in eos publica lata lex ante confoederationem generalem, post obitum *Iohannis III.* in qua Mennonistae & Quakeri a dissidentibus expresse se iunguntur: forte Varmiensis Praefulsi confilio, Nunciis ex Prussia annitentibus. Ille enim confoederationi, cum *protestatione* contra omnes sectas, contra iura Regni, Terrarum Prussiae & pacta, se se extendentes per Prussiam, subscriptis: hi simili *protestatione* contra Mennonistas, Quakeros & nouos Sectarios vñ. Postea in pactis conuentis Regis *Augusti II.* Mennonistae, Anabaptistae, & Quakeri, iuri bus dissidentium exempti, rigorique legum in Arrianos sancitarum, subiecti. Secuti Prussi, qui suis ad Comitia Regni a. 1699. Nunciis mandarunt, vt omni zelo & ardore instarent, quo Mennonistae, Quakeri, quibus & Pietistae additi, iuxta confoederationem & pacta conuenta, poenis contra Arrianos subessent. Nec minus in ultima *Confoederatione*, in Quakeros, Mennonistas, & Anabaptistas olim statuta roborantur.

<sup>2</sup> Arriani, qui alias Sociniani dicuntur, primum experti rigorem legis an. 1658. cum in Comitiis, consensu Ordinum, statuto *Vladislai Iagellonis de haereticis* subiicerentur, simul decerneretur, vt si quis illorum sectam auderet profiteri, disseminare aut docere, aut illam illiusque assertores protegere & fouere, & eius rei legitime esset conuictus, is ex dicto statuto, capite puniretur: Fautores autem eorum poena perduellionis, coram tribunali, inter cauñas conseruatas mixti fori, ad cuiusuis instantiam tenerentur. Per Regis tamen clementiam, illis, qui hanc sectam eiurare nollent, ad diuendenda bona, triennium concedebatur, falua facultatum & personarum securitate, atque debitorum repetitione: ita tamen, vt illo interuallo nemo exercitia sectae suae peragere, aut muniis publicis se immiscere possit, sub poenis antea expressis. C O N S T . a. 1658. p. 1. tit. *Sektá Aryánska*. Quod autem ad allegatum in Constitutione statutum! *Vladislai Iagellonis* attinet, sancitur in eodem, vt, quicunque in Regno Poloniae & Terris Regi subiectis, haereticus aut haeresi infectus, vel suspectus de eadem, fautor vel director repertus fuerit, per Regios Capitaneos, Consules ciuitatum, & alios officiales, aut quoslibet subditos Regios, siue in officiis siue extra viuentes, velut Regiae Maiestatis offensor capiatur, & iuxta exigentiam excessus sui puniatur. L A S C O Stat. f. 75. P R I L V S. Stat. p. 170. H E R B V R T. Stat. tit. *Haereticus &c.* Secuta a. 1659. noua in Arrianos constitutio, qua concessum illis antea triennium, ad duos annos, a decima Iulii a. 1658. numerando, redactum est, quod tamen Religionem Romano-Catholicam recepturis, nocere haud deberet. C O N S T I T . a. 1659. p. 1. tit. *Declaracya*. Binae hae constitutiones, alia, a. 1661. firmatae sunt, & vt

& vt executioni mandentur, magistratibus & iudiciis iniunctum. **C O N S T I T.**  
**a. 1661. p. 1. tit. O Aryánach.** Anno sequenti, noua lege declaratum, quod fe-  
minae omnes, **C O N S T I T.** anni 1658. subesse, & contra maritos, Catholicam  
Religionem amplexos, si vxores in erroribus Arrianorum perseuerantes retineant,  
famulas feruent, cum Doctoribus illius sectae commercia habeant, & prolem in  
tali blasphemia instrui permittant, eandem Constitutionem, tanquam contra fau-  
tores Arrianorum, extendi debere &c. **C O N S T . a. 1662. p. 2. tit. O Aryánach.** Denique  
**C O N S T . a. 1670. p. 19. tit. Sekta Aryánska.** Praefectis Regiis executionem supe-  
riorum legum, aduersus eos, qui Arrianorum erroribus fauerint, sine omni appella-  
tione, mandat. His Arrianis postea, Mennonistae, Anabaptistae & Quakeri  
aequati, vti antea dictum fuit.

### §. VII.

#### I U S A E Q V A L I T A T I S I N T E R C I V E S R E G N I .

Conseruando praerogatiuam libertatis, ius aequalitatis inter  
conciues Regni <sup>1</sup>, vti praecipuum fundamentum & decus pri-  
marium, imo matrem liberi status Equestris Ordinis, inter  
iura cardinalia istius Reipublicae tenebimus & obseruabi-  
mus, neque illud, per vllas nomenclaturas familiarum scilicet,  
Comitatuum, Marchionatum & titulorum Principum <sup>2</sup>, de-  
primi & debilitari permittemus, sed parem & in aequalitate vi-  
uentem omnem Nobilitatem, solo officio ex meritis parto di-  
stinguente <sup>3</sup> personas, censemus, imo cauebimus, ne poten-  
tior fiat grauis minori <sup>4</sup>.

<sup>1</sup> Conciues Regni non alii sunt, nisi Nobiles, minime oppidani, multo mi-  
nus rustici. Et illi quidem, veri & soli Regni ciues dici possunt, quod ipsi ciu-  
tate Polona, ac nemo aliis praeter eos, vtuntur. Ad hos, Polona illa libertas,  
adeo celebrata, pertinet. Ex iis Senatus expletur, ac Nunciorum conclave com-  
ponitur. Ipsi de Republ. consultant, leges sanciunt, munia siue pacis, siue belli,  
obeunt. Soli dignitates, praefecturas, praedia, panem illum bene meritorum,  
recipiunt. Idem sibi Reges constituunt, probaruntque superiori saeculo, posse  
eosdem & ex suo Ordine legi. Ut adeo multa, eaque praecipua habeant Poloni  
Equites, de quibus merito gloriari possint. Omnis tamen haec Nobilitas, natura  
est aequalis, quod omnes ex illa, ad eadem iura, in eandem spem nascuntur. Tituli  
Principum, Marchionum, Comitum, quibus alii prae aliis insigniuntur, vocabula  
sunt, quae statum non immutant, & qui illis gaudent, sua, non alio, quam Nobilium  
iure, tenent. Neque Polonia alias Principum, alias Marchionum, alias Comitum,  
alias Equitum leges nouit; sed omnibus una Nobilium lex scripta est. Inde in Con-  
clavi Nunciorum, *Czartoriscios, Sanguscones, Wiesniouicos, Radzivilios, Lubomir-*  
*scios, Ossolinios, Sapiehas, Zawiszas,* aliosque Principum & Comitum nominibus  
fulgentes, caeteris permixtos videmus. Nullum ibi inter modici agelli & pau-  
corum iugerum, ac aliquot oppidorum multorumque vicorum Dominum, ob-  
C servatur

seruatur discrimen. Praecedunt alii, alii sequuntur, non ex titulis Familiarum, sed ad Palatinatum Terrarumque, ex quibus Nuncii missi, ordinem. Eadem in senatu ratio. Assignat loca, muneris non stemmatis dignitas. Et qui Senator, non Princeps, non Comes, praecedit Principem ac Comitem non-Senatorem. Haec aequalitas ut seruaretur, Nobilitati curae fuit, cautumque per CONSTITIONEM anni 1638. p. 9. tit. *O tytułach*, ne varietas titulorum aequalitatem Nobilitatis tollat, aut inaequalitatem natalium inducat, & ut nemo, siue antiquis titulis, exceptis, qui in *Vnione Lituaniae* approbati, vti, siue nouos sibi expetere possit: quae Constitutio per aliam anno 1641 firmata est, CONST. dicti anni p. 8. tit. *O Tytułach*, addito: quod Lex illa titulis, quos *Vnio Lituaniae*, & incorporatio Palatinatum, Kiouensis, Volhynensis & Bracławiensis probarunt, nocere haud debeat, sed iidem ad mentem vnionis & incorporationis secundum antiquas consuetudines integri seruentur, salua per omnia paritate & aequalitate iuris, poenae, conditionis & praeminentiarum cum Nobilibus, sic, ut Principes & Nobiles pro uno Statu Equestri habendi. Fortius inaequalitati Nobilium ex titulis, CONST. a. 1673. p. 28. tit. *Cudzoziemskich tytułów abrogacya* occurrit, dum externa illa Principum, Comitum, aliaque huius generis nomina abrogat, & iisdem vti, sub poena perpetuae infamiae, foro, ad cuiusvis instantiam, coram Tribunal Regni assignato, interdicit, iis tamen exceptis, quos dicta *Vnio Lituaniae* & incorporatio memoratorum Palatinatum, continent. Antea, ad seruandam illam aequalitatem, Michael Rex in pactis conuentis promiserat, se consanguineos suos eodem iure, quo reliquam Nobilitatem habiturum. PORZ. ELEK. a. 1669. p. 23. §. Krewnych. quod in pactis Iohannis III. iisdem verbis repetitum legitur. Circa finem PACTORVM §. Krewnych. Ut in hanc rem paene eadem Augusti II. pacta exhibent, quibus Serenissimus FILIVS obstringi voluit.

2 Sunt in Polonia Principes seu Duces, Marchiones, Comites. Quod ad Principes siue Duces attinet, fuerunt iam olim in Lituania, ac Terris Kiouiae & Volhyniae. In litteris enim, quibus hae a. 1569. Regno iunctae, Principum occurrit mentio, ac in iis, quae Lituaniae seruiunt, nominatim Principes Ostrogiae, Czartoriscii, Sanguscones, Wiesniouecii memorantur. VOL. CONST. p. 170. In illorum numerum referendi Czetwertynskii, ex quibus Michael Swatopolk, Capitanus Zyczienskii, Palatinatus Bracławiensis Nuncius, generali confoederationi ultimi Interregni subscriptis. Neque omittendi Radzivilii, qui tum a Maximiliano I. tum a Carolo V. Caesaribus, Principum dignitatem obtinuerunt, quibusque a. 1518. & 1550. ab Ordinibus permisum, ut titulo illo libere vterentur. KOIALOWICZ Hist. Lit. Part. II. p. 374. 415. HARTK. Resp. Pol. p. 584. Hi, Principes publice appellantur, nomenque hoc in subscriptionibus solennioribus apponunt. Sunt tamen & alii Principes, ad illud fastigium a Caesaribus, recentiori aetate electi, scilicet Lubomirscii, Ossolinii, Sapiehae, alii, qui, ut in publicis negotiis, quae intra Regnum fiunt, hoc nomine abstinent, sic neque recipiunt. Dantur denique alias generis Principes, ut Archi-Episcopus Gnesnensis, qui primus Princeps, Episcopus Cracoviensis, qui Dux Seueriae, & Praeful Varmiensis, qui Sacri Romani Imperii Princeps, nominatur: quorum tituli non familiis, sed dictis dignitatibus inhaerent, ac ad Successores transeunt. Nouos tamen formauit Principatus, regnante Iohanne III. Episcopus Posnaniensis, Witwicki, Principem Slupczensem & Ducem Krobensem aut Krolensem semet vocando; ZALVSK. Ep. T. I. p. 1168. 1219. sed magnifica illa nomina, & dum erant, pro inanibus habita, cum Auctore suo extinguebantur. Marchionis titulus, initio superioris saeculi Myszkowiorum domui accessit. HARTK.

Resp.

*Resp. Pol. p. 565.* de quo idem tenendum, quod de Principibus recentioris aetatis diximus. Nostro saeculo, a. 1703. *Augustus II.* hac dignitate Sauarolianam familiam, in Italia, exornauit; *ZALVSK. Ep. T. III. p. 500.* quod tamen illa ad Polonas gentes minime pertinet, vt inter Nobilitatem locum habeat, ad Marchiones in Polonia referri haud potest, Comitum longe maior numerus, a Caesaribus hoc nomine insigniti: praeter quos & aliis hic honor a priuatis habetur, vt Comitum nomine salutentur: quod autem cum caeteris, & huius tituli vsum, antea allegatae Constitutiones interdicunt, in publicis scriptis minus frequens occurrit.

3 Omnis ergo inter Nobiles ordo, ex dignitate munera, neque aliunde auctoritas. Nulli & ad honores, eosque summos, praeclusus aditus, quod meritis patet.

4 Aequum est in Regno, vbi Maiestas legibus submittitur, priuatos coercere, ne potentia in aliorum iniuriam abutantur, & pietati Principis conuenit, prouidere, vt qui pares inter se, pari iure gaudeant.

### §. VIII.

#### BONA HAEREDITARIA A REGE NON ACQVIRENTA.

Bona haereditaria nec per Nos, nec per subordinatas personas, neque in prolem Nostram, neque pro Nobis Ipsiſ acquireremus.<sup>1</sup> Id quod pro Nobis & Successoribus Nostris cauemus<sup>2</sup>.

1 Leges Regni, ait PIASECIVS *Chron. p. 368.* & consuetudinem aduersari, quo minus Regia Domus bona haereditaria acquirat, idque eo consilio cautum, ne Rex acquirendo fundos ordinis Nobilium addictos, potentiam suam augeret, Nobilium vero imminueret, ac antiquitatem manutenendae liberae electionis studiosorem, tanto diligentius id prohibuisse, ne Principes Eorumque filii, arces & loca munitiora, in confiniis Regni possiderent, in quibus congregato milite extero, sub interregno, Regis noui electionem turbarent, vel repulsam passi, ad vicinos, vt Silesii Duces olim, deficerent. IDEM refert, *Chr. l. c. 5 p. 421.* aegre tulisse Polonos, quod Regina, altera Sigismundi III. Coniux, Comitatum Zywiecensem, octo milliaribus Cracouia distantem, a Nicol. Komorouio, sexingtonis millibus florenorum emerat, neque commotos inde animos prius confidisse, quam a. 1631. per Conſtit. fancitum, vt dictum Comitatum, eodem pretio quo emtus, tum Reipubl. tum priuatis redimere liceret: interea tamen per Praefectum Nobilem Polonum, iure bonorum Regiorum administraretur. CONST. a. 1631. p. 3. tit. O Dobrách Zywieckich. Simul alia lege in iisdem Comitiis, prohibitum, quo minus bona terrestria haereditaria, siue modo donationis, siue emtionis, siue hypothecae, siue quouis obligationis aut aliquo alio iure, in posterum ab aliis acquirantur, quam iis, qui splendore suarum personarum, super alios haud eminentes, iuri terrestri mere subsint, & per omnia, cum caeteris Regni incolis gaudeant aequalitate & paritate iuris & poenae: saluis iuribus Regiis, de iure caduco, inscripto, donato, ita tamen, vt bona ad Regem his modis deuoluta, indigenis Nobilibus vtriusque gentis conferantur. CONST. l. c. tit. O Dobrách Ziemsich. Exstat vetustius statutum, de oppignoratis Reginae Bonae, posteriori

*Sigismundi I.* vxori, castris, oppidis & villis, ne a Regni corpore auellantur, sed ut castris, Poloni, indigenae, Nobiles, praesint, & Regina, ac Regiae stirpis mascula sobole extincta, Nobilibus redimendi integra maneat facultas, & saluo interim, filiabus earumque successoribus, ex bonis, prouentu. PRILVS. Stat. p. 379. HERE. Stat. tit. *Bona Regalia.* Bonae filia Anna, eademque *Stephani* vxor, cesit Reipubl. terris, matri olim oppignoratis, Marito consentiente. SVLIKOVIVS p. 66. VOL. CONST. p. 250. tit. *Konsens.* Licet ergo leges & consuetudo intercedant, quo minus Rex bona haereditaria acquirat, seruat tamen ea, quae habuit, cum ad fastigium Regium eueheretur: ita tamen, ut bonorum illorum eadem, quae fuit, maneat natura. Quod exemplo *Iohannis III.* constare potest: qui in pactis conuentis se obstrinxit, administratores suorum bonorum, tum haereditariorum, tum Regiorum, ad querelas de iniuriis ex iisdem illatis, in iudiciis quibusvis Regni, iuxta praescriptum legis respondere, & iudicatis ex qualitate facti aut caussae prolati, sub executione de bonis & personis eorundem satisfacere deberet. PACTA CONV. *Ioh. III.* §. *Waruiemy.* Eidem *Iohanni III.* per CONSTITUTIO-  
NEM Anni 1676. p. 24. tit. *Starostwa,* concessum, ut Capitaneatus, ex antiquioribus Priuilegiis, ad dies vitae collatis, Ipse & coniux, vsque ad Vtriusque obitum retinerent, quos tamen Nobiles Poloni possessiones habentes, procurare, quique in omnibus caussis, foro & iudiciis, exemplo aliorum, qui Reipubl. bona tenent, subesse deberent, Ecclesiae & Reipubl. iuribus, oneribus, Quarta & hibernis per omnia saluis.

<sup>2</sup> Idem cauit in pactis suis *Augustus II.* Qui, cum Varsauiae Palatum, ut dicebatur, Morstynense, ac diuerfa suburbana, terrasque ad eadem pertinentes, ex suo aerario comparasset, ut pro ea, qua solebat magnificentia instrueret, Ordines, quo gratum in diuinum Regem testarent animum, in Comitiis Grodnenfibus a. 1726. CONST. d. a. tit. *Palac Nasz Morstynowski,* consenserunt, ut eadem omnia Rex legitime possideret, ac ad haeredes ex suo sanguine, transmitteret.

### §. IX.

#### IVSIVRANDVM REGVM ET PACTA CONVEN- TA, SINGVLIS COMITIIIS, CORAM ORDINIBVS LEGENDA.

Iuramentum Nostrum <sup>1</sup> & Pacta Conuenta summarie collecta, in quibusuis Comitiis prima die, loco articulorum Mareschalcium in praesentia Senatus legi debent <sup>2</sup>, qua lectione Patorum Conuentorum, cuilibet Nunciorum liberum erit, notare exorbitantium <sup>3</sup>, si quae euenerit.

<sup>1</sup> Iurant noui Reges Republicae, dum coronantur. Extat formula vetustior apud LASCONEM Stat. f. 161. PRILVSIVM Stat. p. 20. alios. Post Sigismundum Augustum, successit alia, VOL. CONST. p. 226. estque iisdem verbis scripta, ad quam Michael, Augustus II. & Augustus III. fidem suam obstrinxerunt, a qua caeterorum Regum aliquantum diuerfa. Spopondit autem SACRA RE-  
GIA MAESTAS, „Se omnia iura, libertates, immunitates, priuilegia pu-  
„blica & priuata, iuri communi vtriusque gentis, (Polonae & Lituanae) & liber-  
„tatis

„tatibus non contraria, per Reges & quoscumque Principes Regni Poloniae & M.  
 „D. Lituaniae, praesertim vero Casimirum M. & qui Ipsum exceperunt, iuste  
 „& legitime data, ab omnibus Ordinibus tempore Interregni fane, Sibique ob-  
 „lata, tum pacta conuenta, per Ordines Regni & M. D. Lituaniae sibi tradita, in  
 „omnibus conditionibus obseruaturam; pacem & tranquillitatem inter Dissiden-  
 „tes de Religione Christiana tuituram; quae in Electione Regni constituta, aut  
 „in Comitiis Coronationis constituenda, haud violaturam, omnia illicite a Regno  
 „Magnoque D. L. & Dominiis eorundem quocunque modo alienata, vel bello,  
 „vel quouis modo distracta, ad proprietatem Eiusdem Regni Pol. & M. D. L. re-  
 „ducturam, terminosque Regni & M. D. L. non minuituram, sed defensuram &  
 „dilataturam; iustitiam omnibus incolis Regni, iuxta iura publica in omnibus  
 „Dominiis constituta, absque omnibus dilationibus & prorogationibus admini-  
 „straturam, nullo quorumuis, etiam sanguinis sui, respectu habito; denique in  
 „dispensatione distributiae iustitiae non se alligaturam ad affectum & propensi-  
 „nem naturalem sanguinis, sed in disponendis occurrentibus officiis & beneficiis  
 „Reipubl. solam ipsam bene meritorum rationem, pae oculis & corde habituram.  
 „In fine additur: Et si, (quod absit) in aliquibus iuramentum meum violauero,  
 „nullam mihi incolae Regni, omniumque Dominiorum vniuersusque Gentis,  
 „obedientiam praestare debebunt: imo ipso facto, eos ab omni fide & obedien-  
 „tia Regi debita, ad mentem Constitutionum, in pactis conuentis expressarum,  
 „liberos facio, absolutionemque nullam ab hoc meo iuramento, a quoquam pe-  
 „tam, neque vltro oblatam suscipiam. Sic me Deus adiuuet, & haec sancta  
 „Christi Euangelia.

2 Caput de iureiurando Regio, & pactis conuentis summarie collectis, in quibusuis Comitiis, primo statim die, loco Mareschalcalium articulorum, in praesentia senatus legendaris, primum PACTIS CONVENTIS Michaelis inseratum. §. Przyśiega nászā. Iisdem verbis in Iohannis III. PACTIS repetitum, Senatus saltem praesentia, in omnium Ordinum, mutata. §. Przyśiega nászā. Augusti II. adiectum est, „vt lectio clare, alta voce, distinctis verbis, nullum omittendo punctum, fiat, & cuilibet libere dicere, si in aliquo a Rege exorbitatum fuerit, Regemque praemonere concessum sit. §. Przyśiega nászā. Praeter id, quod hac de re, pacta Regum continent, iniungit & CONST. a 1690. tit. Obiasnienie. CONST. p.2. Salutatione Regia a Nunciis peracta, pactorum conuentorum lectio- nem. Legem usus firmat, aegreque latum, cum in Comitiis coronationis Michaelis, pacta conuenta lecta non fuissent. Epist. Z A L. T. I. p. 170. Fieri tamen lectio- nem in ordinariis saltem comitiis, non in extraordinariis, duarum aut trium hebdomadum, docuit HARTKNOCHIVS de Republ. Pol. L. II. c. 6. §. 13. & exemplo probauit. Solet eadem & in Comitiis ex prorogatione, aut limitatione institutis omitti, quod eadem cum prioribus, pro viis habentur. Idem de Comitiis interregni tempore tenendum, Principe, qui pactis obstringebatur, extin- cto. Per primam autem diem, lectioni pactorum assignatam, non ea est intelligenda, qua comitia inchoantur, sed qua Nuncii Equestris cum suo Mareschalco, primum Senatorum conclave ingrediuntur. Tunc enim, Rege per Mareschal- cum salutato, dato Maiestatis nomine Responso, admissisque ad Regiae manus osculum Nunciis, lectio fieri consuevit, eamque Comitialis, vt vocatur, proposi- tio excipere: quod & allegata CONST. a 1690. innuit. Peragitur autem lectio a Referendario, aut alio Magistratu non Senatorii Ordinis, vt a. 1718. in Comitiis Grodnensisibus, Secretario Maiori M. D. Lituaniae, & a. 1724. in Varsauiensibus, a Regente Cancellario Regni. Id tantum seruat discrimen, vt, si intra Regnum ce- lebran-

lebrantur Comitia, hoc muneris a magistratu Polonico, si in Lituania, a Lituanico absoluatur. Haec pactorum conuentorum, pro articulorum Mareschalcium lectione obtinet. Intelligitur vero per *articulos Mareschalcates*, edictum iudiciorum Mareschalcium pro tranquillitate, mercandi libertate, & seruandis rerum venalium pretiis, comitiorum in primis tempore: quale edictum perpetuum CONST. a. 1678. inter SCITA LIT. p. 22. & seq. insertum legitur. Antequam in Comitiis a. 1690. pacta C. legerentur, praefatus quasi Mareschalcus Regni, dicendo: „fuisse olim moris, ut articuli Mareschalcates legerentur, qui cum in „volumen legum iam relati essent, se Ordines lectione eorundem morari nolle, „sed quemque ad Constitutiones remittere. Epist. ZAL. T. I. p. 1162.

3 V sitatum hoc vocabulum Polonis, quo notant, discessum esse ex legum orbita. Multus in primis interregni tempore, de exorbitantiis earumque medella, sermo, obiectumque Regibus saepius, a pactis conuentis deflexisse. Frequentes illas querelas recensere, nimis longum foret, & forte extra instituti nostri orbitam.

### §. X.

#### DE IVRAMENTIS ET PROMISSIONIBVS PRIVATIS.

Ne iustitia distributiua, occasionem ambitui ciuium praebeat, circa collationem honorum & beneficiorum<sup>1</sup> a nemine vlla priuata iuramenta exigemus,<sup>2</sup> nec submissiones subscriptas<sup>3</sup> postulabimus. Et si alii propter promotionem in Regnum, per Nos, vel per subordinatas personas, aliquid promiserimus vel assecu rauerimus, tam in Regno, quam in M. D. Lituaniae, & Prouinciis annexis, hoc debet esse nullitatis, neque vllatenus promissum adimplere tenebimus, sub nullitate.

<sup>1</sup> Est Regis, dignitates tum sacras, tum ciuiles conferre. Recte hoc ius, soli Principi Konarscius, Legationis ad Henricum Andegauensem, princeps, afferuit. FREDRO Hist. Henr. p. 97. edit. 2dae. Fusius PIASECIVS Chron. p. 50. Rex, inquiens, supremus meritorum cuiusque & virtutum arbiter, omnes in Rep. magistratum, officiorum titulos, qui sunt innumerii, ac plurimi potestatis eminentia sub limes, solus confert. Ecclesiastici quoque, Episcopatus, qui in illo Regno sunt opulentiores, Abbatias, & alios dignitatum in Ecclesiis Pontificalibus potiores gradus, nonnisi fauore Regis adeunt. Et in eo Regiae auctoritatis neruus consistit &c. Hoc suo iure Princeps recte vtitur, omnemque ciuium ambitum longe arcet, quando vacua haec multorum generum munia, idoneis, & ad normam legum confert, de quo ad §. XVII. dicendi erit locus.

<sup>2</sup> Iurant Regi, quibus honores & beneficia conferuntur, sed publicum hoc est iusiurandum, quod in Reipubl. usum praestatur. Diuersum ab illo est priuatum, quo candidati se ad solius Regis, seu aulae, ut dici solet, commoda obstringunt. Hoc Reges haud exigunt, & quo minus exigant, pacta vetant. Cum Iohannis Casimiri tempore, Reginae in primis auspiciis, noui Regis electio, Principe licet

licet incolumi, agitaretur, placuit ad rem nouam & legibus contrariam, aulae adictiores inter alia secretiori sacramento constringere, neque, dubitandum, promtos fuisse, qui dignitates captabant, cum hac via aditus pateret. *Kochov. Ann. Clim. III. p. 26.* Frustra quidem fuit omne hoc inceptum, ne tamen deinceps eiusmodi iusurandum postularetur, prouiderunt Ordines in P.C. Michaelis *§. Zebij iustitia* repetieruntque iisdem fere verbis in sequentibus.

3 Fiunt submissions, quando ii, qui nouos honores petunt, se Regis voluntati ita submittunt, ut in Eius commoda, suum studium & operam pollicantur, estque subscripta submissio, dum hoc suum promissum, nominis subscriptione firmant. Dedit pariter huius rei exemplum *Iohannis Casimiri* regnum, feruentibus de eligendo successore consiliis, dum consciit non tantum certum Diploma a Rege reciperent, sed & ipsi singulari scripto, *Eidem vicissim nonnulla in hanc rem promitterent.* *Kochovivs l. cit.*

### §. XI.

#### DVO SVPREMA STATVS MINISTERIA NON VNI FAMILIAE, ET ABBATIAE AC DIGNITATES BENE MERITIS CONFERENDAE.

In vnam familiam duo ministeria suprema Status, vti Clauas, *Sigilla*, Baculos Mareschalcates, Thesaurariatus in Regno & M.D. Lituaniae, non conferemus<sup>1</sup>; nec Abbatias<sup>2</sup>, Dignitates & Capitaneatus minorenibus, sed solum bene meritis terrigenis, aetate & ratione vigentibus<sup>3</sup>, saluis modernis possessoribus.

*I Habet tum Polonia, tum Lituania, suos Administros, eosque plurimos, non tamen omnes eiusdem dignitatis. Sunt enim alii Senatorii, alii Equestris Ordinis. Ad priores, vtriusque gentis Mareschalei supremi & curiae, Magni Cancellarii & Procancellarii, vna cum supremis Thesaurariis referentur: posterioribus, caeteri omnes, ipsique belli Duces annumerantur. Illorum munia merito suprema Status ministeria dicuntur, quod supra reliqua eminent. Pacta iis adiiciunt clauas, quae insignia exercituum Ducibus tribuuntur, forte ob Ducum illorum potestatem, quae tanta est, vt, si non superant supremos illos Administros, minimum aequent. Saepius autem contigit, vt duo, imo plura eiusmodi ministeria, eodem tempore, in vna essent familia. Ne altius rem repetamus, regnante Sigismundo III. Lituaniae supremus & curiae Mareschalcatus, vt & suprema exercitus Lituanici praefectura, in Radziuiliorum; sub Vladislao IV. Lituaniae vterque Mareschalcatus, supremus Cancellarius, & minor exercitus praefectura, in eadem domo; Iohannis Casimiri tempore, eiusdem M. Ducatus, supremus Cancellarius & exercitus minor praefectura, in Paciorum; Rege Iohanne III. vterque Regni Mareschalcatus in Lubomirsciorum; Lituaniae Thesaurariatus, Mareschalcatus curiae, & suprema exercitus praefectura, in Sapieharum; Cancellarius vero vterque in Radziuiliorum gente simul fuerunt. Ne tamen in posterum tanti honores in vnam familiam congererentur, cautum, primum in PACTIS CONVENTIS Aug. II. Takie w ieden Dom, quod in praesentibus repetere placuit.*

2 Ius nominandi Abbates, monachi Regibus non modo ambiguum reddere conati, sed & plane negare sustinuerunt, Curia Romana, ex suis rationibus illos fulciente. Iuuat, quae pro Regibus allegantur, in medium proferre. Affirmant iuris Regii vindices, „monachis, quamdiu ad regulas suas vitam egissent, permisam fuisse suorum Abbatum electionem, cum autem ab iis recessissent, ac varia, „& Regno, & Religioni Orthodoxae moliri coepissent aduersa, Reges, & quidem „a Casimiro III. prouidendo publicae securitati, & ne piae Maiorum suorum, ci- „uiumque fundationes labefactarentur, electionibus Abbatum manum admouisse, „easque primum statutis circumscribere, deinde suis nominationibus restringere „orsos, tum iure supremi Dominii, tum fundationis & dotationis, tum simili „aliorum Regum exemplo, nec minus praeiudicato, ab Electione Episcoporum „ob similes caussas, Capitulo ademta, desumto, denique priuilegio, seu conni- „ventia saltem ac tacita approbatione Sedis Apostolicae, quae maluerit Abbates „nominari a Regibus, quam eos cum Monachis, haeresibus, aliisque malis infici. „Et satis quidem modeste Reges cum Monachis egisse, non plane eorum electio- „nem tollendo, sed quem nominassent, monachis per litteras commendando & „Subdelegatos mittendo, vt nominatum eligerent, postulaturos : Monachos non „minori reverentia egisse, eligendo eum, quem Rex nominasset. Quodsi ali- „quando diuersum elegissent, eum Reges adire Abbatiam haud passos, imo inde „per vim exturbasse. Nominasse autem Reges aliquando eos, qui eandem regulam „professi, hancque nominationem proprie dici electionem, & tali modo electos, „a loci Ordinario sacratos fuisse, sine recursu ad Sedem Apostolicam. Aliquando „Praelatos saeculares fuisse nominatos, habitum & professionem illius ordinis af- „sumere volentes, eandemque iure vocari postulationem, & tales non minus or- „dinarie, sine recursu ad S. Sedem, nouiciatu absoluto, & facta professione, a loci „Ordinario sacratos, Abbatiam occupasse. Denique nominatos a Regibus Epi- „scopos, seu alios Praelatos, in administratores perpetuos, seu commendatarios „Abbates, talesquecumque Abbatias, sine prouisione Apostolica per bullam, ad- „iisse. Vladislaum Regem recensuisse diplomate quodam, quas Abbatias pro- „fessis, quas professandis, quas in commendam esset collocaturus. Sed & ipsum „& Eius successorem Casimirum, intra hos limites haud substitisse, sed potestate „sua v̄sos, Abbatias quascunque siue in titulum, siue in commendam, per suas no- „minationes contulisse, sede Apostolica eas admittente, neque in bullis suis ullam „mentionem electionis monachorum, sed tantum Regiae praesentationis faciente. „Tempore Michaelis, priuatam inter Episcopos quosdam dissensionem, occasio- „nem dedisse Curiae Romanae & Monachis, dubitandi de iure Patronatus Regio, „collata Andraecouensi Abbatia Obcrouio Episcopo Culmensi, vt magnae ipsi in „adeundo mouerentur difficultates. De hoc negotio postea Iohannem III. cum „summo Pontifice per diuersos, sed frustra egisse, expeditis interea nonnullis ad „Regiam nominationem, etiam in commendam, Abbatii. Quo tamen omnis „tolleretur controversia, Eundem Regem a. 1585. per Doenhoftum, Legatum „suum a Papa postulasse in perpetuum nominationem in commendam ad 15. va- „riorum Ordinum Abbatias, quinque liberae electioni monachorum relictis: sed „hos, quo minus id impetratum, omnibus viribus obstitisse. Sequentia a. 1686. „Cistercienses se Regi submisso, vt ex 15. suarum Abbatiarum, ad quinque Rex „nominaret in commendam saeculares Praelatos, ad alias quinque pariter Saecu- „lares Praelatos, sed cum obligatione Professionis, ad reliquas quinque, ipsi mona- „chi, sine Regia nominatione, ex medio sui Abbes titulares eligerent: verum „omne illud suo caruisse successu. Nec minus irritum fuisse, cum Pater Vota,

„S. I. a Rege a. 1692. Romam missus, a Papa Innocentio XII. impetrasset, vt  
 „omnes Abbatiae diuiderentur, in singulis binis Abbatibus, titulari altero, altero  
 „commendatario, constitutis. Epist. Z A L. T. II. p. 780. & seq. In his, regnante Joh.  
 III. lis de nominatione Abbatum Regia substituit. Post Eius obitum, Regium  
 ius in conferendis Abbatii, per P. C O N V E N T A Augusti II. asserebatur. §. cit.  
 Tákze w ieden Dom. & §. Iura Patronatus. quo & C O N S T. a. 1699. p. 48. tit.  
*Jus Patronatus*, pertinet, vt omnes leges de Iure Patronatus latae, statim post dicti  
 anni Comitia, in executionem deducerentur. Nec omittenda legatio, Ordinum  
 consensu a. 1726. ad S. Pontificem decreta, cui praeter alia & Abbatiarum nego-  
 tium commendatum fuit. C O N S T. a. 1726. p. 7. tit. Poseltwo. Abbatiae tamen,  
 ne minorenibus dentur, pariter Aug. II. in suis P A C T I S cauit. §. cit. Tákze.  
 Et longo ante tempore, anno scilicet 1550. Sigismundus Augustus statuit, vt no-  
 vi Abbates viri sint idonei: V O L. C O N S T. p. 8. §. Aby. quo legitima aetas in-  
 nuitur. Sed non desunt exempla Abbatiarum minorenibus collatarum, quo-  
 rum nonnulla, quae Iohannis Casimirii tempore exstiterunt, Olszouius, Culmen-  
 sis tum Episcopus & Regni Procamellarius, in Epistola ad Ottobonum, Ecclesiae  
 Romanae Purpuratum, data, recenset. Epist. Z A L. T. I. p. 87.

<sup>3</sup> De Dignitatibus & Capitaneatibus bene meritis &c. conferendis, infra ad  
 §. XVII. agetur.

## §. XII.

### Q V O T C A P I T A N E A T V S E T T E N V T A E V N I C O N F E R E N D A E.

Similiter vni personae, vltra duos Capitaneatus boni prouen-  
 tus<sup>1</sup>, aut Tenutas insignes<sup>2</sup>, (quibus Capitaneatus cum iurisdi-  
 ctione<sup>3</sup>, includi non debent;) pariter feminis, vltra duos Capi-  
 taneatus boni prouentus, iure communicatio<sup>4</sup>, exceptis Ca-  
 pitaneatibus limitaneis<sup>5</sup> & cum iurisdictione, quorum posse-  
 sionis secundum iura sunt incapaces<sup>6</sup>, tenere non erit permis-  
 sum, saluis itidem modernis possessoribus<sup>7</sup>. Et vbi alicui di-  
 gnitati, Capitaneatus aliquis Castrensis annexus fuerit, alterum  
 eiusmodi Capitaneatum, neque in hoc, neque in alio Palatinatu  
 conferemus<sup>8</sup>.

<sup>1</sup> Capitaneatus & Tenutae, quarum hoc §pho mentio fit, appellantur uno  
 nomine, bona Regia, vt & panis bene merentium, aut bene meritorum. Di-  
 uersa sunt ab Oeconomiis, bonis Ecclesiasticis, terris Nobilium haereditariis, ac  
 Ciuitatum fundis. Audiunt Regia bona, quod a Rege priuatis conferuntur, &  
 bene merentium panis, quod bene de Republ. meritis merentibusque dantur, aut  
 dari debent, vt illis, quasi pane sustententur. Neque Capitaneatus a Praefecturis  
 diuersi, quod Capitanei, arcium oppidorumque Regiorum sunt Praefecti. Illo-  
 rum numerus sat magnus, qui in dies crescit, dum Tenutis plurimis Capitanea-  
 tum titulus imponitur, quod earum possessores, Tenutariorum nomen fastidien-  
 tes, Capitanei dici malunt. Quod ad fructus attinet, diuersa est Capitaneatum

conditio, dum aliorum ampliores, aliorum minores sunt reditus, prioresque boni prouentus nominantur, quamuis Lex eosdem ad certam summam haud redigit. Eiusmodi Capitaneatus vltra duos vni conferre, primum per pacta *Augusti II. §. Jedney zas.* prohibitum, salua Regi, minorum reddituum superaddendi facultate.

2 In Pactis *Augusti II.* leguntur Tenutae insignes, posterius vocabulum in praesentibus omissum: vult tamen legis ratio, vt vel subintelligatur, vel exprimatur. Pertinent Tenutae pariter ad bona Regia, vt nota praecedenti monitum. Sunt tamen illae Capitaneatibus minores, neque arces & oppida, sed vnum pluresque pagos complectuntur, habentque inde qui possident, Tenutariorum nomen. Id ipsis cum Capitaneatibus commune, quod aliae aliis ampliores, ex quibus insignes intelliguntur, quae caeteras redditibus praestant.

3 Capitaneatum alii sunt cum iurisdictione, alii sine iurisdictione. Priors dicuntur, quorum Capitanei iudicia exercent, posteriores, quibus haec potestas non inest. Separantur illa a Capitaneatibus boni prouentus, & multo magis a Tenutis, quod Capitaneatus optimorum reddituum, sine iurisdictione dantur, Tenutarii autem omnes iudicandi facultate carent. Hoc loco ideo in primis eorum fit mentio, ne Capitaneatus iurisdictionales, cum boni prouentus, & Tenutis insignioribus confundantur, quod illorum vnu tantum, non duo, ab uno, haberi potest: idque ex C O N S T. a. 1562. quae duos possideri vetat, illisque, qui sibi eosdem a Rege expetiissent, bonorum confiscationem & mulctam ducentarum marcarum, coram quoquis iudicio irrogat, addito, vt statim ex illis vnum Capitaneatum dimittant. V o l. C O N S T. p. 23. tit. O dwoyga. Possunt ergo vni conferri duo Capitaneatus boni prouentus, non item cum iurisdictione, sed necesse est, vt alter illorum eademi destituatur.

4 Ius communicatiuum in Capitaneatibus & Tenutis est, quando ita confeuntur, vt vxor post mariti mortem, quamdiu ipsa vixerit, retineat, iisdemque fruatur; sic enim possessio bonorum Regiorum cum vxore communicatur. Dicitur etiam adulitalitas vxori concessa, quod ius illud usque ad vitae finem profertur. Iam autem a. 1662. singulari C O N S T. p. 9. tit. O Dożywociách, sancitum est, ne vxores superstites, vltro duo bona Regia, siue ea Capitaneatus, siue Tenutae fuerint, possideant.

5 Vocantur limitanei Capitaneatus, qui in limitibus siti, vicinarum gentium prouincias tangunt, aut parum ab illis distant.

6 Feminas Capitaneatibus limitaneis, vt & iis, qui iurisdictione gaudent, leges Regni arcent. De limitaneis intelligenda C O N S T. a. 1635. p. 26. tit. O Stároftwach, quae interdicit, in Capitaneatibus Vkrainensibus, marito & vxori in solidum adulitalitates concedi. Illustrat eandem alia, anni scilicet 1647. p. 34. tit. Dekláracya, quod tantum de Kiouiensi intelligi, non ad Podoliae Palatinatum extendi, & si ibidem ratione eiusmodi adulitalitatum, processus & decreta intercesserint, irrita esse, nec ad executionem deduci debeant, sub poena euocationis & refusionis damnorum, in Tribunal Regni, inter caffas officii decernenda. Anno autem 1662 sancitum, C O N S T. díđi a. p. 9. tit. Dożywoćie, ne feminae in Capitaneatibus limitaneis, non tantum Vkraina, sed & in Palatinatibus Russiae & Podoliae, ius communicatiuum habeant, & licet aliquis eiusmodi adulitalitatem pro vxore sua obtinuerit, vt illa nullius valoris sit. Inde cum Helena

Mian-

Mianczynscii vxor, in Capitaneatu Krzepicensi, ius communicatium obtinuerit, irritum illud declaratum, quod Capitaneatus limitaneus esset. CONST. a. 1678. p. 13. tit. *Dożywoćie.* Ratio legis in promptu est, quia Capitaneis limitaneis incumbit, securitati finium prouidere, cui minus idoneae habentur feminae. Neque iis ius dicere concessum, quod tamen Capitaneatus iurisdictionales exigit. *Sigismundus III.* promisit, VOL. CONST. p. 529. tit. *Stároštwa.* Se Capitaneatus cum iurisdictione, pueris infra legitimam aetatem constitutis, non collaturum, sed hominibus idoneis, de Rege & Republ. bene meritis: quo tacite feminae remouentur. Et CONST. a. 1647. p. 34. tit. *Dekláracya,* qua ius communicatium feminis in Palatinatu Podoliae conceditur, Capitaneatus cum iurisdictione nominatim excipiuntur.

7 Quae hactenus hoc §. illustrauimus verba, & in AVGVSTI II. pactis inueniuntur, praeter quod Capitaneatus cum iurisdictione, quibus excluduntur feminae, omitti. Voces autem quae iam sequuntur, primum praesentibus accesserunt.

8 Est Capitaneatus Castrensis, non aliis, nisi cum iurisdictione, inde & iudicia castrensa audiunt, quae Capitaneus, aut quae quis veluti Capitaneus exercet. Iunctus dicitur alii dignitati, quando Palatinus, aut aliis Dignitarius, per hanc suam dignitatem, simul Capitaneus cum iurisdictione euadit: habetque id Prussia singulare, quod Capitaneatus Castrenses & Palatinatus sociati perpetuo, ut non aliis sit Capitaneus cum iurisdictione, quam loci Palatinus. Ne ergo talis Dignitarius alterum Castrensem Capitaneatum expetat aut recipiat, eadem simul vetat lex, quae teneri ab uno duos cum iurisdictione Capitaneatus vetat. Rem exemplo illustrabimus. Melchior *Weiber*, Culmensis Palatinus, in Comitiis a. 1631. in ius vocabatur, quod praeter Koualeuiensem, Palatinali dignitati iunctum, Valcensem in maiori Pol. cum iurisdictione Capitaneatum possideret. Obiiciebatur eidem CONST. a. 1562. cuius poenam incurrisset: Palatino contra allegante, Prussos Regni Constitutionibus haud teneri. Secuta Regis sententia, qua datum *Weiberi* in Rempabl. meritis, ut Capitaneatum vtrumque retineret, ac poena, quam incurrisse accusabatur, immunis esset: addito tamen, ne in postrem ullus Palatinorum Prussiae, praeter dignitati sue iunctum, Capitaneatum cum iurisdictione reciperet. HIST. P.R. T. V. p. 242. § 252.

### §. XIII.

#### DE ADVOCATIIS.

Hoc etiam promittimus, quod priuilegia, Capitaneis in Aduocatias<sup>1</sup>, quae olim seorsum collatae fuerunt, non dabimus<sup>2</sup>, neque plebeiis personis Tenutas concedemus<sup>3</sup>, exceptis his plebeiis personis, quae meritis ab aliis distinguuntur.

1 Praeter Capitaneatus & Tenutas, *Aduocatiae* pariter bonis Regiis annumerantur: suntque possessiones, Capitaneatis & Tenutis vulgo minores, nisi quod interdum ipsas Tenutas redditibus superant. Ortae creduntur, cum Reges incultas terras priuatis concederent, ut ad agriculturam instruerentur, ac pagi in iis conderentur, data illis in nouos colonos iurisdictione, cum aliquot in usum fructum iugeribus, ac aliis, quibus vterentur, concessis commodis. Ex iis aliae

Capitaneatibus olim iunctae, ut simul a loci Capitaneo teneantur, aliae Ciuitatibus a Rege in perpetuum concessae, aliae denique seorsum seruatae, ad vitae tempus conferuntur. De primi generis *Aduocatiis* a. 1607. sancitum, VOL. CONST. p 838. tit. *O Kádukách*, ne in posterum Capitaneatibus iungantur, sed ut tam in Regno, quam in M. D. Lituaniae, bene meritis cedant: quod a. 1620. repetitum. CONST. dicti a. p. 6. tit. *Nagroda*, *Aduocatarum Ciuitatibus datarum*, in Constitutionibus passim fit mentio, in primis CONST. a. 1662. p. 15. tit. *Deklárácy*, Ciuitatibus & Oppidis lege publica incorporatas memorat. Ut tamen in dandis *Aduocatiis*, militum habeatur ratio, allegata CONST. a. 1620. prouidit, quam alia anni 1647. tit. *O Woytoftwach* p. 8. firmat ac illustrat. Amplior tamen est lex anni 1662. qua caustum, ut Aduocatiae & Scultetiae solum militibus bene meritis conferantur, sub nullitate priuilegiorum & eorundem reuocatione, ad instantiam cuiuslibet illorum, utque militibus delatoribus illae cedant, salua tamen facultate, eas Regis consensu, aliis Nobilibus vendendi. Saltem excipiuntur Aduocatiae in Regis Oeconomiis, & reformationi, ut Polonis dicitur, *Reginae subiectae*, reformatione durante, simul ciuitatibus & oppidis, lege publica incorporatae, nec minus quas Capitanei iurisdictiones, in commodum iurisdictionis suae tenent. Contra, *Aduocatiae* omnes, quas personae plebeiae habent, vacuae declarantur, & militibus bene meritis conferuntur: modo possessio non violenter, sed legitima juris via, in iudiciis Regiis capiatur, solutis antea summis & impensis in *Aduocatias* factis. Denique seruat sibi Rex *Aduocatias* 10, a Se, hominibus in suo ministerio agentibus, conferendas. CONST. a. 1662. p. 15. tit. *Deklárácy*.

2 Est sermo non de illis *Aduocatiis*, quae ita Capitaneatibus iunctae, ut simul cum his Capitaneis cedant, sed de illis, quae licet in Capitaneatu sitae, non tamen statim cum illo fiunt Capitanei, verum aut a diuersis, aut si a loci Capitaneo, singulari Regis diplomate haberri solitae. Eiusmodi Aduocatiae in posterum Capitaneis loci haud concedendae, ne talis possessio, necessario ad Capitaneum successorem transeat, ac Regia munificentia ad pauciores redigatur. Nihilominus potest Capitaneus, in alio Capitaneatu Aduocatiam obtinere, quod nullus inde metus, hanc suo Capitaneatui iunctum iri perpetuo, cum, quod sita in diuerso, potius diuersa maneat.

3 Plebeii dicuntur, qui non sunt Nobiles, talesque ad bona Regia non admitti, abunde constat. Edixit Sigismundus Augustus, se Capitaneatus & Tenutas Nobilibus collaturum. VOL. CONST. p. 24. Et Sigismundus III. omnia quaecunque vacua futura, equestris conditionis hominibus, se daturum promisit. CONSTITVT. a. 1631. p. 4. tit. *O Wákancyach*. Excipiuntur tamen in pactis plebeii, qui meritis praestant.



## §. XIV.

## PALATINI CULMENSIS REDITVS AVGENDI.

Et quoniam Palatinatus Culmensis, ordine in Prussiae provincia primus<sup>1</sup>, admodum tenui, ex Capitaneatu Koualeuiensi, ipsi incorporato<sup>2</sup>, gaudet prouentu<sup>3</sup>, nulla ad alios Palatinatus Prussiae habita proportione, ita, vt sine insigni proprietatum bonorum diminutione, publicis inuigilare curis non possit: ergo spondemus, Nos huic Palatinatui<sup>4</sup>, ex primis in Palatinatu Culmensi vacantibus, Capitaneatum aliquem, siue bonum aliquod Regale<sup>5</sup> addituros, & Capitaneatui Koualeuiensi esse incorporaturos<sup>6</sup>. Quod Ordines Regni in primis Comitiis, Constitutione approbabunt.

<sup>1</sup> Prussiae pars, quae iuncta est Poloniae, tres habet Palatinatus, Culmensem, Mariaeburgensem & Pomeraniae: descripta olim in quatuor, cum saeculo XV. tota fere haec Provincia, se Regi Poloniae vltro subiecisset, addito caeteris Regimontano, & pro Mariaeburgensi Elbingensi instituto. Desit mox Regimontanus, cum tractum illum Equites Teutonici Ordinis reciperent, Elbingensis vero Mariaeburgensis dici coepit. Ut autem prima Palatinatum ordinatione, Culmensis praelatus caeteris, sic perpetuo seruatum, vt Palatinus in Senatu Prussico, Episcopos Varmiensem & Culmensem subsequatur, caeteros autem ciuilis Ordinis consiliarii praecedat.

<sup>2</sup> Koualeuiensis Capitaneatus, germanica lingua Schoenseenis, situs in Culmensi Palatinatu, est castrensis seu cum iurisdictione. Iungebatur is a. 1611. Palatinali dignitati in perpetuum, vt ipsum teneret Palatinus, ac redditibus fruenteretur. HIST. PRVSS. T. V. p. 49. CONST. a. 1611. p. 31. tit. Kriegi.

<sup>3</sup> Iam olim, & saepius, de tenui ex Capitaneatu Koualeuiensi prouentu, questi Prussiae Ordines, & vt in gratiam Palatini Culmensis aliunde augeretur, ad Regem preces detulerunt. In sua ad Regni Comitia anni 1636. *instruzione*, his vtuntur verbis: „Quoniam propter extenuatos Capitaneatus Koualeuiensis prouentus, Illustris Palatinus Culmensis, neque brachium Regale decenter tueri, neque Officialibus Castrenibus sufficienter prouidere potest: Domini Nuncii nostri vrgebunt, vt iurisdictione Castrensis Brodniciam transferatur, is idemque Capitaneatus Brodnicensis pro iurisdictione Castrensi Palatinali Culmensi, post mutatum statum Regiae Principis, Palatino loci pro tempore existenti, conferatur. HIST. PRVSS. T. VI. Document. p. 61. In alia *instruzione* anni 1645. petunt iidem Ordines, „vt maiores Palatinatui Culmensi, ob exiguitatem eorumdem accedant prouentus, vtque auulsa ab eodem vicissim restituantur, vtque Palatino, Capitaneatus Golubensis vacuus conferatur. HIST. PRVSS. l.c. p. 123. Interregni tempore a. 1648. sanxerunt Prussi, futuro Regi inter Pacta Conuenta referendum, „vt, quoniam Palatinatus Culmensis sessione quidem superior, prouentu vero omnium postremus, Is Capitaneatum Brodnicensem in castrum Culmense conuertat, ibidemque Iudicia Palatinalia & Vice-Palatinalia exercentur,

„antur, Capitaneatus vero Koualeuiensis vti vacuus remaneat. H I S T. P R V S S. T. VII. Document. p. 10. Fuit quidem haec res in pactis conuentis silentio transmissa, cum tamen eandem ad nouum Regem, statim post coronationem deferrent Prussi, promisit Is seorsum, Se Brodnensem Capitaneatum, pro Koualeuiensi, dicto Palatino, post Supremi Regni Cancellarii, cui modo cesserat, mortem, collaturum. H I S T. P R V S S. T. VII. p. 46. Obtinuit inde Capitaneatum Brodnensem Palatinus Culmensis A. 1652. sic tamen, vt simul Koualeuiensi retinaret, neque iunctus Palatinali dignitati, sed soli datus Palatino, post cuius mortem, ad Palatinos successores non transiit, qui solum Koualeuiensem Capitaneatum receperunt.

4 Hoc est, huius Palatinatus dignitati Palatinali, quo Palatinis noua accessio obtingat.

5 Tenutam scilicet.

6 Inde nouum Capitaneatum vel Tenutam, Palatinus vna cum Koualeuiensi Capitaneatu tenebit.

### §. XV.

#### NON DVOBVS IN VNVM MVNVS REGIA DIPLOMATA DANDA.

*Et hoc cauemus, quod duo priuilegia<sup>1</sup>, in vnum munus & vacans in Regno & M. D. Lituaniae & annexis prouinciis nemini dabimus, neque ante actualem ascensum, neque post certa fata<sup>2</sup> conferemus: quare vna cum altera Cancellaria<sup>3</sup> in Regno & M. D. Lituaniae, collata priuilegia, propter informationem communicare debet.*

<sup>1</sup> Sunt priuilegia, diplomata Regia, quibus dignitates & munia conferuntur. Saepius contigit, vt in vnum munus, diuersis, diuersa diplomata tradarentur, quod tamen non Principi, sed iis, qui scribunt ac sigillo muniunt, imputandum videtur. Fuerunt & Regibus publicae rationes, quae interdum permouerunt, honorem per diploma vni datum, alteri per aliud concedere. Anno 1613. decretum, quod si diuersa priuilegia in eandem rem impetrarentur, posteriora prioribus derogare haud deberent. C O N S T. a. 1613. p. 10. tit. *Przywileje na Przywileje*. Cum Iohannis Casimiri tempore, foederatus miles varias proferret querelas, non siluit vtriusque gentis Cancellaria, „quod plura super uno beneficio extraderent priuilegia. Ad quod responsum: esse competitorum aut scribarum errorem, sed facile corrigendum, si posterius priuilegium priori cederet. K O C H O V. Ann. Clim. III. p. 18. 19. In PACTIS tamen CONVENTIS Michaelis, Iohannis III. §. Wtym sie & Augusti II. §. Waruiemy, cautum, ne in vnum vacans duo dentur priuilegia, adiecto in posterioribus: „vt singula priuilegia in acta metrices Regni referantur, & vtriusque gentis Cancellariae eadem secum communient. Denique T R A C T A T V S V A R S A V I E N S I S an. 1717. Cancellariis iniungit, „diligentem secum habere communicationem, ne priuilegia, super vnum idemque munus, duabus personis extradantur, videlicet vnum ex maiori, alterum



„alterum ex minori Cancellaria Regni vel M. D. Lituaniae, ad euitandas clades „domesticas & scissiones per Palatinatus, cui malo occurrendo cautum, ut priu- „legia in maiori Cancellaria sigillata, ad acta metrices Cancellariae minoris, & „contra, per oblatam porrigantur, & ibidem acceptentur. CONST. a. 1717. p. 13. Quo rem vno alteroque exemplo illustremus, recepit a. 1699. minus Lituaniae sigillum *Szczuka*, in quod, duobus Rex diplomata dederat subscripteratque: sed excusauit facile factum publica vtilitas, imo necessitas, quod nouus honor collatus dignissimo. Epist. ZALVSK. T. II. p. 780. Et a. 1702. obtinuit Princeps *Sangusko*, Mareschalcatum Curiae Lituanae, Pacio iam a Rege subscriptum ac sigillo munitum. Epist. ZAL. T. III. p. 158.

2 Est actualis ascensus, quando noua dignitas aditur, hoc antequam fiat, confertur eadem, imo collatum iri, saepius promitti solet. Certa autem fata dicuntur, quando certis auctoribus constat, vere obiisse eum, qui dignitatem gessit.

3 Binas esse in Regno & M. D. Lituaniae Cancellarias, supremam alteram, alteram minorem, seu Procancellariam, constat. Ex vtraque Regia diplomata, in noua munia prodeunt, seruato tantum inter Regni & Lituaniae Cancellarias, pro diuersitate Gentium & Prouinciarum, discrimine. Necesse inde est, ut supra & minor Cancellaria, secum communicent, quae prodierint diplomata, ne per ignorantiam, ex diuersis diuersi eadem impetrant.

## §. XVI.

### DIGNITATIBVS SVA SERVANDA IVRA.

Dignitates & munia, tam in Regno, quam in M. D. Lituaniae, & annexis prouinciis, penes iura antiqua, iurisditiones, consuetudines, & praescripta Regni<sup>1</sup>, & in M. D. Lituaniae iuxta coaequationem & ordinationem<sup>2</sup> conseruabimus: praerogatiuas & prouentus illorum, nullo modo a quopiam minui & abrogari permittemus.

1. Iam *Ludouicus* Rex a. 1374. promisit, „Se dignitates Regni, ac omnia & singula officia, in suis iuribus, prout tempore Vladislai aui, & Casimiri auunculi, fuissent, plenarie conseruaturum. LASC. Stat. f. 41. p. 1. *Vladislaus Jagello*, non minus spopondit, „dignitates ecclesiasticas & saeculares Regni Poloniae, circa iura, & consuetudines ac libertates suas, quas temporibus Serenissimorum „Principum Dominorum Casimiri, Ludouici, & aliorum Regum ac Ducum haeredum Regni Poloniae obtinuerint, persistere & permanere debere. LASC. f. 50. p. 1. Pariter *Sigismundus Augustus* nihil Se in dignitatibus & officiis immutaturum, fidem dedit. VOL. CONST. p. 4. §. *Dofstoienſtw.* Inde *Articuli* in coronatione *Henrici sancti* & a *Stephano* confirmati, magistratibus vtriusque Nationis suam auctoritatem integrum seruarunt, VOL. CONST. p. 255. §. *Vrzedy*, quod post coronationem dicti Regis *Stephani*, in CONST. a. 1576. repetitum. VOL. CONST. p. 277. §. *Vrzedy*. Ratum & habuit *Sigismundus III.* cum in *Pactis Conuentis* memoratos *Articulos* reciperet, sequentes vero Reges, quisque in suis *PACTIS* fidem suam verbis expressis obstrinxerunt. §. *Vrzedy* & §. *Dygnitärſtwá*. In hoc tamen *Augusti II.* a superiorum Regum pactis diuersa, quod praeter Regnum

gnum & Lituaniā, *annexarum prouinciarum* mentionem faciunt: caeteris Regnum & Lituaniā tantum memorantibus. Praeterea & in hoc Augusti II. ampliora, cum dignitatum & munerum antiqua iura & veram potestatem, *iuxta usum legum & formam Reipubl. ac specialia iura* seruanda statuunt, reliquis tacentibus, praeter solius Iohannis III. Pacta, quae *usum legum & formam Reipublicae* allegant. Et habent dignitates & magistratus Regni, Lituaniae, ac iunctarum illis prouinciarum, sua iura, neque omnes eodem modo exercentur, quae diuersitas eiusque ratio, ex iure publico repetenda est.

2 Coaequatio Lituanica, cum dignitatibus ac magistratibus, tum aliis rebus Lituanos & Polonos aequat. Hanc tentatam olim, in comitiis electionis Augusti II. Lituani summo furore vrsurpaverunt, obtinueruntque. Epist. ZAL. T. II. p. 339. f. 347. f. 364. In ea Lituani fatentur, „Se consensu Reipubl. ad iura & consuetudines, Regni transire, dantque omnibus in magno Ducatu iudiciis potestatem, exemplo eorundem iurium Regni, poenas bannitionum, & alias quasuis condemnationes, pro exigentia iuris & facti, decernendi, publicandi, executio-nes iniungendi & exequendi. Adhaec ministeria Clauarum Ducalium, Sigillorum, Baculorum Mareschalcialium, Clauium Thesaurariorum, & eorum circumscriptionem pariter, secundum Regni iura recipiunt; iudiciorum Tribunalium & aliorum subselliorum eandem cum Regno formam assumunt, solo usu Statuti Lituanici, & iudicij ecclesiastici excepto. Cum coaequatione simul constituta est ordinatio, in qua praesertim de Tribunali Lituanico, aliisque iudiciis, ut & actionibus ecclesiasticis, nec minus de variis ad rem militarem pertinentibus amplissime agitur. Vtraque, cum coaequatio, tum ordinatio, seorsum prodidit, vtriusque & in PACTIS CONVENTIS Augusti II. §. dignitarista. facta est mentio, nec minus in comitiis coronationis a. 1697. firmata. CONST. p. 14. tit. Approbatio. Impugnata quidem fuit haec coaequatio a supremis Lituaniae Ministris, quod auctoritatem suam circumscribi aegre ferebant, quam caeteri eo ardentius tuebantur, quod paucorum potestas grauior communi libertati videbatur, quam ut ferri posset. Probant id diuersa Magni Ducatus scita, eo fine sancita, ut coaequatio & ordinatio, essent perennes. Epist. ZAL. T. II. p. 613. 717. 933. 935.

### §. XVII.

#### VACANTIA QVIBVS ET QVOMODO CONFERENDA.

Vacantia extra tempus Comitiorum<sup>1</sup>, ad maximum, spatio sex hebdomadum, a prima notitia Nostra<sup>2</sup>, & in Comitiis ante omnia conferemus<sup>3</sup>, & cui collata fuerint, statim publicabimus<sup>4</sup>, eademque<sup>5</sup> terrigenis<sup>6</sup>, indigenis<sup>7</sup>, paritate gaudentibus<sup>8</sup>, bene meritis<sup>9</sup>, aetate & discretione vigentibus<sup>10</sup>, vtriusque Gentis & annexarum Prouinciarum<sup>11</sup>, iuxta Iura & priuilegia distribuemus.

1 Est sermo de conferendis dignitatibus, quando extra Comitia easdem vacare contingit: & posset quaeri, vtrum intelligentur omnes, an aliquae excipi debeant. De Cancellariis enim, nonnisi in Comitiis creandis, notum est vetus Statutum *Alexandri Regis*, docetque usus, Sigillatum Regni, tum Lituaniae, interdum

dum quidem extra Comitia, plerumque illis durantibus, cessisse aliis. De exercituum vero Ducibus supremis & minoribus, *Tractatu Pacificationis a. 1717.* sanctum, vt, „nonnisi in Comitiis, ad vota Senatorum, & instantiam Nunciorum terrestrium, constituantur. CONST. a. 1717. p. 31. Placuit tamen Ordinibus in Comitiis Conuocationis a. 1733. decernere, vt, ministeria belli, nisi in primis Comitiis, interueniente aliqua occasione, potuerint conferri, ad ius Maiestatis cum futuri Regnantis redeant, idque & de sigillis, pro hac sola, *quae legis verba sunt*, vice intelligi debeat. CONF OED. GEN. p. 16. §. 64. Electo in Regni felicitatem Augusto III. alia, pro tuenda Eius Maiestate, successit *Confoederatio*, quae, sublata a. 1717. sanctione, dictas praefecturas exercituum, intra sex hebdomades, ex quo vacuae factae, conferri debere, statuit. §. 16. Secutus est ergo sensum Reip. optimus Princeps, Sigilla & Clavas Ducales, Comitiis quidem indictis, sed neque ad Mareschalli electionem succedentibus, dignissimis conferendo.

2 Spatium, quo in vacuae dignitates sufficiendi alii, olim haud erat definitum. Regnante Sigismundo III. in hanc rem a. 1588. sex menses constituti, VOL. CONST. p. 468. tit. *O Wakancyach*, qui primum in Pactis Vladislai IV. in totidem hebdomades immutari cooperunt, §. *Wakancye*, quod exemplum & in Pacta sequentium Regum transiit. §. *Wakancye*.

3 Si ergo vacuae dignitates, ante Comitia non collatae, conferendae in Comitiis. Exstat Statutum Sigismundi I. apud PRIL. p. 179. vt officia & dignitates, in principio Conuentus, priusquam ipse Conuentus generalis inchoetur, distribuantur. Constitutio a. 1576. de initio Comitiorum loquitur: VOL. CONST. p. 280. tit. *O dobrách*, alia a. 1588. illud intra octiduum, ex quo cooperunt Comitia, iniungit, hocque vrgendi Nunciis terrestribus facultatem concedit. VOL. CONST. p. 468. tit. *O Wakancye*. Idem repetit Const. a. 1607. addito: ne Nuncii ad consultationes comitiales accedant, priusquam hanc suam postulationem obtinuerint, VOL. CONST. p. 833. tit. *O Wakancye*, Vladislai IV. & sequentium Regum Pacta cauent, vt in Comitiis dignitates ante omnia distribuantur. §. *Wakancye*. Denique Constitutio a. 1690. ordinem Comitiorum describens, admonitionem Nunciorum *Vacantium* nomine, post lectionem SConsultorum locat. tit. *Obiásnienie*. Inde Illi lectis SConsultis, antequam conclave suum repetunt, Regeni compellare solent, vt dignitates & magistratus, si vacant, conferre dignentur, quo facto, in suo conclavi, vacua munia conscribunt, & si quos Regiae indulgentiae commendare velint, expendunt: reuersi vero ad Senatores, vt eorum sententiis in *propositionem comitialem* interfint, statim *Vacantium* iterum mentionem iniiciunt, singula recensent, ac quae eo faciunt, vti conuenere, exponunt: quibus peractis, dignitates conferri solent. In Comitiis coronationis Michaelis disceptatum inter Nuncios, vtrum statim post *propositionem comitialem*, an deinde dictis in eam Senatorum sententiis, vacuae dignitates in medium profenderet: & placuit, vt audita *propositione*, breuibus earum mentio fieret, accuratior vero flagitatio, in aliud tempus differretur: euénitque, vt priusquam dicterentur a Senatoribus sententiae, *Vacantium* fieret distributio. ZAWADZKI Hist. arc. p. 65. 77. Cum autem in Comitiis a. 1670. Ordini Equestri, eam rem expectanti, responderetur: „deliberaturum Regem, quibus conferendae dignitates, interim Nunci sententias Senatorum exciperent; hi, irritatis animis, suum Conclave repetentes, uno quasi ore affirmabant, „non Se audituros Senatores, nisi collatis antea dignitatibus: posse quidem aliquas vltiori deliberationi seruari, omnes autem, id neque legibus, neque consuetudine esse concessum. ZAWADZKI p. 108.

4 Addunt superiorum Regum Pacta §. citato, vt collatae dignitates per Cancellarios publicentur: quod & vsu obtinet, eo saltem discrimine, vt si Polonicae fuerint dignitates, illud a Regni, si Lituaniae, a Magni Ducatus Cancellariis praestetur: quod & de Prouinciis, Regno & Lituaniae iunctis, intelligendum. Quoties tamen simul Cancellariatus vterque confertur, aut Procancellarius locum magni Cancellarii ascendit, aut magnus Cancellarius, Procancellario absente creatur, nunciant nouum magistratum Mareschalci, & pro diuersitate Gentis, modo Regni, modo Lituaniae.

5 Quae a dignitatum Candidatis requiruntur, vt scilicet sint terrigenae, indiginae &c. iuris sunt vetustioris & perpetui. *Ludouicus* enim a. 1374. promisit, „honores & dignitates, vt pote Palatinatus, Castellanatus, Iudicia & Succamerariatus officia, & his similia, quae usque ad vitam conseruari consueuerint, hominibus extraneis, hospitibus, non collaturum; sed talibus, qui sint Regnicolae terrarum eiusdem Regni, in quibus huiusmodi dignitates vel honores consistant: „pariter nullum Baronem, Militem, seu Nobilem, vel alium quemcunque, cuiusque conditionis existat, extraneum, hospitem, seu alienigenam, praeterquam natione Polonum, in Capitaneum praefecturum, nisi talem, qui sub eadem corona de Gente Polona sit oriundus, dummodo non descendat de stirpe Ducali; nec vulnus castrum seu fortalitium, alicui Duci vel Principi, aut descendenti de genere Ducali, regendum & tenendum commissurum; denique castra & ciuitates, de quibus honores & iudiciales sedes procedant, nulli alteri, nisi terrigenis, seu Capitanis in eodem regno consistentibus, permisurum. *Lasco Stat. f. 41. p. 1.* „*P R I L. Stat. p. 175.* Pollicitus & *Vladislaus Iagello*, dignitates, si eas vacare contigerit, nulli extraneo, terrigenae, nisi nobili bene merito, & fama laudabiliter conseruato, illius terrae, in qua dignitas & honor huiusmodi vacauerit; „insuper nulli Ducum, & de Ducali stirpe descendenti, seu extraneo alienigenae cuipiam aliquod castrum, fortalitium aut ciuitatem, ad regendum pro tempore, „vel in aeum, daturum, assignaturum, aut quomodolibet collaturum. *Lasco Stat. f. 50. p. 2.* *P R I L V S. p. 175. 176.* Ad horum exemplum *Casimirus Iagellonides*, edixit, filiusque *Ioannes Albertus* firmavit, „Dignitates, Castellanatus & Officia, in terris vniuersis Regni, personis bene meritis, aetate, intellectu & prudentia, bene vigentibus & indigenis, illiusque terrae indigenis, in qua dignitas vacauerit, quaeque ibidem bona haereditaria habuerint, datum iri. *Lasco f. 92. p. 2.* *P R I L V S. p. 176.* Tempore *Alexandri*, Ordines, Rege absente, in Comitiis Petricouiensibus, innitendo antiquo Statuto, sanxerunt: „Dignitates & officia terrestris, incolis tantummodo terrarum, possessionatis & idoneis, conferri, si fecus factum, non seruari, nec ei, cui dignitas vel officium contra praemissa, collatum fuerit, illud permitti, aut eidem obedientiam praestari debere. *Lasco. f. III. p. 2.* *P R I L. p. 176.* „Submisit Se iisdem Statutis *Sigismundus I.* voluitque officia & dignitates, hominibus idoneis, possessionatis, indigenis, sufficientem possessionem haereditariam & non fictam habentibus, distribuere. *P R I L. 178. 179.* Idem ius sub *Sigism. Auguſto*, qui sigillatim Castra & Tenutas noluit credere, nisi Polonis, nobili genealogia ortis, iisdemque possessionatis. *P R I L. p. 120.* In *Articulis Henrico oblati*, & a *Stephano ac Sigismundo III.* probatis, Vacantia, aetate maturis, idoneis, bene meritis utriusque Gentis, & non extraneis seruantur. *V O L. C O N S T. p. 255.* Huc & faciunt binae *C O N S T.* sub memorato *Sigismundo III.* annorum 1607. *V O L. C O N S T. p. 833. tit. O Wakancyach, & 1631. p. 4. tit. O Wakancyach*, quae ad dignitates ac magistratus, saltem bene meritos, aetate & discretione vigentes, terrigenas, indigenas, conditionis nobilitaris, aequa-

aequalitate iuris & poenae gaudentes, admittunt. Sequentium autem Regum Pata Conuenta, de terrigenis, indigenis, paritate iuris gaudentibus, bene meritis, aetate & discretione vigentibus, secundum vetera iura & statuta, ad dignitates euhendis, fere uno ore loquuntur. §. *Wakancye.*

6 Terrigenae dicuntur Nobiles, quod non in ciuitatibus, sed in terris suis geniti, conuenitque vocabulum Polonorum, *Ziemianin*, quo Nobilis, in agris sibi viuens, intelligitur.

7 Indigenae opponuntur extraneis. Hi dignitatibus & magistratibus acentur, illis solis ad eosdem patet aditus, vt ex nota (5) huius §. constat.

8 Paritate gaudentes sunt iidem, qui in allegata Const. anni 1631. aequalitate iuris & poenae gaudentes dicuntur, aut quibus eadem cum Nobilibus conditio, vt iisdem legibus, iisdem iudiciis, iisdemque poenis subsint. Olim *Ludouicus* & *Vladislaus Iagello*, Se Duces, & qui e Ducum Polonorum stirpe descendenter, ad praefecturas castrorum haud admissuros, fidem dederant. Sub *Sigismundo III.* datus *Iohanni Alberto* Episcopatus Varmiensis, commouebat animos, quod Gentis libertati periculose videbatur, si tanta dignitas Regiae soboli cederet, hocque exemplum ad plures transiret. Exemit metum Rex, cum Se, saluo in contrarium Ordinum consensu, antiquis de Ducali genere iuribus, submitteret, CONST. a. 1631. p. 4. §. *O Wakanycach*, ac diplomate ad Archiuum Regni dato caueret, *Iohannem Albertum* filium, simul ad aetatem matuorem veniret, fidem suam iureiurando Reipublicae obstricturum. PIAS. p. 421. CONST. d. a. p. 4. tit. *Wärnia*. Postea *Vladislaus* in PACTIS suis CONVENT. §. *Naiasniey-szych*, promisit: „Se Principes Regios, fratres suos, quibus a Republ. assignati „reditus, in Comitiis coronationis inducturum, vt turamentum fidelitatis Sibi & „Reipubl. praestent, eosdemque hoc vinculo, quamdiu dictos reditus percepturi, „& in Regno domicilium suum habituri, constrictos esse, & si aliqua caufsa, per- „sonas eorum afficiens, obueniret, cognitionem ad Regem & Senatum in Comitiis „pertinere: *Iohannem* autem *Albertum*, iam nominatum Episcopum Cracouensem, dicto in Comitiis coronationis sacramento Senatorio, ac caeteris ab eodem „praefitis Conditionibus, locum suum in Senatu occupare debere. Qui *Ioh. Albertus*, in Comitiis coronationis, post iusiurandum in Senatum receptus, admissusque ad Episcopatum Cracouensem, scriptis, quibus eundem teneret, legibus, ne supra ciuilem conditionem se efferret. Idem Eodem regnante *Vladislae* servatum, cum omnium Ordinum consensu, *Carolus Ferdinandus*, Princeps Regius, ac Regis frater, Episcopatum Plocensem obtineret. CONST. a. 1633. p. 19. § a. 1641. p. 4. tit. *Consens.* Quod si ergo aliquis ex stirpe Regia, Reipubl. muneribus admouendus, qua illa, ad Nobilium conditionem descendere debet, ne aequalitati derogetur.

9 Habentur enim dignitates & magistratus pro praemiis, bene de Rege & Republica meritorum, & qui tales, Regiae munificentiae a Nunciis terrestribus in Comitiis commendari solent. Parum ergo honorificum erat *Sigismundi Augusti* memoriae, cum Ipsi post mortem exprobraretur: Eum rabularum ac procuratorum Fordidum munus professos, aliosque, quos leges in bene constituta Republ. ab honore arcerent, ac testimonium dicere vetarent, Senatorio Ordini adscripsisse. Praefat. T. II. HISTORIAE NOSTRAE PRVSS. p. 4.

10 Arcentur ergo minorennes, & qui rebus gerendis haud idonei. Quare & hoc nomine collatus Regio Principi *Iohanni Alberto*, Episcopatus Varmiensis displicebat; quod duodecim annorum puero datus.

II Idem PACTA CONVENTA *Michaelis* loquuntur, repetuntque *Augusti II. §. Wakancya*. Idem iam olim lege prouisum, ac viu seruatum fuit, vt Poloni, Lituani, Prussi, Liuones, aliarumque Regni & Magni Ducatus Prouiniciarum indigenae, dignitatibus & publicis muneribus admouerentur, dummodo bona terrestria possiderent: quod ex nota (5) huius §. patet.

12 Iam olim obtinuit, vt dignitates secundum iura & statuta, *Vid. Not. 5. ad hunc §. seu iura & priuilegia, vt in CONSTITUTIONE a. 1607. VOL. CONST. p. 833. tit. O Wakancyach, & PACTIS Augusti II. §. citato*, legitur, conferantur. Et non tantum intelliguntur iura communia, sed & quae singulis Gentibus & Prouinciis propria. Illa iura & priuilegia, in Prussia, solis illius Provinciae indigenis, dignitates & publica munia afferunt; de quo fusius ad §. XXXIX. agetur. Eadem, oppidanos Capitaneatibus & Tenutis haud arcent, suntque in promtu superiorum temporum exempla; imo oppidanorum filios Episcopatus obtinuisse, saeculi decimi sexti historia memorat. In Liuonia vero Poloni, Lituani, ipsique Liuones per vices dignitates obeunt. *CONST. a. 1677. p. 26. tit. Ordynacya*.

### §. XVIII.

#### INCOMPATIBILIA.

Incompatibilia in iuribus descripta, hoc est, Mareschalca-tus, Sigilla & Thesaurariatus cum Claua simul non dabimus<sup>1</sup>.

<sup>1</sup> *Incompatibilium* nomine, veniunt dignitates, quae simul ab uno teneri haud possunt. Pertinent eo Archi-Episcopatus maiores cum Sigillis, ministeria Senatorii Ordinis cum Palatinatu aut Castellanatu, vt alia omittamus; quibus recentiori aetate, Praefecturae exercituum, cum quoquis ex dictis ministeriis, accesserunt. Est enim huius §. mens, ne exercituum Praefecti, siue supremi, siue campestres, simul sint, aut Mareschalci, aut Cancellarii, aut Thesaurarii. Id vero olim interdictum haud erat. Fuit sub Stephano & Sigismundo III. *Iohannes Zamoiscius* simul Supremus exercituum Dux ac Magnus Regni Cancellarius; utramque hanc dignitatem, sub eodem *Sigismundo III. Stan. Zolkieuius* geslit. Sub *Iohanne Casimiro*, occurunt *Georgius Lubomirski*, Dux campi & supremus Regni Mareschalcus; *Iohannes Sobiescius*, primum minor, postea supremus exercitus Praefectus, simul magnus Regni Mareschalcus; *Vincentius Gasieuius*, Lituanici exercitus Dux minor, ac supremus Thesaurarius, & *Michael Radziuil* campi Dux & Procancellarius Lituaniae. Cum autem modum videretur exceedere auctoritas, si exercituum Duces, vna supremi essent Ministri, conuenit inter Ordines tempore electionis *Michaelis*, vt EX ORBITANTIIIS vulgo dictis, infererent, *tit. de Incompatibilibus*: „ne Rex in posterum vna cum Claua Ducali, „Mareschalca-tus, Cancellariatus & Thesaurariatus, cum in Regno, tum in Lituania, sub nullitate priuilegiorum conferat,, simul Cancellariis curam huius rei, sub poenis legum iniungerent, ac Nunciis terrestribus in Comitiis facultatem vrgendi concederent, vt eiusmodi priuilegia pro nullis haberentur. Ex quo tempore res illa, licet verbis diuersis, in sequentium Regum PACTIS repetita, & quidem in

*Michaelis*

*Michaelis & Iohannis III. §. W tym sie, in Augusti II. §. Incompatibilia.* Quare, cum nuper Celsissimi Principes, *Wiesnoviecius*, magnus Lituaniae Cancellarius, & *Radziuil*, Mareschaleus Curiae Lituanae, ille supremam, hic minorem Lituani exercitus praefecturam reciperent, vterque antea priori munere cessit.

### §. XIX.

#### SIGILLVM CUBICVLARE. VSVS LATINAЕ ET POLONICAЕ LINGVAЕ.

Sigillo cubiculari & signo priuato<sup>1</sup>, in negotiis & expeditiōnibus Reipublicae non vtemur<sup>2</sup>, litteras omnes & legationes publicas, tantum lingua polonica & latina expediemus<sup>3</sup>, Priuilegia aut Vniuersalia, sub dictis sigillis, etiam ex Senatus Consulto extradi non iubebimus, reseruando id Cancellariis vtriusque Gentis<sup>4</sup>.

**1** Praeter sigilla Regni & Lituaniae, est sigillum *cubiculare*, seu *camerale*, vt & priuatum. Cubiculare dicitur, quod Polonis *pokoowy*, quo rem, ad cubiculum pertinentem, notant, audit: Germani appellant das *Cammer-Siegel*, quod & latine camerale redditur. Praefert illud Regni & Lituaniae insignia, cum Regis gentilitiis in medio pohtis. Vtitur eo Rex in ordinatione redituum, ac aliis rebus, quae ad bona mensae pertinent, tum iis, quae in solius Principis arbitrio sunt, neque perpetuitatis vim habent. Custodia eius non est penes Cancellarios, sed conclavis Notarium. Priuatum signum est Principis quasi domesticum, quo signantur Litterae, ad exteriores solius Regis nomine, in Ipsius saltem negotiis missae.

**2** Vsus sigilli *cubicularis* & priuati iam in *Articulis Henrici*, a Stephano & *Sigismundo III.* confirmatis, interdicitur, quibus Rex suo & Successorum nomine promisit: „Se in negotiis, ad Rempublicam pertinentibus, tam intra quam extra Regnum, nullo signeto, aut sigillo priuato, sed sigillis tantum Regni, quae penes Cancellarios & Procancellarios, tam Regni, quam Lituaniae sint, vsurum. Vol. Consr. p. 277. §. obiecuiemy. PACTIS *Vladislai IV.* & sequentium Regum, eadem in rem singulare caput insertum legitur, §. pieczeti, quibus CONSTITUTIONEM a. 1607. VOL. CONST. p. 837. tit. O pieczeti, & EXORBITANTIAS a. 1669. scriptas, tit. O pieczeti *pokoowej*, addimus. Illud memoratu dignum, quod *Iohanni III.* ob dilatam in alterum annum coronationem, permisum, interea temporis, litteras vocatorias ad conuentus minores, tum litteras *restium*, quibus in bellum excitur Nobilitas, nec minus litteras quasuis ad Principes exteriores, Czaro Ruffico saltem excepto, denique nominationem noui Archiepiscopi Gnesnenfis, pro ea sola vice, non derogando in hoc generali iuri, sigillo cubiculari signare. PORZ. ELEK. a. 1674. tit. *Oznaymienie*. Neque reticendum, ex Ordinum sententia, factum Sigillum *camerale extraordinarium*, ab ordinario diuersum, quod Procancellarius seruauit, quo iis imprimaret, quae alias Regni sigillum praferri solent. Epist. ZALVSK. T. I. p. 635.

**3** Id cum vsu obtineret, lege est firmatum, in EXORBITANTIAS sub electionem *Michaelis I.* c. repetitumque in Illius & caeterorum Regum Pactis

§. piecze*i*. Vtraque ergo lingua pro publica habetur, quod de nulla alia afferi potest, quare parum honorificum erat magno Lituaniae Cancellario, tempore *Iohannis III*. quod latine minus doctus. *Epist. Z A L. T. I. p. 989. 1008.* Licet tamen Regi in rebus priuatis, alio sermone vti, quod & allegatae EXORBITANTIAE l.c. concedunt.

4 Et in hoc praeiuerunt memoratae EXORBITANTIAE l.c. quarum auctoritatem Regum PACTA §. piecze*i* secuta sunt. Ideo autem Priuilegia & Vniuersalia a Cancellariis signari iubentur, vt hi, qui legum custodes, prouideant, ne priuilegia iuri communi contraria exportentur, aut incolis per Vniuersalia imperentur, quibus per leges eximuntur. Sunt autem Vniuersalia, vt id in exterorum gratiam addamus, Regia Edicta, quibus, quae fieri debeant, in publicum perscribuntur, habentque hoc nomen, quod incipiunt Vniuersis & singulis. Id vero, quod hoc nomine prohibetur, Regi neque per Se, neque ex sententia Senatorum in aula degentium, facere integrum est. Fuerunt tamen de minus recto, sigilli cubicularis vsu, querelae, vt iam *Sigismundus III*. necesse habuerit affirmare, Se, in signandis tam litteris, quam diplomatis, non aliis Sigillis, nisi quae fidei Cancellariorum credita essent, vti; *LVBENSIVS de Motu Ciuli Oper. p. 52.* simul antiquo iuri nouam Constitutionem addere, quam nota (2) allegauimus. *Vladislaus IV.* sub sigillo cubiculari nouum scribi militem edixit, at in sequentibus a 1646. Comitiis, Idem Rex per CONST I T. Tit. O Začígu p. 2. pro Se ac Successoribus, illud in posterum fieri haud debere sanxit. Regnante *Iohanne III*. Regia commendatio ad Cardinalatum, insciis Cancellariis, sigillo Camerae munita, Romam missa fuit. *Epist. Z A L. T. I. p. 633-635.*

## §. XX.

### THESAVRARIATVS MAGNI, CVI CONFERENDI.

Thesaurariatus magni, Regni & M. D. Lituaniae<sup>1</sup>, vt in futuris Comitiis, per plus offerentiam conferantur<sup>2</sup>, curabimus: quae res in Comitiis decidetur.

<sup>1</sup> Notum est, binos in Regno & Magno Ducatu esse Thesaurarios, magnum alterum, alterum Curiae dictum.

<sup>2</sup> Scilicet, vt magnus Thesaurariatus, cum Regni, tum Lituaniae, illi conferatur, qui plus caeteris, in aerarium, ex constitutis redditibus, illaturum se, promiserit. Tale quid, si recte meminimus, iam a 1729. post mortem *Pribendouii*, Regni Thesaurarii, sermonibus ferebatur, docebuntque Regiae prouidentiae successum, futura Comitia.



## §. XXL

## §. XXI.

DE SERVANDIS FOEDERIBVS, ET COMPONENDIS  
CVM VICINIS CONTROVERSIIS.

Pacta & foedera cum externis Potentiis renouabimus, & conseruationem illorum procurabimus<sup>1</sup>, tam sine vlo praeiudicio Reipublicae, & auulsione cuiuscunque Prouinciae<sup>2</sup>, quam etiam sine vlla infractione & sinistra interpretatione, Tractatum Pacis & Foederum, per quamcunque partem. Differentias cum vicinis Potentiis, coniunctim cum Republica<sup>3</sup>, secundum aequitatem, amicabiliter quamprimum componere, & ad finem perducere studebimus.

<sup>1</sup> Idem de Pactis & Foederibus, in superiorum Regum PACTIS CONVENTIS §. Pacta & Foedera, ex Vladislai IV. tempore, inuenitur: idemque antea in coronatione Sigismundi III. a. 1588. sancitum. VOL. CONSTITVT. p. 457. tit. de Pactis.

<sup>2</sup> In PACTIS Augusti II. sine praeiudicio Reipublicae & auulsarum Provinciarum legitur. §. Pacta & Foedera. Ne autem Pactorum conseruatio iuribus Reipublicae detrahatur, aut cum imminutione finium Regni fiat, tum ex diplomatis, quibus noui Reges Reipublicae iura firmant, tum ex formulis, quibus fidem, in coronatione sua, Regno obstringere solent, imo ex Ipsa Regni Poloni constitutione, facile colligi potest.

<sup>3</sup> Lex est certa & perpetua, vt, quae ad Rempublicam pertinent, simul cum illa decernantur. Si quando ergo cum externis Principibus pax ineunda, si belli societas, si foedera alia sancienda, si de iuribus disceptandum, Ordinum consensu, Regis & Reipublicae nomine delegantur, qui vel ad certa mandata negotium perficiant, vel audita aduersae partis sententia, exceptisque rationibus, integrum rem, ad Ordines in proximis Comitiis referant. Ne exempla passim obvia altius repetamus, ad CONSTIT. Comitorum Grodnensem a. 1726. prouocamus, vbi, Titulis Komisja, longo ordine, nomina eorum, qui ad controuersias cum Principibus vicinis, ex Senatu & Equestri Ordine lecti, addita agendi facultate, recitantur. Ex iisdem pariter constabit, non frustra controuersias cum Externis memorari, cum variae cum Diuerfis intercedant, quae ab illo tempore, post nouem annorum spatium, nondum compositae.



## §. XXII.

## §. XXII.

VETERA CVM IMPERATORE PACTA REPETITA.

Compactata vero cum Serenissimo Imperatore<sup>1</sup>, per Delegatos ex Constitutione Grodnensi<sup>2</sup> a. 1726. anno praeterlapsso 1732. renouata<sup>3</sup>, & ad ratificationem ad Comitia remissa<sup>4</sup>, vt in futuris, Deo annuente, Comitiis conclusis, iuxta tenorem suum ratificantur, curabimus.

<sup>1</sup> Sunt vetera pacta, eaque a decimo quinto saeculo, inter Romanos Imperatores, qui simul Austriae Archi-Duces, & inter Poloniae Reges, repetita saepius, ac subinde mutata. Agunt eadem de mutua amicitia; de commercandi libertate; de ferendis auxiliis; de facultate scribendi in terris alterius milites; de dirimendis finium nomine litibus; de hostibus & profugis non recipiendis aut fouendis; de inhibendis excursionibus; de seruando iusto monetae valore, ac sale euchendo. Firmarunt antiquum foedus, nouis tabulis, *Leopoldus Caelar, & Johannes III. Poloniae Rex, a. 1677.* quas in Iure publico Poloniae exhibit *CHWALKOVIVS p. 256.*

<sup>2</sup> Quo amicitia cum Caesare per saeculum non vnum seruata, nouo aliquo vinculo constringeretur, nominati in dictis Comitiis, ex Senatu & Equestris Ordine, qui cum Imperatoris Legato eo nomine agerent, ita tamen, ne nouis conditionibus Rempublicam obstringerent, salua in futuris Comitiis ad Ordines relatione, & ab iisdem approbatione. *CONST. dictorum Comit. tit. Komisya z Cesarem IMcja.*

<sup>3</sup> Illo enim anno, die scilicet tertia Nouembris, congressa cum magno Legato Caesaris, Comite de Vilczek, Varsaviae in arce Regia instituto, per nouas tabulas, Pacta a. 1677. repetita ac firmata sunt, capite saltem, quod de conscribendo milite agit, excepto. Subscripterunt, cum Caesaris magno Legato, Regni Primas, Episcopus Vladislauiensis, Palatinus Kiouiae, Supremus Regni Mareschalcus, Regni Procancellarius, Regni Thesaurarius, Lituaniae Stabuli Praefectus, & Succamerarius Sochacensis.

<sup>4</sup> Subscriptum enim est nouis tabulis, salua relatione, approbatione & ratificatione, tam Sacrae Caesareae Regiaeque Catholicae Maiestatis & Reipubl. in Comitiis generalibus proxime futuris.



## §. XXIII.

## §. XXIII.

## REIPUBLICAE PACIFICATIO.

Similiter pacificationem Reipublicae, tam ab intra, quam ab extra<sup>1</sup>, sicut & euacuationem copiarum extranearum<sup>2</sup>, sine villa ad Rempubl. praetensione<sup>3</sup>, coniunctim cum Ordinibus Regni, habentes prius ab Illis prouisam securitatem<sup>4</sup>, quanto-  
cius procurabimus.

<sup>1</sup> Turbatam grauiter fuisse Rempublicam, per Ordinum in electione Regia dissensionem, notum est, neque motus illos, quos ciuale bellum haud male diceres, recensere nostrum fert institutum. Diuturnior tamen fuisset calamitas, simul funestior, si, quae aduersa pars sperabat, aliunde aduenissent auxilia. Erat ergo remedium aduersus externum bellum, aliena ope indigere: & instantium Avgvsti III. lenitas, salutariter composuit, dum ignoscendo lapsis, omnes ad suam indulgentiam admitteret, imo vltro & saepius & liberaliter eam offerret, adeo, vt hoc quo scribimus tempore, armis positis, omnia iam sint pacata, paucis illis, qui extra Regnum, rerum conuerzionem frustra speculati, reuersis aut redditum parantibus.

<sup>2</sup> Cum plurimi secessionem facerent a Republ. iique pertractis in suas partes domesticis copiis fere omnibus, externa pecunia iuuarentur, ac in dies aliunde validiora auxilia sperarent, laboranti saluti, ingens in foederatos animi, Russorum Avgvsta subuenit. Electus in Regem Avgvstvs III. iunxit suum exercitum, quo Regnum, sibi per Ordinum suffragia delatum, tueretur ac seruaret. Vterque miles, Russus & Saxo, copiarum externarum nomine venit, quarum maxima pars iam discessit, paucae quae supersunt legiones propediem sequentur, incolis interea haud graues, hospitium saltem & commeatum ad necessitatem exigentes.

<sup>3</sup> Exemit Russorum Avgvsta, fide non semel data, Reipublicae omnem metum, ac si sumtuum in auxilia nomine, quicquam esset postulatura, vt inde nulla iam subesse possit sollicitudo. Rex vero, qui ad Magni Parentis exemplum, suas opes in ciuium salutem effudit, gloriam seruati Regni, in summo pretio deputat.

<sup>4</sup> Debebat haec securitas prouideri, solenni more, in Comitiis, pacificationis vocatis. Indicebat illa Rex, superiori a. 1735. sed frustra, cum nonnulli, verso ordine, post discessum omnium copiarum, de Regia securitate demum consultare vellent, ac in ea sententia perstarent. Quare comitia, in ipso limine, Mareschallo ne quidem electo, soluta. Haud tamen ideo Maiestas in ancipi, tutam Eandem praestitit, confoederatio iterum repetita, aut potius amor ciuium, fidissima Principum custodia.



## §. XXIV.

## AVVLSORVM RECUPERATIO.

Auulsorum recuperationem<sup>1</sup>, data occasione iusta & legitima, curae habebimus; bella autem huius caussa, inconsulta Republica plena, cum nemine inchoabimus<sup>2</sup>, sed bono potius publico, vti summo, omnibus modis prospiciemus.

**1** Veniunt auulsorum titulo, ea omnia, quae vel bello, vel alio modo, Regno & M. D. subtracta, aliorum parent ditioni. Dicuntur alias in iure nostro, amissa, iniuste alienata, distracta. Ea recuperare, iam saeculo XIV. *Carolus Hungariae Rex, Ludouici filii, designati in Regnum Poloniae Successoris, nomine promiserat, Script. rerum Siles. Illust. de SOMMERSBERG T. II. p. 101.* ac ipse filius in sua coronatione. *L A S C. Stat. f. 40. p. 2.* Idem vetus iurisurandi Regii formula exigit, *L A S C. Stat. f. 166. p. 2. §. pacta & foedera,* hacque licet mutata, Reges tamen eandem rem perpetuo iurarunt, ac in confirmationibus iurium repetierunt. Nec minus a *Vladislai IV.* tempore, **PACTA CONVENTA** de amissis aut auulsis recuperandis loquuntur. *Poparc. gener. Sendom. Konf. p. 7. Augustus II. a. 1710.* iterum promisit, quicquid ex illicitis auulsis Reipubl. erectum fuerit, illud omne eidem Reip. reddere.

**2** Bellum inferre, ob quamcunque caussam, Republica haud consulta, legibus vetitum. Exstat vetus Statutum *Casimiri IV.* quo Is pollicetur, se Terrigenis ad bellum moueri non mandaturum, absque conuentione communi in singulis Terris instituenda. *L A S C O Stat. f. 95. p. 2. HERBVR T. Stat. tit. bellum.* Et *Iohannes Albertus*, Suo & Successorum nomine statuit, quod, quotiescumque expeditio bellica, necessitate quacunque exposcente, indicenda esset, toties conuentiones particulares institui deberent, ad consulendum tum necessitati, tunc fortasse Regi & Reipubl. imminenti. *L A S C. Stat. f. 105. p. 1. HERBVR T. Stat. tit. Bellum.* In Articulis Henrico oblati, bellum sine omnium Ordinum in comitiis consensu prohibetur: *V O L. CONST. p. 254.* quod in coronatione *Stephani* repetitum. *V O L. CONST. p. 275. Sigismundus III.* fassus, sibi non licere, sine consensu & scitu omnium Ordinum, bella vicinis inferre. *CONST. a. 1611. tit. Poparcie p. 2.* Idem, ne infacia Republ. & absque expresso Eius consensu fiat, *Vladislau IV.* lege cauit perpetua, qua successores omnes tenerentur. *CONST. a. 1638. p. 7. tit. O supplementach.* Accedunt **PACTA CONVENTA** §. *Woysk Cudzoziemskich*, a dicti modo *Vladislai IV.* tempore, si *Iohannis III.* pacta excipiuntur, in quibus caput de bello inferendo non legitur. In praesentibus plena memoratur *Respublica*, qua omnes Ordines in Comitiis intelliguntur, ne ad recuperanda auulla, bella ex Senatorum tantum consilio inferantur. Notum est, quantam inuidiam Augusto II. concitauerit, cum illum in finem infacia tota Republica, non quidem bellum inferret Suecis, sed iniurias, quas passam credebat Rempublicam, armis vindicaret. Suaserant tamen, qui consulti Senatores & ministri. *Laceffiti*, inquit in publico edicto Rex, *occasione sumsimus, illegitime auulta, & pariter possessa repetendi, vi pactorum conuentorum, innixi Senatorum, Ministerorumque Regni consilio.* *Epist. Z A L. T. III. p. 396. Memoires sur les dern. revolutions de la Pologne.* Cum vero res infeliciter cederet, nonnulli ex ipsis consultoribus, Optimum Principem, quod bona fide egerat, onerabant lace-  
rabant-

rabantque. Adferamus in hac causa graue testimonium, ipsis Magni *Auctoris* verbis seruatis. „Ad quaeſitum, vtrum Republica Polona, intentiones Regis ſui „circa ineundum bellum adiuuerit; dictis tuis annuo & respondeo: directe non „adiuuiſſe, multos tamen non contraueniſſe, quosdam ſpe commodi alicuius pu-„blici, alios poffima intentione Regis aggressuri hoc bellum, vnde difficulter „extricare ſe poterit, ſunt alii qui obtentu conscientiae & religionis praetextu „persuafum habent, Regem indispofabiliter obligari per iuramentum ad recu-„peranda auullſa, & cum Liuonia fit vna ex Provinciis a Polonia auulfis, libenter „eam Regno noſtro adiiceret, & quia Resp. nolle incipere bellum, cuius alea „dubia, nec libenter offendere illum Principem, cum quo pacem poſt amiffam „hancce prouinciam inierat. Ideo multi in ſecreto conuenerant, vt Rex Polo-„niae cum ſolis Saxonibus Liuoniam aggrederetur, nec Republica in hoc bello „intereffata appareret. Epift. ZALVSK. T. III. p. 67. Cauit poſtea a. 1710. Auguſtus II. fe nullum nouum bellum quois colore & praetextu, inſcia & incoſulta Republica inchoaturum. Poparē general. Sendomirsk. Konfederac. p. 7. Denique in Tractatu Varsavienſi anni 1717. §. 6. Cancellariis Regni & Lituaniae in- iungitur, vt diligentifime attendant, ne vñquam bellum offenſiuum inſcia & incoſulta Republ. instituatur.

## §. XXV.

## DE LEGATIS ET LEGATIONIBVS.

Legatos<sup>1</sup> & Residentes ad exteriores Principes, tantum Nobiles, bene poſſeſſionatos, vtriusque Gentis<sup>2</sup>, ex vtroque ordine<sup>3</sup> mittemus: quibus datae inſtructions inter Senatusconſulta ſcribi<sup>4</sup>, in Comitiis per Cancellarios noſtros legi<sup>5</sup>, & poſt quam ex functionibus ſuis redierint, relationes illorum in comitiis ſcriptae reddi<sup>6</sup>: legationes quoque, ab externis Principibus ad Comitia, in praefentia omnium Ordinum recipi, ad audienciam admitti & expediri debent<sup>7</sup>, faluis extraordinariis, in vrgenti neceſſitate, caſibus, tunc non exſpectatis Comitiis, ad mentem praefentis Consilii<sup>8</sup>, expedire nobis liberum erit.

<sup>1</sup> Idem de legatis ad exteriores mittendis, eorumque mandatis ac relationibus in PACTIS Michaelis, Iohannis III. & Auguſti II. habetur, §. To też wāruiemy, omiſſo tantum Residentium vocabulo, additis contra, „quod relationes legatorum metricea inſeri, ipſique legati ad Ordinum poſtulationem iurare debeant, „ſe citra data ſibi ex Cancellaria mandata, cum exteris ad quos miſſi, nihil egiffe,. In Tractatu Varsavienſi a. 1717. Cancellariis committitur prouidere, ne per ablegationes miniftrorum Saxonicorum negotia Polonica, neque vicifim per Polonos Saxonica agantur. CONST. a. 1717. p. II.

<sup>2</sup> Polonae & Lituanae, nec non Provinciarum Gentibus illis iunctarum. Per CONST. a. 1712. p. 5. tit. Legacye, Legati ad exteriores, terrigenae, poſſeſſionati Regni & Lituaniae mittendi.

3 Senatorio & Equestri, vt habent Pacta Augusti II. Fuitque usus perpetui, vt modo Senatores, modo Equites, & si plures, simul Senatores & Equites, legati mitterentur, praeferriri tamen solent Senatores, aut in honorem Principis ad quem mittuntur, aut si, quod curandum, maioris momenti videatur negotium.

4 Quod de illis *instructionibus* intelligendum, quae extra Comitia dantur, quae enim Comitiorum tempore scribuntur, statim cum praesentibus Ordinibus communicantur, nisi occultare easdem publica ratio iussert.

5 Data a. 1719. extra Comitia Palatino Masouiae, ad Russorum Imperatorem magno legato, instructio, tradita fuit in sequentibus Comitiis, Nunciorum Mareschalco, ac in eorum conclaui lecta. Alias legi debent coram omnibus Ordinibus, in Senatorum Conclavi, vna cum Senatusconsultis, quae ex CONST. a. 1690. tit. Obiāsnenie p. 2. post propositionem comitialem recitantur.

6 Allegata modo Constitutio definit tempus, quo de legationibus ad Ordines referendum: scilicet, post Senatorum sententias in comitialem *propositionem*, nominatis ex Senatu ad scribendas constitutiones, excipiendas Theaurariorum rationes, & lustrandam rem armamentariam delegatis. De modo, addit eadem Constitutio, fieri id debere semotis arbitris, ac iure iurando peragi. Cum in Comitiis Grodnensibus a. 1718. de Russica legatione referretur, praemittebatur iusiurandum, omnia ex veritate memoratum iri. A. 1672. Palatinus Culmensis, post relationem de Russica legatione, surgens cum collegis, tacto pectore iurabat, nihil se citra instructionem sibi a Rege & Republica datam egisse; cum vero illud iusiurandum Nunciis Terrestribus minus solenne videretur, repeti illud debebat flexis genibus, in medio conclaui Senatorii, ad sellam Senatoriam, cui Archiepiscopi Gnesnenis crux imposita, verbis a Magno Lituaniae Cancellario, eam in rem conceptis, Gnesneni Archiepiscopo & Episcopo Cuiavieni adstantibus. Epist. ZAL. T. I. p. 356. 357. Recte autem fit illa relatio coram Ordinibus omnibus, quod scire omnium interest, quid actum constitutumque cum Principibus exteris, vt debent omnibus cognita esse mandata, quae legatis ad eosdem scribuntur. Inde firmatae legibus consuetudini aduersari creditum, cum a. 1670. de legatione in Senatus Consilio referretur. Epist. ZAL. T. I. p. 239.

7 De modo excipiendi dimittendique exterorum legatos, in Regum superiorum Pactis, nihil reperitur.

8 Constituunt illud Senatores, qui ex lege, Regi adsunt, Residentes ad Eius latus vulgo dicti: quibus dimittendi legatos, iam olim *Articuli Henrico* oblati, facultatem concederunt, si temporis & necessitatis ratio id exegerit. VOL. CONST. T. p. 253. Omne tamen illud, quod cum legatis actum, solet in sequentibus Comitiis ad Ordines referri. Anno 1718. Grodnae coram Ordinibus, post *propositionem* comitialem, Secretarius maior Lituaniae, inter caetera Senatus consulta, legebat colloquium cum Legato Russico, de accelerando militis gentis suae ex Polonia discessu, habitum.



## §. XXVI.

LEGATIO AD PONTIFICEM. NOMINATIO  
AD CARDINALATVM.

Ad legationem Romanam personas saeculares non spirituales adhibebimus<sup>1</sup>, & cum ius nominandi subiecta ad Cardinalatum habemus<sup>2</sup>, hoc ipsum ius seruabimus.

<sup>1</sup> Primum *Augustus II.* in *PACTIS* suis, sacrosancte sponponit, se non personas spirituales, sed saeculares, Romanum legatos missurum. §. *To tez waruemy.* Et est forte, ut nobis quidem videtur, ratio, ne a legatis Sacri Ordinis, per reuerentiam, Summi Pontificis auctoritas ac Romanae Curiae commoda, iuribus Maiestatis & Republicae praeferantur. Quare cum ad componendas, quae adhuc intercedunt, controuerfias, in Comitiis a. 1726. legatio Romanam decerneatur, mandata eadem fuit, Palatino Lublinensi, Iohanni Tarlo. CONST. a. 1726. tit. *Poselstwo.*

<sup>2</sup> Habent hoc Reges Poloniae, cum caeteris Romano-Catholicae Religionis Regibus commune, vt nominare possint, quem a Summo Pontifice, ad dignitatem Cardinalitiam euehi velint. Defendit hoc suum ius, in primis Iohannes Casimirus, cum nominationem Eius haud ratam haberet Pontifex, diluitque rationes, quae contra illam allegatae fuerant. „Auget dolorem nostrum, inquit „in litteris ad Cardinalem Vrsini, vltra praecipitem & abruptam nouo exemplo „nominati nostri exclusionem, quod curiensium sermonibus iactari audiamus: „Regibus Polonis ius nominandi ad Cardinalatum non antiquitus competere, sed „recenter quae situm, neque in uno Pontificatu bis usurpari debere, atque vt no- „minetur Nuncius Papae, aut aliquis destinatus a Pontifice, hic & non aliis, ne- „cessitate quadam Reges Poloniae obligari. De antiquitate iuris non est, quod „nimis certemus, cum enim sensim & recentius excreuerit Cardinalitia dignitas, „minor forte olim cura fuit Regibus aequa Polonis ac aliis, eorum promotioni- „bus partes suas commodandi. Caeterum antiqua Maiestate & magnitudine im- „perii, pares omnibus Regibus Reges Poloniae fuerunt, nec veneratio Eorum er- „ga sedem Apostolicam sincera, & religiose demissa, illis praeiudicio ac noxae „priscis Pontificum temporibus vertebat. Quodsi nouum ius in dubium voce- „tur, proclive est deducere, aliqua iura a Pontificibus Romanis in Regno nostro „nouiter quae sita, & indulgenti Regum maiorum nostrorum pietate, ad sum- „mum prouecta esse, quorum tamen usui nihil detrahimus, nec sanctius hacte- „nus quidquam habuimus, quam pro adserenda auctoritate Pontificia, & propu- „gnanda Ecclesia Romana, non curam duntaxat & opes, sed vitam ipsam deuo- „vere. An vero tantum semel in uno Pontificatu, nominare ad Cardinalitiam „dignitatem debeamus, exemplis aliorum Regum decidendum permittimus, cum „neque plus & iuris & auctoritatis, quam alii Reges, postulemus. Restringi „vero nostram nominationem ad Nuncios Apostolicos, vel ad personas a „Pontifice designatas, quid dignitatis nobis adferat? cum vel ipsa moderna „promotione Cardinalium in aperto sit, Nuncios motu proprio Pontificio pro- „moueri, alias Cardinales nominatione Regum seorsim creari, imo anteactis „temporibus responsum fuit, Nuncios a Regibus Poloniae nominari non debere, „qui ex meritis suis solo beneplacito Pontificio prouehantur. Epist. ZAL. T. I. p. 6.

Ad idem ius prouocauit *Iohannes III.* cum eius nominationem Pontifex neglexerat, *Epist. ZAL. T. I. p. 973. 976.* voluitque illud per manifestationem coram Regni tribunali adserere, simul litteris ad omnes Reges & Principes datis de iniuria queri; licet a feroore remitteret, cum molliora suaderentur, *Epist. ZAL. l. c. p. 992. 993.* satis vindicasse contemtum ratus, quod nouo Cardinali *Pallavicino*, Nuncio Apostolico in Polonia, transmissum *birettum* non imponeret. *Epist. ZAL. l. c. p. 1008.* Valuit tamen plerumque Regia nominatio, cui *Vindoboni*, *Bonfi*, *Furbin*, *Salerno*, alii, suam purpuram debent. Et excusauit *Alexandrum VII.* Papam, quod nominationi *Iohannis Casimiri* non attendisset, Successor *Clemens IX.* promisitque, ubi primum Principum commendationi locus detur, Se Regii Candidati rationem habiturum. *Epist. ZAL. l. c. p. 161.* Illud singulare, quod cum Principes caeteri ciues, Poloniae Reges per integrum saeculum, ex Reip. rationibus, *Epist. ZAL. l. c. p. 957.* non nisi exterios in Cardinalatum nominauerint. Creati quidem tempore Iohannis III. duo Poloni Cardinales, *Ioh. Casimirus Doen-hof* & *Michael Radzeivscius* tunc Episcopus Varmiensis, postea Regni Primas, sed uterque sine Regia nominatione. *Epist. ZAL. l. c. p. 992.* Caeterum ius Regium nominandi Cardinalem, primum praesentibus Pactis insertum, neque in superioribus reperitur.

### §. XXVII.

#### CONTROVERSIAE CVM SVMMO PONTIFICE.

*Instabimus quoque apud Beatissimum Patrem, vt controuersiae de iure Patronatus<sup>1</sup> & alia desideria Reipublicae<sup>2</sup> quanto-cius cum Curia Romana, cum nostra & Reipublicae satisfactione, per concordata finaliter terminentur & pacificantur<sup>3</sup>. In proximis autem, quae ad finem perducentur, Comitiis, cum Ordinibus Reipublicae, id enixe curabimus, vt ad satisfactionem Beatissimi Patris, Constitutionis Grodnensis, in Comitiis a. 1726. fancitae, fiat modificatio<sup>4</sup>.*

<sup>1</sup> Est ius Patronatus, Regia potestas nominandi ad Episcopatus, Abbatias & alia sacra beneficia. Ut eadem Regi integra seruetur, iam per antiqua statuta, grauissimis poenis prouisum. *Iohannes Albertus* in Comitiis Petricouiensibus a. 1496. eos, qui derogando iuri Patronatus, beneficia ex quacunque causa impetraverint, publicatione bonorum & exilio puniendos sanxit, *LASC. Stat. f. 101. p. 2. PRIL. Stat. p. 95.* quam poenam *Alexander* in conuentu Radomensi a. 1505. noua lege firmavit. *LASCO. f. 117. p. 1. PRIL. p. 96.* Noluit & hoc ius imminui *Sigismundus Augustus*, *Vol. CONST. p. 4. §. A izwiele*, aut *Vladislaus IV.* quenquam illius participem fieri. *CONST. a. 1641. p. 13. tit. Iura Patronatus.* Tempore *Michaelis* tamen in disceptationem venit, Monachis sibi Abbatum liberam electionem arrogantibus, & caussam hanc ad summum Pontificem deferentibus, cuius controuersiae historiam ad §. XI. (2) dedimus. Cauit inde primum in *PACTIS* suis §. *Iura Maiestatis*, *Iohannes III.* „Se iura Patronatus in „Episcopatus, Abbatias, & omnia sacra beneficia manu tenturum, Seque iis, qui „sine nominatione Regia, quocunque modo, dicta beneficia inuadere ausuri, ad „exem-

„exemplum superiorum Regum oppositum.“ Idem alio tempore affirmauit, malle Se omnibus, quam iure Patronatus spoliari. *Epiſt. Z A L. T. I. p. 682.* Plemius tamen ex litteris memorati Regis ad Cardinalem Altieri a. 1684. datis patet, quanto studio hoc suum ius afferuerit, & quam aegre tulerit, illud non vno modo infringi. „Mirari, *inquit*, profecto, & dolere satis non possumus, quod hactenus pacificum, & nunquam in dubium vocatum ius Patronatus Regum Poloniae, nunc primum moderno Pontificatu infringatur, Abbates titulati, sine nominatione & praeſentatione nostra intrudantur, nostri pro more & iure antiquissimo, ad Abbatias nominati, diuersis modis, litigiis, sumtibus, cum summa indignitate & praejudicio vexentur, & beneficiis a nobis collatis excludantur, nostra que auctoritas & commendationes Regiae fruſtra habeantur. Declaramus itaque firmam & constantem mentem nostram, nos minime vnuquam paſſuros, iura Patronatus nostri, nobis de manibus extorqueri, neque permisuros, vt quisquam Abbatii in Regno Poloniae, sine nominatione nostra Regia praeficiatur. Accipimus ſimul cum Sceptro, eam a Deo auctoritatem, vt exemplis Regum Poloniae, Antecessorum noſrorum, (accidente etiam capitulatione cum Ordinibus Regni, post euocationem nostram ad thronum Regium follenni iuramento nostro firmata) ad manutenenda iura Patronatus nostri, contra quoscunque conuulſores obſtrangamur. *Epiſt. Z A L. T. I. p. 886.* Inter ea quae *Augustus II.* dum Regnum peteret, Reipublicae promiſit, quaeque *PACTIS CONVENTIS* adiecta, eadem leguntur, §. *Iura Patronatus*, quibus Iohannes III. ſe Iura Patronatus tuiturum ſpoſonderat: praeterea Is fidem dedit, curaturum ſe, vt a defuncto Rege nominati Abbates ad possessionem Abbatiarum perueniant. §. *A ze Kontroversja.* Sequentium vero Comitiorum, de iure Patronatus constitutionem, ſupra ad §. XI. (2) allegauimus. Nec minus in *Traſſatu Varsauienſi* a. 1717. iura Patronatus curae Cancellariorum commendantur. *C O N S T. a. 1717. p. II. §. Nikog.* Denique in Comitiis Grodnenſibus a. 1726. conſtituebatur, „Summum Pontificem per legatum rogarē, ne iura Cardinalia Maiestatis & Reipublicae nec non Patronatus, laedi permittat, ſed vt praejudicia & grauamina, quae tam a Religiosis in Abbatias irrumptibus, quam ab aliis Spiritualibus, beneficia absque praeſentatione Regia viſurantibus, inferuntur, auertere & tollere velit.“ Praeterea leges veteres pro Iure Patronatus repeatabantur, addito, „vt poena violatoribus citra veniam irrogetur, nemini Abbatias & alia beneficia ſacra, Regiae praeſentationis, ſine praeſentatione illa & nominatione, poſidere liceat, Ministri Status & exercituum Duces, iuris huius executioni attendant, hique ad amouendos viſuratores, quando necesse fuerit, militem ſuppeditent, ad coercendos, antiquis legibus & praeſenti constitutioni refragantes, tum ad bona cum praejudicio Patronatus Regii viſurata, occupanda, facta factis opponendo. *C O N S T. a. 1726. tit. Poselſtwo.*

2 Recenſentur illa desideria, in citata modo Conſtit. a. 1726. Queritur ibidem Respubl. de exactionibus in Cracouienſi & aliis Palatinatibus, ex ſummis reemtionis nomine ſolutis; de euocationibus cauſarum ciuilium ad confiftoria & Nunciaturam, per appellations & inhibitiones, ac de abuſibus Iurisdictionis Nunciaturae, internam quietem Regni perturbantibus. Postulat inde Respubl. vt Tribunal Nunciaturae, ad instar aliarum Nunciaturarum, quae in terris Principum catholicorum reperiuntur, circumſcribatur, ac omnes eius abuſus & exorbitantiae, cum ſummo grauamine & praejudicio status faecularis & eccleſiaſtici, & in primis praerogatiuae legati nati abrogentur. His adiiciebatur: vt Nuncioſ Apostolicus reuocetur.

3 Decreta,

3 Decreta, vt paullo ante dictum, in Comitiis Grodnensibus, legatio, quae negotium illud perficeret, sed omessa, cum recepturum eam summus Pontifex negaret, nisi prius lata in Ipsum constitutio abrogaretur.

4 Molestissime hanc Constitutionem tulit *Benedictus XIII.* qui initio a. 1727. in binis ad Regem *breibus*, & alio ad Poloniae Episcopos, de iniuria & Sanctitate sua parum reuerenter habita, grauiter questus, id etiam atque etiam exigens, vt Constitutio penitus tollatur. Non deerant rationes, quae pro aequitate sciti comitialis allegarentur, Rex tamen, qua erat in sacram sedem obseruantia, iurisdictionem Nunciaturae interdictam concedebat. Publica autem lege, summi Pontificis indignatio leniri haud poterat, Comitiis post a. 1726. dum viueret *Augustus II.* irritis.

### §. XXVIII.

#### DE INDIGENATV ET NOBILITATE CONFERENDA.

Exteros aut quempiam alium, ex nostra persona<sup>1</sup>, ad indigenatum<sup>2</sup>, nobilitatem<sup>3</sup>, haud promouebimus, sed tantum hos, quos Palatinatus vtriusque Gentis<sup>4</sup>, aut Ministri Status<sup>5</sup> & Duces exercitus<sup>6</sup>, sago & toga bene meritos<sup>7</sup> commendabunt. Recens autem creatis Nobilibus officia & beneficia ad tertiam progeniem non dabitur, neque legatos mittemus<sup>8</sup>, exceptis iis, qui vita aut fortunis tuebuntur patriam<sup>9</sup>, & qui ex antiquis familiis externis<sup>10</sup> recepti fuerint.

<sup>1</sup> Non enim Rex solus, exteris, aut qui ab exteris in Polonia nati indigenatum, neque plebeii ius Nobilitatis conferre potest. Iam olim Indigenatus consensu omnium Ordinum in Comitiis datus, exstatque in Constitutionibus a. 1588. Bathoreorum exemplum. V O L. C O N S T. p. 485. tit. *indigenaty.* Addit *Sigismundus III.* a. 1601. „quod petituri Indigenatum, Nobiles in conuentibus „particularibus ambire, ac per eorum nuncios in Comitiis commendari debeant. V O L. C O N S T. p. 748. tit. *Temruk.* Idem Rex a. 1607. sanxit, „quod omnes „indigenatus, ipso regnante, sine consensu Ordinum ex Cancellaria Regia traditi, „neque Constitutionibus inserti, in futuris Comitiis cognitioni Ordinum, sub „nullitate priuilegiorum exhibendi, ac in posterum nemini sine Ordinum in Co „mitiis consensu, ex Cancellaria Regia tradendi, & si traditi, pro irritis habendi sint. V O L. C O N S T. p. 864. tit. *de indigenatibus.* Sub Vladislao IV. a. 1641. indigenatum potentibus iniungitur, „in Comitiis primum sua merita in Rempubl. probare, „& deinde suam Nobilitatem authenticis documentis Principis sui haereditarii, vel „Reipubl. in qua natus probare, „ simul indigenatus quoconque modo obtenti, si in volumine legum post a. 1607. non reperiantur, pro nullis declarantur. C O N S T. a. 1641. p. 11. tit. *O indigenatach.* P A C T I S Michaelis caput de indigenatu & nobilitate non a solo Rege conferendis, primum insertum, ac in sequentibus repetitum. §. *Cudzoziemcow áni.* De Nobilibus creandis sigillatim exstat Constitution a. 1578. V O L. C O N S T. p. 334. tit. *Plebeiorum nobilitatio,* vt id non nisi in Comitiis, Senatoribus consciis fiat, aut in exercitu, ob res fortiter & egregie gestas. Per C O N S T I T U T I O N E M a. 1601. V O L. C O N S T. p. 736. tit. *O norwey*

nowey Szlachcie, ad Nobilitatem non admittendi, nisi qui Regi, ob egregia merita a Senatu & Nunciis Terrestribus, aut si milites, a Duce exercitus commendati fuerint. Et in allegata CONST. a. 1641. idem de Nobilitate, quod de Indigenatu dicitur, saltem in Comitiis omnium Ordinum consensu esse impetrandum: imo CONST. a. 1676, in CONST. LITVAN. tit. Nobilitacye, p. 24. exigit, ut nobilitatis pariter ac indigenatus Candidati, in Conuentibus Palatinatum fauorem equestris Ordinis sibi concilient, quo ab eo Regi in Comitiis commendentur. Neque usus a legibus diuersus est, dum in Constitutionibus Comitiorum, non tantum nouorum indigenarum, sed & eorum nomina, qui in iis Nobilitatem consecuti, leguntur. Potest quidem Rex solus per Rescriptum creare nobiles, at tales pro exteris habentur, neque ad iura Equitum Polonorum admittuntur.

2 Est indigenatus priuilegium, quo exteri, natis in Polonia nobilibus aequantur, ut pro Polonis habitu, ad eadem cum his iura admittantur. Merito illud magni momenti audit, quod non indigenae dignitatibus, muniis sacris & ciuilibus, Capitaneatibus, Tenutis, possessionibus arcentur; neque ea sibi vindicare possunt, quibus soli per natuitatem Regni ciues gaudent. Id tamen tenendum, esse hic sermonem de Regni, & qui sub eo continetur Lituaniae indigenatu, non de Prussico. Prussi enim, ut in plurimis, suis agunt legibus, sic & diuersum a Regni habent & tinentur, indigenatum, ut Poloniae statim non sit Prussiae, licet Prussus Poloniae perpetuo censeatur indigena. Conferunt illi suum indigenatum exteris, imo Polonis & Lituanis ut exteris: non tamen Regni Ordinum consensu, sed saltem suo; non in Comitiis, sed in conuentibus suis generalibus; non ad commendationem Palatinatum Poloniae & Lituaniae, sed Prussicorum; neque per constitutionem Regni, sed per Prouinciae laudum. Nonnulla quae rem hanc illustrabunt, ad §. XXXIX. adferentur.

3 Nobilitas confertur iis, qui a parentibus non habent, siue in Polonia natu, siue aliunde venerint.

4 Polonae ac Lituanae, & quidem per suos ad Comitia Nuncios, in quorum mandatis scribuntur illorum nomina, quos dignos indigenatu & nobilitate Palatinatus ducunt. Ipsi etiam Reges solent in suis ad conuentus antecomitiales instructionibus, Palatinatibus Candidatos commendare, quo suum consensum Nunciis committant. Nuncii vero in Comitiis in suo conclavi, indigenatu aut nobilitate ornandos, diligentius expendunt, & si nullus contradixerit, ad Regem deferunt.

5 Scilicet Mareschalli, Cancellarii & Thesaurarii: quorum tamen in hac caufsa, superiorum Regum pacta mentionem faciunt nullam. Et illorum quidem, nec minus Ducum exercitus commendatio, parare ad Indigenatum vel nobilitatem possunt aditum, ut tamen impetrentur, Ordinum consensu opus est.

6 Haec Ducum exercitus commendatio solet in CONSTITUTIONIBVS Regni memorari, potestque inter caeteras exemplo esse GRODNENSIS anni 1726. tit. Indygenatu y Nobilitacye.

7 Vtriusque generis in Rempublicam merita in Constitutionibus memorantur. Interdum & pecuniae habetur ratio, nisi velis inter merita referre, numeros in publicum erogare. A. 1658. nobilitas pretio concessa fuit, KOCHOV. Annal. Clim. II. p. 295. laudanturque in CONSTITUTIONIBVS illius anni, pag.

36. 37. ex nouis indigenis & nobilibus nonnulli, quod notabiles summas in publicam necessitatem contulerint. Prusia a. 1661. a suis ad Comitia Nunciis effici volebant, vt qui nobilitatem peterent, minimum tricena millia florenorum in Reipublicae commodum, durantibus Comitiis conferrent. Caeterum in medio relinquimus Celfissimi quondam *Principis & Episcopi Varmiensis* iudicium, quasi nobilitas vile iam & promiscuum donum, quod non sanguine & ingentibus in Rempublicam meritis, sed potentiorum commendatione & pecunia etiam mancipia assequantur. *Epist. ZALVSK. T. I. p. 464.*

8 Noui ergo nobiles non statim iis, quibus veteres, iuribus gaudent, sed demum pronepotes ad ea admittuntur. Idem statuunt PACTA Michaelis, quod Iohannes III. ac Augusti II. *Cudzoziemcow* repetunt.

9 Hoc pariter in allegatis pactis prouisum. Quare interdum noui nobiles, ob singularia merita, dum creantur, per legem statim veteribus aequari solent. A. 1676. Nobilitas nonnullis ita collata legitur, vt ad munia ac officia quaevis suscipienda & obeunda, vna cum prole vtriusque sexus, *ex nunc habiles & capaces sint, non obstante lege de nouis nobilibus.* CONST. a. 1676. p. 59. tit. Nobilitacya. Et alius eodem anno nobilitatem recepit, vt iurium omnium quae Nobilibus serviant, *ex nunc habilis & capax sit. p. 61. tit. Nobilitat. Ad. Szuberta.* In Comitiis Grodnenfibus a. 1726. Iohannes Renard, collata in ipsum nobilitate, *capax bonorum & honorum ex nunc declaratus, non obstantibus antiquis de Nobilitatione Constitutionibus.* CONST. a. 1726. tit. Nobilit. Iana Renarda. Plura exempla in re manifesta cumulare superuacuum duximus.

10 PACTA Augusti II. §. *Cudzoziemcow*, addunt, *ad indigenatum*, vt sensus verborum sit: posse nouos indigenas statim ad dignitates euehi, & munia publica obire, si ex antiquis familiis descendant.

### §. XXIX.

#### EXTRANEI AD REIPUBLICAE CONSILIA NON ADMITTENDI.

Extraneos cuiuscunque conditionis homines, ad consilia Reipublicae, aut ad vias administrationes & negotia haud admittimus, neque iis dignitates, Capitaneatus, Tenutas conferemus, ex praescripto Constitutionum a. 1607. & aliarum<sup>1</sup>, ad quas in omnibus agere volumus: saluis domesticis nostris bene meritis, quoad collationem Aduocatarum iuxta antiquas leges<sup>2</sup>. Neque vt se instantiis, negotiis, promotionibus, aut porrectioni chartarum ad subscribendum, immisceant, concedemus, sub vinculo iuramenti nostri<sup>3</sup>.

I Dicitum ad §. XVII. (5) de extraneis ad dignitates & munia non admittendis. Praesens tamen caput, de illis extraneis sigillatim agit, qui aulae familiares, res Principis priuatas procurant. De his iam *Henrici* nomine legati Galli pacti, „eum ad inhabitandum nullos peregrinos homines adducturum,

*praeter*

„praeter paucos, quorum opera in ministerio domestico vteretur, hos tamen post-  
 „ea breui remissurum, neque vllas iis possessiones, dignitates, aut officia: sed  
 „ea tantum indigenis Polonis concessurum. VOL. CONST. p. 225. Idem de di-  
 mittendis peregrinis, ac possessionibus & dignitatibus arcendis, Regis Sueciae  
 Oratores pro Sigismundo III. promiserant, simul, „cum Is regnum Sueciae  
 „adierit, consiliarios & officiales eius Regni, Poloniae & Magni Ducatus Litua-  
 „niae, consiliis, negotiis, intercessionibus, promotionibus non adhibiturum,  
 „neque vt iis se immisceant, passurum. VOL. CONST. p. 453. Haec per Consti-  
 tutionem anni 1607. VOL. CONST. p. 831. tit. O Cudzoziemcach, firmantur,  
 ac in peregrinos, qui munus aliquod, aut bona Reipublicae obtinuerint, iudi-  
 cium & poena decernuntur: quam Constitutionem alia an. 1609. VOL. CONST.  
 p. 890. tit. O Cudzoz. roborat. His se submiserunt in PACTIS suis Vladislaus  
 IV. Iohannes Casimirus & Augustus II. §. Cudzoziemcow wszelakiey. Ex quibus  
 Vladislaus IV. fidem in pactis datum, per CONSTITUTIONEM a. 1646. pag. 2. re-  
 petebat, Se scilicet extraneos ad latus suum non habiturum, neque illorum con-  
 filiis usurum. In EXORBITANTIIS vero sub electionem Michaelis, tit. O liczbie  
 Cudzoziemcow, sanctum, „quod penes Regem ultra sex extraneos haud esse, & qui se  
 „ex illis in materiam status ingerere voluerit, is ad instantiam cuiusuis ad tribunal  
 „citari, & ex speciali regestro poenis criminalibus iudicari debeat. Denique in  
 Tractatu Varsauensi a. 1717. Ministris Regni & Lituaniae, ad latus Regium,  
 commendatur attendere, „ne exteri in aula agentes, in consilia & negotia, ci-  
 uilia, militaria & oeconomica, in salisfodinas & telonia, atque promotiones se  
 „immisceant. CONST. a 1717. p. 8.

2 Non id reperitur in superiorum Regum pactis. Iohannes Casimirus tamen  
 per CONST. a. 1662. p. 15. tit. Dekláracya, in illum usum decem seruauit Aduo-  
 catias. De ipsis Aduocatiis actum ad §. XIII.

3 Haec saltem in PACTIS August. II. §. Cudz. wszelkiey, existant, omissa  
 tamen chartarum porrectio. Intelliguntur autem litterae quaevis, aut diploma-  
 ta, Regi per exteriores ad subscriendum oblata, siue negotium aliquod publicum  
 contineant, siue usui priuatorum seruant, ne clam obtineatur, quod scire Can-  
 celliariorum interest. Additur in fine iuris iurandi vinculum, illius scilicet,  
 quod in Pacta Conuenta dici solet, & ideo allegatum videtur, vt pateat, quanti  
 momenti habeatur, exteriores ad ea non admitti, quae praesenti §. memorantur.

### §. XXX.

#### AVLICI NE SINT EXTRANEI.

Aulam dignitati nostrae Regiae conuenientem<sup>1</sup>, ex gente  
 Polona, Lituana & annexarum prouinciarum, tantum ex ipso  
 ordine equestri<sup>2</sup>, prae aliis, incipiendo ab Officialibus, Auli-  
 cis, usque ad ephebos & ianitores habere promittimus<sup>3</sup>,  
 praeter alias personas ad minora obsequia<sup>4</sup> pertinentes, cu-  
 iuscunque conditionis.

<sup>1</sup> Praeter ministros Senatorii Ordinis, & eos, qui extra Senatum, quo-  
 rum numerus est certus & legibus definitus, sunt aulici, a cubiculo, a rediti-

G 2 bus,

bus, ab epistolis, alii, quos Rex prouti visum fuerit, modo plures, modo pauciores creat.

2 Equestris ordo saltem memoratur, quod Senatorum dignitas maior est, quam ut ex iis aulici legi debeat, ipsi autem nobiles, iis, qui loco obscuriori nati, praefreruntur.

3 Promiserunt & priores Reges a *Vladislao IV.* in suis PACTIS §. *Dvor Stanowi*, addideruntque salarii mentionem, generatim tamen de aula locuti: primum Aug. II. aulicos per species recensuit. Nihilominus fuerunt olim inter aulicos exteri. Fouit Suecos populares suos *Sigismundus III.* cuius exemplum fecuti filii, ex quibus *Johannes Casimirus*, quod Coniux illius nationis erat, & Gallos admisit, qui ob eandem rationem & in *Johannis III.* aula frequentes visebantur. Neque Italis, Transiluanis, ac Germanis praeclusus fuit aditus, cum Poloni ex diuersis his nationibus modo Reges, modo Reginas, legerent recipi- rentque.

4 Non haec ante *Augustum II.* in pactis leguntur, & ipsa *Augusti II.* pacta, illa obsequia ad cubiculum Regium restringunt, omisis *cuiuscunque conditionis* vocabulis.

### §. XXXI.

#### DE AVLA REGINAE.

Similiter & Serenissima Regina, Coniux nostra, in aula sua<sup>1</sup>, personas Polonicas, Senatorii<sup>2</sup> tantum & equestris ordinis habebit, prouidendo aulae suae personas extraneas<sup>3</sup>, pro dignitate & decentia sua.

1 Hanc Reginae aulam iam suo tempore descripsit CROMERVS *de situ & Gente Polona Lib. II. edit. quae historiae eius iuncta, p. 512. 513.* „Habet, inquiens, „Regina Magistrum curiae, qui omnibus praefest, Eamque prodeuntem cum sce- „ptro antecedit, & Magistrum curiae gynaeceo moderantem: deinde Cancella- „rium vel Secretarium, cuius sunt munera, litteras nomine Reginae conscribere, „signare & legere, & compellantibus Eam responsa dare. Est autem discrimen „inter Cancellarium & Secretarium, quod hic non gestat signum Reginae sicut „ille, sed ab ea, quoties opus est, vtendum accipit. Habet Regina etiam The- „saurarium suum, & pincernam siue pocillatorem: & structorem mensae & sub- „dapiferum, & dapiferum, & culinae & stabili magistros singulos: itemque map- „parium, abaci custodem, dispensatorem & ianitores, eodem quo Regis sunt, „honoris discrimine: quibus omnibus victus, vestitus & mercedes a Rege „praebentur.

2 Sunt Reginae inter aulae suae ministros & Senatores, ex quibus Mareschalcus, saepius & Cancellarius, esse solent. Mareschalcus est idem, qui Cromero allegato loco curiae Magister dicitur, qui Reginae scipionem praefert, ac primam aulae curam, gerit. Hoc munere apud *Mariam Iohannis III. Ernestus Doenhoft*, Palatinus Mariaeburgensis; apud *Eleonoram Michaelis*, *Vladislaus Rey*, Palatinus Lublinensis; apud *Ludouicam Vladislai & Iohannis Casimiri* coniugem, *Gerhardus Doenhoft*, Palatinus Pomeraniae, functi sunt, cui hodie *Illustris Petrus Dunin*, Castellanus Radomiensis praefest. Quae Cancellarii partes, descripsit idem *Cromerus* cit. loco, estque is Sacri, vt Mare-

Mareschalcus ciuilis ordinis, & modo Episcopus, modo minoris dignationis. In aula *Mariae* fuerunt Cancellarii, *Ioh. Stan. Szanscius*, & *Andreas Chrysoft. Zaluscius*, ille *Premisliensis*, hic *Kiouiensis*, Episcopus, reddiditque Sigillum *Zaluscius*, *Ioh. Alb. Doenbok*, Camenecensi Praesuli. *Eleonorae* erat *Vencesl. Leszczynius* Abbas *Czeruinen sis*, & *Ludouica Ioh. Gemblicium* Regni Secretarium maiorem, Cancellarium recepit. In praefens stationem hanc ornat *Reuerendiss. Kobielscius* nominatus Episcopus Camenecensis. Nec minus Magistra Curiae, vt eam nominat **C R O M E R V S**, ex viduis Senatorum legitur. *Ludouicae*, cum in Poloniā veniret, data fuit *Pomeraniae Palatina*, *Maria* vero *Kiouiae Palatinam* recepit.

3 Non ergo omnes exteri aula Reginae prohibentur. *Vladislaus IV. & Ioh. Casimirus* caelibes, in **P A C T I S** suis §. *Z strongy małżeństwa*, promiserunt: „si quando vxorem extera ducturi, non plures ei peregrinos, neque diutius concessiuros, quam Senatui visum fuerit. In **E X O R B I T A N T I I S**, sub electio nem *Michaelis, tit. Krolowa*, Reginae exteræ, sex suae nationis feminae, ad cubiculi tantum ministeria permittuntur: quod ipse Michael caelebs, in **P A C T I S** repetit §. *Z strongy małżeństwa*, illasque sex personas infimis operis destinat. Inde *Andr. Olczouius* Episcopus tunc Culmensis & Regni Procancellarius, pro matrimonio *Eleonorae* Viennam legatus missus, de *iis*, quos adductura in Poloniā, Michael perscribit: „Cum Archiducissa in Poloniā non venient, nisi vna Baroneffa *Mantuana*, *Milia*, sine vlo titulo, & quatuor puellæ, inter quas vna tantum insignis erit Princeps Holestinensis annorum decem. Ex viris neminem habebit, quatuor tantum vilioris seruitii, coquum, credentialium, supellestilis conseruatorem &c. Omne seruitum debet esse ex Polonis, ne oneri sit & invidia, nam qui genitalis soli relinquit dulcedinem, nobis volet inhaerere. Videl & considero quod hic nolint impingere in errores & dissidentias in populo importunas. Qui certatim seruitia quaerunt, expedit negatiue Imperatrix, omnia referendo ad voluntatem Maiestatis Vestrae. *Epiſt. Z A L. T I. p. 165.* Augustus II. Coniugi quatuor gentis suae pactus §. *Także Naiasnieysza*, feminas, sed conditionis nobilioris.

### §. XXXII.

#### DOTALITIVM REGINAE.

Serenissima Coniux nostra tali dotalitio in Tenutis & bonis Regiis<sup>1</sup> gaudebit, quale Serenissimae Reginae Poloniae, Ludouica, Eleonora & Maria<sup>2</sup> habuerunt.

1 Viuente Rege, diuersae summae, Reginae decernuntur, quibus post matiti mortem, Se suamque aulam pro dignitate sustentet, & quidem alia ratione illatae dotis, alia dotalitii, alia denique sed longe minor, donationis propter nuptias nomine. Inscribuntur illae certis bonis Regiis, per nobiles, indigenas & possessionatos administrandis, vt vidua annuos ex illis redditus, qui summas destinatas aequare creduntur, recipiat. Fit hoc omnium Ordinum consensu, per publicam legem, soletque adiici, ne successores Reginae ullam possessionem bonorum, quibus summae inscriptae, sibi vindicent, neque Resp. obstringatur, easdem pecunias, siue Regina viuente, siue mortua, cuiquam numerare, sed vt Regina illis bonis vtatur, quamdiu Regina Pol. audiet, & in Polonia aut M. D. Lituaniae manebit. Probant id **C O N S T I T U T I O N E S** eam in rem latae a. 1646. 167. &

1678. sequenti nota iterum citandae. Inde *Eleonora Michaelis* vidua, redditibus suis excidit, cum in Germaniam abiret, nuberetque altero matrimonio Carolo Lotharingiae Duci. *Maria vero Iohannis III.* quondam coniux, constituto Romam itinere, litteris ad conuentus antecomitiales, Reip. petiit consensum, vt assignatis sibi in viduitatis solatium bonis, vti liceret. *Epist. Z A L. T. I p. 511.* Comitiis autem non succendentibus, concessum per SCsltum quod rogauerat, & cum absentia, quam ad biennium Ipsa restrinxerat, eset annorum plurium, redditusque tempus plane incertum, consensit Reip. per *Const. Poparcie Gener. Sendom. Konfed. a. 1710. p. 69. tit. Pozwolenie*, vt diutius extra Regnum agere Ei liceret; Illiusque bona & iura *reformatoria*, circa integritatem & immunitatem legibus circumscriptam seruauit, & omne illud, quod huic iuri *reformatorio* aduersum, licet priuilegio aut Rescripto aliquo suffulciatur, veluti irritum tollit. Addimus, omne illud, quod Reginis in viduitatem assignatur, vno *Reformationis* vocabulo Polonis venire, & ius *reformatoriuum* dici, quo illa reformatio constituta.

**2** Tres memorantur Reginae, quatuor Regum coniuges, *Ludouica Vladislai IV. & Ioh. Casimiri*, *Eleonora Michaelis & Maria Iohannis III.* Habuerunt illae suum dotalitium, aut vt Poloni loqui sueuerunt, suam *Reformationem*. Et quidem Ludouica in singulos annos centum millia florenorum ratione illatae dotis, alia centum millia in dotalitium, & duo millia aureorum donationis propter nuptias nomine. *Const. a. 1646. p. 8. tit. Oprawa.* Pares summae *Eleonorae Const. a. 1670. p. 17. tit. Oprawa, & Mariae Const. a. 1678. p. 4. tit. Oprawa*, assignatae. Id singulare primumque est exemplum Reginae dotalitium in Pactis Conuentis decerni. Occurrit quidem in *Ioh. III PACTIS §. Iako na przeszley*, Reginae *Eleonorae reformatio*, sed praecesserat allegata a. 1670. *Const.* qua eadem sancita, neque aliud in Pactis actum, quam vt recenserentur bona mensae Regiac, ex quibus vidua redditus acciperet, donec vacare contingeret illa bona, quibus per *Const.* erant inscripti.

### §. XXXIII.

#### CVSTODIA CORPORIS, ET CANCELLARIA REGIS.

Custodiā corporis nostri<sup>1</sup>, & Cancellariā<sup>2</sup>, ad mentem Constitutionis anni 1717. sustentabimus & conseruabimus.

**1** Custodiā corporis Regii, eiusque praefectum, ex indigenis Regni & M.D. Lituaniae lectum iri, promisit in Pactis suis *Sigismundus III VOL. CONST. p. 453. §. Custodiam.* In *Vladislai IV. PACTIS §. Dwor, Prouinciae Regno & M. Ducatui iunctae*, adduntur, ex quibus militem praetorianum legere liceat, vt praefectus nobilis sit, Polonus aut Lituanus, aut caeterarum terrarum, vtque idem se Regi & toti Reip. coram Regni ministris & Senatoribus in aula agentibus, sacramento obstringat, ac iurisdictioni Mareschalci pareat. Idem in sequentium Regum *PACTIS §. Dwor*, repetitum, nisi quod in *Augusti II. §. Takze Gwardye* accessit, militibus illis stipendum ex Thesauro Regio solui, & numerum illorum, ex Regum superiorum consuetudine, mille ac ducentos haud excedere debere. Vtrumque hoc iam *Vladislai IV.* tempore per legem erat sancitum, *Const. a. 1646. p. 2. 3.* repetitumque ab *Ordinibus in Exorbitantiis sub Micha-*

*Michaelis electionem, tit. O gwardye.* Superest TRACTATVS VARSAVIENSIS a. 1717. qui instar legis perpetuae Constitutionibus eiusdem anni insertus est, quique *Constitutionis* nomine allegatur. Per hunc, Regi Custodia corporis, ex militia & natione Saxonica, partim equestris partim pedestris, non tamen ultra mille & ducentos, & gregarios milites & praefectos computando, permittitur. Praeterea conuenit: „vt summus Praefectus, colonellus dictus, praeter fidelitatem Regi & Reip. praefstandam, iuret: se dictum numerum non aucturum, ac Se iurisdictioni Mareschalcii, secundum leges hanc in rem scriptas, obtemperaturum; ne sub titulo supplendae dictae cohortis praetoriae, milites ex Saxonie in Regnum inducantur; ne eadem siue penes Regiam Maiestatem consistat, siue iter faciat, tum vna, tum per manipulos vllum comeatum gratis accipiatur, aut per vim exigat, sed suo stipendio viuat, omnia praesenti pecunia soluat, sub rigore severissimae poenae, a summo aut minori praefecto fine venia irrogandae, aut si negatur iustitia, per Mareschalcos Regni & Lituaniae infligendae, ita tamen, vt simul damnum, pecunia ex aerario militari farciatur.

CONST. a. 1717. p. 8. 9.

2 Intelligitur Cancellaria pro negotiis Saxonicis, quam idem VARSAV. TRACTATVS ad sex personas redigit, & vtriusque gentis Mareschalcis iniungit, providere, ne plures admittantur. CONST. a. 1717. p. 9.

### §. XXXIV.

#### REGINA REIPVBL. NEGOTIIS ABSTINEAT.

Stipulamus pro Serenissima Coniuge nostra, quod Ea in materias Status, aut promotiones, siue per Se, siue per alios<sup>1</sup>, nunquam Se ingeret.

1 Carerent hoc capite Pacta Conuenta, nisi existissent olim Reginae, quibus obiectum, sua curae vindicasse Rempubl. vt, quasi ad gubernacula positae, eam moderarentur. De *Ludouica Ioh. Casimiri* coniuge, audita querela frequens, quod Regis quidem nomine, illius tamen ad arbitrium fierent pleraque, quod nisi per eam, ad Principis gratiam aditus, iis plane praeclusus, qui vxori inuisi. Erumpet indignatio, cum nouam electionem, Rege viuente & incolumi moliretur, ac tentando omnia, Remp. ciuili bello inuolueret. Immortua quidem huic suo operi, mansit tamen eorum, quae ausa fuerat, memoria, vt in EXORTANTIIIS, sub electionem Michaelis, tit. Krolowa, Ordines sancirent, „ne Regina Se negotiis Reip. immisceret, neque promotiones per feminas aulicas exterae gentis fierent, addita relegationis ab aula poena, quam Nuncii in Comitiis, dum vacantium mentionem faciunt, procurare deberent. Quod in PACTIS Michaelis, §. Waruiemy za przyszłą, sic repetitum, vt Nunciorum loco, Cancellariis & Camerariis vtriusque gentis iniungeretur, praecaue, ne tale quid a dictis feminis fiat, & si fiat, illud ad Remp. deferre. *Eleonora* ex Austriaca domo, cui per matrimonium iunctus Michael, sponsa adhuc & absens, dignitates & publica munia promittere incusabatur: Epist. ZAL. T. I. p. 170. falsam vero fuisse suspicionem tum constabat, cum Ipsa per totam Regis vitam, publicis negotiis adeo abstineret, vt cum marito obiicerentur bene multa, quae secus fierent, Ipsa nullius rei argueretur. Imo cum maleuoli, vt tum quidem fama erat, Regem abdicare molirentur, Reginam tamen Regno seruare, ac dissoluto matrimonio,

monio, futuri Regis coniugem volebant. *Epist. Z A L. T. I. p. 343.* Durauit hoc in Reginam studium & post *Michaelis* mortem, adeo, ut inter Regni candidatos, initio potior ratio caelibum habita, quo eligeretur, qui Viduam duceret. Prae-  
 ualuit tamen *Iohannis Sobiescii* fortuna, cui vxor *Maria* nationis Gallicae, pro  
 qua idem quod *Michael*, in suis PACTIS §. *Waruiemy za Matronke*, nouus Rex  
 spopondit. Haec tamen, si illorum temporum commentariis fides habenda,  
 magis ad Ludouicæ, quam ad Eleonoræ exemplum Se composuisse visa. Su-  
 pereft enim *informatio, manifesto* post Grodnensia comitia a. 1688. illato opposita,  
 ex qua constat, fuisse consilium, „Regi in iisdem Comitiis supplicandi, vt Pa-  
 „ctum, quo Regina immiscere Se Reip. negotiis prohibetur, seruaretur, cum illius  
 „rei contrarium obtineret, dum non tantum promouente Regina, qua Ecclesia-  
 „stici, qua saeculares vacantes honores distribuerentur, sed etiam confilia priua-  
 „tim & separatim in antecessum formarentur, antequam de illis Resp. aut faltem  
 „Senatus in publico edoceretur. *Epist. Z A L. T. I. p. 1029.* In aula eius duae di-  
 cebantur esse factiones, quarum capita essent duae feminæ exteræ. *Epist. Z A L.*  
*T. I. p. 1029.* Quid Ipse Rex de eadem fassus, quid in eam publice dicere susti-  
 nuerit, magni nominis senator, *Raphael Lefczynius* Posnaniensis Palatinus, *Z A L V S C I A N A E E P I S T O L A E T. I. p. 1134. & 1104.* memorant. Nec defuerunt,  
 qui post mortem *Ioh. III.* in Comitiis conuocationis recenserent, quantæ Regi-  
 nae in Reip. negotiis partes fuerint. *Epist. Z A L. T. II. p. 125. 126.* Haud tamen  
 defensore plane caruit. „Reginam, inquit ille, accusatis, quod scilicet dum fu-  
 „so locare deberet manum, immisceat Se publicae administrationi pro sexu au-  
 „dentius, & non meministis, quod nihil magni, in Regno sine illa, imo nisi per  
 „illam fuerit gestum, quod nos iudicio nostro illo tempore approbauimus, gra-  
 „tulatione etiam prosecuti sumus, amauimus amore dignam. Huiusmodi etiam  
 „reprehensionem vestra iam consuetudo sustulit. Nonne videtis per totam Polo-  
 „niam in domibus priuatis, deuolutum in feminas rerum imperium? si est ini-  
 „quitas, cur suo patrocinio non destituitur? & Regina in hoc arguitur, accusatur, &  
 „nec potestas datur caussæ dicendæ. *Epist. Z A L. T. II. p. 185.* Post *Iohannem III.*  
 idem caput non nihil immutatum, *Auguſti II. PACTIS §. Waruiemy za Naias-  
 nieysza*, insertum, „ne Regina se negotiis status Reip. per se & subordinatas  
 „quasuis personas immisceat, neque in promotiones se ingerat, pariter ipse Rex  
 „per aulicas feminas & personas exteræ, aut per intimos cubicularios, cuius-  
 „cunque nationis extraneos promotiones haud faciat; quod ne fiat, non tantum  
 iniunctum *Mareschalcis, Cancellariis & Camerariis* vtriusque gentis, prouidere,  
 & ad Remp. deferre, verum etiam Nunciis terrestribus data est facultas, illius rei  
 in Comitiis, vna, cum de vacantibus referunt, mentionem iniiciendi. Superua-  
 euia haec fuit cautio, cum Regina, suam in Saxonia solitudinem aulae praeferreret  
 turbis, ibidemque procul a Republica, vitam per pietatem, inter caelestes curas  
 transigeret, dum corporis vinculis ingens anima exsolueretur.



## §. XXXV.

## DE PRINCIPE REGIO IACOBO.

Reassumendo Pa<sup>c</sup>ta conuenta & iura Serenissimae Regiae prolis, inter Rempublicam & Serenissimum Sanctae memoriae Iohannem III. Regem Poloniae, Antecessorem nostrum<sup>1</sup>, indemnitatem & immunitatem bonorum & fortunarum<sup>2</sup>, Serenissimi Principis Regii Iacobi<sup>3</sup>, simul personam eius in protectione nostra manutenebimus, praeuio iuramento fidelitatis, in conformitate legum, Nobis & Reipubl. praestando<sup>4</sup>.

<sup>1</sup> De prole sua, Rex Iohannes cum Republica pactus §. Krewnych, „vt linea e lumbis suis directe descendens, omnibus ipsis praerogatiis gaudeat, quibus soboles superiorum Regum Poloniae vfa, saluis circa hanc rem Reipublicae iuribus. Ratum id habuit in PACTIS CONVENTIS Augustus II. §. Reassumuiq<sup>e</sup> Pa<sup>c</sup>ta, promisitque, „Se proli Regiae, omnia iura in integro & inuiolabiliter conseruaturum, saluis ab utrinque, tam Reipublicae, quam Serenissimorum Domus Regiae Successorum praetensionibus, & apud Principes Regios in comitiis coronationis suae, aut in proxime ea sequentibus effecturum, vt iuramentum fidelitatis sibi & Reipubl. praestent. Pactorum auctoritatem TRACTATVS VARSAVIENSIS a. 1717. CONST. a. 1717. p. 36. Artyk. 6. & CONFEDERATIO in comitiis conuocationis a. 1733. p. 17. §. 67. firmarunt. De iuribus autem Superiorum Principum Regiorum, quibus & Iohannis III. soboles gaudere debuit, occurruunt nonnulla ad §. II. nota 2.

<sup>2</sup> De Regia sobole, ac eius bonis, in PACTIS Augusti II. §. A gdyby §. Aw dobrach cautum, „vt, si caussa, quae ipsas Principum personas tangat, obueniat, illius cognitio Regi cum Senatu in comitiis submittatur, bona vero a Nobilibus possessionatis administrentur, qui iniuriam passis, iure respondeant, & executioni finali de bonis suis & personis subiaceant, neue executio a Principibus impediatur. In TRACTATV VARSAVIENSI, CONST. a. 1717. art. 6. p. 37. non tantum fortunae, bonis ac personis Principum Iacobi & Constantini, inuiolabilis securitas, sed etiam, si quis dictos Serenissimos Principes ad forum incompetens euocauerit, honorique personarum & bonis vim laesionemque intulerit, libera iniuriarum vindicatio, siue in iudiciis Tribunalitiis, siue etiam in iudiciis per allegatum Varsauensem tractatum constitutis, promissa; nec minus postulationibus eorum, ex summis, tam in Oeconomiis Regni Poloniae & M. D. Lituaniae, ac caeterarum prouinciarum haerentibus, quam documentis peculiaribus demonstrandis, saluo tenore pactorum conuentorum a Republ. & Regia Maiestate respectiue, praeuia deductione caussae debendi, amicabili compositione, satisfactum iri, solenni more cautum. Per CONSTITUTIONEM vero eiusdem anni 1717. tit. Trybunat, Skarbowy p. 60. in fine. sancitur: „vt Serenissimis Principibus Regiis, summa a Parente olim exercitui numerata, sine mora praefetur. Denique in Comitiis conuocationis a. 1733. CONFED. GEN. p. 17. §. 67. Respubl. Principi Iacobo eiusque bonis securitatem spopondit, & quod eiusdem postulationibus nondum satisfactum, efficacem promotionem & protectionem promisit, assertis non tantum summis Oeconomiis Sauelensi &

Tigenhofensi inscriptis, sed hoc insuper addito, ut vsque ad solutionem earundem, Oeconomiae illae, ad exemplum Regiarum Oeconomiarum, ab hibernis & statuuis immunes habeantur.

3 Caeteris fato functis, solus ex Regia sobole superest Princeps *Iacobus*, qui Olauiae in Silezia, quod ibidem sedem sibi constituit, agit.

4 Iusurandum illud, iam Pacta *Augusti II.* exegerunt, ut nota (1) dictum, quod TRACT. VARS AV. l. c. repetit, & cum nondum praesitum, tertium monendus erat Serenissimus Princeps *Iacobus*. Praeiuierunt suo olim exemplo *Sigismundi III.* filii, pro quibus frater *Vladislaus* in PACTIS suis §. *Najasniey-szych Krolewicow*, fidem suam obstrinxit, „iuramentum fidelitatis sibi & Reipub., in Comitiis coronationis praesituros, quibus ex iis, a Republ. reditus „affignati, quo sacramento tam diu teneantur, dum reditus illos recipient, & in „regno domicilium fixum habebunt. Quare in memoratis Comitiis Princeps *Iohannes Albertus* nominatus Episcopus Cracoviensis, iusurandum Senatorium dixit, *Iohannes Casimirus* vero & *Alexander*, beneficiis & prouisione Reipubl. gaudentes, conceptis verbis per Deum & sanctam crucem iurarunt, „Se Regi „ac Regno Poloniae & M. Ducatui Lituaniae fideles & obedientes futuros, nihil „in damnum vel praeiudicium Regiae Maiestatis & Reipubl. consilio, auxilio, „vel facto commissiuros, imo si aliquid tale sciuerint, quod vergat in detrimen- „tum, tam Regiae Maiestatis, quam Reip. se praecustodire, ac pro posse suo auerte- „re, conatuos. CONST. a. 1633. p. 14. tit. *Iurament.* Solus *Carolus Ferdinandus* Episcopus Vratislaviensis eximebatur, quod in Regno nihil teneret, cuius nomine Regi & Republicae fidem addiceret: PIAS. Chron. p. 459. qui tamen factus a. 1641. Episcopus Plocensis, iusurandum Senatorium non recusavit. CONST. a. 1641. p. 4. tit. *Consens.*

### §. XXXVI.

#### DE IUDICATIS, SALVIS CONDVCTIBVS, ET CAPTIVITATE IVRE VICTORVM.

Iudicata quorumuis magistratum, praecipue iudiciorum nostrorum, per rescripta priuata, ne suscitentur<sup>1</sup>, sub nullitate eorum, praecauebimus, & saluos conductus, vulgo *gleyty*, in Regno secundum antiquam consuetudinem, ad iure agendum<sup>2</sup>, faltem in sex menses, & prorogationes eorum non nisi bis, ex Cancellaria nostra dari permittemus, neminemque captiuar, nisi iure victum<sup>3</sup>, patiemur.

<sup>1</sup> Id quidem vsu in Polonia obtinet, & forent lites sine fine, si ad controversias iam iudicatas, per Rescripta Regia redire liceret.

<sup>2</sup> Quando decretum latum in contumaciam, damnatus obtinet saluum conductum, quo effectu decreti suspenso, iure agendi locus conceditur. Re vero, ex seriis partium controversiis, ut vocamus, iudicata, saluum conductum impetrare fas non est. Haec ac alia huius generis usus forensis docet.

<sup>3</sup> Vetus

3 Vetus est lex, non in carcerem coniicere, nisi iure victum, si nobilis, si possessionatus, si non in publico crimine deprehensus, & si de damno dato carere voluerit: quos limites *Vladislaus Jagello* a. 1433. statuit. Promittit enim & spondet, „quod nullum terrigenam possessionatum, pro aliquo excessu seu cul- „pa capiet, seu capi mandabit, nec aliquam vindictam in ipso faciet, nisi iudicio „rationabiliter fuerit conuictus, & ad manus suas, vel suorum Capitaneorum, „per iudices eiusdem terrae, in quibus idem terrigena resideret, praesentatus: illo „tamen homine, qui in furto, vel in publico maleficio, vtpote incendio, homi- „cidio voluntario, raptu virginum & mulierum, villarum depopulationibus & „spoliis deprehenderetur: similiter illis, qui de se nollent debitam facere cautio- „nem, vel dare, iuxta quantitatem excessus vel delicti, exceptis. *Las. c. Stat. f.* „51.(b) 52.(a) *Pr. l. Stat p. 270. 271.* *Casimirus IV.* omisis caeteris, saltem edixit, non captiuandum, nisi iure prius conuictum. *Las. c. f. 92. (b) Pr. l. p. 270.* *Alexander Casimiri* filius addit, nullum nobilem captiuandum, qui bonaē sit famae, non autem bonaē esse famae censet, qui ter in regestris maleficorum descriptus, talemque ut malae famae, absque iuris processu capi detinerique iubet. *Las. c. f. 115. (b) Pr. l. p. 564.* Cuius statuti auctoritatem *Sigismundus I.* initio ad bienium, postea ad quinquennium reduxit. *Pr. l. p. 564.* *Herb. tit. Nobilis.* *Sigismundus Augustus* nobilem possessionatum carceri mandari non vult, priusquam iure victus fuerit. *Vol. Const. p. 5. §. Slubem.*


### §. XXXVII.

#### PRIVILEGIA IVRI PUBLICO NE SINT CONTRARIA.

Priuilegia omnia, tam publica, quam priuatorum<sup>1</sup>, ab Antecessoribus nostris concessā, in quantum iuri publico & legibus non repugnant<sup>2</sup>, conseruare & manutenere promittimus.

<sup>1</sup> Sunt a superioribus Regibus, multa priuilegia, tum priuatis singulis, tum ciuitatibus ac prouinciis integris concessā, quae in *iure iurando Regio* plenius recensentur, dicunturque iura, libertates, immunitates, priuilegia publica & priuata, ecclesiastica & saecularia, ecclesiis Catholico - Romanis, Principibus, Baronibus, nobilibus, ciuibus, incolis & quibuslibet personis, cuiuscunque status & conditionis existentibus, per Diuos Praedecessores Reges & quoscunque Principes Regni Poloniae & M. D. Lituaniae, expressis Regum a Casimiro M. ad Augustum II. nominibus, iuste & legitime data, concessā, emanata & donata. Quod in generali iurium confirmatione, aliis tamen verbis, repetitur.

<sup>2</sup> In *iure iurando Regio*, & *iurium confirmatione*, dicitur ius commune vtriusque gentis, cui priuilegia haud contraria esse debeant. Et est ius publicum, nihil aliud quam commune, quo vna Poloni & Lituani vtuntur, ac cui velut fundamento suo, Respubl. innititur. Hoc, ne priuilegiis contrariis infringatur, Reipubl. interest, quo eadem eo firmius consistat.



## §. XXXVIII.

DVCATVS ZATORIENSIS ET OSVIECIMENSIS  
A TELONIIS SINT IMMVNES.

Ducatus Zatoriensem & Osuiecimensem<sup>1</sup>, per constitutionem anni 1581.<sup>2</sup> circa incorporationem suam<sup>3</sup>, a solutione vectigalis & teloniorum, pro lignis & piscibus, quos aqua Cracouiam & vltra ex bonis suis demittunt, liberatos, immunes fore, promittimus<sup>4</sup>, & ne vllum praeiudicium a magna procuratione Cracouiensi<sup>5</sup> afferatur, curabimus, praeuio tamen eorum iuramento, quod ligna & pisces ex propriis fundis, non aliunde coëmtos demittant<sup>6</sup>.

<sup>1</sup> Ducatus Zatoriensis & Osuiecimensis, iam Palatinatus Cracouiensis portio, suos olim habuerunt Duces, Regis Bohemiae clientelares. Venceslaus Zatoriensis Dux, qui & Osuiecimensem, ob ius in hunc Ducatum, se dicebat, in Casimiri IV. Regis Poloniae huiusque Regni clientelam, certis tamen conditionibus transiit. *Scriptor. rer. Siles. Ill. de SOMMERSBERG* T. I. p. 810. PRIL. Stat. p. 789. Iohannes vero siue Janus, vt in litteris publicis vocatur, hunc suum Ducatum Zatoriensem a. 1494. Regi Poloniae Iohanni Alberto, octoginta millibus florenorum Hungaricorum vendidit, ita tamen, vt Dux Iohannes eiusque coniux, quamdiu viuerent, Ducatum tenerent, isque denum post vtriusque mortem, Regi ac Regno Poloniae cederet, simul per omnem suam vitam singulis annis ex Zuppis Regiis Vielicensibus & Bochnensibus ducentas marcas communis monetae & sedecim bancos salis reciperent. *SCRIPT. RER. SILES. l. c. p. 811.* PRIL. p. 790. Quod ad Osuiecimensem Ducatum attinet, emit eundem Casimirus IV. a. 1457. a Duce Iohanne quinquaginta millibus marcarum latorum grossorum Pragenium. *SCRIPT. RER. SILES l. c. p. 808.* Ab hoc tempore manserunt hi Ducatus in ditione Regum Poloniae, ex quibus Sigismundus Augustus, illos a. 1564. Regno arctius iunxit. *VOL. CONST. p. 62. f.*

<sup>2</sup> Per eam, Nobilitas illorum Ducatum, omnibus teloniis, tam aqua, quam terra exigi solitis, liberatur, & ratio additur: quod ambo Ducatus, ad iura & libertates Regni incorporati. *VOL. CONST. p. 375. tit. cl. i myta.*

<sup>3</sup> Non quod circa incorporationem per allegatam constitutionem teloniis exempti Ducatus, est enim incorporatio vetustior constitutione, vt patet ex nota<sup>(2)</sup>; sed quod per incorporationem, aequati iuribus Regno, tacite vectigalibus liberati fuerunt, cui superaddita constitutio, vt videatur in pactis copula & omissa, legendumque per *CONSTITUTIONEM a. 1581.* & circa incorporationem. In eum sensum aiunt *PACTA AUGUSTI II. §. Depositoria mercimoniorum*, istos Ducatus, tam per incorporationem, quam per *CONST. a. 1581.* solutione telonii esse liberatos.

<sup>4</sup> Idem promisit in suis *PACTIS §. cit. Augustus II.* simul antiqua iura, quae in hoc Ducatis subueniunt, approbavit.

5 Magnam procriptionem Cracouiensem constituant certa bona in Palatinatu Cracouiensi, ad mensam Regiam pertinentia, inde & illa procuratio inter Oeconomias Regias locum habet. Qui illi praest, reditusque curat, magnus procurator arcis Cracouiensis dicitur, quod simul arcii huic prospicit. Cum ergo magnus procurator, a Nobilibus Osuiecimensibus & Zatoriensibus, pro lignis & piscibus vectigal exigere solitus, ne illud ab ipso in posterum fiat, spondetur.

6 PACTA Augsti II. §. cit. idem iusurandum exigunt, si vectigali immunes esse velint, qui pisces & ligna demittunt.

### §. XXXIX.

#### IVS INDIGENATVS PRVSSIAE.

Prouidendo omnibus iuribus & immunitatibus Provinciae Prussiae<sup>1</sup>, ne in illis vllam laesionem accipiat, sed vt prouisis suis in toto gaudere possit legibus, spondemus verbo Regio<sup>2</sup>, quod omnia vacantia ecclesiastica<sup>3</sup> & saecularia, sellas senatorias<sup>4</sup>, munia<sup>5</sup> & Capitanatus, Tenutas<sup>6</sup> & Aduocatias, solis, veris & indubitatis indigenis<sup>7</sup>, nobilibus<sup>8</sup> bene meritis, vigore priuilegii incorporationis<sup>9</sup>, & diplomatum Serenissimorum Antecessorum nostrorum<sup>10</sup>, & illius, quod Nos Ipsi daturi<sup>11</sup>, conferemus, neque consensus ad cedendum<sup>12</sup> permittemus, & casu quo aliquis priuilegium, huic nostrae sponsioni contrarium, obtinuerit, illud pro nullo & inualido ex nunc declaramus, & non tantum Nunciis reclamandi<sup>13</sup> facultatem, sed etiam vim agendi in iudiciis nostris postcurialibus, pro repositione & ab iudicatione priuilegii atque consensus concedimus.

1 Habet Prussia, quae Regi Poloniae paret, sua iura, suas immunitates, quae pacto deditio[n]is, aut priuilegio, vt vulgo appellatur, incorporationis continentur, illustratae olim a nobis binis DISSERTATIONIBVS de norma regiminis Pruteni altera, altera, hodierna Reipubl. Prutena facies dicta, quibus tertia, de unio[n]is qua Poloniae iungitur Prussia indole, potest addi.

2 Antea, idque interregno non vno, Prussi anni si, vt cum caeterorum iurium, tum indigenatus inprimis, cui hoc §. amplissime cauetur, in pactis conventis haberetur ratio. Post mortem Vladislai IV. mandabant suis ad electionis comitia Nunciis, „vt sedulam impenderent operam, quo articulus de conseruatione terrarum Prussiae circa iura indigenatus, pactis conuentis, futuro Regi offerendis, per expressum insereretur, omnibusque modis ex sententia confilii Prutenici vrgerent, quo nonnisi secundum obloquentiam iurium, priuilegiorum cautionumque Regiarum, dignitates, castra, praefecturae ac tenutae, veris harum terrarum indigenis conferrentur, cum ea expressa declaratione, se ad nulla alia Reip. negotia, non ad exorbitantias & grauamina, nec ad pacta conuenta,

„non denique ad ipsam noui Regis electionem ac nominationem processuros, an-  
„tequam sufficienter eo nomine realiterque fuerit satisfactum. HIST. PRVSS.  
T. VII. Doc. p. 20. Laborabant quidem magno studio nuncii, commissum fibi  
negotium efficere, quod cum omnis opera, preces ac minae frustra essent, per  
solennes contradictiones prouinciae suae integrum seruabant. HIST. PRVSS.  
T. VII. p. 35. Non omiserunt inde Prussi, circa electionem Michaelis, Iohannis  
III. & Augusti II. iuri indigenatus inter PACTA CONVENTA locum depo-  
scere, obtinueruntque tandem, vt Augusti II. §. Za bonory, infereretur, „digni-  
„tates & quaevis munia in Prussia, iuxta specialia Terrarum illarum priuilegia  
„collatum iri.

3 Inter quae primum locum tenent, duo in Prussia Episcopatus, Varmiensis &  
Culmensis. Tempore Sigismundi III. fuerunt, qui crederent, non posse solis  
indigenis Prussiae, Episcopatus vindicari: quod in priuilegio incorporationis, vbi  
indigenatus iura recensentur, Episcopatum nulla fieret mentio: quibus tamen  
responderi poterat, vniuersitate etiam partes contineri, & simul Episcopatus in-  
telligi, quando in dicto priuilegio, generatim dignitates & officia, haec enus in  
Prussia consistentia, & in posterum constituenda memorantur. HIST. PRVSS. T.  
IV. p. 315. Neque aliud vsu receptum, adeo, vt quoties non indigenis collati Epi-  
scopatus, Prussi non tantum contradixerint, sed & nouos hos Episcopos in suum  
consilium non receperint, nisi indigenatu antea donatos. De aliis dignitatibus  
ecclesiasticis indigenis saltem conferendis, alio loco, in HODIERNA REIP. PRVT.  
FACIE §. 76. actum.

4 Habent Prussi suos Senatores, & quidem praeter suos modo dictos Epi-  
cos, tres Palatinos, tres Castellanos & totidem Succamerarios, qui a tribus Palatinati-  
bus, Culmenſi, Mariaeburgensi & Pomeraniae nomen habent, praeter Castellanos El-  
bingensem & Gedanensem, qui a ciuitatibus appellantur. De ipsis hoc loco ser-  
mo est, praeter quos, trium maiorum ciuitatum ablegati, Senatui Prussico adscri-  
pti. Et de Succamerariis tenendum, esse Senatores intra Prussiam, non pro iis  
in Polonia haberi.

5 Praeter Senatores, sunt in Prussia, Thesaurarius, Ensifer, Vexilliferi, Iu-  
dices terrestres.

6 Idque ex mente priuilegii incorporationis, quod praeter dignitates & of-  
ficia, castra & tenutas ciuitatum & locorum, propriis indigenis seruat.

7 Sunt veri, seu vt eos appellat modo allegatum priuilegium, proprii indi-  
genae, qui Parentibus Prussis, in Prussia nati, suumque ibidem habent domicili-  
um. A. 1530. Ordines coram Rege Sigismundo I. affirmabant, maiores suos non nisi  
eos censuisse proprios indigenas, qui in terris Prussiae nati & possessionati, in  
aliis terris officia & possessiones non haberent. HIST. PRVSS. T. I. Doc. p. 89.  
Sigismundo Augusto, hanc sua auctoritate indigenae definitionem probari suppli-  
cabant, quod verus & proprius indigena is tantum existimetur, qui ex parenti-  
bus in Prussia, & nusquam alibi continuum domicilium & bona propria haben-  
tibus, ac iure & iudicio ipsarum terrarum fruentibus & subiectis, in ipsa Prussia,  
ex legitimo toro suscepimus & alitus. HIST. PRVSS. T. II. Doc. p. 4. Eadem  
Sigismundo Augusto, Hosius Episcopus Varmiensis, ipse licet Polonus, persuasit, per  
indigenas, non nisi in Prussia natos, fuisse intellectos, neque ipsos Reges aliter sensisse.  
HIST. PRVSS. T. II. p. 82. Eta. 1589. argumentis, testimoniosis, vsu probatum,  
indigenam, in terris Prussiae, non alibi genitum appellari, solosque Prutenos pro  
veris

veris indigenis in sua prouincia semper habitos, habendosque esse. HIST. PR. T. IV. Doc. p. 21. 22. Plura de significatu huius vocabuli congeffimus, in DISS. qua normam regiminis Prutenici descripsimus §. 50-53. Non ergo sunt in Prussia indigenae, Poloni, Lituani, ac terrarum, quae Regno magnoque Ducatui iunctae, incolae, sed reputantur pro extraneis, quos dignitatibus, muniis, castris & tenutis, incorporationis priuilegium prohibet. Possunt tamen tum illi, tum extranei alii indigenae fieri per publicam legem, laudum vocamus, in generali Ordinum Prussiae conuentu. Quid vero in petendo ac dando indigenatu obseruari debeat, in HODIERNA REIPVBL. PRVTENAE FACIE §. 79. exposuimus, vnde id saltem repetimus, concessum indigenatum, non ad collaterales, sed ad descendentes saltem extendi, idque auctoritate laudi a. 1668. HIST. PR VSS. T. VII. Doc. p. 166.

8 Admissi tamen olim in Prussia, & ciuitatum incolae eorumque filii, ad dignitates, Capitaneatus & tenutas, neque inde per legem exclusi. Inter Episcopos Varmienses & Culmenses reperiuntur Crapicius, Ferberus, Johannes a Curiis, Giesius, primus Thoruniensis, caeteri Gedanenses. Eberhardus Ferber, Ioh. a Verden, & Adrianus de Linda, Consules Gedanenses, fuerunt Capitanei, ille Dirfauiensis, iste Neoburgensis, hic Mirachouiensis, Kempenius pariter Gedanensis Consul Barualdensis, Abrahamus Jacobson & Gerhardus a Proenen eiusdem vrbis ciues, ille Tiegenhofensis, hic Sobouicensis tenutarii: vt plura exempla omittamus. Cum vero Gerhardus a Proenen in ius vocaretur, quasi non nobilis inique tenutam possideret, secutum est decretum Regium, quo ipsi, vt ciui, ius Regia bona habendi assertum. HIST. PR. T. VI. p. 201. Metuebant tamen ciuitates, ne suis, omnis ad dignitates, Capitaneatus & tenutas, praecclusus videretur aditus, cum in diplomate Vladislai IV. quo Is ius indigenatus firmat, de equestris Ordinis Terrarum Prussiae incolis & indigenis sermo esset, HIST. PR. T. VI. Doc. p. 156. ac si indigenatus ad solum equestrem Ordinem pertineret, inde illarum ablegati in publico conuentu, solenni contradictione, antiquum ius tueri non omiserunt, ne aliquando Rescriptum illud Regium aduersus ciues suos allegaretur. HIST. PR. T. VII. p. 8.

9 Est hoc omnium priuilegorum, quae Prussi Poloniae Regibus debent, primum, datumque iis a Casimiro Iagellonide a. 1454. cum Se Eidem Eiusque successoribus subiicerent. Incorporationis habet nomen, quod cum incorporationem tum conditiones, quibus Prussi Regno Poloniae, vt vulgo loquimur, incorporati, recenset, estque reuera pactum deditio*n*is Terrarum Prussiae, vt aliquando ab Ordinibus appellatum inuenimus. HIST. PR. T. II. Doc. p. 2. Occupat illud inter Iura municipalia Terrarum Prussiae secundum locum, eiusque titulus falso reciprocae sponsionis inscribitur, in libello quem de Iure prouinciali Terrarum maiorumque ciuitatum Prussiae, a. 1574. STANISLAVS KARNKOVIVS, eo tempore Vladislauiensis Episcopus, edi curauit. In hoc priuilegio, ius, quo indigenae in dignitatibus & bonis Regiis, extraneis praferuntur, describitur. Omnes Praelatos, inquit Casimirus IV. militares, nobiles, ciues & incolas terrarum Prussiae, in ius conditionem & proprietatem Regni Poloniae translatos & inuisceratos, hac etiam prosequemur praerogativa, quod dignitates & officia haec tenus illis conscientia, in posterum constituenda, item castra & tenutas ciuitatum & locorum in terris praedictis, nulli extraneo aut forensi, sed proprio indigenae, iuxta obseruantiam aliarum terrarum Regni nostri conferemus.

10 Ius indigenatus, Reges suis litteris saepius firmarunt. Casimirus IV. cum aliquot

aliquot arces in Prussia Polonis commisisset, vt illas ab hostibus tuerentur, promisit easdem bello finito, illis collatum iri, quibus per priuilegium incorporacionis conferri deberent, addiditque, noluisse Se hoc facto, de priuilegio isto aliquid derogare, sed velle potius, vt saluum & illaesum perpetuis temporibus obseruetur.  
**I V R A M V N I C I P. T E R.** P R. Sigismundus I. euesto ad Castellanatum Gedanensem Balinscio, Polono, verbo Regio declarabat, mentem suam non fuisse, eo priuilegio infringere aut tollere, neque Prussiae consiliarios, Balinscum Castellatum recipientes, ab illis suis priuilegiis recesuisse, aut prouinciam in suis immunitatibus damnum passam censeri debere. **I V R A M V N I C I P. tit. Cautio Sigismundi.** Caeteri Reges non minus suis cautionibus, imo & diplomatibus seorsum datis, integrati iuris indigenatus prospexerunt, quae sigillatim recensere, nimis longum foret.

11 Impleuit hoc suum promissum statim post coronationem indulgentissimus Dominus, dato Cracouiae d. 20. Ianuarii a. 1734. diplomate, quo cum caeteris, tum aucto indigenatus iuri, nouum accessit firmamentum, cauetque ac spondet Rex Serenissimus: „quod dignitates tam spirituales, quam saeculares, castra, „officia, beneficia, tenutas ciuitatum & pagorum, omniaque bona in Terris Prussiae existentia, vacantia & vacatura, nonnisi veris, natuvis, propriis & indubitateis indigenis terrarum Prussiae, de Se & Republica bene meritis dabit & conserret, idque sub nullitate priuilegiorum, ipsaque incapacitate ad malam informationem secus obtinentium; quodque ob validius & firmius robur, contrariae a Diuis Praedecessoribus, ad malam informationem datae collationes, in sequelam, exemplum & allegationem a nemine trahi, nec in quopiam iuribus indigenatus praeiudicare & derogare possint.

12 Potest enim dignitate & bonis Regiis, aliis cedi, non tamen sine Regio consensu: si ergo tale quid fieret, ab indigena, in gratiam extranei, negabit Regia Maiestas consensum.

13 Contradixerunt Prussiae Ordines perpetuo, tum in conuentibus suis generalibus, tum per Nuncios suos in Comitiis, quoties aliquid in ius indigenatus admissum: quod cum factum sit saepissime, volumen conficeremus, si singula exempla describere conaremur, quae cum satis diligenter in Historia Prussiae a nobis notata, lectores eo remittimus. Vnum tamen anni 1668. in medium adferemus, vt statim cuius pateat, Prussorum studium imo feruor, quo indigenatum asserere sustinuerunt. Et receperat ille eo tempore non vnum vulnus, *Vexilliferatu Culmenſi*, *Capitaneatibus Suecensi*, *Tucholienſi*, *Borzecheuenſi* & *tenuis Vielka Łąka*, & *Łopatki* exteris collatis, quare Ordines, hanc totius prouinciae caußam, nunciis suis ad Comitia ita commendabant, „vt si vanae forent preces, „omni ope anniterentur, quo, quae non indigenis collata, pro irritis haberentur, „quod officium ipsi pro fide, honore, conscientia ita agerent, vt non prius cederent, donec cassationem collatorum & collationem veris indigenis obtinuissent, „imo nullam admitterent materiam, neque continuari paterentur publica conflia, „nisi obtenta satisfactione sufficienti: etiamſi aliquod discrimin inde comitiis suboriri posset; quod melius esset comitia perdere refacienda, quam iura nunquam redditura praecipitare, & virtutem detracta debita dote suffocare. Raro tamen obtinuerunt Prussi, vt exteris adimerentur, quae ipsis contra ius indigenatus collata, nisi quod tempore *Sigismundi I.* Palatinus Plocensis Capitaneatu *Meuensi*, sub *Sigismundo III.* *Opalenius* Oeconomia *Roggenbusana*, & post *Vladislaum IV.* ante novi Regis electionem, *Oſſolinus* supremus Regni Cancellarius, *Pucensi* capitaneatu cessit. Quae exempla alio loco in *Hod. FACIE REIP. PRVT. §.78.* allegauimus.

§. XL.

## §. XL.

## PRVSSIA VECTIGALIBVS IMMVNES.

Commercia incolarum Prussiae, simul vrbium & oppidorum huius prouinciae, quod iuxta mentem priuilegii incorporationis a. 1454. ab omni vectigali, tam terrestri, quam fluiali, immunia erunt<sup>1</sup>, & praecipue in camera Fordanensi<sup>2</sup>, Reipublicae promittimus.

<sup>1</sup> Priuilegium incorporationis, non tantum in Prussia quaeuis telonia tollit, sed & deinceps instituere vetat. *Omnia telonia, inquit, in illo Casimirus IV. in aquis & terra, noua aut antiqua obseruantia, in terris duntaxat Prussiae quomodo libet constituta, Regia munificentia tollimus, abrogamus, deponimus, ac solutionem illorum perpetuis temporibus resoluimus, dimittimus & relaxamus, nullo unquam tempore, per nos & successores Poloniae Reges, ex quacunque caufsa instituenda aut imponenda.* Imo ante factam Regi Poloniae ditionem, ex Culmenſi Priuilegio, Prussia hac immunitate gaudere debebat, qua ipsi tamen, sub Magistris Ordinis Teutonici frui haud licuit. Neque, dum Regibus paruerunt Prussi, ius hoc integrum manſit, cum diuersis temporibus, cum terra, tum in fluuiis vectigal exigeretur. Exempla in DISSERT. de Norma regiminis Prut. §. 56. vt & in altera, de hodierna facie Reip. Prut. §. 72. congettimus. Non tamen defuerunt Ordines, quo minus libertatem suam tuerentur, modo enim suas ad Regem detulerunt preces, modo ius suum allegarunt, modo solennem contradictionem opposuerunt, modo nouis scitis vetus priuilegium roborarunt. De singulis praeter allegatas DISSERT. l. c. PRVSSIAE HISTORIA adeunda. Nouissime in conuentu Graudentinensi a. 1730. per laudum, in futurum prouisum, „vt vnicuique incolarum liberum sit commercium, absque vlla praepeditione, aut ad Fordanum, „Brodnicae, in Krobie, & aliis in locis confinibus teloniorum exactione, & abs- „que vlla intra fines Prussiae mercium, siue a ciuibus & incolis, siue ab extraneis „vehantur, reuisione. In casum vero, quod si exactores teloniorum, dictis in „locis, incolas harum terrarum vterius turbare, ab iisdem telonia exigere, aut „reuisiones aliasque quasuis depactationes facere auderent, Illustr. & Excellentiss. „Dominis Palatinis committitur, quatenus securitati publicae inuigilando, adhibito milite, ex repartitione ad hanc Terras Prussiae pertinente, vel etiam, si „necessitas id postulauerit, mota vniuersa harum terrarum nobilitate, eiusmodi „praeiudiciorissimis hisce terris attentatis se opponant, & auitam harum terrarum „libertatem ab omnibus teloniis vindicent, cameras teloniorum, in fundo terrarum harum, contra iura vel iam institutas, vel quae adhuc instituere velint, vbi- „cunque locorum abrogent, impediant, nec etiam vterius in ciuitatibus Superin- „tendentes, reuisores aut alios officiales teloniorum, morari patientur &c.

<sup>2</sup> Non tantum omnibus vectigalibus, in ipsa Prussia, sed & nouis in Polonia Prusios liberat, & antiquis tantum submittit, dictum incorporationis priuilegium. Quoties ergo siue vetera aucta, siue plane noua decreta, suam immunitatem vertusto iure defendere, non omiserunt Ordines. Fordanense, cuius in pactis fit mentio, est vnum ex illis recentioribus, a Fordano, quod loci nomen est, dictum, sub Sigismundo III. a. 1592. in terris Poloniae ad Vistulam, prope Prussiae fines constitutum: Longae disceptationis ac multarum querelarum caufsa, quas

suo ordine, suisque locis, PRUSSIAE recenset HISTORIA, multa & in hanc rem vno quasi fasce exhibet Ioh. ERN. de LINDA, Consul, dum viueret, Gedanensis, ac rerum Prussicarum doctissimus, in *Sicilimentis ad epistolas ZALVSCIANAS*, nomine LIPINSCHI editis, p. 38. f. Exemti tamen hoc vestigali Prussi, Sigismundi III. Vladislai IV. & Iohannis III. litteris, ipsumque telonium ante aliquot annos plane est sublatum.

### §. XLI.

#### DE MODO IN IUDICIIS SERVANDO.

In iudiciis comitialibus, postcurialibus & aliis, caussas omnes, ita ut ex registro obuenient, non immutando earum Ordinem, iudicabimus<sup>1</sup>, & nihil in praeiudicium iustitiae & iniuriatorum faciemus, conformando sententiam nostram ad pluralitatem votorum<sup>2</sup>, quae statim in triduo, sine depactatione vel immutatione, partibus in debita forma & securitate extradi debet<sup>3</sup>. Iudicia quoque Curlandiae<sup>4</sup> in terminis circumscriptis, praeviis intimatorialibus, non praetermittere declaramus.

**1** In PACTIS Michaelis, Iohannis III. & Augusti II. §. Na Sądach pariter prouisum, vt caussae eo ordine, quo in registro scriptae, iudicentur, & ratio est, ne propter diuersum in partes studium, aliae aliis, aut praferantur, aut postponantur. Est autem regestrum, index caussarum, sancitque ordinatio iudiciorum postcurialium, CONST. a. 1683. p. 8. vt omnes caussae tempestiue, ad minimum pridie iudiciorum celebrandorum inscribantur, ac Notarius decretorum easdem, in idem regestrum, ordine, sine delectu, prout quis prius detulerit, referat, neque ordinem illum perturbet, iudicia autem, eorumque Praefides, non nisi ex eodem registro, ordine illo, quo inscriptae, superiores non omittendo, inferiores non praeponendo, acclamari mandent, easdemque vt acclamatae, iudicent, non attenta quauis & quarumuis personarum instantia, aut secundum dignitatem personarum, aut differentiam caussarum, sed ad ordinem & numerum regestri, prout quis prior aut posterior inscriptus, decidant. Et processus iudicarius in Comitiis a. 1611. probatus, & illius anni CONSTITUTIONIBVS additus praecipit, Postępek prawny ad calcem Const. a. 1611. p. II. tit. sprawa u sądu, „caussas omnes, tam ultimae instantiae, quam inferiorum subselliorum, ad regestrum „secundum numerum scriptum, sine distinctione personarum iudicari. Ut autem caussae non sunt vnius generis, sic & varia sunt regestra, habetque quodus genus suum regestrum, vt habet suum diem, quo acclamatur.

**2** In iudiciis relationum, vbi Rex, si sententiae diuersae, plurimorum amplectitur, vt ad eam decretum scribatur: quod vt fiat, PACTA Michaelis & Augusti II. §. c. pariter exigunt.

**3** Addunt PACTA Michaelis, Ioh. III. & Augusti II. §. c. ne decreta ad cameram Regiam, vt immutentur, portare fas sit, sub poenis in legibus Regni descriptis. Praeter illa, & tridui mentionem facit allegata postcurialium iudicio-

rum

rum ORDINATIO p.9. Depactatio autem ideo interdicitur, ne quid ultra quam constitutum est, exigatur.

4 In caussis scilicet, per appellationem ad Regia iudicia delatis: quod & de iudiciis Curlandiae sanciunt PACTA Augusti II. §. cit.

### §. XLII.

#### IVDICIA POSTCURIALIA.

In iudiciis postcurialibus<sup>1</sup> secundum praescripta iura Henriciana<sup>2</sup>, ex sententia Dominorum officialium<sup>3</sup>, apud Nos existentium, procedemus, deliberationes tertio die absoluemus, & omnes caussas superiores, nondum decisas, expediri curabimus<sup>4</sup>.

1 Sunt iudicia Regia, quae in aula habentur, dicunturque alia assessorialia, alia relationum. PACTA Vladislai IV. quibus primum, caput hoc de iudiciis insertum est, vt & Iohannis Casimiri §. w Sadach, generatim de iudiciis loquuntur. Michaelis tempore iudicia illa, in pactis postcurialium nomine signari coeperunt, quae appellatio in sequentibus §. w Sadach, seruata.

2 Vladislau IV. Eiusque successores, allegant pacta Henriciana, quae Augustus II. iura vocat, quodque vocabulum AVGVSTVS III. repetit. Nihil tamen de iudiciis, Henrici pacta continent, neque Illius articuli, saepius a nobis citati, & qui forte per pacta & iura Henriciana intelliguntur, aliquam iudiciorum formam scripserunt: nisi ea, quae de dicendis sententiis, in ipsis articulis vniuerse statuuntur, & ad iudicia referenda sunt, scilicet, „si Senatores dissentiant, Regem per Se nihil posse decernere, sed dandam ipsi operam, vt omnes vni sententiae accedant, considerando omnia illorum argumenta, quae iuribus, communibus libertatibus, & maiori Reipublicae commodo conueniant, & priuilegiis, iuribus ac libertatibus omnium terrarum contraria non sint: si vero ad vnam mentem induci haud potuerint, tunc illorum sententiam esse recipientiam, quae quam proxima ad libertates, iura & consuetudines, secundum leges vniuersiusque terrae, & commodum Reipublicae accedit: exceptis caussis comitiorum, quae ad antiquam consuetudinem, scitu & consensu omnium ordinum, peragi debent. V o l. C O N S T R . p. 254. §. Czesto sie. Ad hos articulos, seu iura Henriciana sine dubio respicitur, quando Sigismundi III. cui contrarium obiectum fuerat, nomine respondetur: „in sententiis Senatorum, vbi discordes fuerint conciliandis, Regiam Maiestatem ea vti moderatione, vt non ante, vel Senatus consultum prescribi, vel in priuatorum cognoscendis iudicandisque caussis, decretum fieri decernat, quam dissentientium sententias, iteratis earum rogationibus, similes & conformes efficiat. L V B I E N S C I V S Oper. p. 52. Vt tamen obtinet, non vt Rex in relationum iudiciis, quibus ipse praefest, diuersas sententias Senatorum componat, eamque probet, quae iuribus maxime congruat, sed vt maiorem idem censem numerum sequatur: quod & sequens §. docet.

3 Pacta superiorum Regum a Vladislai IV. praeter Officiales & Senatores legunt, quod vocabulum praesentibus casu excidisse videtur. Affident enim Regi in iudiciis relationum Senatores, huiusque Ordinis Ministri, assessorialia, praefide

praefide Cancellariorum altero, ab *officialibus* vt dicuntur, Referendariis scilicet, Regente Cancellariae, Secretariis Regiis ac Notario Decretorum peragi solent.

4 Habentur eadem, in memoratis, quae praecesserunt, pactis.

### §. XLIII.

#### IUDICIA RELATIONVM.

Iudicia relationum<sup>1</sup> non praetermittemus, quin imo accelerationem eorum per interualla<sup>2</sup>, promittimus, notariosque in his caussis, iuxta antiquam praxin conseruabimus, ipsaque decreta, per pluralitatem votorum Senatoriorum<sup>3</sup>, conscribi curabimus.

1 Est iudicium *relationum* in aula summum, ultimaeque, vt vocamus, *instantiae*, quamuis & assessoriale ultimae instantiae dici potest, quod ab illo non promiscue *appellations* conceduntur, sed tum demum, quando Cancellarius *appellationem*, quod fit rarius, *admissibilem* habuerit, aut si ipse ultro caussam ad *relationis* iudicium remiserit. „Iudicia Cancellariorum, inquit L V B I E N S C I „v s in paraenesi ad Vice-Cancellarium Zamoiscium, Oper. p. 218. summae olim pot- „estatis erant, ultro tamen appellanti Regem parti, ob reuerentiam Principis in- „terdum deferunt, nisi vel caussa similis iudicata fuerit, vel binae conformes in- „feriorum subselliorum sententiae praecesserint, vel denique res, de qua lis est, mi- „noris pretii & aestimationis fuerit. Praesidet relationum iudicio Ipsa Maiestas Regia.

2 Non enim sunt continua relationum iudicia, sed per temporum inter- valla aguntur, solentque edici, quando habenda.

3 Affident Regi in his iudiciis Senatores, & Senatorii Ordinis Ministri, vt modo dictum.

### §. XLIV.

#### REX IN IUDICIIS NVLLIVS CAVSSAM SVSCIPIAT.

In omnibus caussis, ad quaevis subsellia inter concives Regni & M. D. Lituaniae interuenientibus, contra iniuriatos instantias non dabimus<sup>1</sup>.

1 Hoc caput, primum *Augusti II. PACTIS* §. w sprawach, insertum, illo tan- tum discrimine, quod Regiae instantiae nulli parti subuenire debeant. Et est fanciti ratio, ne iniuriam passi, frustra iure experiantur, si Princeps aduersae partis caussam agat.



### §. XLV.

## §. XLV.

BONA OECONOMICA, ALIAQVE MVNIA  
SOLIS NOBILIBVS POSSESSIONATIS  
MANDENTVR.

Bona nostra oeconomica<sup>1</sup> & Capitaneatus<sup>2</sup>, Salisfodinas<sup>3</sup>, Metricas<sup>4</sup>, Regentias, Regni & M. D. Lituaniae<sup>5</sup>, Secretarius,<sup>6</sup> Notariatus Cameræ & Thesauri<sup>7</sup>, & in genere administrationes & lustrationes Thesauri<sup>8</sup> non dabimus, neque telonia vectigalia cameras<sup>9</sup> locari non permittemus, nisi personis ordinis equestris, vtriusque gentis mere possessionatis<sup>10</sup>, sub poena duorum millium marcarum Polonicalium & nullitate contractus, in eos, qui siue plebeiae conditionis, siue Iudaei<sup>11</sup> fuerint, eiusmodi contractus quaesuerint, aut obtinuerint, ad instantiam cuiusuis Nobilis, in quolibet foro<sup>12</sup>, ex regestro fisci<sup>13</sup> vindicanda.

<sup>1</sup> De dignitatibus & publicis muniiis, Nobilibus tantum mandandis, actum supra ad §. XVII. iam aliquot muniorum species sigillatim recensentur, ad quae soli equites admittendi, & in quo P A C T A Michaelis §. Cudzožiemcow ani nikogo; Iohannis §. Cudzožiem. ani nikogo; & Augusti II. §. Dobr Naszych, praeiuerunt. Primo occurunt bona oeconomica, simul mensæ Regiae dicta, quod redditus ex illis, mensæ seu rei familiari Principis destinati. Non enim Poloniae Regi promiscue ex omnibus terris colliguntur prouentus, verum selectæ per legem aliquot, vnde sumtibus Eius domesticis subueniatur. Quae in Polonia & Prussia, oeconomica bona, recensentur CONST. a. 1590. VOL. CONST. p. 577. tit. Rationes stolu, scilicet, Capitaneatus Sandomiriensis & Samboriensis, cum Ozimina & Medenice, magna procuratio Cracoviensis, Oeconomiae Mariaeburgensis & Rogosnenensis ac Tenuta Dirsauiensis. In Lituania mensæ Regiae assignatae sunt, terræ Grodnensis, Szavlensis, Brzestensis, Kobrynenensis, Mohilouensis & Olitenensis. VOL. CONST. p. 530. tit. Ordinatio. Hae oeconomiae integrae seruandæ, neque totæ, neque per partes, nisi Reipublicæ consensu, quocunque modo alienandæ, neque pensionibus annuis onerandæ. In eam rem de magna procuratione Cracoviensi singulares Vladislai Jagellonidae exstant litteræ. LASCO Stat. f. 84. Cuius frater & successor Casimirus, idem de terra Sandomiriensi sanxit, seueriori in eum addita pena, qui dictam terram, aut integrum, aut partem aliquam, sibi collatam receperit, „vt scilicet habeatur laesa Maiestatis laesaque Reip. reus, Regisque & „Regni Poloniae publicus hostis & fraudator; vtque Rex, nec minus Regni consiliarii facultatem habeant, hominem tam impium & ambitiosum, a praefata terra Sandomiriensi, castro, ciuitate, oppidis & villis, aut parte earum, quamcumque occupauerit, absque omni iure & strepitu iudicii amouendi & expellendi, „tanquam communis boni hostem & perturbatorem. LASCO Stat. f. 85. p. 2. Generalius tempore Alexandri, in Comitiis Petricouienibus anni 1504. interdictum: „bona mensæ Regiae, nisi in Comitiis, pro Reip. necessitate, ac confilia-

„riorum consensu, obligare, donare vel inscribere, sub amissione honoris & pecuniae, si qua dictis bonis contra mentem statuti inscriberetur. L A S C. Stat. f. 114. p. 2. Hoc Alexandri statutum firmauit *Sigismundus Augustus* a. 1562. „ac omnes, quae illud secutae, donationes, feuda, venditiones, fundationes & redditus annuos, spiritualibus quoconque modo inscriptos, quod iuri communis aduersantur, tollit & pro irritis habet. V O L. C O N S T. p. 16. tit. *O statuie Krola Alexandrowym. Sigismundus III.* vetuit oeconomias pensionibus onerari, aut in aduitalitatem concedi, aut infra iustum pretium locari. V O L. C O N S T. p. 577. tit. *Rationes.* Nec minus Vladislaus IV. pensionibus & donationibus constitutione occurrit, ac vterque poenam a Casimiro IV. olim constitutam, ac antea memoratam, illis irrogari voluerunt, qui sibi in diminutionem prouentuum Regiorum priuilegia dari passi fuerint. C O N S T. a. 1633. p. 31. tit. *Ekonomie.* Denique, ne plura cumulemus, a. 1635. 1638. & 1641. donationes omnes, aduitalitates, leuiores arendae, & pensiones annuae sub poena priuationis, triplicis pensionis & peculatus tolluntur. C O N S T. a. 1635. p. 6. tit. *O dobrach;* a. 1638. p. 3. tit. *O Ekonomiach;* § a. 1641. p. 1. tit. *dobra.* Bona haec oeconomica per constitutionem a. 1638. plus offerentibus, modo Nobiles sint, locari debebant, nisi quod in Capitaneatis iurisdictionem habentibus, prouentus in quinque partes diuidendi, quarum tres mensae Regiae cederent, ex binis reliquis altera in quartam erogaretur, alteram administrator Capitaneatus in stipendium retineret, magnam tamen procurationem Cracouensem integrum, sine aliqua redditum immunitatione relinquere placuit. C O N S T. a. 1638. tit. *O Ekonomiach* p. 4. Per C O N S I T U T I O N E M vero a. 1641. tit. *Dobra stolu* p. 2. concessus est bonorum Regiorum administratoribus, decimus grossus, ex censu qui Regi penditur, ac decimus quisque manipulus ex agris: certis tamen terris in Capitaneatis cum iurisdictione, pro sumtibus in administrationem iustitiae assignatis. At anno 1670. C O N S T. p. 23. tit. *O Ekonomii.* Notario Thesauri curiae Regni, bona mensae Regiae, praevio iuramento fidelis administrationis, committuntur, vt plus offerentibus eadem locet, salua praerogativa Thesaurariorum vtriusque gentis, saluisque contractibus per constitutiones approbatis.

2 Non alii intelliguntur Capitaneatus, quam qui partem bonorum Oeconomicorum constituunt, vt sunt, Sendomiriensis & Samboriensis; quare & inter terras mensae Regiae, Capitaneatus cum iurisdictione memorantur, vt patet ex nota proxime praecedenti.

3 Polonię salis esse feracissimam, illumque effodi notum est. Ad Regiam mensam pertinent fodinae Cracovienses, Olcusienses, & Russiae. V O L. C O N S T. p. 577. tit. *Rationes.* Locantur hae vt caetera bona Oeconomicia administratoribus annuo censu, qui, quo integer fine vlla diminutione seruetur, lege prouisum, „vt si quis ex fodinis pensiones ac donationes, siue sale, siue pecunia, impetraverit, „aut administrator impetratas praestiterit, tam ille, quam hic, poenam decem millium marcarum parti & iudicio per dimidium soluendam, ad instantiam instigatoris, aut nuncii terrefris ex quoconque Palatinatu in Comitiis subeant. C O N S T. a. 1638. tit. *Ekonomiach.* p. 4.

4 Metricae sunt libri Cancellariae, de quibus Statutum *Sigismundi I.* exstat, vt Cancellarius & Vicecancellarius, ipsi soli libros eosdem in sua custodia diligenter asseruent, habeantque semper vnum vel duos Notarios vel scribas iuratos, qui omnia priuilegia, decreta, recognitiones & alia, quae ad necessitates & securitates hominum coram Rege fiunt, & sub sigillis Regiis conceduntur, sincere & fideliter

fideliter in libros huiusmodi seu regestra inscribant. P R I L. Stat. p. 202. § Statuta Sigismundi I. p. 89. Habet suas metricas tum maior tum minor Cancellaria, idque non tantum in Polonia, sed & in Lituania, obtinet. Metricae vetustae seu libri Cancellariae memorantur a Sigismundo III. in VOLVMINE CONST. p. 861. tit. O merrykach. Notarii qui scripta in Cancellariae libros referunt, ac inde petentibus deponunt, *metricantes* vulgo appellantur, estque alius maioris, alius minoris Cancellariae. Addimus, metricas in pactis Iohannis III. non memorari, occurrere tamen in Michaelis & Augusti II.

5 Habent binos Regentes Cancellariae in Regno & Lituania, alterum maioris, alterum minoris, sacri alterum, alterum civilis Ordinis. Sunt autem Regentes primarii Cancellariorum administrati: Rescripta Regia, litteras & alia, quae ex Cancellaria prodeunt, aut ipsi componunt, aut si a Secretariis composita, relegunt, expendunt, corrigunt; Cancellarii nomine Regi quae subnotanda, exhibent, quae sibi ab illo commissa, Principi exponunt, huiusque voluntatem Cancellariis renunciant.

6 Sunt Secretarii plurimi, duo tamen eminent, alter Regni, alter Lituanie, vterque ordinis sacri, qui Secretarii maiores seu supremi dicuntur. Primus in Regno a. 1504. ab *Alexandro* institutus est, eiusque iura in peculiari Statuto describuntur, „vt sit semper unus, sciens secretas expeditiones publicas, vt „ad ea intromittantur secreta, quae Cancellario & Vicecancellario Regni pandentur, vtque sit expectans primus praelaturarum, dignitatum beneficiorumque, „immediate Cancellario Regni & Vicecancellario in talibus officiis successurus. LASCO Stat. f. 113. p. 2. P R I L. Stat. p. 181. In Lituania Secretariatus maior recentiori tempore coepit. Ambo omnes, qui sunt extra Senatum, ordine praecedunt.

7 Notarius camerae, Regi est ab epistolis priuatis, quibus sigillum camerae, quod ipse afferuat, imprimitur. Thesauri & quidem Regii notarius, redditus ac sumptus Regios in tabulas refert, rationesque Thesaurariis exhibit.

8 Intelligitur priuatus Regis Thesaurus, ne postpositis Thesaurariis, illius cura exteris aut plebeis committatur, aut ab his in eius rationes inquiratur.

9 Vectigalia & telonia vetera mensae Regiae adiecta: inter illius enim redditus, Regni, Russiae, Plocense & Lituaniae antiqua telonia recensentur. VOL. CONST. p. 577. tit. rationes p. 500. tit. ordinatio. Camerae vero sunt domus illae, vbi a transeuntibus vectigal pendit, quae vulgo camerae teloniariae vocantur.

10 Nisi forte legendum vere possessionatus, sed habent illud mere & Michaelis ac Augusti II. PACTA §. c. at in Iohannis III. dicuntur *bene* possessionati. Telonia autem Nobilibus bene possessionatis locari, CONST. anno 1685. p. 19. tit. Deklaracya ac alia a. 1703. p. 27. tit. audio, eadem a Nobilibus bene possessionatis administrari, vtque scribae in cameris, non alii quam tales sint, iubet. Et licet leges illae de Reip. vectigalibus, non de iis, quae partem reddituum Regiorum constituant, loquantur, censentur tamen eodem iure, si de administratione sermo incidit, adeo vt aegre latum, quando exteris Regia vectigalia locata fuerunt. Ergo vt ad caetera, quae praesenti capite recensentur munia, sic & ad teloniorum curam, soli Nobiles vtriusque gentis, & quidem possessionati admittendi, ita tamen, vt reliquarum prouinciarum, Poloniae & Lituaniae iunctarum,

rum, nobiles non arceantur, quare in pactis *Michaelis, Iohannis III. & Augusti II.* annexae prouinciae expresse nominantur.

11 Si ex frequentia & negotiandi libertate Iudeorum colligenda esset felicitas, Polonia recte illorum diceretur paradisus, quo vocabulo appellatam a non-nullis meminimus. Diffusi enim per vrbes, oppida & vicos Poloniae ac Lituaniae, commercia, opificia, tabernas & cauponas exercent, simul Procerum & Nobilium rem familiarem curant, vt nihil rite emi ac vendi posse videatur, nisi Ebraeo aliquo internuncio ac interprete. Fauebant illis admodum *Iohannis III.* tempora, vt & ipsum Principis palatum pateret, versante in eodem *Beths ale Iudeo*, quasi altero Mardachaeo, Reginae in primis gratia florente ac valido. Cuius potentiam *BIZARDIERVS Gallus*, suo sermone in libello *de scissione Poloniae, scission de la Pologne*, statim post initium descripsit. Conduxerat is Regia vestigalia, quae ipse procuranda concesserat suae superstitionis sociis, sed molestissime ferebatur, Christianorum merces & facultates, rigidae Iudeorum exactio, vt est gens lucri audiissima, submitti. Inde viuente Rege erupit indignatio, & post *Illius mortem*, successoris *Augusti II.* PACTIS §. c. *Dobr Naszych*, primum insertum, ne telonia Iudeorum, quibus id legibus vetitum, administracioni committantur. Et exstant hac de re in Iudeos antiquae leges. *Sigismundus I.* iniuiolabiliter obseruandum statuit, Iudeos teloniis quibuscumque praefici non debere, neque posse: indignum & iuri Diuino contrarium cenfens, eius generis homines aliquibus honoribus & officiis inter Christianos fungi debere. PRIL. Stat. p. 367. Stat. *Sigismundi I.* p. 83. Quod Statutum *Sigismundus Augustus Vol. Const.* p. 28. tit. *O Zydziech*, probauit. A. 1565. ne quis in suo Palatinatu Iudeorum telonio praefesse permittat, poena centum marcarum edicitur: Vol. Const. p. 98 tit. *Zebi cet*, per CONSTITUTIONEM vero a. 1647. tit. *Ordynaryne* p. 2. in Iudeos ob eandem caussam confiscatio bonorum decernitur. Denique Const. 1703. p. 7. tit. *auctio subsidiorum*. Iudeorum capita declarat inuindicabilia, si sub quocunque praetextu ad telonia admittantur.

12 Superiora PACTA §. cit. cauſſas has solis iudiciis Tribunalitiis submitunt, praefentia quodus forum assignant.

13 In quo cauſſarum indice, illi scribuntur, qui repetundarum accusantur.

### §. XLVI.

#### DE PRAEFECTVRIS PRAESIDIORVM IN OECONOMIIS.

Praefecturas praefidiorum, in bonis nostris, in vrbibus, arcibus & propugnaculis, Regni, M. D. Lituaniae & prouinciarum annexarum<sup>1</sup>, non plebeiis personis, sed nobilibus, possessionatis & bene meritis<sup>2</sup> dabimus.

1 Est sermo de bonis Oeconomicis, illisque in iis locis, quibus praefidia imponenda, ne extranei aut plebeiae conditionis praeficiantur, quod non minus in PACTIS *Michaelis, Iohannis III. §. Cudzoziemcowani & Augusti II. § Dobr Naszych* vetitum.

2 Allegata superiorum Regum pacta addunt, qui commendati ex vtraque gente & annexis prouinciis a Ducibus exercituum fuerint, nisi quod in *Augusti II.* annexae prouinciae omittuntur.

### §. XLVII.

## §. XLVII.

## OECONOMIAE NE AVGEANTVR.

Oeconomias ad mensam nostram pertinentes, sine speciali consensu Reipublicae non amplificabimus<sup>1</sup>, nec nouos fines, ac fundos illis per potentiam administratorum vindicari permittemus<sup>2</sup>, sed potius ad diiudicandas iniurias, commissiones concedere non grauabimur<sup>3</sup>, exceptis pure auulis<sup>4</sup>.

<sup>1</sup> Ne Oeconomiae fine Reipublicae consensu augeantur, a Vladislai IV. tempore, in PACTIS §. *Ekonomii* prouisum, neque Se aucturum, potius nouas quas instituit, sublaturum, ante Vladislauum IV. Sigismundus III. per legem, VOL. CONST. p. 834. tit. *O Ekonomiach*, promiserat. Idem a. 1635. per aliam CONST. p. 31. tit. *Ekonomie*, vetitum, simul poena peculatus in eos decreta, qui nouam Oeconomiam conduxerit, aut administraverit. Et restrinxerunt in hoc Regum facultatem Ordines, ne multiplicatis pro lubitu Oeconomiis, opes in libertatis discriben ex crescere viderentur: neque horum consensu veteribus nouas adiectas, potius illas imminutas fuisse reperimus; cuius rei exempla ad §. sequentem in medium proferentur.

<sup>2</sup> Ergo fines veterum Oeconomiarum per vim extendere, illisque nouos fundos iungere haud licet; quod ante Augustum II. in pactis non legitur.

<sup>3</sup> Eadem Augusti II. pacta, iniuriam passis, commissiones ad quamvis requifitionem, promittunt.

<sup>4</sup> Intelliguntur quae non lege & Reipublicae consensu, sed a priuatis facto solo, bonis mensae Regiae subtracta sunt, quae administratoribus eodem modo recuperare licet.

## §. XLVIII.

## DE OECONOMIIS HAVD MINVENDIS.

Cum his Oeconomiis secundum iura<sup>1</sup> agemus, neque per vilia auulsa illegitime obtenta<sup>2</sup> minui patiemur, sed eas in administrationem aut arendam, tantum nobilibus, sitas scilicet in Regno, Regni; Lituanicas, Lituaniae, & annexarum prouinciarum, harum terrigenis dabimus<sup>3</sup>.

<sup>1</sup> Iura quae Oeconomiis scripta, ad §. XLV. (1) recensuimus. Haec ut obseruentur, PACTA a Vladislai IV. tempore §. cit. exigunt. Eadem salua esse iubent CONST. a. 1670. p. 23. tit. *O Ekonomii*, & 1676. p. 45. tit. *Ekon. stolu*, nec minus omnes cautiones, in legibus, Constitutionibus & pactis conuentis, de integritate Oeconomiarum scriptae, per CONST. a. 1717. p. 64. tit. *Redintegracya*, repetuntur.

<sup>2</sup> De bonis mensae Regiae integre seruandis, dictum ad §. XLV. (1) Addimus CONSTITUTIONEM a. 1717. p. 64. tit. *Redintegracya*, qua decreta com-

missio ad recuperanda, non obstantibus rescriptis & priuilegiis, quae Oeconomiis ademta, priuilegiis tamen, quae legitime collata, saluis. Et Reges *Michael*, *Iohannes III.* ac *Augustus II.* in suis P A C T I S §. cit. promiserunt, se nullas Oeconomiarum imminutiones, ne quidem minimas permissuros, imo sine consensu Reip. auulsa, ordinaria iuris via recuperaturos. Possunt ergo illegitime auulsa dici, quae sine consensu Reipubl. Oeconomiis subtracta, ut legitima sunt, quae Reip. consensu innituntur. Et huius quidem generis dantur varia. Anno 1654. tenuta *Nouodvorenis* seu *Tigenhofensis*, Mariaeburgenis Oeconomiae portio, *Christophoro Gembitio*, ducentis millibus florenorum oppignorata. C O N S T . a. 1654. p. 7. tit. *Zastawa*, quae persoluta dicta summa a. 1678. Regi *Iohanni III.* eiusque haeredibus, consensu Ordinum cessit. Tenuta *Berualdensis*, alia Mariaeburgenis Oeconomiae pars, iam *Sigismundi Augusti* tempore, in manus priuatorum venit, in quibus, conscientia Reip. adhuc haeret. Collata *Paulo Teterae* in aduitalitatem ex Oeconomia *Brestensi*, in Lituania, bona, Ordines a. 1659. approbant, C O N S T . 1659. inter *Lituanicas* p. 14. tit. *Aprobac. Przywileiu*, non obstantibus quibusuis Constitutionibus, de non impetrandis bonis mensae Regiae. Idem Ordines eodem anno, aliam donationem in aduitalitatem ex Oeconomia *Mobilouienſi* ratam habent. C O N S T . c. a. p. 14. tit. *Aprob. Przywileiu*. Tota vero Oeconomia *Szaulensis*, a. 1661. *Palatino Vilnensi* *Paulo Ioh. Sapibae*, octingentis millibus florenorum in pignus concessa : C O N S T . a. 1661. inter *Lit.* p. 9. tit. *Zastawa*, quae nondum ad mensam Regiam rediit, sed data *Iohanni III.* redimendi facultate, ad eius haeredes transmissa. Ne tamen ex imminutis bonis Oeconomicis Thesaurus Regius iacturam sentiat, solent subtracti redditus pecunia annua ex Thesauris Regni & Lituaniae, pro diuersitate prouinciarum, in quibus Oeconomiae sitae, rependi : vtriusque gentis Thesaurariis, lege publica obstrictis.

<sup>3</sup> Exigebat §. XVII. vt munia terrigenis indigenis conferrentur: §. XLV. Oeconomias nobilibus possessionatis seruabat, & praefens distinctius Regni Oeconomias nobilibus Polonis, Lituanicas Lituaniis, & caeterarum prouinciarum, ea-rundem ciuibus locari praecipit: in quo pacta *Michaelis*, *Iohannis III.* & *Augusti II.* sequitur, quae idem postulant. Ut autem Poloni in Lituania, si ibidem possessio-nes habeant, Lituani vicissim eo modo in Polonia obire possunt munia, ita & idem de administratione Oeconomiarum est tenendum. Prussi, qui ad annexas, vt apppellantur, prouincias pertinent, suis ad Regni Comitia Nunciis saepius iniunxe-rent, vt suarum terrarum Oeconomiae suis saltet indigenis locarentur.



## §. XLIX.

QVAE BONA, PRO BONIS MENSAE REGIAE HABENDA.

Et quoniam sub praetextu bonorum mensae Regiae, varia bona, quae ad mensam Regiam nunquam pertinuerunt, titulo auulsionis, ad iudicia postcurialia trahi solent, haec vero saepius sub arbitra Maiestate nutant<sup>1</sup>: ideo declaramus, haec tantum bona, ex natura sui ad mensam Regiam pertinere debere, quae antiquitus ad illam relata sunt<sup>2</sup>.

<sup>1</sup> Sub arbitra, inquiunt PACTA Augusti II. §. A poniewaz, Maiestate, supremi iudicij per decretum saepius nutant: quasi studio proferendarum Oeconomiarum, in iudiciis Regiis, ius redderetur ambiguum.

<sup>2</sup> Quod ex PACTIS Augusti II. §. c. repetitum, vbi simul omnes Capitanetus & caetera bona Regia, quae ad Oeconomias nunquam pertinuerunt, a postulationibus Thesauri Regii, ipsiusque Regis, secura redduntur. Quae autem antiquitus ad Regiam mensam pertinuerint Oeconomiae, constare potest, ex duabus, quibus illae descriptae sunt, constitutionibus, quasque ad §. XLV. (i) allegauimus, singularum autem partes finesque ex aliis monumentis cognosci debent, est que illius probare, pertinuisse bona ad mensam Regiam, qui ea illi vindicare contendit.

## §. L.

QVIBVS OLIM EX OECONOMIIS DONATA,  
SECVRÉ POSSIDEANT.

Donatarios omnes, iuxta tenorem iurium eorum, ab antiquo illis concessorum, in plena securitate possessionis relinquemus<sup>1</sup>, in Regno iuxta Constitutionem eo nomine descriptam, & in Lituania secundum eorum statutum<sup>2</sup>.

<sup>1</sup> Afferitur donatariis secura bonorum, mensae Regiae subtractorum, possessio, non tamen promiscue omnibus, sed veteribus tantum, iisque, qui possessionem, iure antiquo tempore sibi concessa, tueri possunt. Michael in PACTIS suis §. Ekonomyj spopondit, „omnia priuilegia a priori Rege, Iohanne Casimiro, in diminutionem prouentus mensae Regiae, sine consensu Republicae data, irrita fore, & talia in posterum non concessum iri: imo qui contraueniendo huic iuri, eiusmodi priuilegium precibus suis impetraverit, ipso facto infamis & incappax tenutae pronunciatur, eique poena sessionis turris, per spatium dimidii anni, decernitur, ad instantiam cuiusuis Nobilium in tribunalibus Regni, ex regestro fisci speciali, & in M.Ducatu, ex quo quis regestro peremtorie irroganda. Eadem verba in PACTIS Iohannis III. §. Ekon. & Augusti II. §. Atymi Ekonomiami, recitantur, hoc saltem discrimine, quod Michael de unius Regis Successores autem de Regum superiorum priuilegiis loquuntur, ut simul tempora post Iohannem Casimirum compre-

prehendantur, si quid illegitime impetratum fuerit. Praeterea per CONST. A. 1717. p. 64. tit. Redintegracya, „omnia bona & loca, nouiter in diminutionem reddituum mensae Regiae priuatis concessa, non obstantibus Rescriptis & priuilegiis, aduersus ius & contra mentem pactorum conuentorum emanatis, ad corpus Oeconomicum reducuntur, saluis tamen priuilegiis, cum Antecessorum, tum „Augusti II. qui tunc regnabat, legitime collatis. Illa autem iura sunt valida, & priuilegia legitime collata, quae Republica suo consensu per publicam legem firmat.

2 Donata ex bonis mensae Regiae, ut & alio titulo priuatis concessa, Constitutionibus inseruntur, ut consensius Reipublicae pateat: habentque locum inter Regni Constitutiones, si de Oeconomiis in Regno & Prussia sitis agitur, inter Lituanicas vero, quando de Lituanicis Oeconomiis sermo est. Lituanicae vero, quae olim solebant cum Regni Constitutionibus confundi, a tempore Iohannis Casimiri, his seorsum iungi solent, veniuntque in praesenti §. Lituanici statuti nomine.

### §. LI.

#### INIVRIAM PASSIS IVSTITIA PROMITTITVR.

Iniuriatis praetendentibus, satisfactionem ab administratoribus nostris, circa documenta liquida spondemus<sup>1</sup>.

1 Id quod spopondit in PACTIS suis Augustus II. verbis amplioribus, §. Waruiemy też o dobra, scilicet, „ipſos administratores, iniuriam ex Regiis Oeconomis passis, ius reddere, simul istis respondere in iudiciis quibusvis Regni, iuxta praescriptum legis, & iudicatis, ex qualitate facti aut cauſae prolati, satisfacere debere, sub executione hac a Rege nullo modo impedienda. Antea vero Iohannes III. nomine haereditariorum & Regiorum bonorum, per PACTA §. Waruiemy też o dobra, idem promiserat, quod scilicet Oeonomi, illis, qui de iniuria sibi illata conquesti fuerint, in iudiciis quibusvis Regni responsuri. &c.

### §. LII.

#### OECONOMIA PVBLICA IN APPARATVM BELLICVM.

Publicam Oeconomiam, secundum antiqua iura Vladislai IV.<sup>1</sup> & Iohannis Casimiri<sup>2</sup>, Antecessorum nostrorum, conseruabimus, cui iuxta Constitutionem anni 1659. duos Capitaneatus ex primis vacantibus, quorum prouentus tringinta millia efficien, incorporare promittimus<sup>3</sup>, & omnia, iuxta tenorem pactorum conuentorum, cum Rege & Parente Nostro sanctae memoriae initorum, quoad hoc punctum<sup>4</sup> obseruabimus.

1 Apparatum bellieum, tormenta, puluerem, alia, suis sumtibus procurare, Henricus in articulis sibi oblatis & a Stephano confirmatis, promisit: VOL. CONST. p. 254. §. Owoynie, quodque ab eodem Rege Stephano in comitiis coronationis repeti-

repetitum legimus. *VOL. CONST. p. 275. §. O woynie.* Nomine *Sigismundi III.* in pactis promissum est, tormentorum bellicorum vim non exiguum, necessitatibus Regni Poloniae & M. D. Lituaniae exigentibus, pulueres atque globos e Regno Sueciae, suis sumtibus suppeditare. *VOL. CONST. p. 452. §. item tormentorum.* Verum, amissa Suecia, subuenit Reipublicae aerarium. *Vladislaus IV.* quo publicas impensas leuaret, ac assiduis inde in comitiis disceptionibus occurreret, promisit in *PACTIS* suis §. *A iż apparat.* Oeconomiam bellicam in apparatum istum instituere, sumtibus per nouam *quartam* ex Capitaneatibus & tenutis, ad modum veteris conferendis. *Idem* in iisdem pactis creditit, vtile imo necessarium esse, si duo crearentur, quorum alter in Regno, alter in Lituania, apparatum bellicum curaret, vnde summi rei tormentariae praefecti, Regni & Lituaniae, *magistri artilleriae* vulgo dicti, orti sunt. Noua haec in apparatum bellicum *quarta* a. 1637. *CONST. p. 8. tit. Quarta*, roborata, Rauam, veluti vetus deferenda, ac a Regni Thesaurario, Praefecto rei tormentariae numeranda, quo is in eam rem, in quam instituta vtatur, & expensorum rationem in comitiis reddat. Sequenti anno primum rei tormentariae *Paulus Grodzicjus* in comitiis praefectus est, cui mandatum, accepta binorum annorum noua quarta, armamentaria tum vetera reficere, tum noua locis opportunis extruere, tormenta cum reliquo apparatu bellico comparare, ac nouae huius Oeconomiae, quasi fundamenta iacere. *CONST. a. 1638. p. 13. tit. Oeconomia bellica.* Haec est illa Oeconomia, quam praesens, quod illustramus, caput, publicam nominat, cuiusque auctor merito *Vladislaus IV.* habetur: qui tamen in hoc non Poloniae saltē, sed & Lituaniae curam gessit, adsignando per *PACTA* sua §. *A iż apparat.* in sumtus, summam, qualem bonorum Regiorum possessores nomine simplicis donatiui in Thesaurum intulerint.

2. Qui eadem, quae hac de re in *PACTIS Vladislai* continentur, in suis §. *A iż apparat.* iisdem plane verbis repetit, vt videatur primus voluisse instituere, quae frater iam ordinauerat.

3 Cum noua quarta, ob vastata per bellum bona Regia, non sufficeret, additi a. 1659. prouentus ex *vini depositorio*, in annum unum, & ex primis vacaturis Capitaneatibus & tenutis, exceptis tamen Capitaneatibus cum iurisdictione, in perpetuum duo in Regno promissi sunt, quorum anni reditus triginta millia florinorum aequarent, & in Lituania totidem, sed quindecim tantum millia efficientes, qui Capitaneatus seu tenutae, in rei tormentariae praefecti potestate essent, vt reditus ex illis, nonnisi in bellicum apparatum, sub peculatus poena, impenderet, ac ad id iureiurando obstringeretur, rationemque erogatorum in singulis comitiis, statim post sententias Senatorum, & exhibita Senatus consulta, ad numerorum terrestrium instantiam redderet. *CONST. a. 1659. p. 10. tit. Porzdek.* Stetit tamen promissum intra verba, vt necesse fuerit, illud a Regibus, qui post *Iohannem Casimirum* imperarunt, in suis *PACTIS*, §. *Bellicam Oeconomiam*, repeti, quo aliquando impleretur.

4 Secutus exempla *Michaelis & Iohannis III. Augustus II.* idem in *PACTIS*, §. *Publicam Oeconomiam*, quod illi olim, promisit: scilicet, „velle Se publicam „Oeconomiam, secundum antiqua iura Vladislai & Iohannis Casimiri conseruare; „illi promissos, per *CONST. a. 1659.* duos Capitaneatus, quam primum vacui „fuerint, addere, ac curare, vt rei tormentariae praefectus, semper sit patricius „& bene possessionatus; vt pecunia in apparatum bellicum destinata, in Regno ex „quarta

„quarta, in Lituania ex simplici donatiuo soluatur; & dictus praefectus in Comitiis perceptorum subsidiorum ac expensorum nomine, rationem reddat.

### §. LIII.

MILES NEQVE ALIVNDE ARCESSENDVS, NEQVE  
EXTRA REGNVM MITTENDVS, NEQVE  
DOMI NOVIS SVPPLEMENTIS  
AVGENDVS.

Nullum exercitum extraneum, sine speciali consensu Reipublicae, in viscera Regni admittemus<sup>1</sup>, neque Quartianos<sup>2</sup>, neque alios milites nouis supplementis augebimus<sup>3</sup>, aut sine speciali consensu Reipublicae, extra limites educemus<sup>4</sup>: & si quis contrarium fecerit, licet litteris nostris pro conscribendo milite subreptitie obtentis, instructus, talem pro perduelli, infami ac hoste patriae declaramus<sup>5</sup>.

<sup>1</sup> Non modo belli arbitrium Rex cum Republ. commune habet, sed & sine quibus geri haud potest, Ordinum consensu paranda sunt. Potiorem partem constituunt milites, quos per Se, sive aliunde arcessere, sive in Regno scribere, Principi iam ex longo tempore integrum haud fuit. Nomine Stephani in ipsius pactis promissum fuit, auxilia externa nequaquam in Regnum adductum iri, nisi cum consensu Senatus & Ordinum: *V. O. C. N. S. p. 252.* quod in successorum *PACTIS*, §. woysk Cudzoziemskich, praeter *Sigismundum III.* repetitum, simul iuxta Regnum, & Lituania memoratur, ac in nonnullis *annexae prouinciae adduntur*. Sed & *Sigismundus III.* fatetur, per vetera iura externum militem scribere haud esse licitum, ac per constitut. suam obstringit fidem, Se id non facturum, nisi expresso omnium Ordinum in Comitiis consensu, negotio hoc prius ad conuentus particulares relato. *C. N. S. a. 1629. tit. O zatiagu.* Nec minus quod hac de re in *Vladislai IV.* pactis continetur, a. 1638. noua lege, eaque perpetua, firmatum ac ad successores extensem. *C. N. S. a. 1638. p. 7. tit. O Suplementach.* Memoranda *Augusti II.* seueritas; Qui a. 1699. singulari diplomate, in externas copias, sive ex Saxonia, sive aliunde, absque consensu totius Reipublicae, Polonię ingressi fuerint, tanquam in hostes patriae, Nobilitati communem motum concessit. *C. N. S. a. 1699. p. 39. tit. ubezpieczenie.* Cum autem militis Saxonici opera Republica aduersus hostem vteretur, fidem dedit Idem Rex *Augustus II.* Se eundem, quam primum fieri potuerit, in Saxoniam dimisirum, & si bellum conficeretur, nunquam in viscera Regni reuocaturum, neque in eius sustentationem pecuniam aut commeatum exactum iri. *Poparcie Sendomirsk. konfederacyi a. 1710. p. 7.* Denique, per *Tractatum Varsauensem a. 1717.* nunquam tum Saxoniae, tum aliae exoticae copiae, sive sub titulo necessitatis ineuitabilis, sive ex consensu Senatus consilii, sive sub quounque praetextu, in terras Regni Poloniae & M. D. Lituaniae, iunctasque iis prouincias, reduci debent. *C. N. S. a. 1717. p. 5.* Licet tamen Reipublicae consensu, externum militem accire: quo modo *Sigismundus III.* a. 1629. Caesaris auxilia contra Suecos obtinuit. *P. A. S. E. C.*

*Chron.*

*Chron. p. 406.* *Iohannes Casimirus* pactus sibi a. 1657. aduersus eundem hostem, quod comitia haberi non poterant, ex Senatus consilio, a *Leopoldo*, Rege tunc Hungariae & Bohemiae, mox Romanorum Imperatore, auxilia, *Kochov*. *Annal. Clim. III. p. 215.* quae Ordines vna cum caeteris, quae inter vtrumque Principe conuenerant, in Comitiis a. 1658. suo consensu rata habuerunt. *Const. a. 1658. p. 1. tit. Aprobacya.* In confoederatione Sandomiriensi, Ordines suam, belli aduersus Suecos non minus fortiter quam feliciter gerendi profitentur fiduciam, quod Rex omnibus suis viribus, omnibusque qui adinueniri potuerint, modis, Rempublicam tueri promiserit: *KONFED. GENERAL. pod. Sandomierzem p. 10.* spondetque Rex *Augustus II.* vicissim suis litteris, in congressu pro illa confoederatione ad Sandomiriam instituto, reddita pace, statim suum exercitum ex Regno, Lituania & annexis prouinciis in Saxoniam dimissurum. *KONFED. GEN. p. 2.* In consilio magno Mariaeburgensi a. 1703. sancitur, vt Rex & Respublica, copiis, cum domesticis, tum externis auxiliaribus, defendantur. *Epist. ZAL. T. III. p. 451.* Et in Comitiis a. 1710. eidem militi Saxonico auxiliari, hiberna in finem mensis Aprilis conceduntur. *POPARC. a. 1710. p. 7.* Obiectum quidem, ante dictam Confoederationem Sandomiriensem, Augusto II. ac si Saxones suos, inscia Republica in Regnum duxisset, sed ipse Rex publico diplomate suam causam egit. „Militiam, *inquit*, nostram, in solam Regni vitaeque nostraræ tutelam, „tam iure naturae, quam pactis conuentis & Senatus Consilio indultam, reserua- „mus, ea praxi, qua licuit olim suas cohortes alere, Henrico Valecio, Stephano „Bathoreo, & Sigismundo III. procul omni censura, & securiore, quam nos frui- „mur, solio. Epist. ZAL. T. III. p. 397. Obtulerat enim, cum Regnum peteret, quo quis ingruente periculo, sex millia suorum militum, & polcentibus statibus & Ordinibus Regni, eosdem suis sumtibus alere: *Propositiones Regiae PACTIS CONVENTIIS adiectione, §. Więczeby*, nec minus in hanc rem Senatus consultum accessit, cui ipse Primas Radzeiovius, subscribere non dubitauit. *Memoires sur les revolutions de la Pologne p. 85. (l)*

2 Est miles perpetuus, a Sigismundo Augusto institutus, vt pro securitate limitum in terris Podoliae, aduersus Tattaros excubaret, habetque nomen a parte quarta redditum ex bonis Regiis, in stipendium ei assignata.

3 Per *CONSTITUTIONEM a. 1629. p. 2. tit. Zaciagu*, nullum militem sine Ordinum consensu scribere licet, neque per *PACTA Regum §. Woysk Cudzoziemskich*, a *Vladislai IV.* tempore, quibus simul supplementatum Quartianorum, tum aliorum militum prohibentur: imo *Michael & Successores*, id ne quidem ad quosuis motus ciuiles fieri volunt. Cum a. 1637. ex Senatus consilio, sine omnium Ordinum consensu scriberentur noui milites, necessitate id in sequentiibus comitiis excusabatur, cauebaturque, id neque iuribus derogare, neque in posterum fieri debere, *Const. a. 1637. p. 2. tit. Przyczynienie*, quod mox noua legge in perpetuum firmabatur. *Const. a. 1638. tit. O suplementach.* *Nihilominus Vladislau IV.* inductus ad bellum societatem, contra Turcas, a Venetis, insciis Ordinibus, magnam legebatur militum manum, quod hi aegerrime tulerunt, suisque expostulationibus effecerunt, vt non tantum nouae copiae dimitterentur, sed & Regum, in conducendo milite, aliquoties restricta facultas, nouo scito coercetur. *PIASEC. Chron. p. 507. Const. a. 1646. p. 1. tit. O Zaciagu.*

4 Promisit in pactis suis *Stephanus*, se milites stipendiarios, extra Regnum, insciis Ordinibus, non missurum. *Nihilominus Sigismundus III.* ordinibus insciis ac aegre ferentibus, *Ferdinando II. Caesari auxilia submisit*, quo apud eius hostes

hostes magnam sibi inuidiam parauit, & Turcam in primis non leuiter irritauit. PIASEC. Chron. p. 323. 326. 329. imo classem suam nouem nauium, quam habebat vnicam, ex portu Gedanensi, Vismariam, in Caesaris usus iussit tendere. PIAS. Chron. p. 404. Quibus rebus videntur Ordines permoti, vt Vladislauum IV. ad Stephani exemplum, per PACTA §. Woysk Cudzoziemskich, obstringerent, ne fine scitu & consensu Reipubl. milites extra fines duceret: quod & a Successoribus exigere placuit. Maluit tamen Vladislauus Patris exemplum sequi, concedendo Caesari Ferdinando III. aduersus Galliae Regem copias, quae seuerioribus combinationibus Procerum reuocatae, quod has suppetias, veteri cum Gallis amicitiae aduersari credebant. PIASEC. Chron. p. 488. Recepit quidem a. 1658. Daniæ Rex, a Iohanne Casimiro, sex millia equitum, Czarneccii & Opalenii ductu in subsidium, KOCHOV. Annal. Clim. II. p. 319. id tamen ex mutuo foedere, praecedenti anno Hafniae inito, quod Respublica in omnibus suis capitibus ratum habuit. CONST. a. 1658. p. 2. tit. Aprobacya paſtorum z Krolem. Denique Iohannes III. in perennaturam Sui & gentis gloriam, cum integro exercitu a. 1683. advolabat, vt Viennam, obsidioni & ultimo discrimini eriperet, verum pariter foedere obstrictus, quod in dicti anni comitiis, Reipubl. consensu, cum Imperatore Leopoldo factum. ZAL. Epist. T. I. p. 807. Educere autem contra mentem Reip. ultra fines Regni incolas, siue quod milites lecti, siue sub quocunque alio praetextu, poenis criminalibus per Tract. Varsav. a. 1717. interdicitur. CONST. a. 1717. p. 38.

<sup>5</sup> Per CONSTITUTIONEM a. 1646. p. 2. fama & bonis multantur, qui sine Reipubl. consensu, etiam Regiis litteris muniti, militiam scriplerint. Et in PACTIS Michaelis, Iohannis III. & Augusti II. §. Woysk Cudzož. infames, perduelles, hostes patriæ, quos quilibet veluti iuris publici violatores tollere possit, & capita inuindicabilia declarantur. Praeter quod in pactis Iohannis III. §. cit. poenae hæc in eos statuuntur, qui litteris eiusmodi destituti, Regium nomen falso obtendunt.

#### §. LIV.

##### MILES EXTERORVM MORE NON LEGENDVS, ET EXERCITVS AD NOVAE LEGIS MENTEM SERVANDI.

More exterorum milites legere nemini permittemus<sup>1</sup>: exercitum autem utriusque gentis & auctoramenti ad mentem Constitutionis a. 1717. seruabimus<sup>2</sup>.

<sup>1</sup> In hoc PACTA Michaelis & Augusti II. §. Cudzoziemska maniera, praeuerunt, quae id & ex Senatus consulto, fine consensu Republicae, fieri vetant.

<sup>2</sup> Ordinata est a. 1717. novo modo militia, cum per Tractatum Varsauensem conueniret, ex praesentibus copiis, ad peculiarem computationem, ab utraque parte, quoad numerum & conditionem probatam, ac litteris Regiis durante tractatu roboratam, nouum exercitum in Regno Poloniae & Magno Ducatu Lituaniae, certo simul stipendio, statis temporibus, per scriptum ad Archiuum, auctoritate dicti tractatus ratum habitum, decreto legere. CONST. a. 1717. p. 17. Acceſſit consti-

constitutionis auctoritas, cum Regni, *Const. a. 1717. p. 53.* tum Lituaniae, *Const. Lit. p. 1.* nomine, hac saltem differentia, quod copiis in Polonia, tempus, quo stipendium merere inciperent, ad diem primam Februarii, in Lituania ad diem primam Martii, praescriberetur. Dicitur ille exercitus vtriusque gentis, Polonae & Lituanae, potestque haberi pro duobus, quorum alter Regni, alter Lituaniae Ducibus paret, ille ex Regno, hic ex Lituania stipendium recipit, ac prior octodecim, posterior sex millia explere debet. Appellatur autem vtriusque auctoramenti, quod dupli modo, Polono & extero auctoratus est. Equitatum enim conficiunt hastati (Husarze), loricati, (pancernicy), velites seu leuiter armati, quibus aliquot centeni *Heydones*, qui pedester miles, accedunt. Quae genera militum, quod Polonis propria, polonici habentur auctoramenti. Praeter dictum equitatum, sunt Dragones ut vocantur & pedites, more Germanorum vestiti, armati ac militantes, imo ipsi maximam partem Germani, quibus inde recte nomen exteri auctoramenti inditur.

### §. LV.

#### MELIOR MILITVM ORDINATIO.

Obstricti etiam erimus, deliberatione cum Ordinibus Reipublicae instituta in futuris coronationis comitiis, curam adhibere, ut militia equestris & pedestris, in optimum ordinem, & ad tallem numerum reducatur, ut omni occasione ingruenti sufficien-tem se probet<sup>1</sup>, pariter, ne bona terrestria & ecclesiastica, vtriusque partis<sup>2</sup>, ac Regia, transitu & stationibus a milite exhau-riantur<sup>3</sup>, & ut milites in disciplina militari maneant, ad men-tem dictae legis nouellae 1717.<sup>4</sup> Cauebimus in posterum, ne vlla vexilla & regimenta vtriusque auctoramenti vendantur, nisi bene meritis<sup>5</sup>.

<sup>1</sup> Iam *Vladislaus IV.* quod ex eius *PACTIS* constat, §. *Powinni też będziemy*, in comitiis coronationis suae, cum Ordinibus de militia equestri ac pedestri melius ordinanda, consultare voluit, quo externis copiis in posterum carere posset Respublica. Idem a successoribus repetitum, manifesto arguento, rem effectu caruisse. In nouissimis tamen coronationis comitiis, nihil de militia decerni potuit, quod iisdem prorogatis, non tantum de militia, sed & de rebus aliis consultationes differri debebant. Redigendus vero esset miles ad eum numerum, qui a. 1717. descriptus, quemque haud parum imminutum, inter omnes constat.

<sup>2</sup> Legendum sine dubio vtriusque ritus, quod vocabulum *Augusti II. PACTA* §. *Powinni też będziemy*, habent. Intelliguntur autem tum Romano-Catholicorum, tum Graecorum *vñitorum* bona ecclesiastica.

<sup>3</sup> Voluit *Vladislaus IV.* in allegatis *PACTIS* pariter prouidere, ut incolae omnes, iniuriis militaribus liberarentur, milesque ipse ex suo stipendio viueret. Secutus Fratris exemplum *Johannes Casimirus*; addunt Successores, bona quaevis, nominatim, spiritualia, Regia & terrestria, per stationes & transitus copia-

L. rum

rum non esse affligma. §. c. Powinni & §. Obieciemy. Praeterea sunt leges omnium temporum, ac magno numero, quibus militum licentia coercetur, quas cumulare non minus taediosum foret, quam legere.

4 Amplissime in CONST. a. 1717. p. 58. tit. *Disciplina*, disciplina militaris describitur, ut seruatis, quae eam ob rem, salubriter olim decreta, miles ad modum in exteris Regnis & Rebus publicis receptum, ex solo suo stipendio viuat; victum ac alia necessaria, tum in itinere, tum in hibernis, ac aliis stationibus, praesenti pecunia, iusto pretio emat; ab incolis neque pecuniam, neque commeatum, neque alia omnia exigat; bonis terrestribus, Spiritualibus & Regiis, siue transeat, siue in illis subsistat, nullam iniuriam inferat: caetera breuitatis studio, omittimus.

5 Docet usus, centurias & integra regimenta, aut si legiones appellari manavis, a Centurionibus suis & Tribunis aliis vendi, Regia tamen accedente auctoritate & consensu.

## §. LVI.

### REDEMPTIO DRAHIMI, ET TERRITORII ELBINGENSIS &c.

De redimendo Drahimo<sup>1</sup> & territorio Elbingensi<sup>2</sup>, ut & ratione traiectus ad ciuitatem Neuburgensem<sup>3</sup>, nec minus de Lisnouensi ac aliis templis<sup>4</sup>, pariter de omnibus praetensionibus veteribus & recentibus<sup>5</sup>, cum aula Berolinensi conferemus, & ex vi pactorum componere allaborabimus<sup>6</sup>.

<sup>1</sup> Praefectura Drahimensis, in maiori Polonia, ad Pomeraniae fines sita, a. 1657. Electori Brandenburgico per Brombergense pactum, centum & viginti milibus thalerorum imperialium, intra triennium pro milite auxiliari soluendis, inscripta fuit; ita quidem, „ut solutione non praestita, post exitum triennii, Elector vel Eius Successores, dictam Praefecturam, cum omnibus pertinentiis, propria auctoritate, facta tamen prius solutionis requisitione & denunciatione, fine aditione alicuius officii, in possessionem accipiendi, indeque omnes fructus percipiendi, iisque ad plenariam inscriptae summae solutionem, ius ac potestatem habeat. PV FEND. de Reb. Frid. Wilb. L. VI. §. 82. Cum vero nec post decennium soluta esset pecunia, occupauit a. 1668. praefecturam Elector, PV F. L. X. §. 64. quae ex eo tempore in Serenissimorum Successorum ditione mansit. Ae gre id ferebant Ordines, qui interregni, quod statim sequebatur, tempore, per legatum postulabant: „ut Elector praefecturam in manus Reipublicae restitueret, salua in futurum, apud eligendum Regem & Remp. decenti in Comitiis Regni generalibus requisitione, quae tanto facilius apud utrosque locum inuentura esset, si vicissim ab Electore, ratione non subministratorum subsidiorum, ad bella Moschouitica & Cosacica, ex pactis debitorum, Reipublicae praestita fuerit compensatio. Epist. ZAL. T. I p. 73. Legatione autem irrita, placuit Ordinibus, nouo Regi Michaeli, in PACTIS CONVENTIS §. O eliberacy, hoc negotium commendare, ut modum aliquem cum Electore iniret, quo Drahimum redimeretur: quod & in pactis Iohannis III. ac Augusti II. §. O eliberacy, factum.

Anno

Anno 1726. maioris Poloniae bini Palatinatus, Posnaniensis & Calissiensis, consensu omnium Ordinum, Capitaneatum illum redimere decreuerunt, penes quos ille tam diu maneret, donec numeratam pecuniam Resp. illis refunderet, simul nominati Commissarii, qui redemtionis curam agerent, & Capitaneatum hunc reciperent. CONST. a. 1726. tit. *Wykupno starostwa.* Nec minus Commissarii, qui Regis & Reipublicae nomine, cum Regis Prussiae legato, de controuersiis quae adhuc durant, agerent, in comitiis dicti anni iniunctum, ut negotium Dramense perficerent: CONST. d. a. *Komisja z dworem Berlinsk,* quod in convocationis comitiis anni 1733. Primi, additisque ei Consiliariis, iterum commendatum fuit. KONFED. p. II. §. 44. Interea coepit colligi in redemtionem pecunia, a memoratis Palatinatibus, collataque fuit summa non modica, quam turbis intestinis, per vim fuisse ablatam, ac in priuatos usus conuersam, Varsauensis, post Regis electionem, confoederatio indignatur, ac restitui imperat, data iudicio confoederationis, in refractarios animaduertendi potestate. KONFED. §. 14.

2 Per aliud pactum, pariter Brombergae a. 1657. initum, cessit Rex Poloniae, propter armorum aduersus Suecos coniunctionem, ac alias rationes, Electori Brandenburgico, ciuitatem Elbingensem, „cum toto eius districtu ac territorio, pleno dominii iure, vna cum redditibus, Regi Regnoque Poloniae pendis solitis, quam primum Suecis crepta, citra villas praeteniones vel dilationes tradendam. PVR. de R. Frid. Wilh. L. VI. §. 80. Verum Elector, suo & haeredum nomine promisit, dictam urbem cum suo territorio, solutis a Rege & Regno Poloniae ex propria pecunia publica, quadringentis millibus thalerorum imperialium, Eadem Regi ac Regno in proprium usum, pro se tantum redimentibus, redditum iri. PVR. l.c. §. 81. Cum autem Sueci, qui eo tempore ciuitatem tenebant, post pacem Oliensem discessissent, statim Polonicum praesidium impositum, Electore sibi ex fide pactorum urbem tradi frustra postulante. Post varia de hac re colloquia, tandem a. 1661. legati Electoris scripto declarabant, Se iuri in urbem & territorium Elbingense renunciasse, ac ex summa quadringentorum millium, centum millia thalerorum imperialium remisisse, ea lege, vt dum vel fiet solutio, vel in eius fidem tradetur Elbinga, Elector Brombergum & Frauenburgum, Varmiensis Episcopatus ciuitates, retineat. PVR. L. IX. §. 19. Epist. ZAL. T. II. p. 667. Vtraque tamen ciuitas, ante numeratam pecuniam, a. 1663. Episcopo reddita, nec minus Electorem Elbinga carere oportuit, donec eandem copiae Brandenburgicae a. 1698. occuparent. Reddita ciuitas a. 1700. inito ante, die 12. Decembris anni 1699. Varsaviae nouo pacto, per quod, quis iure & praetenione hypothecae Elbingensis, aliisque inde emergentibus in perpetuum abolitis, Regis & Reipublicae nomine solutio trecentorum millium thalerorum imperialium, intra trimestre, post proxima comitia, promittebatur, simul in maiorem dictae summae securitatem, lapides pretiosi ex Regni thesauro tradebantur, addito, vt si constituto tempore, pecunia numerata non fuerit, Serenissimo Electori Brandenburgico integrum sit, territorium urbis Elbingensis patrimoniale, vna cum solito usufructu, sine quo quis impedimento occupare, illudque sine quavis innouatione, vna cum dictis lapidibus pretiosis tam diu possidere, donec memoratam summam receperit. Epist. ZAL. T. II. p. 893. 894. Pecunia autem tempore constituto non numerata, tractum Elbingensem, qui ad ciuitatem pertinet, Serenissimus Prussiae Rex occupauit, & adhuc tenet. Decretum quidem fuit a. 1703 & 1710. in Comitiis, certum, quo redimeretur tributum, at destituit hanc curam, successus, quod non collata pecunia. Quare praeter alia & hoc negotium Regis & Reip. Commissariis, a. 1726. mandatum, de quo cum Regis Prussiae

fiae legatis agerent: C O N S T . a . 1726 . tit . Komis .z dworem Berl . quod & ordinibus in Comitiis conuocationis a . 1733 . placuit , vt ex illorum confoederatione p . II . patet .

3 Est traiectus Vistulae , in Prussia , vt dicitur , Polonica , prope Neuburgum oppidum , quem sibi anno 1657 . vindicauit Elector Brandenburgicus , P V F E N D . l . c . L . VIII . § . 82 . in primis , quo copiis in suam Prussiam , sine aliena opera , qua vslus alias fuerat , liber esset transitus redditusque . Questi de ea re statim post Olivensem pacem Poloni , quibus Electoris nomine responsum : indulgere eos inanibus suspicionibus , velut Elector nouum ibi vectigal meditetur ; cum id per pacta „neque Electori , neque Polonis licitum sit . Quin priuato nobili licentiam esse traie- „ctus ad proprios vslus . Atque istam litem fere prouenire a priuato lucro Capitanei „Neoburgensis , & Doenhofo Münstervaldae domino , qui olim traicentibus elec- „ctoralibus praemio affecti fuerint . P V F E N D . L . IX . § . 17 . Nihilominus postulatum saepius , vt Elector , traiectu isto abstineret , ac spoponderunt in P A C T I S suis , O eliberacya , Michael , Iohannes III . ac Augustus II . hanc controuersiam , per com- missiones , ex vi pactorum componere : quae per Tractatum retraditae Elbingae , a . 1699 . ad peculiarem commissionem dilata fuit , Epist . Z A L . T . II . p . 894 . cuius effectum adhuc expectamus .



4 In Pactis Velauiensibus , quibus Electori illius temporis Brandenburgico , Eiusque descendantibus , masculis , supremum Prussiae suae dominium concessum est , Religioni Catholicae Romanae , hoc modo prospectum est , „vt eadem , „prout ante bellum Sueicum , iuxta antiqua & recentia Pacta , in Prussia Ducali „viguit aut vigere debuit , conseruetur aut restituatur ; vt liberum sit eandem „profiteri , nec vllus ob eam interpelletur ; vt facella & oratoria , ac bona omnia „ecclesiastica , Romano - Catholicis appertinentia , vbiuis , tam in confinibus , quam „alibi , integra , tuta & concessa illis sint , in iisdemque liberum , ex doctrina in- „stitutisque Catholicis Romanis exercitium habeant &c . P V F E N D . l . c . L . VI . § . 78 . p . 384 (b) Affigi tamen non vno modo , ob suam Religionem Romano - Catholicos , neque ad mentem allegatorum pactorum cum iis agi , iam superio- rum temporum querela fuit . Anno 1675 . Primas Olczouius ad Regem Iohannem III . prescripsit : „attollere ad Eius Maiestatem , manus , gemebundam Religionem „Catholicam in Ducatu Prussiae , in persona Comitis Schlichen oppressam ; hunc „odio Religionis affligi , & sola de causa , quod filiam suam , ab Episcopo Cuia- „uiensi , Catholicu ritu curauerit baptizari , ad instantiam fiscalis , sine dilatione „in mulctam 30000 . Imperialium condemnatum ; alios quoque Catholicos , & eos , „qui ad fidem illius Ecclesiae disponantur , intolerabiliter grauari , vnico fine , vt „ex Ducali Prussia stirpitus nomen Catholicum eradicetur . Epist . Z A L . T . I . p . 653 . Nec minus Celsissimus Varmiensis Episcopus , a . 1708 . periculum Sacrorum , in illa Prussiae parte , ad Nuncium summi Pontificis , in Polonia detulit . Ep . Z A L . T . III . p . 833 . Hodiernus vero Celsissimus Primas , in peculiari libello , Augusto II . a . 1725 . oblato , exponit : „Ecclesiis Romano - Catholicas , sacerdotesque & mini- „stros eorundem , iuribus , iurisdictionibus , ac redditibus , ab antiquo , vigore pa- „ctorum sibi competentibus spoliari , aliisque plurimis molestiis & angariis per edi- „cta noua , & nunquam super diuinis peragendis practicata , tum per comminationes „exilii , praesertim ab Ecclesia Lindana vexari , Reipublicae autem desideria , ra- „tione Ecclesiae Lisnouienfis , Romano - Catholicis restituendae , minime attendi . Quod vero ad Lisnouiense , seu Lisenauense templum , cuius in pactis fit men- tio , sigillatim attinet , dicitur illud a pago Lisenau in Pomesania , ad fines Prussiae Polonicae ,

Polonicae, prope oppidum Lessense, in quo cultus sacer ad ritum Ecclesiae Romano-Catholicae olim peractus, quodque anno 1722. Lutheranis fuit concessum aut restitutum. Factum id Regis Prussiae auctoritate, Cuius nomine rationes allegabantur : „Ecclesiam illam expressa hac conditione fundatam, vt ad eam nunquam alius nisi Augustanae confessioni, eiusque iuxta corpus doctrinae Pruteni, cum & formulam Concordiae, purae nec vlo modo suspectae doctrinae addicatus Pastor vocetur, in casum neglectae huius conditionis iure, pastorem eiusmodi vocandi, Serenissimo concedenti disertis verbis referuato; sequentibus temporibus Augustanae confessioni addictos ministros sacram rem curasse, & licet nonnulli ex possessoribus illorum bonorum, in primis Orzechouius a. 1674. sacerdotem religionis Romano-Catholicae templo praefecerint, id tamen factum fine approbatione supremi territorii Domini, & per connuentiam saltem officium Brandenburgicorum toleratum fuisse; pacta Velauiensia dicto templo subuenire non posse, cum illa tantum de exercitio Religionis Romano-Catholicae loquantur, prout ante bellum Sueicum viguerit, at in templo isto Sacra, ritu Romano-Catholico, post bellum Sueicum, circa annum 1674. coeperint; Si autem Patrono Catholico licuerit, contra primam foundationem, suae religionis exercitium inducere, maiori iure praesentem Patronum, Augustanam Confessionem profitentem, priora sacra, ad primam foundationem reuocare. Fuit & ad caetera, quae Celsissimus Primas obiecerat, quaeque pariter religionem tangebant, responsum: „Catholicos plenissima quiete & libertate a tempore satis longo perfui, nec ea tantum, quae per pacta Velauiensia competerent, sine turbatione possedisse, sed pro extensione suae Religionis haud pauca illis indulta esse, quae tenor pactorum negaret. Cum in pactis Velauensibus vnica tantum publica Ecclesia Romano-Catholica memoretur, earum in Prussia Brandenburgica non contemnendum numerum existere, quae cultui, secundum ritum Romano-Catholicum publice & solenniter peragendo seruant, imo & spectabile Iesuitarum Collegium intra prouinciam conditum esse, ac non paucos huius instituti Viros, hinc inde domicilium constituisse. De Collegio Iesuitico ad sacram Lindam, ne minimum quidem in pactis vestigium apparere, summa tamen Regis mansuetudine, benignitate & connuentia illud foueri. Nemini autem Catholicorum, non modo de iis, quae vigore pactorum tenent, sed ne de his quidem, quae per usurpationem nactus fit, quicquam huc vsque erectum, aut de iuribus & redditibus, qui in possessione Catholicorum hactenus fuerint, vel obulum subtractum esse. *Litterae de grauaminibus Reipubl. Pol. contra Regem Pruss.* p. 5. 19. 25. His addimus in *Tractatu Varsauensi*, CONST. a. 1717. p. II. Regni & Lituaniae Cancellarii, iura Ecclesiarum Catholicarum, in Prussia Brandenburgica, iuxta praescriptum legum, ac tenorem tractatuum veterum commendari.

5 Iam olim Regi & Republicae Polonae, cum Electore Brandenburgico, qua Prussiae Duci, controuerterunt, quarum initium statim post Velauiensia & Brombergensia pacta, repetendum. Audita enim mutua obiectatio, impleta non fuisse pacta, aut latius extensa, quam mens paciscentium ferret, quem omnium disceptationum fontem haud immerito dixeris. In PACTIS Michaelis & Successorum, §. O eliberacyq, praeter militem auxiliarem & alia esse, quae sibi ab Electore deposcere possit, credit Respublica. Quae nostra aetate ortae querelae, recenset Celsissimus Primas, in libello, nota proxime praecedenti, allegato, suntque praeter illas, quae rem sacram Catholicorum afficiunt, & quae a nobis modo memoratae: „quod Serenissimus Prussiae Rex homagium euentuale, Sacrae Regiae Maiestati & Reipubl. Polonae praestari non curet; in praeiudicium con-

„fessionis Augustanae, Religionem Reformatorum promoueat, templa magnifica „exstruat, ac personas eiusdem Religionis in muneribus primariis collocet; pro „pugnaculum Bolverkschantz, ac domum vigiliarum in suburbio Elbingensi, suo „milite teneat; salem transmarinum Elbingam vehi non permittat; capitatio „nem a colonis Elbingensibus exigat; & quod denique milites violenter homi „nes abducant.., Regerebantur ad haec: „Non stetisse per Regem Prussiae, quo „minus adessent, qui Regis & Regni Poloniae nomine homagium euentuale ex „ciperent, ius tamen euentualis successionis Regi & Regno, expressis verbis fui „se seruatum integrum; templum pro vnu coetus reformati, Regiomonti quidem „esse exstructum, id tamen in pactis non prohiberi, & paucos illos, qui ex Re „formatis, publicis officiis admoti, ne minimam quidem Lutheranae confessioni „addictis, querendi praebuisse materiam, ipsamque confessionem Euangelico „Reformatam, per Velauiensia pacta in Prussia expressis verbis stabiliri; propu „gnaculum Bolverkschantz, ad mentem tractatus retraditae Elbingae occupare „licuisse, allegatam autem domum vigiliarum apparere nusquam, omni licet di „ligentia adhibita, vt reperiretur; primos Elbingenses salem Halensem in Prus „siae praefecturas transuehi impediuisse, inde eodem iure salem transmarinum „Elbinga arceri potuisse; hominum denique ad militiam coactiones, a Regia „Maiestate Prussiae nec imperatas vñquam, nec approbatas, sed seueris potius „poenis coercitas, aut si quid tale commissum, euidenter probatum fuerit, in „reos summo rigore animaduersum, ipsoisque per vni abductos, liberos dimissos „fuisse. *Litterae de grav. Reipubl. Pol. contra R. Pruss. p. 515. sq.*

6 Modum componendi controuersias, pacta Velauiensia §. XVIII. conti „nent, voluntque: „vt si super limitibus inter utramque partem, aut subditos vtri „usque partis, ratione videlicet limitum, aut inter suam Regiam Maiestatem ac „Successores Reges Regnumque Poloniae & M. Ducatum Lituaniae, & Serenita „tem suam Electoralem, Eiusque Successores, circa obseruationem & executio „nem foederis ac praesentis conuentionis, aliaeque quavis de cauſa, aliqua dubi „tatio aut controuersia exoriatur, per Commissarios, ad instantiam, tam suae Re „giae Maiestatis, quam suae Serenitatis Electoralis, intra bimestre spatum, ab „utraque parte, aequali numero nominandos, quique, si opus est, in rem praesen „tem conueniant, amice componatur ac definiatur. *PvFEND. Res Frid. Wilb. L. VI. p. 385.* (a) Fas piumque erat, viam parare, qua contentiones, si quando ob „venirent, sisterentur, ne inter vicinos Principes, ac perpetuo foedere constrictos, quae offendarent, statim armis ac ciuium sanguine vindicarentur. Inde Regum pacta a *Michaelis* tempore, §. c. commissiones praecipiunt; inde tot de mutuis controuersiis colloquia; tot amicae per litteras expostulationes; inde & nouissime per Constitutionem, lecti ex senatu & equestri ordine, qui de omnibus, de quibus adhuc disceptatum, agant, salua relatione & approbatione transactorum in proxime futuri comitiis: hoc adiecto, vt, si non impetrantur, quae iure exi „guntur, Rex comitia extraordinaria duarum hebdomadum, publicatis simul, in communem nobilitatis motum, restium litteris, vnis pro duabus, indicat, vt eo celerius & certius obtineatur, quod frustra antea postulatum, *Const. a. 1726. tit. Komisja z dworem Berl.* quam Commissionem Ordines in Comitiis conuo „cationis probarunt. *KONFED. p. II.*



## §. LVII.

## IVRA LAVENBVRGENSIVM ET BITOVIENSIVM.

Et nominatim, vt iura, priuilegia, immunitates, tractus Lauenbergensis & Bitouiensis<sup>1</sup>, tam ecclesiastica, quam ciuilia, prout per omnia, sub immediato dominio Regni<sup>2</sup>, iisdem vtebantur<sup>3</sup>, iuxta iura<sup>4</sup> & constitutiones Regni<sup>5</sup> conseruentur, prouidebimus, & ne incolae equestris Ordinis, vltra consensum vnaminem in comitiolis suis, tributis onerentur<sup>6</sup>, apud aulam Berolinensem bona nostra officia interponemus.

<sup>1</sup> Sunt illi tractus, Prussiae, vt vocatur, Polonicae, ac partem Palatinatus Pomeraniae constituerunt, qui concessi olim Ducibus Pomeraniae clientelari iure, redierunt ad parem cum caetera Prussia conditionem, subque immediatum Regis Poloniae imperium, cum Vladislai IV. tempore, stirps Ducum Pomeraniae mascula extingueretur. Durauit ille status, in annum 1657. „quo propter „armorum aduersus Suecos coniunctionem, ac rationes alias, per pacta Brom- „bergensia, Electori Brandenburgico, Eiusque ex legitimo matrimonio posteris „masculis, vtraque praefectura, eodem iure, quo tenuerant olim Pomeraniae Du- „ces cessit, his additis conditionibus: vt Elector Eiusque Successores, ad singulo- „rum Regum coronationes, consiliarios aut officiales suos mittant, qui ius feu- „dale, de praefecturis istis ad Regnum Poloniae pertinens, recognoscant, & litte- „ras eius recognitionis & renouationis feudi, quae gratis debent dari, a nouis „Regibus accipiant; vt exercitium Religionis Catholicae, prout ad illud tempus „fuit, liberum sit; iurisdictio Episcopi Vladislauiensis, & prouentus parochorum „& ecclesiarum integri maneant; caussae matrimoniales, tam Nobilium, quam „plebeiorum, foro ecclesiastico relinquuntur; nobilitas iuribus, priuilegiis bo- „nisque suis, eodem, quo sub immediato dominio Regis Poloniae, modo, vta- „tur fruaturque; decreta rerum iudicatarum ne violentur; gubernationis & ap- „pellationis eadem sit ratio, quae sub Ducibus Pomeraniae, saluis tamen priui- „legiis; vt denique iura Patronatus Regia, Electori, & nobilibus si quae habeat, „iuxta priuilegia & vsum eorundem seruentur, ita tamen, vt ad Ecclesias Catholicas „parochiales, Elector sacerdotes catholicos, ad commendationem Episcoporum „Vladislauiensium, ab iisdem Episcopis instituendos, praesentet. P V F E N D. de Reb. Frid. Wilh. L. VI. p. 388.

<sup>2</sup> Redierant tractus illi, sub immediatum, vt loquimur, Regis Poloniae imperium, a. 1637. quo & Regno iungebantur. C O N S T. a. 1637. p. 9. tit. Reinkorporacya.

<sup>3</sup> Habuerunt Bitouienses & Lauenburgenses, communia cum Prussis iura, quibus saluis, suo tempore, subditionem Electoris Brandenburgici transierunt, vt ex nota (1) constat. Accessit a. 1657. Rescriptum Regium, quo cauetur: „noua „eorundem districtuum infeudatione, iuribus, priuilegiis, immunitatibus & li- „bertatibus nihil esse detractum, nec detrahendum, sed vnicuique iura, iuxta „suam conditionem & statum conseruata esse, & conseruatum iri. H I S T. P R. T. VII. Doc. p. 124. Firmatum hoc Rescriptum Constitutione a. 1659. qua ite- rum

rum incolis illarum terrarum „antiqua iura, honores, praerogatiue, consuetudines, & de bonis terrestribus, vti haereditariis allodialibus, libera dispositio ad „morem Regni, & qua ab immediata Regno incorporatione vsi, afferitur, „quare inscriptiones autenticae & manuales, contractus, intercisiae, & quaeuis publicae & priuatae transactiones, processus, decreta quaevis ac tribunalitia, in suo robo-re & valore, & in casu amissorum, vel quoquis modo amittendorum bonorum terrestrium, liber ad Regem & Rempublicam recursus seruatur, saluo iure bonorum & personarum Ecclesiae Catholicae Romanae, saluo & vsu ac exercitio illius religionis, ac plena iurisdictione Episcopali, & iure Patronatus, illi, ad quem id pertinet. CONST. a. 1659. p. 31. tit. Securitas. Michael, Iohannis Casimiri Successor, in generali Iurium confirmatione, simul Lemburgi Bitouiaeque mentionem fecit. CONST. a. 1670. p. 7. Cuius exemplum, Reges, qui Ipsum exceperunt, ad nostram vsque aetatem, non solum secuti, sed etiam in PACTIS suis, iisdem, quibus in praesentibus, verbis, iura vtriusque tractus sibi curae fore, promise-runt. §. O eliberacya. Constitutionem vero anni 1659. Augustus II. a. 1699. ad Nun-ciorum terrestrium Prussiae preces, noua lege firmauit, idque, vt ipsis Illius verbis vtamur, „pro maiori securitate incolarum, quo circa antiquas libertates, „honores, praerogatiwas, consuetudines, & inuiolatam bonorum terrestrium pos-sessionem, liberamque illorum dispositionem, tum quoque circa iudicia terre-stria, castrenia & tribunalitia, cum officialibus loci illius, in integro maneant; simul illis ad mentem allegatae constitutionis, si dure habeantur, & iura in discri-mine versentur, recursus ad Regem & Rempublicam seruatur. CONST. a. 1699. p. 35. tit. Vtwierdzenie securitatis. Per Tractatum vero Varsaviensem Cancellariis iniungitur, Iuribus Maiestatis, Patronatus, Nobilium & Ecclesiarum Catholica-rum, cum alibi, tum in Terris Lauenburgensi ac Bitouiensi attendere, ne quid contra leges & veterum pactorum fidem fiat. CONST. a. 1717. p. 11.

4 Quae in pactis Brombergensibus nota (1) in medium prolatis, conti-nentur.

5 Intelliguntur illae, quibus iura & priuilegia, vtriusque tractus roboran-tur, quasque nota (3) allegauimus.

6 Hac sciscendi in suis conuentibus tributa, facultate, sub immediato Re-gis Poloniae imperio gauisi, HIST. PRVSS. T. VI. p. 148. 170. quae cum cae-teris iuribus, per Brombergensia pacta tacite ipsis seruata fuit.



## §. LVIII.

## DE DVCATV CVRLANDIAE NON ALIENANDO.

Similiter, vt Ducatus Curlandiae<sup>1</sup>, ab externis praetensionibus liberetur<sup>2</sup>, & Dux, Dominus Ferdinandus<sup>3</sup>, vti inuestitus<sup>4</sup>, iuribus suis vti, & ad possessionem bonorum suorum peruenire possit, & vt incolae huius Ducatus, Duci, licet pro nunc, ob impedimenta extranea absenti, in Regno tamen commoranti<sup>5</sup>, debitam praestent obedientiam<sup>6</sup>, coniunctim cum Republ. curas nostras indilate impendemus, saluis, huius Ducatus Nobilitatis & ciuitatum antiquis iuribus<sup>7</sup>. In auulsionem vero huius Ducatus, a Corpore Reipublicae, nunquam consentiemus<sup>8</sup>.

<sup>1</sup> Ducatus Curlandiae, quo vocabulo simul Semgallia continetur, Liuoniae olim pars, Ordini equitum Teutonicorum, qui & Ensiferi dicti, parebat. Saeculo XVI. cum Russorum vires longe praeualerent, actumque fere esset de tota Liuonia, Ordinis Magister Gothardus Kettler, in fidem & ditionem Regis Poloniae, Sigismundi Augusti, a. 1561. concessit. Fiebat id per mutua pacta „vt „Liuonia sub *immediato* Regis Poloniae imperio, Magno Lituaniae Ducatui sta- „tim iungeretur, iungenda deinceps & Poloniae, nisi Regni Ordinibus aliter vi- „sum fuerit; Ordinis autem Magister, Ducalem titulum, ad instar Ducis in Prus- „sia, cum omni dignitate, insignibus & priuilegiis Ducalibus recipiat, ita, vt Re- „gis Poloniae Vasallus feudatariusque Princeps sit & habeatur. Nouo huic Du- „ci, Curlandia & Semgallia in feudum collatae, vt easdem Ipse, eiusque posteri, ex linea masculina descendentes, habeant teneantque. *CHYTRA E SAXONIA p. 531.* Haec Ducis Ducatumque Curlandiae & Semgalliae prima origo, qui cum suo Duce, in Comitiis Lublinensibus a. 1569. vt olim Lituaniae, Regno pariter iungebantur, vt perpetuis temporibus, in clientela & defensione Regis, Regni & M. Ducatus permanerent. Rex vero, quod sperabat, Ducem eiusque posteros, in ea fide, voluntate, subiectione, quam sibi Regnoque cum Magno Ducatu Lituaniae iuncto, illius legati detulissent, constantes permansuros & firmiter perseveraturos, vicissim suam Regnique defensionem ac conseruationem omnium priuilegiorum, libertatum, immunitatum iis concessarum, libertatibus Regni tam non aduersantium, pollicebatur & promittebat. *Corpus nouum CONST. T. II. p. 806. HENNINGII Chron. Liv. f. 49.*

<sup>2</sup> Sunt enim exterorum nonnulli, qui sibi ex Curlandia quaedam deberi, asserunt, in quorum postulationes, vt inquireretur, ac de singulis ad Regem in sequentibus Comitiis referretur, iam a. 1717. ex senatorio & equestri Ordine Commissarii nominati, qui in Curlandiam se conferrent, seriam inuestigationem, de natura, legalitate & realitate, eorum quae peterentur, facturi, documenta partium lustraturi ac annotaturi. *CONST. a. 1717. p. 75. tit. Xieſtwo Kurlandzkie.* In Comitiis vero Conuocationis a. 1733. Primi eiusque Confiliariis commendatum, currare, vt Curlandia tanquam Reipublicae feudum, externis praetensionibus eximatur. *KONFED. p. II.*

3 Ex mascula stirpe Gothardi ultimus, iam octogenario maior, qui, fratris filio, in ipso aetatis flore ac intra matrimonii initia a. 1711. sine sibole, extincto, in Ducatus successit.

4 Solebant noui Duces, a Rege publice & solenni more feudo insigniri, & cum illud a. 1683. Fridericus Casimirus per legatum suum reciperet, cautum scito publico, ne id in exemplum traheretur, sed ut in posterum ipse Dux perageret, quae leges clientelae in adeundis Ducatibus exigerent. CONST. a. 1683. p. 5. tit. homagium. Datum tamen fuit proiectae aetati, & singularibus hodierni Ducis erga Rempublicam meritis, ut per legatum hoc officio defungeretur: CONST. a. 1726. p. 4. quod Eius nomine, a. 1731. Varsauiae Fridericus Gothardus a Bułov, iam Regis a consiliis sanctioribus, praestitit.

5 Iam plurimos annos Gedani agit, ut perpetuam sedem ibidem fixisse, non obscure videatur.

6 Quae Duci cum sua nobilitate intercedunt controvrsiae, quaeque aliunde obueniunt impedimenta, nostrum non est exponere. Altius ingredieremur priuata & domestica Curlandiae negotia, quam fert praesentis instituti ratio. Egerunt caussam suam coram Sacra Regia Maiestate, nobiles, egit & Dux Sere-nissimus. Secuta a. 1717. Regis & Reipubl. Commissio, cui facultas concessa, mutuas lites diiudicandi, & in quo aberratum, secundum antiqua iura ad pristinam orbitam reducendi, salua tamen appellatione a sententia definitiva, ad iudicia regni relationum, iuxta cadentias Curlandicas. CONST. a. 1717. p. 75. tit. Xieſtwo Kur-landzkie. Id negotii & alteri Commissioni a. 1726. mandatum est; CONST. a. 1726. p. 5. nec minus in Comitiis conuocationis, ad Primatis & Consiliariorum Illius curam relatum, ut Dux Ferdinandus, vigore inuestiturae, possessionem Ducatus, quam primum adeat, & recognitionem sui, ab incolis Curlandiae, cum debita obedientia obtineat. KONFED. p. II.

7 Habuerunt Curlandi sua iura, iam olim sub Ordine Teutonico, quibus saluis, Se mediato Regis Poloniae imperio submiserunt. Qui & „omnia eorum „iura, beneficia, priuilegia saccularia & ecclesiastica, praesertim Nobilium, tam „simultaneae inuestiturae ius, quam & libertatem gratiae, in successione haereditaria ad vtrumque sexum, superioritates, praeeminentias, dignitates, possessiones, „libertates, transactiones, plebiscita & immunitates, denique & iurisdictionem „totalem iuxta leges, consuetudines & mores antiquos, Se confirmaturum promi- „sit.“ Per prima eadem pacta, „Principi, ciuitatibus & subditis omnibus, cu- „iuscunque Ordinis vel status fuerint, liber usus religionis, cultusque diuinus & „receptorum rituum, secundum Augustanam Confessionem, in suis Ecclesiis, „totiusque rei ecclesiasticae integra administratio, sicut eam hactenus habuerunt, „libere permittitur, adeo, ut in ea nec Ipse Rex ullam mutationem facturus, ne- „que, ut ab aliis fiat, concessurus sit.“ Antiquis & noua acceſſerunt iura, quae in allegatis pactis recensentur, CHYTRAEI Saxon. p. 530. 531. quorumque integrati iterum prospectum, cum Curlandia Poloniae iungeretur, ut ex annotatione prima patere potest. Eadem Regis & Reipubl. nostra aetate mens fuit, dum per CONST. a. 1717. p. 75. tit. Xieſtwo, Nobilitatem Curlandiae, circa pacta primae- ua, indigenatus beneficia ex iisdem competentia, decreta comitialia & commis- forialia, formulam regiminis & statuta a. 1617. priuilegia, iura, immunitates, con- suetudines, & constitutiones in illius rem sanctitas, iuribus Principis, & Nobili- tatis nil derogando, plene volunt custodiri. Pariter per Traetatum Varſav. eius- dem

dem anni prouisum, vt Cancellarii iura nobilium Ducatus Curlandiae & Semgaliae sibi habeant commendatissima. CONST. a. 1717. p. II. In CONST. a. 1726. p. 4.5. praeter caetera iura, libertates & priuilegia, Curlandi securi redduntur, exercitium Augustanae Confessionis, cum quoad Remp. quodque per pacta subiectionis sibi asseruerunt, cum pacifico vsu & conseruatione illius religionis, caeterisque illius ritibus, secundum obloquentiam dictorum pactorum, liberum fore, neminemque ad illius mutationem coactum iri, saluo iure & vsu Religionis Romano-Catholicae, in formula regiminis praescripto, & per Constitutionem a. 1678. approbato: quae Constitutio a. 1726. qua exercitium Augustanae fidei & caeterorum rituum, per confoederationem vltimi interregni p. II. firmatur.

8 Aeternum est inter Poloniam & Curlandiam vinculum, prouisumque a. 1589. vt deficiente Gothardi mascula stirpe, ad modum, quo olim Liuonia, Regno immediate maneret iuncta. VOL. CONST. p. 512. tit. Xieſtwo. Creuit retinendi Curlandiam cura, progenie priorum Ducum, in Ferdinando ad finem vergente, promisitque peculiari diplomate *Augustus II.* „eandem post sera fata „moderni Ducis Ferdinandi, vltimi possessoris, sine prole mascula decedentis, „secundum pacta aeuiterna, a quoquam auelli haud passurum; substitutionem „noui cuiuscunque Principis infeudandi, neque separati, neque coniunctim cum „Ordinibus Reipubl. concessurum; ac neminem eam ob rem auxilio adiuturum, „aut in tutelam recepturum. CONST. a. 1726. p. 2. Secuta Constitutio, qua „inhaerendo pactis aeternae subiectionis, & incorporationis absolutissimae & ple- „nissimae, sine omni reseruatione, libere, rite & legitime ab vtrinque stabilitis, „& iurata fide confirmatis, simul referendo se ad Constat. a. 1589. deficiente stirpe „mascula, hodierni Ducis Ferdinandi, ex linea Kettleriana procedentis, saluis per „omnia iuribus, possessionibus, ac praerogatiis Eius, quamdiu vixerit, cum „omnibus attinentiis & contingentibus suis antiquis, Regno & M. Ducatui adiungitur „& incorporatur; incolae cum suis iuribus & priuilegiis, ad iura, honores & immu- „nitates Regni & Lituaniae admittuntur; illisque auxilia aduersus omnes usurpa- „tiones & quosuis insultus hostiles, omni substitutione noui Principis infeudandi, in „perpetuum abrogata, offeruntur. A. 1726. venerunt Regis & Reip. nomine, constituti in prioribus Comitiis Commisarii, in Curlandiam, qui futuri regimi- nis formam, quando immediate Regi subesset, descriperunt. His occurrentum sibi creditit Resp. ne Curlandi ad nouam Ducis electionem redirent, irrita quam a. 1726. in Mauritio Saxoniae Comite peregerant. Et illi quidem nolunt auelli a Polonia, neque mediato Regis imperio eximi, si modo sibi, veteri regimine saluo, suo subesse liceat Duci. In hoc iam voti sui facti compotes, quod in comitiis hoc anno feliciter habitis, per publicam legem, nouus Dux, post fata praesentis, promissus, more antiquo in clientelam Regis recipiendus.



## §. LIX.

## SAL QVARTVALIS.

Quoniam<sup>1</sup> sal Republicae trimestris seu quartualis (*sol Suchodniowa*)<sup>2</sup> nobilitati, respectu bonorum terrestrium, ex salisfodinis Bochnensisibus & Vielicensibus, vt & ex Oeconomia nostra Sambonensi, extradi solet<sup>3</sup>, spondemus, respectu eiusmodi bonorum terrestrium, dictum salem, secundum antiqua regestra<sup>4</sup>, omnibus Palatinatibus & terris, iuxta iura antiqua & consuetudines concessum iri<sup>5</sup>: & quidem proximi Palatinatus, ipsi sibi hunc salem potent, remotioribus autem, in loca constituta<sup>6</sup> nostris sumtibus, pretio iuribus descripto<sup>7</sup>, subuehi curabimus: cui rei attendere, magni Regni Thesaurarii obstricti erunt. Administratores vero salisfodinarum<sup>8</sup>, sub amissione contractus, & poenis legibus descriptis, salem erogare tenebuntur, ad instantiam, Palatinatum, terrarum & districtuum. Et si administratores, aut quocunque modo dicti tenutarii, ex salisfodinis, salem eiusmodi non erogauerint, liberum erit cuilibet Palatinatui & terrae, illos per instigatorem suum ad tribunal citare, inter caussas fisci, ex speciali regestro, & poenas in eos vrgere, vt in constitutione anni 1654.<sup>9</sup> & aliis antiquis descriptae sunt. Terrae autem Czersensis, Lomzensis, Nursensis, & sigillatim Czechanoviensis<sup>10</sup>, quae maxime ab aliis laesa, penes iura antiqua anni 1607. & consuetudines seruari debent, sine diminutione tamen prouentuum mensae Regiae.

<sup>1</sup> Quae de sale spondentur, praeter ea, quae in fine huius §. de Terris Czersensi Lomzeni &c. occurrunt, iisdem plane verbis in *Michaelis & Iohannis III. PACTIS* §. *Ponieważ tey Rzeczyz. leguntur.* Nihil quidem horum in ipsis pactis *Augusłi II.* contra in *PROPOSIT.* §. *Ponieważ tey Rzeczyz.* Eiusdem Regis, quae pactis adiectae, integer §. si ea, quae in fine terram Czechanouiensem tangunt, exceperis, habetur. Sunt tamen his pactis leges vetustiores, quae salem iusta copia subuehi vendique iusto pretio praecipiunt. *Sigismundus I.* promisit a. 1511. copiam salis se esse deuecturum ad omnes terras, ad quas nauibus deportari soleat, vt quaeque praedictarum terrarum, sale, vti antiquitus solita, iam copiose vti possit, mandata Palatinis cura, vt iusto pretio a mercatoribus, Nobilitati & vulgo vendantur. *PRIL. Stat. p. 407.* *HERB. Stat. tit. Sal.* *Idem a. 1532.* recepit, salis venditionem & subministrationem ita se procuraturum, vt & sal pretio solito vendatur, & copia illius, quoad fieri poterit, vbique habeatur. *PRIL. p. 408.* *HERB. l. c.* Ad Patris exemplum, filius *Sigismundus Augustus*, sufficientem suis dominiis salem, iuxta iura eo nomine conscripta, vult prouidere. *PRIL. l. c.* *HERB. l. c.*

<sup>2</sup> Dicitur

2 Dicitur sal Reipbl. quod ex publicis fodinis deponitur, & trimestris seu quartualis habet nomen, quia nobilibus per trimestria, diuendi solet.

3 Pertinent memoratae salisfodinae ad bona mensae Regiae, vt ex iis, quae ad §. XLV. dicta sunt, constat. Recipit inde salem Nobilitas, certo pretio legibus definito, quodque Constitutiones a. 1601. tit. Sol, Vol. CONST. p. 756. anno 1623. p. 11. tit. Sol, a. 1654. p. 10. tit. O wydawaniu, & aliae exprimunt.

4 Volunt leges, vt Nobilitas in suum tantum usum salem recipiat, nec vendendo eundem, iure suo, in imminutionem Regiorum prouentuum, abutatur. Ius hoc, ipsis bonis terrestribus haereditariis inhaeret, quare respectu illorum, sal conceditur, & quidem pro diuerso bonorum terrestrium numero, diuersaque eorundem conditione, aliis maiori, aliis minori copia: idque ad fidem indicis seu regestri, in quo descriptum est, quantum respectu bonorum possit exigi.

5 Quo ergo Nobilitas, hisce suis iuribus & consuetudinibus, in recipiendo sale vteretur, decreta fuit a. 1717. commissio, quae salisfodinarum statum accurate inspiceret, eademque tolleret, vnde forte Nobilitati damnum aut impedimentum, quo minus suo iure gauderet. CONST. a. 1717. p. 64. tit. Redintegracya. Placuit alia Commissio in Comitiis conuocationis, cui praeter caetera iunctum, prouidere, vt Palatinatus & terrae, quibus adhuc deberetur, salem trimestrem reciperent. KONF. p. 26.

6 Dicuntur in legibus camerae, & depositaria, quod in iis sal deponitur.

7 Non enim gratis sal Nobilitati datur, sed venditur, minori tamen pretio, quam aliis. Illud pretium est legibus definitum, quod nota (3) monuimus, repetitumque est in Constitutione a. 1654. vt gleba salis, Polonis *balwan* dicta, Nobilibus, florenis quatuor, tonna autem, omnibus incolis cuiuscunq; Ordinis & conditionis fuerint, florenis sex veneat. CONST. a. 1654. p. 10. tit. O wydawaniu.

8 Sunt quibus salisfodinae locatae, de quibus ad §. XLV. dictum.

9 In qua p. 11. poena trium millium marcarum, cum refusione damnorum, & salis restitutione legitur.

10 Memoratae terrae ad Masouiam pertinent, continetque allegata constitutio pretium, quo nobilibus sal ibidem vendi debeat. VOL. CONST. p. 846. tit. O soli na skladach.



## §. LX.

NOBILITAS LIBERE VTATVR FODINIS IN  
BONIS TERRESTRIBVS.

In hoc etiam securum reddimus ordinem equestrem, quod si in alicuius bonis inueniantur fodinae metallorum, salis, sulphuris & alias generis, in fundo terrestri, nemini in fodiendo, vtendo & vertendo in commodum suum, neque per Nos, neque per quemuis alium, perpetuis temporibus, impedimentum aliquod afferemus<sup>1</sup>.

<sup>1</sup> Iam per *Articulos Henricianos*, Nobilibus ea, quae in ipsorum fundis proueniunt, asseruntur, adeo, vt nullo tempore in possessione fodinarum, sive salis, sive metalli, turbari debeant: V.O.L. CONST. p. 255. §. Aby watpliwość. quod a Stephano repetitum. V.O.L. CONST. p. 277. Post temporis interuallum non modicum, hoc Nobilitatis ius, Michaelis PACTIS insertum, §. fodinas, ac inde in Iohannis III. §. citato translatum: in Augusti II. pactis omissum, locum inter illius PROPOSITIONES §. fodinas, inuenit.

## §. LXI.

## DE FODINA, CVNIGVND A DICTA.

Compensationem, pro fodina salis, Cunigunda dicta, Magnificis & Generosis Lubomirsciis, iuxta Constitutionem anni 1726. ad effectum perducere declaramus<sup>1</sup>.

<sup>1</sup> Illustre in Polonia Lubomirsciorum nomen, obscurum potest esse nemini. Inter possessiones, quas bene multas, gens haec possidet, est villa Sviercz in Palatinatu Cracouensi, prope fodinas Regias Vielicenses. In hac olim, fodina salis, Cunigunda postea dicta, instructa fuit, querelae iam Vladislai IV. tempore, causa, ac si inde damnum fodinis Vielicensibus, quodque illarum prouentus non leuem receptuae accessionem, si Cunigunda illis adiiceretur. Qua ex caussa decreta in Comitiis a. 1635. Commissio, quae nouam fodinam lustraret, ac de permutanda, cum aliis Reipublicae bonis, cum Stanislae Lubomirscio, Russiae tunc Palatino, ageret. CONST. a. 1635. p. 24. tit. Komisarze. Verum non perfecit negotium Commissio, potius in PACTIS Michaelis, §. fodinas, possessio Cunigundae, Lubomirsciis, perpetuis temporibus promittitur, ita, vt turbari in eadem a Regibus haud debeant: addunt Iohannis III. PACTA §. fodinas, liberum fodinae usum, salisque venditionem, sine omni impedimento Administratorum & officialium, Regiarum salisfodinarum: quod in PROPOSIT. August. II. §. fodinas, pactis Eius adiectis, iisdem verbis repetitur. Nihilominus in Regia instructione ad conuentus particulares a. 1678. postulatum, vt ad auertendam ruinam fodinarum Vielicensium, easdemque quam optime constituendas, nunciis Palatinatum ad Comitia committeretur, rationes inire, quibus Lubomirsciorum Cunigunda, salisfodinis Vielicensibus, salua compensatione iungi posset. Nostra aetate audita querela, suffodi per Cunigundam fodinas Regias, metumque esse, ne actis cuniculis in Re-

gii Thesauri grauem iniuriam, corruant. Cui malo, vt in tempore occurreretur, prouidendum erat Commissariis, qui a. 1717. ad lustranda bona Oeconomica, ac in priorem statum restituenda, nominari debebant. CONST. a. 1717. p. 64. tit. red-integracya. Hi eximebant antiquae possessioni *Cunigundam*, iungebantque Regiis fodinis. Actum deinde de compensatione, delegatique a. 1726. ex senatu & equestri Ordine, qui eandem adinuenirent, salua ad proxima comitia relatione, ac in iisdem approbatione, CONST. a. 1726. tit. Komis. względem Szybu: quod in comitiis conuocationis a. 1733. iis, a quibus salisfodinae lustrandae, iterum iniunctum, sic, vt de illa re, quo approbaretur, ad Comitia coronationis referrent. KONF. p. 27. §. 83.

### §. LXII.

#### O E C O N O M I A   O L C U S S I E N S I S .

Vt Oeconomia Olcussiensis<sup>1</sup> incrementum accipiat, & ad antiquos prouentus, per iniuriam imminutos, reducatur, curabimus<sup>2</sup>, saluis saluandis.

<sup>1</sup> Oeconomia dicitur, quod ad bona Regia mensae pertinet. Est autem Olcussia sive Ilcussia in Palatinatu Cracouiensi, plumbi & argenti olim fera. Sed diu iam neglectae fodinae, idoneos fossores, metallorumque gnares desiderant, quibus subuenire posset Saxonia.

<sup>2</sup> Promisit in suis PROPOSIT. §. Zabiegaięc, Augustus II. extremae rui- nae huius Oeconomiae occurtere, ac quaecunque in eius restitutionem decreta, exequi, nullo personarum habito respectu.

### §. LXIII.

#### F A C V L T A S R E G I C O N C E S S A , A D E V N D I P E R I N T E R V A L L A S A X O N I A M .

Et quoniam dominia nostra Saxonie haereditaria, propter ingentes ad eorum statum pertinentes necessitates, carere nostra, in suis visceribus praesentia, non possunt; proinde ex consensu Ordinum<sup>1</sup>, iuxta Constitutionem anni 1717.<sup>2</sup> habito respectu Constitutionis Lublinensis 1703.<sup>3</sup> abitum nostrum & commorationem ordinabimus: priilegia tamen<sup>4</sup> ibi, & publicas expeditiones<sup>5</sup> non extrademus, sed omnia, ad redditum nostrum in viscera Regni, aut in Eius fines<sup>6</sup>, differemus, exceptis militaribus & spiritualibus<sup>7</sup>.

<sup>1</sup> Abiit clam ex Polonia, Ordinibus insciis, Henricus, neque rediit unquam. In pactis Sigismundi III. conuenit, vt, si mortuo Patre, Sueciae res eius praesentiam desiderarent, eo se se cum consensu omnium Ordinum Regni & M. D. L. recipere liberum esset. VOL. CONST. p. 452. §. 1. Inuisit is Patrem vi-

vum

vum adhuc, Reualiae in Esthonia a. 1589. consentientibus tamen, ut perhibet PIASECVS Chron. p. 75. Ordinibus: ac postea scripto promisit, si defuncto Patre, in Sueciam abiturus esset, de reditu in Poloniam sufficientem Se daturum cautionem. PIASEC. Chron. p. 101. Obiit Parens a. 1592. & sequenti, Ordinibus consentientibus, VOL. CONST. p. 635. abiit in Sueciam Sigismundus, illius statum ordinaturus: data prius de reditu intra annum, & quod compositis Sueciae rebus, perpetuo in Polonia degere velit, cautione. PIASEC. p. 109. Adiit tamen iterum Sueciam a. 1598. impetrato rursus Ordinum consensu, ac reditu a Rege singulare diplomate promisso. VOL. CONST. p. 686. PIAS. p. 156. Vladislaus autem IV. iuit ad thermas Badenses in Austriam, ignorantibus Ordinibus, PIAS. p. 503. sed sequuta lex perpetua a. 1641. quae prohibet, Reges sine expresso omnium Ordinum consensu, vltra Regni fines iter instituere. CONST. a. 1641. p. 4. Iohannes III. cum ad fontes calidos extra Regnum excurrere vellet, retulit rem ad Senatus consilium, & post consensum, mors proposito intercessit. Epist. ZAL. T. II. p. 1.

2 In Tractatu Varsauienſi a. 1717. qui Constitutionibus illius anni insertus, p. 10. Cancellariis Regni & Lituaniae, iniungitur: „attendere, ne Sacra Regia „Maiestas, quando Eadem, peractis quolibet biennio Comitiis, non omittendo ne- „gotia Reip. grauiora, in Saxoniam proficisci placuerit, vltra tres menses quois „anno, vel sex per biennium, non computando viae tempus, insuper saluo viſu „Constitut. Lublinensis a. 1703. p. 19. si reparandae sanitatis necessitas fuerit, ibi- „dem moretur, neque vacantias, nonnisi in Polonia conferendas, distribuat: secus „fiat, edocendus de eo Regni Primas, redeundumque qui ex Cancellariis pe- „nes Regem fuerit, in Regnum.

3 Roborata est haec Constitutio, Tractatu Varsau. modo allegato, illaque conceditur Regi consulendo valetudini, tempore commodo, post pacatam Remp. in assistentia Senatorum, officialium, aulicorum Regni & Lituaniae, extra Re- gnum proficisci. CONST. a. 1703. p. 19. tit. Pozwolenie.

4 Quoties vel dignitates, vel bona Regia vel alia conferuntur.

5 Continent illae negotia, quae ad omnem Remp. pertinent.

6 Quare Augustus II. Fraustum, aut in alium maioris Poloniae prope fines locum, in paucos dies excurrebat, ut vacuas dignitates conferret, litteris nomine Regio publicandis subscriberet, & caetera, quae ad Rempubl. pertine- rent, perageret, si per alia negotia Saxonia discedere nondum liceret.

7 Possunt ergo in Saxonia Episcopi & Abbates nominari, possunt non minus praefecti militares constitui.



## §. LXIV.

## M O N E T A.

Prouentus ex moneta Regni & magni Ducatus Lituaniae, quoniam ad Rempublicam pertinent, neque Nos, neque Successores, ius in illos, Nobis vindicabimus, nec etiam monetam ex consensu Senatus cudi iubebimus, iuxta Constitutionem anni 1632.<sup>1</sup> verum de ordinatione monetali, Regni & M. D. Lituaniae, non alibi, nisi in Comitiis agemus<sup>2</sup>. Et quia per occlusionem officinarum metalium, Respublica magnum passa damnum, curabimus, habito consilio cum Ordinibus Reipublicae, ut officinae aperiantur, ac iuxta ligam Imperii & vicinorum Principum, moneta argentea & aurea<sup>3</sup> cudatur.

<sup>1</sup> Prouentus ex re monetali a. 1590. cum ordinarentur reditus Regii, illis fuerunt adscripti. V o l. C O N S T . p. 577. tit. *rationes*. Postquam vero numi in dies deteriores cuderentur, & a plurimis culpa in studium augendi Regios prouentus conferretur, erat in votis, vt Rex lucro hoc Reipubl. cederet, quo eadem malo mederetur, ac numos sinceriores procuraret. *Sigismundus III.* in Comitiis a. 1632. duobus circiter ante obitum mensibus, quo Ordinibus, quorum consensu, diuersos capitaneatus & tenutas soboli sua contulerat, gratiam referret, reditus ex moneta, post sua fata, suo & Successorum nomine, in Rempublicam aeternis temporibus transtulit, idque in Regni vtilitatem, quo in posterum melior moneta cuderetur. C O N S T . a. 1632. p. 3. Post mortem *Sigismundi III.* filius *Vladislaus IV.* in PACTIS suis *Iz za śmiercią* cauit, neque Se, neque Successores sibi reditus ex moneta, perpetuis temporibus vindicatueros: quod a singulis Regibus in pactis repetitum.

<sup>2</sup> Res monetalis nonnisi Reipublicae consensu ordinari confuevit. Iam *Casimirus M.* a. 1368. „de consilio & assensu Baronum & Procerum statuit, quod una moneta in toto Regno haberi, eademque perpetua & bona in valore & pondere esse debeat. L A S C O Stat. f. 32. p. 2. P R I L . Stat. p. 435. *Vladislaus Jagello* pollicitus, „quod a modo & in antea, nunquam absque consilio, suasu, & consensu & annuentia speciali Praelatorum & Baronum Regni, monetam currentem in Regno, vel aliam extraneam, aut de nouo inuentam cudere faciet, aut „cudi permittet. L A S C O . f. 48. p. 2. P R I L . l. c. Idem a. 1430. nomine filiorum promisit: „quod postquam unus illorum in Regem electus, sceptra Regni amplectetur, monetam ex quocunque genere metalli absque consensu & consilio speciali Praelatorum & Baronum cudere non concedet. D L V G O S S . L. XI. p. 539. L A S C . f. 51. p. 1. P R I L . l. c. Quare *Sigismundus Augustus*, quo se ad Maorum exempla componeret, monetam tantum consensu in comitiis, secundum iura eo nomine scripta, cudere voluit. V o l. C O N S T . p. 4. §. *chcqcijie*. P R . l. c. Ut largius videatur locutus *Konarscius*, Posnaniensis Episcopus, in Oratione, coram *Henrico* in Gallia habita, quasi monetam cudere ab unius Regis pendeat voluntate. F R E D . Hist. Henr. p. 97. Contrarium tum ex modo dictis, tum ex iis, quae ante & post *Henricum* de moneta in comitiis cum Ordinibus acta, con-

stare potest. Per PACTA Vladislai IV. & Iohannis Casimiri §. Iż za śmiercią, monetae ordinatio, Reipublicae arbitrio plane seruantur. Idem fit a Successoribus, §. Iż za abdykacyą & §. Iż prowent. additurque, ne moneta ex Senatus consulto a Rege cudatur, sed vt de ea saltem in comitiis agatur.

3. Licet prouentus ex moneta, a Rege ad Rempublicam peruenisset, non ideo tamen numis melius consultum. Publica inopia, quae per bella & domesticas turbas, Iohannis Casimiri tempore, summa fuit, ac priuatorum mala fides, conflarunt pecuniam, quae priori longe vilior, rem familiarem grauissime affixit. Quo ergo aduersus hoc malum remedium pararetur, in comitiis conuocationis a. 1668. Ordines officinas monetales, vsque ad noui Regis electionem claudi iusserrunt. KONFED. a. 1668. p. 21. §. Cheq. Electo Michaele, clausae nihilominus manebant officinae, neque toto Eius regimine aperiebantur, sed Iohannes III. in PACTIS suis §. Iż prowent, curae sibi forc promittebat, vt post collata cum Ordinibus in comitiis confilia, officinae quam primum recludantur, & pecunia iuxta ligam imperii & vicinorum Principum, tam ex argento, quam ex auro cedatur. Apertae etiam publica lege a. 1677. officinae; CONST. a. 1677. p. 7. tit. Menica, sed clausae iterum a. 1685. vsque ad futura comitia, CONST. a. 1685. p. 8. tit. Zawaracie, simul ex senatorio & equestri ordine nominati, qui ad diem 24. Septembris, accitis Ducis Curlandiae, & maiorum Ciuitatum Prussiae, ius cedendae monetae habentium, delegatis, nec non aliis quorum intersit, cum iis, qui Caesaris & Electoris Brandenburgici nomine adfuturi, de valore & qualitate humorum, confilia ineant: eo fine, vt quidquid hanc in rem statutum fuerit, ab omnibus, sub rigore & poenis, in violatores pactorum & pacis publicae sanctis, in quois foro, ad cuiusvis instantiam irrogandis, obseruetur. CONST. a. 1685. p. 15. tit. Koakwacya. Coepit commissio demum die 11. Febr. sequentis anni, praesentibus, praeter Polonos, Electoris Brandenburgici Confiliario Sculteto, ac Gedanensium Syndico, neque tamen alia res conuenit, quam, vt commissio in diem 24. Sept. prorogaretur. Aderat tunc Caesaris nomine, Baro Neidhard, placebatque per priuata colloquia, quod ex publica consultatione nullus sperabatur fructus, rem integrum ad comitia differre. Verum ex Senatus consulto, a. 1688. commissione pro nouo congressu, vltima Maii dies constituebatur, sed & ille frustra fuit, ne quidem praesentibus, quorum adesse intererat, id tantum actum, vt monetale negotium iterum ad comitia prorogaretur. Re ergo hoc modo infecta, non apertae officinae, sed Augustus II. ad exemplum Iohannis III. parem in recludendis illis, ac cedula ad ligam imperii & vicinorum Principum moneta, curam, per PACTA sua §. Widząc iednak, promittere necesse habuit. Commendatum etiam saepius a Rege, Ordinum consultationibus in comitiis, negotium monetale, non tamen effici potuit, vt eorum decreto officinae recluderentur.

### §. LXV.

#### LAPIDES REIPUBLICAE PRETIOSI.

Lapidibus Reipublicae pretiosis vti, & Thesaurum aperire, etiam ex Senatus consulto, nemini permittemus, sine speciali Reip. consensu<sup>1</sup>.

<sup>1</sup> Regia insignia, ac pretiosa alia Reipublicae, in Thesauro Regni, qui Cra- couiae est, seruantur. Hic diuersis clauibus, quae in diuersorum manibus sunt, clau-

clauditur & reseratur, idque omnium Ordinum consensu. Sanciunt enim *Articuli Henriciani*: vt corona Regni Poloniae, in Thesauro Regni Cracouiae custodiatur a Thesaurario, sub sigillis & clavis, horum Senatorum, Castellani Cracoviensis, Posnaniensis, Vilnenensis, Sandomiriensis, Calissiensis & Trocensis, qui tamen aperire non debeant, nisi consensu communi omnium Ordinum. *VOL. CONST. p. 256. §. Korona. p. 277. §. Korona.* *PACTA* pariter Michaelis, Iohannis III. & Augusti II. idem praecipiunt §. *Kleynotow*, scilicet, non ex Senatus consulto, sed consensu speciali totius Reipublicae, Thesaurum esse aperiendum. Fuit ergo a. 1670. omnium Ordinum consensu reseratus Thesaurus, vt corona aliaque in coronationem Reginae, Varsauiam deferrentur. *CONST. 1670. p. 12. tit. Koronacya.* Quod & factum a. 1673. cum in alias vsus, nonnulla pretiosa recipienda essent. *CONST. 1673. p. 17. tit. Komisya.* Nec minus ratum habuit Respublica, cum a. 1700. ex Thesauro depromerentur, quae Electori Brandenburgico, ex novo pacto, quo reddebat occupatam a Se Elbingam, pignori tradebantur. *Epist. ZAL. T. II. p. 906. 908.* Anno vero 1726. constitutum, vt reserato Thesauro, omnia ea reponerentur, quae olim cura Primatis *Stanislai Szembek*, propter bellum Sueicum, ultra Regni fines, in loca securiora abducta fuerant, ac iam a cognatis defuncti Primatis seruabantur. *CONST. 1726. p. 59. tit. Oddanie.* Merito ergo generalis, post Regis electionem inita confoederatio, de legibus violatis questa, cum inscia Respublica reseratus Thesaurus, ac abductae inde essent coronae. *KONE. §. 13.* Caeterum auctoritate Reipublicae, non tantum aperitur Thesaurus, sed etiam lustratur, ac indices eorum, quae in illo habentur, conficiuntur, ex Senatorio & equestri ordine, qui negotium illud peragant, nominatis. Fit hoc non tantum Rege viuente, sed & Eodem defuncto, Interregni tempore, vt ex confoederationibus patet.

## §. LXVI.

### DE MENSIBVS MILITARIBVS.

Mensium militarium, qui *Towarzyskie* dicuntur, vt & praefectorum auctoramenti extranei<sup>1</sup>, in actuali obsequio personaliter existentium, in distributione panis bene meritorum<sup>2</sup>, peculiarem habebimus rationem<sup>3</sup>.

<sup>1</sup> *Towarzysz* vocatur miles, auctoramenti Polonici, hoc est commilito, vnde menses, qui illis vtiles sunt, *Towarzyskie* appellantur. Praefecti vero auctoramenti extranei sunt, qui Ordines inter Dragones, aut si maiis equites desultarios, & pedites ducunt. De vtroque auctoramento dictum in superioribus.

<sup>2</sup> Veniunt hoc nomine bona Regia, Capitaneatus, tenutae & aduocatiae, vt suo loco monitum.

<sup>3</sup> Cum milites in Comitiisa. 1662. de plurimis quererentur, ac diuersa postularent, hoc inter caetera exigebant, vt per vices, uno anno togati ciues, altero milites, vacantium ex Regis munificentia participes fierent. Ad quod Regis nomine responsum: „cognoscere S. R. Maiestatem, distributionem in emeritos praemiorum, ad Se pertinere, & in eum diem Se omni studio laborasse, quo virtuti digna praemia conferrentur, sed voluntatem Principis, facultatem bene faciendi, haud exaequasse: quo tamen aequissimo postulato satisfiat, quatuor menses in

„anno designari, quibus, quidquid bonorum Reipublicae, extincto fatis iure possessorum, sub potestatem suae Maiestatis deuenerit, omne id viris militiae claris tribuendum. Kochov. *Annal. Clim. III.* p. 21. Secuta est in iisdem comitiis constitutio, qua Rex promittit, capitaneatus, tenutas & terrestria munia, quae singulis annis, per menses Septembrem, Octobrem, Nouembrem & Decembrem, ad distributionem Regiam redierint, non nisi in militiae bene meritis, habita in primis commendationis Ducum exercitus, ratione, collatum iri, salua electione ad munera terrestria, saluis capitaneatibus cum iurisdictione, ac muneribus terrestribus, in Palatinatibus & terris possessionatis, concedendis. *Const. a. 1662. p. 10. tit. gratitudo.* Reuocavit sibi hos menses militares in memoriam Augustus II. ac curae sibi eosdem fore, in *PACTIS* suis §. *Za honory*, promisit.

### §. LXVII.

#### ELECTIO ABBATVM IN MONASTERIIS OLIVENSI ET PELPLINENI.

Ordinis Cisterciensis monasteriorum Oliuensis & Pelplinensis iura, priuilegia, signanter liberam Abbatum suorum electionem <sup>1</sup> manutenebimus, hoc praecauto, ut personas nobiles, non plebeias <sup>2</sup> eligant, cuius electionis approbationem nobis reseruamus.

**1** Duo haec monasteria, sita in Prussia, in Pomeraniae Palatinatu. Abbates illis praeſunt, quos a ſe eligendos eſſe, monachi afferunt, aliis pro Regia nominatione, ex Patronatus iure, nitentibus. Ius tamen eligendi confirmarunt Reges, alleganturque Sigismundi Augufti, Vladislai IV. Iohannis Casimiri & Michaelis litterae. *Epif. Z A L. T. II. p. 791. f.* Inde Ordines Pruffiae, aliquoties hanc Abbatum electionem, ſuis ad Regni comitia nunciis commendarunt, ac omiffis exemplis aliis, a. 1678. illis iniunxerunt, priuatim Regi supplicare, ut monasteria Oliuense & Pelplinense, circa liberam electionem, iuxta statuta canonica & priuilegia Serenissimorum Regum & antiquissimum uſum, conſeruare dignetur, ſimiliter ut id lege publica caueatur, contendere. Nihilominus nominati interdum a Regibus Abbates, imo a. 1589. praelatus per Regia nominationem, Konarscius, Clementi Montano, a Monachis Oliuensibus in Abbatem electo. *Epif. Z A L. T. II. p. 815.* Iohannis III. tempore Hackius primum Coadiutor, poſt Abbas Oliuensis, ex Regia nominatione factus, Ordinibus Pruffiae aegre ferentibus. Augustus II. in propositionibus *PACTIS* suis adiectis §. *A ze kontroversya*, obtulit, collaturum Se Abbatiam Oliuensem, ad malam informationem impetratam, personae capaci nobilitari. At cum in comitiis a. 1699. legum executio, aduersus eos, qui citra Regiam nominationem Abbatias tenerent, decerneretur, exceptae ab hoc rigore Abbatiae Prutenicae, *Const. 1699. p. 48. tit. ius Patronatus*, quo ſaluum iis maneret electionis ius, credebaturque, id precibus Culmensis Castellani, *Prependouii*, Regia gratia validi, datum, ne frater, qui Coadiutor Oliuensis Abbatiae electus, hac dignitate excideret. *Epif. Z A L. T. II. p. 782.*

**2** Ut caeteris dignitatibus, ſic Abbatii in Polonia plebeii arcentur. Sigismundus I. tum demum admitti voluit plebeium, ſi Nobilis idoneus in promptu non

non esset. Idem non alium Se praesentaturum, ordinario loci Episcopo promisit, nisi nobili loco natum. Et Sigismundus Augustus sanxit, vt Abbas sit nobilis ex patre & matre generis, & homo idoneus. *HERB. Stat. tit. Abbates.* In Prussia quidem nulla extat lex, quae solos Nobiles ad Abbatias admittit, vsu tamen recentiorum temporum obtinuit, vt illis tantum Abbatiae contingent. Quare allegatus *Hackius* & hoc nomine displicuit, quod non Nobilis.

### §. LXVIII.

#### S V M M A E   N E A P O L I T A N A E.

Vindicatio summarum Neapolitanarum cum censibus<sup>1</sup>, cura & impensis Reuerendi in Deo, Patris Christophori Szembek, Episcopi Cuiavensis, iam bene in vias plenas directarum, vt ad optatum perueniat effectum, & Respubl. celeriorem accipiat satisfactionem<sup>2</sup>, bona officia nostra & interpositionem, apud au- lam Viennensem<sup>3</sup> adhibebimus.

<sup>1</sup> Neapolitanae summae, ortae ex haereditate Bonae Sfortiae, Ducis Mediolanensis, Iohannis Galeacii filiae. Altera haec Sigismundi I. coniux & Sigismundi Augusti, nec minus quatuor filiarum mater, post mariti mortem, a. 1556. in Italianam abiit, ac in Regno Neapolitano, Barii in breve tempus sedem fixit, cum intra biennium decederet. Transmisit Illa per testamentum Ducatus Barensem & Rossanensem, quos a matre acceperat, Regi Hispaniae, qui simul Rex Neapolitanus, soboli vero summam, quadringentorum triginta millium ducatorum Neapolitanorum, aut numorum Imperialium, Regi Hispaniae mutuam datam, seu potius annum foenus ex illa summa, quod alii ad triginta octo millia & octoginta sex Ducatos Neapolitanos, alii ad triginta quatuor millia imperialium numorum redigunt, reliquit. *PIA SEC. Chron. p. 236. Ep. ZAL. T. I. p. 506.* Haec est illa summa Neapolitana, cuius passim in Historia Polona mentio fit, sic dicta, quod foenus ex certis bonis Neapolitani Regni soluendum. Erant haeredes filius Sigismundus Augustus & filiae, illoque sine prole extincto, duo supererant, Sigismundus, Bonae ex filia Catharina nepos, Sueciae princeps, & Anna filia minima natu, Regis Stephani vxor. Ex his Sigismundus electus post Stephanum, Poloniae Rex, per pacta conuenta, *VOL. CONST. p. 452. §. pecuniam*, suam portionem Reipublicae Polonae donavit, hancque donationem, tempore coronationis, singulari scripto, coram actis castrenis Cracouensis rata habuit. Supererat altera portio Annae, viduae Stephani, quae post mortem ad Sigismundum sororis filium peruenit, quamque sibi pariter vindicauit Respublica, ac suo iuri non obesse credit, quod summas Neapolitanas, Sigismundo III. eiusque Filiis & Successoribus, Vladislao I. & Iohanni Casimiro permiserit, ac vterque filius de iisdem cum Republica nihil constituerit, licet in *PACTIS suis §. summy. §. AZ* *strongy*, pollicitus, Se cum Ordinibus in sua coronatione deliberaturum. *Epist. ZAL. T. I. p. 507.* Post obitum Iohannis Casimiri, coepit Respublica exigere Neapolitanas summas, compellando tum Regem Hispaniae, tum Illius nomine Regnum Neapolitanum curante, simul remouendo eos, qui pecuniam illam sibi deberi postulabant. Fidem facit Legatus, ab Ordinibus ad Regem Hispaniae a. 1674. missus, qui edocet, Rempublicam statim a morte Serenissimi & Catholicissimi

simi Regis Iohannis Casimiri, summas Neapolitanas, quae post obitum Bonae, Reginae Poloniae, iure haereditario, Sigismundo Augusto cesserint, hoc autem mortuo, in sororis filium Sigismundum III. itidem per haereditatem transmissae, & post Eum, per filios Vladislauum IV. & Iohannem Casimirum possessae fuerint, tradi fibi postulasse, eoque nomine per plenipotentiarium, Iacobum Lombardi, apud Vice-Regem Neapolitanum institisse; sed in concursu competitorum ad easdem summas, Palatinae Rheni, ex testamento Regis Iohannis Casimiri, inscriptae haeredis, & Christinae Reginae Sueciae, ius successionis post Patrualem allegantis, Rempubl. nihil obtinuisse; niti illam optimo iure pactorum conuentorum, circa electionem Sigismundi III. tum sub tempus coronationis solenni diplomate inscriptae donationis; proinde orare Ordines Regni, iubeat Rex non alteri cuiquam, sed Reipubl. Polonae, dictas summas ac earum prouentus, cum usufructu fine mora & difficultatibus tradi, & in eum finem mandatum ad Vice-Regem Neapolitanum expedire dignetur. *Epist. Z A L. T. I. p. 529.* Sed mansit adhuc Respublica, vt vocamus, in petitorio.

2 Commissum hoc fuit negotium ab Augusto II. Reuerendissimo ac Excellentissimo Episcopo Cuiavieni, cuius indefessum per XX. annos studium, generalis in comitiis conuocationis inita confoederatio, laudat, simul Eum amore Patriae obstringit, vt in eadem cura perget, vtque res illa pactis conuentis futuri Regnantis inferatur, sancit. *K O N F. p. 17. §. 70.*

3 Magna tamen ex illo tempore contigit mutatio, dum Neapolitanum Regnum, vnde illae summae petenda, Carolum Hispaniae Regis filium, recepit Principem: cum quo, non cum aula Viennensi iam agendum erit.

## §. LXIX.

### THESAVRARIATVS CVRIAЕ REGNI.

*Munus Thesaurariatus curiae Regni, iuxta antiquum statutum Regis Alexandri<sup>1</sup>, secundum Constitutionem anni 1607.<sup>2</sup> & penes recentiora iura, ad illud pertinentia<sup>3</sup> confirmamus, illudque in receptione prouentuum ex bonis oeconomicis Regiis, ac redditibus solitis, sine vlla praepeditione personarum ecclesiasticarum, inuiolabiliter custodimus<sup>4</sup>.*

<sup>1</sup> Duo sunt in Polonia Thesaurarii, alter Regni, seu Thesaurarius magnus, alter Curiae, qui & Vice-Thesaurarius appellatur. Vtriusque munia ordinat statutum Alexandri, in comitiis Petricouiensibus a. 1504. descriptum. Et quod ad curiae Thesaurarium attinet, exigitur ab illo, vt ab aula nunquam remouendus, absente Regni Thesaurario, omnes pecunias reddituum Regalium & alias undeunque ad Maiestatem Regiam datas, in Thesaurum recipiat, & illas cum consilio officialium & consiliariorum curiae, mandante Maiestate Regia dispenset, & omnia alia faciat cum curiensibus & stipendiariis, quae Thesaurario Regni incumbunt: hoc vero praesente, nihil eorum attentet, quae ad Thesaurarium Regni pertineant, sed cum eius scientia & consilio dispenset & faciat, quidquid debet. Porro requiritur, vt sit iuratus & idoneus, ad rationes tam publicas terrestres, quam pri-

uatas

uatas Regias, sic, vt omnibus rationibus, absente Regni Thesaurario ac etiam praesente interfit, & earum regelstra seruet, dispensatores instituat vtiles, & inutiles destruat, faciatque cum illis rationes, vt Maiestas Regia & quilibet intelligat, eum diligenter attendisse, ne pecuniae Maiestatis Regiae inaniter, infideliter aut prodige dispensarentur. LASC. Stat. f. 114. p. 1. PRIL. Stat. p. 199. HERB. tit. Thes.

2 Per Const. allegatam, VOL. CONST. p. 841. tit. O urzędzie, firmantur iura Thesaurarii curiae, in statuto descripta, vt illis, absente ab aula Thesaurario Regni, vtatur.

3 Non tamen reperiuntur in legibus iura illis recentiora, quae Alexandrinum statutum descripsit.

4 Totum hoc caput, iisdem plane verbis, §. ultimo pactorum Augusti II. legitur, videnturque iura Thesaurarii curiae, tempore Iohannis III. imminuta, quod post Eius mortem in pactis Successoris, illorum integritati prospici debuerit.

## §. LXX.

### IVRA ACADEMIAE CRACOVIENSIS.

Academiam Cracouiensem<sup>1</sup>, vti meritissimam Reipublicae omnium scientiarum magistram, circa instructionem studiosorum infatigabilem, & circa productionem magnorum & dignorum virorum sollicitam<sup>2</sup>, in antiquis iuribus & priuilegiis nunquam mutandis conseruabimus<sup>3</sup>: imo in augmentum vterioris nostrae benevolentiae erga illam, occasionem nullam omittemus.

1 Est haec Academia in Polonia omnium antiquissima, quam animo agitauit Casimirus M. sed Vladislaus Jagello, excitatus ab Hedvige coniuge, anno 1400. perfecit. DLVG OSS. L. X. p. 167. litteris sequenti datis, quibus profitetur, se consensu Papae Bonifacii IX. studium generale, in Theologiae, seu sacrae scripturae, Iuris canonici, Physicae, legum & artium liberalium facultatibus instituisse, temporibus perpetuis duraturum. PRIL. Stat. p. 155. ZALASZ. Iur. Pol. T. I. p. 568.

2 In hunc enim finem Vladislaus academiam instituit, „vt esset scientiarum praeualentium margarita, vt viros produceret, consilii maturitate conspicuos, virtutum ornatibus redimitos, & variae facultatis doctrinis eruditos, fieretque illis fons doctrinarum irriguus, de cuius plenitudine, haurirent vniuersi, litterarum cupientes imbui ornamentis. PRIL. l. c.

3 Prima sua iura & priuilegia debet academia, conditori Vladislao Jagelloni. Hic a. 1400. in ipso eius initio, res studiosorum omnibus vectigalibus exemit; eosdem in causis ciuilibus ac iniuriis leuioribus, criminibus ignominiosis & capitalibus exceptis, iurisdictioni Rectoris, fine vteriori prouocatione subiecit; pro lectionibus habendis certam domum, tributis liberam concessit; Doctoribus singulis, ex telonio Cracouiensi, centenas marcas annuas assignauit; ac Episcopum Cra-

Cracouensem, omnium libertatum, immunitatum & statutorum conseruatorem & vindicem constituit: addita comminatione diuinæ irae, miserabilis infelicitatis & horrendi euentus, si quis memorata iura & immunitates violauerit. ZALASZ. l. c. p. 582. Idem Vladislaus anno sequenti, academiæ tres Regias Cancellarias, nec non ius Patronatus omnium beneficiorum ecclesiae S. Floriani, praepositura, custodia & duabus villis tantum exceptis, contulit. ZALASZ. p. 569. Sigismundus Augustus ac Stephanus dictam praeposituram cum omnibus fructibus adiecerunt, ratam, consensu Ordinum, habente donationem Sigismundo III. ZALASZ. p. 578. Sigismundus I. omnes Professores equestri dignitate ornauit, ut iisdem, quibus nobiles indigenæ, fruerentur iuribus, huncque honorem etiam ad legitimam sibolem transmittenterent, qui per viginti annos continuos, lectionibus publicis operam nauauerint. ZALASZ. p. 560. Haec & alia iura, in vnum concessit ZALASZ OVIUS in Iure Regni Poloniae L. I. tit. 21. p. 566. & seq. quorum, nec minus totius Academiæ curam, Reges sibi habuerunt quam commendatissimam. Sigismundi enim Augusti tempore sanctum, cum aliis & Cracouensem scholam in meliorem ordinem redigere. VOL. CONST. p. 30. tit. Oszkolach. Henrici nomine in pactis promissum: „eandem ad meliorem frugem rei litterariae reduce-„re, euocatis eo vndeunque doctissimis viris, in qualibet professione & facultate „litteraria excellentissimis Professoribus, Regiis stipendiis alendis & perpetuo „retinendis. VOL. CONST. p. 225. Sigismundus III. per constitutionem omnia priuilegia approbat & integrum illorum usum firmat. CONST. a. 1613. p. 9. tit. Akademia. Vladislaus IV. & Iohannes Casimirus in PACTIS, §. Iz dla nawalnoſci, polliciti, lites, academiæ Cracouensi motas, componere. Michael vero & Iohannes III. §. ultimo PACTORVM integra fore iura, fidem dederunt: quod pariter ab Augusto II. in propositionibus suis, circa finem factum. Adhaec illius priuilegia a. 1632. CONSTITUTIONE p. 26. tit. Akademia, iterum roborata, nec minus a. 1635. quae p. 11. eodem titulo reperitur, qua simul Patribus S. I. iniungitur, scholas in academiæ damnum apertas claudere, ac villas perpetuis temporibus, sine omnium Ordinum consensu, Cracouiae, aut in suburbis instruere prohibentur. Per CONSTITUTIONEM a. 1655. p. 4. expeditione militis pedestris, & per aliam a. 1658. p. 39. tributis a ciuitate pendi solitis, academia liberata fuit. Ut plura in hanc rem omittamus, a. 1710. exactiōibus militaribus immunis declarata. POPARCIĘ p. 74. tit. Akademia, & in ultimis comitiis conuocatiōnis, Ordines eandem cum omnibus suis priuilegiis & immunitatibus conseruari voluerunt. KONFED. p. 14. §. 59.



## §. LXXI.

DE ACADEMIA VILNENSI ET COLLEGIO  
POLOCENSIS.

Similiter academiam Vilnensem, cum omnibus iuribus & priuilegiis<sup>1</sup> ab Antecessoribus nostris concessis, ac nouiter a Serenissimo sanctae memoriae Rege Augusto II. priuilegio firmatam, cum exercitio omnium scientiarum, simul fundationem collegii Polocensis penes omnia iura, secundum constitutionem a. 1717. huic collegio seruientem<sup>2</sup> conseruare promittimus.

<sup>1</sup> Academia Vilnensis in Lituania a Rege Stephano a. 1579. condita, ac Partibus S. I. mandata, domos, aras, ac fundos, Valerianus loci Episcopus largitus. Eidem Regi debet, prima sua priuilegia sigillo Lituaniae minori roborta, quae aucta a Successoribus, in comitiis Coronationis Iohannis III. publica lege firmantur, CONST. Litu. a. 1676. p. 13. tit. approbatio priuileg. nec minus illorum integritati a. 1733. in comitiis conuocationis prospicitur. CONFED. p. 14. §. 59.

<sup>2</sup> Collegium Polocense S. I. Patrum, Stephanus pariter instituit. Obuenient illi bona, de quibus disceptabatur, vtrum terrestria an Regia essent, adeo ut in naturam eorundem per commissarios a. 1699. inquire debuerit. CONST. a. 1699. p. 71. tit. Komisya. Cum vero planum hoc modo fieret, esse terrestria, fas erat, ut horum iure gauderent. Et illud est, quod allegata CONSTITUTIO inter Lituanicas p. 17. tit. aprobacya. §. oraz, fancit.

## §. LXXII.

## VRBS CRACOVIA IN MELIOREM STATVM RESTITVENDA.

Vrbs Cracovia, quondam Serenissimorum Antecessorum nostrorum dilecta & delecta residentia<sup>1</sup>, & nunc ex multis caussis in ruinam vergens<sup>2</sup>, commercia quoque ibidem labentia<sup>3</sup> singularem a Nobis exigunt considerationem: quare non solum eam circa antiqua iura, priuilegia, constitutiones, praerogatiwas & immunitates conseruabimus<sup>4</sup>, sed etiam sedem nostram captato opportuno tempore, per interualla constituere, & vltiori ruinae tam celebris in Europa vrbis occurrere, imo de modis, quibus emolumenta eius procuranda, cogitatuos Nos obstrin-gimus.

<sup>1</sup> Ciuitas haec, totius Poloniae caput, ab antiquissimis temporibus Ducum ac Regum sedes fuit, quae regnante Sigismundo Augusto, transferri coepit Varsauiam, ac durat. Id ex veteri dignitate retinet, quod per leges, non nisi ibi Reges coronari possint, ac prima horum comitia a coronatione dicta, habeantur.

2 Non est inter postremas caussas referenda, sedes Regia alio translata, siquidem ex illo tempore minus frequentari coepit. Accedunt bina bella Suecica, quae opes eius admodum afflxere.

3 Floruit olim vrbs illa non vnius generis commerciis, cum negotiatorum Germanorum & Italorum industria ferueret. Supersunt hodie vestigia, ex quibus priorum temporum opulentiam colligere licet.

4 Iura vrbis Cracouiensis, per constitutiones dispersa, vna serie exhibit **LADOVSCIVS** in constitutionum indice p. 266. & seq. edit. nouae. Eadem primus ex Regibus *Augustus II.* cum Regiam dignitatem peteret, approbavit, & de subueniendo labenti ciuitati, in coronatione sua deliberaturum promisit. **PROPOSIT. §. miasta. CONFOEDERATIO VERO GENERALIS a. 1674.** p. 30. §. *Miasto stoleczne* eandem penes iura & praerogatiwas conseruat, quod **CONFOEDERATIO** in comitiis conuocationis a. 1733. p. 14. §. 59. repetit. Neque aliud volunt **CONSTITUTIONES** a. 1676. p. 47. a. 1710. p. 74. & a. 1717. inter Lituanicas p. 15. quae postrema simul constitutiones annorum 1578. 1581. 1598. 1601. 1633. 1667. & 1690. roborat.

### §. LXXIII.

#### IVRA CIVITATIS VARSAVIAE.

Ciuitatem Varsaviensem circa iura antiqua conseruabimus<sup>1</sup>.

1 Primaria Masouiae vrbs est Varsavia, Regia sedes, comitiorum in Polonia, praeter coronationis, locus ordinarius, nec minus ob Regum electiones, quae prope illam peraguntur, celebris. Iura eius index constitutionum **LADOVSCIANVS** p. 291. recenset, quae, siue Ducibus Masouiae siue Regibus Poloniae debeantur, siue antiqua siue noua fuerint, per **CONSTITUTIONEM** a. 1676. p. 48. tit. *Miasto* rata habentur, nec minus **CONST.** a. 1710. p. 75. integra esse iubet: in quo **CONFOEDERATIONES** annorum 1660 p. 22. & 1674. p. 30. praeiuerunt.

### §. LXXIV.

#### TATTARI IN LITVANIA.

Tattari in magno Ducatu Lituaniae habitantes<sup>1</sup>, iure terrestri secundum antiqua Ducum Lituaniae, & postea Serenissimorum Regum, sanctae memoriae Antecessorum nostrorum, priuilegia ipsis concessa & confirmata<sup>2</sup> gaudentes, tanquam homines Reipublicae & Regibus suis fideliter & probe parentes, hanc inuenerunt apud Nos considerationem, vt illos penes omnia sua iura antiqua conseruare velimus, quare Constitutiones illis seruientes<sup>3</sup> in toto, tam respectu bonorum terrestrium, quam oeconomiarum legitime acceptarum, approbamus.

1 Habitantes in Volhinia & Lituania Tattari, quorum maiores olim sedes suas illuc transtulerunt, impetrata degendi facultate. Militant Reipublicae constituto

stituto stipendio, ac bona acquisiuerunt, quae iure terrestri possident. CONST.  
LITV. a. 1677. p. 16. tit. O Tatarach § a. 1726. p. 87. tit. dioebody.

2 Factum id, vt alia exempla omittamus, CONST. LITV. a. 1673. p. 20.  
tit. O Tatarach.

3 Quae in CONST. LITV. a. 1717. p. 21. tit. obwarowanie, & a. 1726. p. 105.  
tit. O Tatarach, recensentur.

### §. LXXV.

#### CONTROVERSIAE CVM CAESARE DE FINIBVS.

Vt obuenientes cum Caesarea Maiestate de finibus controveriae, & aliae incolarum Reipublicae postulationes<sup>1</sup> finaliter componantur<sup>2</sup>, cum debita eorum, qui iniurias passi, satisfactio-ne, interpositionem nostram Regiam, ad Serenissimum Imperatorem deferemus.

1 In comitiis Varsauiensibus d. 30. Decembr. a. 1719. coeptis, publice audita fuit querela, turbatos inter Silesiam & Poloniā, parte Capitaneatus Olstiensis intercepta, limites, ac possessionibus Capitanei Bobruensis vim illatam esse.

2 Antiqua ac tum olim, tum nuper a. 1732. inter Imperatorem Domumque Austriacam ac Regem Poloniae repetita pacta, praescribunt modum, quo controuersiae, si quae, vel inter Principes, vel inter eorum ciues, sive ob limites, sive ex alia causa ortae, componendae: scilicet, vt Principes per nuncios aut litteras se inuicem de iis certiores reddant, ac vt tollantur moneant; postea ab vtraque parte commissarii constituantur, qui prius negotium amice transigere tentent, id si non successerit, iure dirimant, discordes vero de sententia, arbitrum ex se legant, cuius decreto stetur. CHVAL. Iur. Publ. II. 7. p. 267.



## §. LXXVI.

## OBLATA REIPUBLICAE PRAESTANDA.



Propositiones<sup>1</sup> per ministros plena facultate instructos<sup>2</sup>, Ordinibus Reipublicae oblatas, in praesentibus pactis conuentis expressas, quod sacrosancte manutenebimus, verbo Regio spondemus, easdemque pactis conuentis iunctas<sup>3</sup>, sacramento nostro confirmabimus<sup>4</sup>, & quicquid ex re & commodo Reipublicae proficuum fuerit, nulla occasione, pro possibilitate Nostra, omittemus.

<sup>1</sup> Propositionum vocabulo veniunt ea, quae eorum nomine, qui Reges eligi volunt, Reipublicae offeruntur. Cooperunt eodem, quo pacta conuenta tempore, quorum initium ad *praefationem* praesentium memorauimus. Ratio in promtu est, quod non possint in pacta referri, nisi oblata prius Reipublicae, ac ab eadem rata habita fuerint. Neque usu propositiones a pactis differunt. Michael & Iohannes III. ante electionem Reipublicae nihil promiserunt, quod alter inscius imo inuitus electus, alter Regnum appetere videri nolebat: uterque tamen post electionem, cum pacta scriberentur, per legatos suos exposuit; quid a se expectandum Reipublicae, & quomodo imperium administrare vellet.

<sup>2</sup> Ut candidati non ipsi, sed per legatos Regnum petunt, sic ab his accipit Respublica, quae illorum nomine offeruntur, exhibita, qua muniti facultate. Sacra Regia Maiestas ad electionis comitia, duos misit legatos, Iosephum Antonium Gabaleonem Comitem de *Wackerbart-Salmour*, confiliarium primi ordinis intimum, & *Guelph. Henr. a Bauditz*, equestrium copiarum ducem, utrumque Conclavis Regii secretioris ministrum, quorum facultas, in Constitut. pactis conuentis adiicitur.

<sup>3</sup> Propositiones, si placerent, solebant pactis tantum inseri. Augusti II. novo exemplo pactis seorsum adiectae, ita tamen, ut nonnullae pactis passim immiscerentur: quod & in praesentibus fieri placuit.

<sup>4</sup> Pactis scriptis ac probatis, primum legati, si absens fuerit Rex electus, iurant, hunc eadem rata habiturum, postea ipse Rex per Deum & sancta euangelia, se pacta seruaturum & adimpleturum. Obtinuit id ab *Henrici* tempore, qui Ipse tamen in sacramento Parisiis in iura & priuilegia recitato, pactorum sigillatim non meminit, licet in illa iurassent legati. *Stephanus contra & Sigismundus III.* cum iuribus & priuilegiis, in suo iureiurando pacta conuenta nominarunt. Post *Sigismundum III. Vladislau IV.* primum peculiare sacramentum in sola pacta conuenta praestitit, cuius exemplum in successoribus seruatum: ac eodem modo Sacra Regia Maiestas, pacta haec sua in ciuitate Tarnomontana seu Tarnouicensi, cum pro coronatione Cracouiam peteret, d. 6. Ianuar. anni 1734. roborauit.



PROPO-

## PROPOSITIONES.

I.

**Q**uoniam nemo dubitare potest, Serenissimum Principem Regium Poloniae, Electorem Saxoniae, esse verum & indubitatum Catholicum, tantoque zelo, religione ac pietate, sanctae & vniuersali matris Ecclesiae Romano-Catholicae iunctum & addictum, vt pro integritate, veritate & defensione eius, omnes vires & quicquid cari habet, impendere non recusaret: operae pretium non est Orthodoxis Serenissimae Reipublicae<sup>1</sup> Ordinibus, veritatem hanc superfluis probare argumentis. Vniuersus enim orbis videt, miratur & magni facit, veram, non vanam, nec fucatam Principis huius religionem, quam propriis suis meritis & virtutibus ita exornat, vt in exemplar praesentis nostri saeculi, a Deo datus intelligi possit. Iuncta enim in eo est, puritati religionis omnium virtutum norma, quae & Principem ad magna natum, & virum honestum in omnibus conspicuum reddunt. Nullum in eo datur vitium, quo summae eius animi dotes, aut imminui, aut ab ipsa inuidia obumbrari possint. Iunxit iustitiae clementiam, fortitudini consilium, rebus gerendis prudentialiam, potentiae moderationem, auctoritati gratiam, opibus liberalitatem, fortunae suae temperantiam, alienae curam. Procul ab eo ira & vindicta, fidei violatio, meritorum obliuio, aut beneficiorum tarditas. In excipiendo clemens, accessu facilis, comis omnibus & affabilis.

2. Deducere Serenissimam eius stirpem non est momenti praesentis, hanc enim iam in Serenissimo olim Rege Augusto, Parente eius desideratissimo, probe cognouit Respublica. Enim vero, quod in nostro Principe Regio singulare & praecipuum est, ille illustris sanguis, qui ex vetusta familia Iagellonis per duodecim cognationes<sup>2</sup>, in venas eius deriuatur, purus & calens adhuc in ipso durat, & in inclytam gentem Polonam, viuo naturalique inclinat amore. Per hos inestimabiles tanti sanguinis influxus, existimat Princeps Regius, apertam sibi esse viam, ad amplissimos nationis Polonae inuestissimae affectus, quos non marcescentes ac ultra patris fines protensos<sup>3</sup> erga stirpem Iagellonicam, saecula probant, adeo, vt hac prorsus ratione non degener ramus, Serenissimus Princeps Regius, liberrimis Reipublicae Polonae suffragiis, se sortemque suam tradere, & vti facit, impense commendare non diffidat.

3. Per hunc sanguinem, & per hanc cognitionem, neque pro extraneo neque pro indocili iurium & Polonae libertatis institutorum haberi potest, Serenissimus Princeps Regius, Elector Saxoniae, quin imo in non vana spe ponit fiduciam, quod & hac in parte fidus acceptusque erit liberis suffragiis

electoris populi, quae solo bene merendi studio, non vlla alia cauſa ac ratione mereri ac in ſe deriuare cupit.

4. Et ſicut Sereniffimus olim Rex, Parens eius, liberis electus suffragiis, & nullis fortunae aduersae caſibus, per Dei gratiam a Regno amotus, iura & libertates eius intacte feruauit & auxit, vſibusque publicis Sereniffimae huius Reipublicae vitam litauit, nec vllum ius speciale, Sereniffimo Principi Regio, filio ſuo, ad petendam coronam reliquit, aut quidquam eum in finem toto traſtu vitae ſuae tentauit, ſed integrum & liberam hac in parte electionem inclytis Reipublicae Ordinibus reliquit; ita & Sereniffimus Princeps Regius, ſolis liberrimae gentis suffragiis & affectibus ſe permittens, poſtea, quando prouidentia diuina ſic diſponente, & Sereniffimae Reipublicae affenſu accedente, Rex electus erit, promittit, ſe paetis conuentis <sup>4</sup> iureiurando firmandis, ſimul diplomate quam ſufficientiſſime Sereniffimae Reipublicae confirmaturum, quod tantum liberis suffragiis, & non alio quoquis praetextu aut colore, ſolum hoc Regium ascenderit, & quod haeredes nullum peculiare ius <sup>5</sup> aut iuris ſpeciem, quo Regnum hoc ſibi petant, ſint habituri, ſed quod liberum per omnia Reipublicae, poſt ſera fata, in Regem, quicunque placuerit, ſibi eligere.

5. In maiorem huius rei ſecuritatem, guarantiam quam ſolenniſſimam, procurabit Sereniffimus Princeps Regius, ſi id Reipublicae neceſſarium videbitur: pari ſecuritate omnes Regni huius libertates, immunitates, cautiones, praerogatiwas, priuilegia, iura tenere religioſe ſpondet, ineundaque pacta conuenta, inuiolabiliter obſeruare promittit.

6. Regnum hoc celeberrimum, & prouincias ad illud pertinentes, ſecondum leges, conſtitutiones & ordinationes suas gubernabit, idque conſilio Senatus, Ministrorum & Ordinum Reipublicae. Ne vero ministerium Saxonicum, vlo quopiam modo & praetextu, in Regni huius promotiones & diſpoſitiones ſe ingerat, Sereniffimus Princeps Regius art. II. §.5. in traſtau a. 1717. expreſſum, deſuper obſeruabit <sup>6</sup>.

7. Tranquillitatem internam, qualis a Sereniffimo, piae memoriae, Rege, Parente ſuo glorioſiſmo ſtabilita eſt, & vniōnem animorum inter Ordines & ciues patriae ſumma cura feruabit & tuebitur.

8. Pacem externam, amicitiam & bonam viciniā, cum Principibus externis, quibus Sereniffimus Princeps Regius non eſt obnoxius, quibusque nullam inimicitiarum occaſionem dabit, tuto colet <sup>7</sup>.

9. Curlandiam <sup>8</sup> aut aliam quamcunque prouinciam, a corpore Reipublicae auelli <sup>9</sup>, haud patietur.

COMMENTARIO PERPETVO ILLVSTRATA. III

10. Et casu quo Serenissima Respublica bello peteretur , & auxilium in armis praetenderet, Serenissimus Regius Princeps Augustus, Elector Saxoniae, in tali necessitate, in quantum Serenissima Respublica, copias auxiliares desideraret, declarat, se easdem in necessitatem, & iuxta tenorem desiderii Reipublicae suppeditaturum, sumtibusque suis pecuniariis sustentaturum, excepto tantum pane pro milite, & pabulo pro equis<sup>10</sup>.

11. Promittit quoque Serenissimus Princeps Regius Camenecum Poldiae<sup>11</sup> & foralitium Sanctissimae Trinitatis<sup>12</sup>, ad meliorem, quam nunc sunt, defensionem, propriis sumtibus reducere.

12. Armamentaria Reipublicae, quatenus apparatu bellico instrui possint, Serenissimus Princeps Regius vna cum Respublica efficaciter modum inire, & ex parte sua in eam rem contribuere declarat<sup>13</sup>.

13. Scholam seu academiam militarem, vt exerceant se iuvenes Poloni, bellicis artibus operam daturi, propriis sumtibus seruabit<sup>14</sup>, donec Respublica certum fundum procurauerit.

14. Domum quoque seu Xenodochium<sup>15</sup>, pro militibus infirmis viribus, exstruere Serenissimus Princeps Regius declarat, vbi certus numerus bello fractorum, tam Polonici quam externi auctoramenti, militum, sufficierter ex liberalitate Principis Regii sustentabitur.

15. Simul Idem Serenissimus Princeps Regius, ex singulari erga Rempublicam, & eius commodum, studio & propensione, ad leuandas necessitates publicas, tres millions florenorum Polonicorum offert<sup>16</sup>.

16. Quoniam vero Serenissima Respublica, non tantum domi, armis & consilio, sed etiam extra fines, legationibus & cultura concordiae cum exteris Principibus niti debet, inde huic rei conueniens, vt ad exemplum aliarum nationum, ministros suos, in aulis externis & praecipue vicinis habeat: quod vt eo facilius fieri possit, Serenissimus Princeps Regius, ex liberalitate propria, summam centum millium florenorum Polonicorum, ex prouentibus suis oeconomicis, ad subueniendum Thesauro Regni, singulis annis, in eiusmodi legationes se assignaturum declarat<sup>17</sup>.

17. Et quoniam hoc praecipuum Regum Poloniae ius, quod habeant in manibus suis, iustitiam distributiuam, ideo Serenissimus Princeps Regius, postquam eodem ex liberis suffragiis potitus fuerit, gratias, beneficia, & munia Regni, non aliter dispensabit, quam conformando se ad praescripta legum, & secundum merita, nec alia, sed tantum virtutis commendatione & distinctione<sup>18</sup>. Nam magnanimitas huius Principis fugit indecens & vanum lucrum<sup>19</sup>.

18. Men-

18. Mensium quoque militarium, in conferendis praemiis, iustum habebit rationem<sup>20</sup>, administrationibusque oeconomicis, secundum leges patrias tantum nobiles possessionatos Regni & prouinciarum ei iunctarum, admouebit<sup>21</sup>.

19. Salisfodinarum & earum conseruationis, ne ruant aut destruantur, sumمام habebit curam. Salem quoque nobilitarem, *Suchodniowa* dictum, punctualiter nobilitati, secundum antiquum usum, integre extradi iubebit, atque illis Palatinatibus, qui eum in lapidibus crudis, alias *w balwanach* recipiebant, pari modo tradetur<sup>22</sup>.

20. Metallorum fodinas, in primis Olkussenses, quibus aerarium publicum subleuaretur, aperiri & reparari curabit<sup>23</sup>, operamque suam in id intendet, ut ius cudendae monetae, & officina monetalis, iam admodum neglecta restauretur, & moneta non iusti valoris, per quam Reipublicae quotidie intolerabile infertur damnum, corrigetur, & ad pedem & valorem iustum reducatur. Curam quoque & officia sua Serenissimus Princeps Regius interponet, ut exteri Principes, aequalis & probati valoris monetam, in commerciis cum Regno Poloniae adhiberi faciant<sup>24</sup>.

21. Commercia pariter, per quae emergunt & ditescunt Regna, neruusque rerum augetur, ut in emolumentum Reipublicae, ad pristinum florem redeant, & cum iis incolarum Regni & vrbium opulentia, splendor & felicitas reduci possent, Serenissimus Princeps Regius operam suam nauabit, atque omnes difficultates, quae impedimento sint, studio & officiis suis, apud vicinos Principes amoueri curabit<sup>25</sup>.

22. Sacellum Cracouiae & perpetua suffragia<sup>26</sup> pro Regibus Poloniae instituet.

23. Et cum Idem Serenissimus Princeps Regius, Elector Saxonie, ob amplas & locupletes prouincias suas, sufficientibus gaudeat facultatibus, ideo a Republica neque Ipse<sup>27</sup>, neque Serenissima eius soboles<sup>28</sup> quicquam sibi deposcit, quin imo in publicum commodum, facultates quas ipsi Deus concessit, impendet.

24. Quoniam vero omnibus constat, Serenissimum Principem Regium, Saxonie Electorem, iustum esse Principem, catholicum orthodoxum, fidei verum obseruatorem ac immutabilem, dubitare minime potest Respublica, Eudem sacrosancte obseruaturum, & religiose impleturum, non tantum hoc quod modo declarat, sed & ea omnia, quae per pacta Secum in eunda, vere & solenniter spondebit.

1 Republica Polona, interregni tempore, titulo Serenissimae appellatur, quod serius contigit. Pactis *Henrici* praemittitur incliti Regni nomen, quod ipsa illa pacta repetunt. VOL. CONST. p. 224. Neque sequenti interregno, neque post *Stephani* obitum, Serenissimae occurrit vocabulum, quin imo Regis Sueciae legati, qui *Sigismundum*, Regium Principem, commendabant, in sua oratione aliquoties nominabant Rempublicam, nullo addito, honoris caussa, cognomine. *Epistolae Sigism. Aug. a MENCKENIO editae* p. 690. s. Eodem vsus Reipublicae titulo, Regis filius *Johannes Casimirus*, cum mortuo patre *Sigismundo III.* pro fratre *Vladislao* coram Ordinibus verba ficeret. PIASEC. Chron. p. 451. Ante *Michaelis* Regis electionem noblebant Ordines litteras Caesaris recipere, quod nomen Reipublicae Serenissimae in iis desiderabatur, quo tamen legatus, quod antea monitus, in sua oratione, eandem compellabat. *Epist. ZAL. T. I. p. 121.* Nihilominus post *Johannem III.* Caesar in suis litteris ad Rempublicam, veteri vocabulo *inlytae* vsus: at Ordines litteras publice legi passi non sunt, & legatus in suo sermone, Serenissimam vocavit, cum frusta antiquum morem allegasset. *Epist. ZAL. T. II. p. 347.*

2 Attingit Sacra Regia Maiestas stirpem *Iagellonis* modis duodecim, tot enim ex eodem per *Vladislauum* Bohemiae & Hungariae Regem, *Vladislai Iagellonis* nepotem, ac tres eiusdem neptes descendit. Prodiit a. 1733. tabella, qua cognationes illae oculis subiiciuntur.

3 Petitus ex Suecia *Sigismundus*, qui hoc nomine affectu gentis Polonae dignus visus, quod per matrem ex *Vladislai Iagellonis* sanguine descendebat.

4 Quae videantur §. 1.

5 In PACTIS §. 2. domui Regiae nullum succedendi ius permittitur.

6 §. 29. PACTORVM CONVENTORVM.

7 Vult §. 21. PACTORVM, vt foedera cum exteris renouentur & conseruentur, ac si quae diffidia, componantur.

8 Vid. §. 58. PACTORVM.

9 §. 21. saepius allegatorum PACTORVM.

10 In *Henrici* pactis, promittuntur Reipublicae contra quoscunque hostes auxilia, &, si maluerit, pro auxiliis pecunia, aduersus Moschum vero, quatuor millia peditum Vasconum cum stipendiis in certum tempus; praeterea classis necessaria & sufficiens ad tuendos portus Polonicos. VOL. CONST. p. 224. 225. Et ab *Augusto II.* offeruntur in PROPOSITIONIBVS §. *Więc żebry*, quouis ingruente periculo, exposcentibus Ordinibus, sex militum millia Regii stipendiis alenda, aut pecunia pro conducendo pari copiarum numero.

11 Incepas Cameneci munitiones, suis sumtibus continuare & finire, *Vladislaus IV.* & *Johannes Casimirus* PACT. CONV. §. *municyą*, *Michał* vero reparare velut. PACTA CONV. §. *zawziec*. Sub hoc Camenecum fuit amissum, cuius recuperationem *Augustus II.* non tantum in se recepit, PROPOSIT. §. *odebranie* sed ut Regno restitueretur, effecit.

12 Excitauit illud *Johannes III.* cum Camenecum a Turcis teneretur, ut hoc  
P praeſi-

praefidio hostium incursions coërcerentur, *Augustus II.* spopondit, PROPOS. §.  
Fortece, omnia propugnacula in optimo statu seruare.

## 13 PACTA CONV. §. 52.

14 Fuerunt iam *Sigismundi III.* tempore, Leopoli quaedam scholae militaris initia, quam perficere filii *Vladislaus IV.* & *Iohannes Casimirus* voluerunt. PACTA CONV. §. A iż Aparat. Quod cum non factum, *Iohannes III.* sumtus non tantum in scholam Varsauiae instituendam, sed & in viros qui studia militaria docerent, promisit. PACT. CONV. §. Szkoły. Neutrum tamen praestitit, excusatusque post mortem magnifice, „quasi omnibus scholis par, aut maius fuerit theatrum, cum Princeps suo exemplo, ad bellicae gloriae fastigium erudiret, & victrixi manu, ultra Poloniae limites in hostium duceret.,, Epist. ZAL. T.II. p. 188. Quare in PROPOSIT. *Augusti II.* §. Szkoły schola militaris inter res efficiendas, iterum locum obtinuit.

15 Eiusmodi Xenodochium exstrui iusserat *Stephanus Varsauiae*, sed cum redditibus destitueretur, tempore *Vladislai IV.* in armamentarium conuersum. CONST. a. 1638. p. 13. In CONST. a. 1662. p. 10. tit. Szpitale, fit mentio Xenodochiorum militarium Varsauiensis, Tycocinenis, Leopoliensis & aliorum, simul in ius vocantur, qui eorum redditus sibi erogarunt. Anno 1667. permisum Latino Kiovieni Stanislawi, Cameneci in Podolia, militare Xenodochium condere. CONST. a. 1667. p. 41. tit. Szpital.

16 Solet praeter alia, a Regni candidatis, pecunia in publicum usum offerri. Gallici legati, pro *Henrico*, praeter solutionem debitorum, Reipublicae caussa contractorum, singulis annis, quadringenta quinquaginta florenorum millia, ex redditibus Gallicis promiserunt. VOL. CONST. p. 225. *Stephanus* pariter debita publica soluere, pro securitate finium aliquis necessitatibus, ante aduentum in Regnum ducenta millia florenorum, & ad repentina Regni praesidia, mille equitum & quingentorum peditum stipendia numerare voluit. VOL. CONST. p. 251. 252. A *Sigismundo III.* solutio debitorum in pactis nominatorum ac sumtus in defensionem Regni faciendi, donec veniret Cracouiam expectanda erant. VOL. CONST. p. 453. *Vladislaus IV.* & *Iohannes Casimirus*, habito in comitiis coronationis cum Ordinibus confilio, ut debita soluerentur, curare voluerunt: PACT. CONV. §. Dlug. praeterea *Vladislaus* summas nonnullas sibi debitas, Reipubl. remisit. PACT. CONV. §. summy. Michael ob priuatas angustias, pecuniam in publicum offerre non potuit. *Iohannes III.* Reipublicae, debita sibi ab illa centum & quinquaginta florenorum milia donauit, simul lapides pretiosos, trecentis triginta octo millibus oppigneratos redimere pollicitus. PACT. CONV. §. Wzgledem. & §. Kleynoty. *Augusti II.* liberalitas decem millionum fuisse dicitur. Epist. ZAL. T. II. p. 360. quamuis propositiones pactis adiectae non certum millionum numerum exprimunt, sed §. milliony, cauent, ut solis militibus in debita stipendia cedant. Tres autem millions, quas erogare in publicum S. Regiae Maiestati placuit, efficiunt quingenta nummorum imperialium millia, senos florenos Polonicos in singulos nummos imperiales computando.

17 De legationibus ad exterios dictum ad §. 25. PACTORVM CONVENTORVM. Peraguntur illae Reipublicae sumtibus, & auditum saepius pecuniam in Thesauro non suppeteret, vt ideo vel omitti legatio, vel a legato suis sumtibus, postea a Thesaurario repetendis, suscipi debuerit. Anno 1718. Thesaurarius

Litua-

Lituaniae ex suo numerabat, minori ad aulam Russicam legato, in iter nummos aureos quadringentos, quod Thesaurus egebat.

18 Vid. PACT. CONV. §. 17.

19 PROPOSIT. Augusti II. §. Wakance.

20 PACT. CONV. §. 66.

21 PACT. CONV. §. 45.

22 PACT. CONV. §. 59.

23 PACT. CONV. §. 62.

24 PACT. CONV. §. 64.

25 Egent remediis commercia, quae non longe a ruina abesse videntur. Bella, vicinorum industria, rerum conversiones, torpor & incuria, praesentem induxerunt faciem, quam omnes queruntur. Ampla sunt, quae in rem commerciorum ante hos centum & sexaginta annos, legati Galli in pactis Henrici promiserunt. VOL. CONST. p. 225. probantque iam tunc de melius ordinanda mercatura fuisse cogitatum, quae illo tempore, si cum nostra aetate conferatur, admodum floruit. Postea saepius de augendis commerciis actum, fructu tamen exiguo, aut nullo.

26 Missae sacrificium, pro salute Regum Poloniae intelligitur.

27 Praeter redditus, qui Regibus assignati.

28 Solet Republica Regiam sobolem alere, deditque exemplum in Sigismundi III. prole. Iohannes III. vero suam priuatis sustentauit sumtibus, quae post Parentis obitum nihil a Republica recipiens, in bona eius haereditaria, & quae iure pignoris tenuerat, successit.



## §. LXXVII.

## OMNIA IURA SERVANDA.

Denique omnia iura<sup>1</sup> & immunitates, priuilegia & libertates omnium personarum, statuta Regni & M. D. Lituaniae, & annexarum prouinciarum, omnibus Ordinibus spiritualibus, Romani & ritus graeci vnitorum<sup>2</sup>, & saecularibus, incorporatis & annexis prouinciis, academiis Cracouiensi, Zamoiscensi & Vilnensi<sup>3</sup>, vt & ciuitatibus omnibus seruientia, iuste & legitime concessa, omnibus & singulis, & articulos omnes in coronationibus Regum Henrici<sup>4</sup>, Stephani, Sigismundi III. Vladislai IV. Ioannis Casimiri, Michaelis, Iohannis III. & Augusti II. sanctae memoriae Parentis & Antecessoris nostri sanctitos, & coaequationem iurium atque ordinationem Tribunalis<sup>5</sup>, simul distributionem & locationem vtriusque gentis & auctoramenti secundum praescripta legum<sup>6</sup>, & illud omne, quodcunque in futuris, Deo dante, coronationis & aliis postea secuturis comitiis, vnamini omnium Ordinum consensu, sanctum & constitutum fuerit, Nos seruatueros, & integre in omnibus punctis, clausulis, nexibus & ligamentis, manutenturos & adimpleturos spondemus. Litteras simul confirmationis iurium & praesentium pactorum, & huius nostrae sponsionis, exemplo Antecessorum nostrorum dare promittimus<sup>7</sup>.

<sup>1</sup> Ab *Henrici* tempore Regum Pacta conuenta, eodem modo finiunt, omnia iura a nouo Principe seruatum iri: hoc saltem discrimine, quod in recentioribus plures enumerantur species, pauciores in antiquioribus.

<sup>2</sup> Vnitorum ritus graeci primam *Augustus II.* mentionem fecit, de quibus ad §. 5. actum.

<sup>3</sup> Iura Academiae Cracouiensis primus inseruit *Michael*, Zamoiscensis *Augustus II.* quibus iam Vilnensis accedunt. De Cracouiensi dictum ad §. 70. de Vilnensi ad §. 71. & quod ad Zamoiscensem attinet, condita illa circa finem saeculi XVI. habetque eundem quem ciuitas illius nominis auctorem, illum scilicet *Iohannem Zamoiscium*, cancellarium suo tempore, & exercitus Polonici supremum Ducem.

<sup>4</sup> Articuli *Henrici* passim a nobis in commentario allegantur. Conscripti fuerunt in illius electione, eidemque Parisiis oblati, nec non a *Stephano* repetiti & confirmati. VOL. CONST. p. 253. 275. quosque obseruaturos se, omnes qui successerunt, Reges promiserunt. Praeter hos articulos non dantur alii, qui

*Henrico* in coronatione fuissent exhibiti, licet in fine pactorum *Sigismundi III.* sanciti in coronatione vocentur. Neque reperiuntur, qui in Successorum coronationibus scripti, nisi velimus constitutiones comitiorum coronationis intelligere. *Sigismundus III.* tantum articulorum Henrici meminit, filius vero *Vladislans*, Henrici Stephani & Sigismundi: cuius exemplum tantum valuit, ut ceteri priorum Regum articulos, incipiendo ab *Henrico*, suo ordine allegarent.

5 Coaequationis iurium & ordinationis tribunalis primam mentionem fecit *Augustus II.* Intelligitur autem coaequatio Lituanica, & magni illius Ducatus ordinatio tribunalitia. De vtraque ad §. 16. dictum.

6 Et quidem ad mentem Constit. a. 1717. vid. §. 55.

7 Quod & more recepto, post coronationem die 19. Ianuar. 1734. factum. Generalis haec iurium confirmatio latine perscripta, constitutionibus comitiorum coronationis praemitti solet. Vnius *Henrici* confirmatio sermone Polonico legitur.

### §. LXXVIII.

#### NON PRAEST ANDVM OBSEQVIVM, NI IVRA SERVENTVR.

Si vero (quod Deus auertat!) aliquid contra iura legitime data, libertates, articulos & conditiones omnes, egerimus, aut aliquid non impleuerimus, tunc incolas Regni vtriusque gentis, ab obedientia & fide Nobis debita liberos facimus, secundum Constitutiones annorum 1576. 1607. 1609.

1 In fine articulorum *Henrico* oblatorum, legitur, „quod Rex, si aliquid „(quod Deus auertat) contra iura, libertates, articulos, conditiones egerit, „vel aliquid non impleuerit, incolas Regni vtriusque gentis ab obedientia & „fide debita liberos faciat. VOL. CONST. p. 257. Eadem obedientia Ipse *Henricus*, ciues in forma iurisiurandi sui exsoluit, si hoc in aliquibus violauerit: VOL. CONST. p. 227. cuius exemplum omnes Reges secuti, dum Reipublicae iurarunt; pactis autem conuentis, clausula haec ante Vladislauum IV. adiecta non est. Ne tamen lex ad turbas domesticas ianuam aperiret, renunciarentque ciues statim Regi obedientiam, si contra iura commisisset, aut pacta non impleuisset, explicabatur illa a. 1576. in eum sensum: „non solui aut la- „xari ciuium obsequium, si quid eiusmodi per aliquem humanum errorem Re- „gi exciderit, aut obrepserit, in quo ius & libertas communis laedi videretur, „sed tum demum, si a volente & sciente Rege, iura aut libertates, ita aut per „potentiam opprimerentur, aut per contemptum & temeritatem in dubium vo- „carentur, vt ne admonitione quidem Senatus, aut reliquorum Regni Ordinum „quicquam profectum esse videretur. VOL. CONST. p. 279. Iterum interpre- tanda erat lex *Sigismundi III.* tempore, cum Regi laesa iura, & pacta minus impleta obiicerentur, nonnullorumque molitiones iam in apertam secessionem erupissent. Tunc enim Rex in comitiis a. 1607. ex mente Ordinum edice- bat,

bat, „si plane & animo deliberato ius commune violaret, aut aliquis contra „iura & communem libertatem opprimeretur, illudque liquide & re ipsa probari „posset, vnicuique Senatorum licere in suo tractu illud cum caeteris communi- „care, remque ad Primatem referre, qui siue solus, siue vna cum aliis Senato- „ribus, habito prius consilio, Regem moneret, Rexque illud in quo aberratum „corrigeret: hoc si non fieret, debere eundem Primatem cum Senatoribus Re- „gni, Regem iterum monere, denique si necessitas postulauerit, rem Ordinibus „in comitiis exponere. Quod si vero neque tunc Rex facti sui iustas rationes „allegauerit, & Ordinum precibus locum dare voluerit, tum demum Ordines „ex lege de non praestanda obedientia agere posse. Vol. CONST. p. 867. Constitutio a. 1609. pariter ternas admonitiones praecipit, antequam locum ha- beat caput de non praestanda obedientia, primam & secundam priuatim, illam- que per Primatem aut Senatores ad latus Regium agentes, aut alium quemuis Se- natorem, hanc per nuncios illius districtus ad quem in conuentu suo antecomi- tiali, siue per Senatorem siue per nobilem res relata fuerit; tertiam publicam ab omnibus Ordinibus in comitiis praesentibus. Quando vero neglectis his ad- monitionis gradibus, aliisque in hanc rem sancitis, aliquis militem legeret, ac tumultu concitato pacem turbaret, causam praetegens, quasi Rex contra salutem & libertatem Reipublicae egisset, illum ad comitia citari, ibidemque per Regni Or- dines, Rege absente, iudicari debere. Vol. CONST. p. 889. Tam caute, tam co- gitate ac prouide Respublica agendum censuit, quando per suspiciones & Princi- pis ignorantiam, Maiestas ac ipsa ciuium salus in summum discrimen adduci pos- sunt. Vedit orbis exemplum, & sensit Polonia, sub Augusto II. Regum mitis- simo, vbi nonnulli, facta a Respublica secessione, Principem neque rite monitum, neque ullius culpea sibi consciun, multo minus inique actorum tenacem, impe- rio exuere conati, ipsa Respublica Regem suum fortiter tutante. *Memoir sur les dernier. revolut. de la Pologne p. 109. 110.*



# INDEX RERVM.

- A**bbates ex nobili ordine eligendi 101  
 Abbatiae ne minorenib⁹ conferantur 23  
     controversia de electione Abbatum 24  
     Abbatiae minorenibus collatae 25  
 Abbatum electio in monasterio Oliuenſi  
     & Pelplinensi libera 100  
 Academia Vilnensis quando instituta 105  
     Cracouiensis in Polon. antiquissima 103  
         eiusdem Priuilegia 103. 104. 117  
         militaris, regiis sumtibus ad interim  
         seruatur 114  
 Aduocatiae 27. ne Capitaneatibus iungantur 28. iunctae ciuitatibus 28  
     militibus bene meritis cedant 28. in  
     Oeconomiis 28. plebeis collatae 28  
     non loci Capitaneis dandae 28. pro  
     domesticis Regiis bene meritis 50. 51  
 Aequalitas inter Regni ciues 17. 18  
 Anabaptistae Arrianis aequantur 16  
 Apparatus bellicus 76. Regiis sumtibus paratus 76. 77  
 Armamentaria Reipubl. melius instruenda 111  
 Arriani, leges in eosdem 16  
 Articuli Henriciani quinam 117  
**AVGVSTI III.** clementia 41. pietas &  
     reliquae virtutes ac merita 109. magnanimitas 111. ortus ex lagellonica  
     stirpe 109. 113. studium necessitatibus publicis consulendi 111  
 Augustus II. quod contra iura Reipubl.  
     egerit, falso accusatus 118. conflata  
     ipſi inuidia, quasi Republ. infacia bellum Suecis intulisset 42. coniux eius  
     quam procul a Republ. egerit 56. ipſe  
     iura Reipubl. seruavit & auxit 110  
 Aulici ne fint extranei 51. qui aulicorum  
     nomine veniant 51. extranei inter  
     aulicos 52. ad minora officia extra-  
     nei admittendi 51. 52  
 Auulsa recuperanda 42  
**B.**  
 Bellum infacia Republ. non inferendum 42  
     Sueicum Cracouiae ruinas auget 106  
 Bitouienſium iuribus prospicitur 87. 88  
 Boluerkschanz propugnaculum 86  
 Bona mensae regiae quaenam 75  
 Bona Oeconomica solis nobilibus posses-  
     sionatis mandanda 69. dicuntur &  
     mensae regiae 69. bonorum horum
- recensio 69. non alienanda 69. nobilibus plus offerentibus locanda 70  
 Bona Sfortia, a qua Summae Neapolitanæ deriuandæ 102  
**C.**  
 Camenecum in meliorem defensionis statum redigatur III. 113  
 Cancellaria Regis Saxonica 55  
 Cancellariae tradunt Regia Diplomata in noua munia 31  
 Cancellarii quando creandi 32. 33  
 Capitaneatus, vltra duos boni prouentus vni non dandi 25  
 Capitaneatus qui dicantur 25. cum iurisdictione 26. ius communicatiuum in Capitaneatibus 26. Capitaneatus limitanei 26. quos feminae possidere non possunt 26. neque Capitaneatus cum iurisdictione 26. 27. castrensis idem qui cum iurisdictione 27. non potest vnu duos castrenses possidere 27  
 Capitaneatum iurisdictionem habentium distributio 70  
 Capitatio ab Elbingensibus exigitur 86  
 Captiuandus nemo nisi iure victus 58. 59  
     quinam excipiatur 59  
 Cardinalem commendandi ius Regi seruatur integrum 45. ius hoc defenditur 45  
 Ciuitates Prussiae iure indigenatus gaudent 63  
 Claves theſ. quorum curae mandatae 99  
 Coacquatio Lituana 32. 117  
 Collegium Polocense 105  
 Comitia pacificationis irrita 41. coronationis vnde dicta & vbi habenda 106  
 Comitorum locus ordinarius 106  
 Commercia Prussiae a vectigalibus immunia 65  
 Commerciis, vt in pristinum florem reducantur, prospicitur 112. 115  
 Controversiae cum exteris componendae 39. idque ordinum consensu 39. quomodo inter Rempbl. & Prussiam Ducalem componendae 86. item cum Caesare de finibus 107  
 Copiae externae Polonia decendant 41  
 Copiarum auxiliarium qualitas III. numerus ab Augusto II. Reip. oblatarum 113  
 Coronatio Regum vbi peragenda 106  
 Corpo-

I N D E X.

Corporis Regii custodia eiusque praefectus	54. 55	olim hoc nomine vocati 9. in pacem eorum iuratur 10. eo nomine coram Henrico disceptatio 10. pax haec cum restrictione iurata 10. prima pro mutua pace confoederatio 10. formula confoederationis mutata 11
Cracouia in meliorem statum reducenda		Dissidentes nunciorum conclavi moti 11. ne iis constitutio anni 1717. noceat 11. paci dissidentium saepius contradictum 11. 12. impugnatur in subscriptionibus & defenditur 12. num qui vulgo dissentientes haeretici sint 12 dignitatum sunt participes 12. 13
Cracouiae Sacellum & perpetua suffragia instituenda	112	Donataris iura antiquitus concessa confirmantur 75. 76
Culmensis Palatini redditus augendi	29	Drahimi redemtio 82. 83. Drahimum Electori Brandenb. inscriptum 82
primus inter Consiliarios ciuilis ordinis 29. tenet Capitaneatum Koualeuiensem 29. vt ipsi Brodnicensis Capitaneatus iungatur	29	Ducatus quinam a teloniis immunes 60
Cunigunda, salisfodina sic dicta	94	E.
Curlandi suis iuribus viuunt 90. quae saepius confirmata	91	Elbingensis territorii redemtio 82. 83
Curlandia a corpore Regni non separanda	110	Electori Brandenburgico cessum 83 quod & a. 1698. occupauit 83. sed a. 1700. reddidit 83. denuo autem occupatum adhuc tenet 83
Curlandiae Ducatus non alienandus	89	Electio Regum vbi peragenda 106
91. Ordini Teuton. olim parebat 89 nouus Dux non per legatum inuestiendus 90. exemplum in contrarium 90 quomodo lites inter Duce & nobilitatem suam componendae 90		debet esse libera 110
Curlandiae Duces iure monetandi gaudent	98	Eleonora Michaelis coniux abstinet Reipbl. negotiis 55
D.		Episcopatus Prussiae indigenis tantum conferendi 62
Decreta non immutanda	66	Exercitus extraneus in regnum non admittendus 78
Depactatio interdicitur	66. 67	vtriusque auctoramenti vnde dictus 81 ad mentem nouae legis seruandus 80. 81
Dignitates, ne in illarum gratiam a Candidatis priuatum iusiurandum, aut submissiones subscriptae exigantur 22		Exercituum Duces quomodo creandi 33 intra quod tempus praefecture illae conferendae 33. ne simul ministerium maius teneant 36
Regis est eas conferre 22. 23. ne minorenibus cedant 23. eaedem & munia quaevis penes sua iura seruentur 31 quando & quomodo, si vacua fuerint, conferenda 32. 33. solis nobilibus possessionatis concedendae 69. in Comitiis quando 33. collata ibidem publicantur a Cancellariis 34. Candidati sint indigenae & terrigenae 34 gaudent paritate iuris 35. qui illi 35 dignitates & munia publica sunt praemia bene meritorum 35. Candidati ne sint minorennes 36. secundum iura locorum conferantur 36. dignitates incompatibles quae? 36. dignitatibus arcentur extranei 50. dignitatibus & bonis regis aliis cedi potest 64		Extranei ad dignitates & Reipbl. consilia non admittendi 50. 51. ne fintaulici 51 ad minora officia recipiendi 51. 52
Dissidentes ne turbentur 8. 9. 10. 12. qui		Expeditiones publicae & Priuilegia non nisi in solo regni extradendae 95. 96
F.		
Fiducia Polonorum in nouum regem 112		
Foedera cum exteris seruanda & renouanda	39	
Fordanense vectigal	65. 66	
Fortalitium S. S. Trinitatis in meliorem statum redigendum.	III	
G.		

I N D E X.

G.

*Gleyry* siue *Salui Conductus* damnatis in  
iex menses tantum dandi 58. nec nisi  
bis prorogandi 58

*Graeca religio* 9. *Graecorum vnitorum*  
& *disunitorum iura* 13. qui *vni*, qui  
*disuni* 13. *diffidia inter eosdem*  
*componenda*. 14

H.

*Henriciana pacta* siue *iura* 67

*Homagium euentuale ratione Prussiae*  
*ducalis* 85. 86

*Hussitarum dogmata prohibita* 9

I.

*Iacobi regii principis iura* 57. 58. qui  
*Olauiae in Silesia agit* 58

*Iacobo Regis Iohannis filio locus in Co-*  
*mitiis negatus* 6

*Imperator*, *pacta cum eodem antiqua*  
*repetita* 40

*Incompatibilia quae dicantur* 36

*Indigenae Prussiae qui* 62. 63

*Indigenatus quomodo conferendus* 48

*Indigenatus Priuilegium quid sit* 49  
quomodo in *Prussia conferatur* 49

*ne laesione accipiat* 61

*Iniuriam passis iustitia promittitur* 76

*Iohannes III. Scholae militari aequipa-*  
*randus* 114. *sobolem suam priuatis*  
*fumtibus sustentauit* 115. *Iudeorum*  
*fautor* 72. *eius soboles in electione*  
*praeterita* 6

*Iohannes Casimirus defensor fidei & or-*  
*thodoxus* 8

*Iudaei in Polonia copiosissimi* 72. *telo-*  
*niis arcentur* 72

*Judicata non suscitanda* 58

*Judicia comitialis* 66. *postcurialia* 67  
*relationum* 67. 68. *per interualla*  
*aguntur* 68. *his ipse Rex praefidet* 68  
*modus qui in illis seruatur* 66. 67. 68

*Ius belli Rex cum Repbl. commune ha-*  
*bet* 78

*Iusiurandum regium in singulis comitiis*  
*legendum* 20. *iurisiurandi regii forma*  
20. *regia soboles Republ. praestare*  
*tenetur* 58

*Ius publicum quid sit* 59

*Iura omnia seruanda* 116. 117

K.

*Kettler Gothard Liuoniam in fidem Reip.*  
*concessit* 89. & in *feudum recepit* 89

*Kiouiensis metropolis*, *auulsa ab eadem*  
*bona* 13. 15. *eiudem institutio* 15. *me-*  
*metropolita se summo Pontifici submisit* 15  
L.

*Lapides Reipubl. pretiosi Cracouiae in*  
*thesauro Regni seruantur* 98. 99

*Elector Brandenburgicus quosdam*  
*pignoris loco accepit* 83. 99

*Latinae linguae usus in negotiis publi-*  
*cis* 37

*Lauenburgensium iuribus prospicitur*  
87. 88

*Legati ad exterros vt & Residentes apud*  
*eosdem, sint nobiles & possessionati* 43  
*eorum instructio & relatio* 43. 44. (*le-*  
*gati ex senatorio & equestri ordine*  
44.) *quorum sumtibus alendi* 114

*Legati exterior. quomodo excipiendi* 43

*Legati Avgvsti III. ad comitia electio-*  
*nis* 108

*Legatio ad Pontificem a personis ciuilis*  
*ordinis peragenda* 45

*Lisnouensem templum* 82. *Catholicis re-*  
*stituendum* 84. *lites de eodem* 85

*Lituani una cum Polonis Regem eligunt* 3

*Lituana coaequatio* 32. 117. *ordinatio* 32

*Ludouica Ioh. Casimiri coniux immiscet*  
*se Reip. negotiis* 55

*Ludouicus Hungariae Princeps quae Po-*  
*lonis promiserit* 2

M.

*Maria Iohannis III. vxor magnam sibi*  
*Reip. partem vindicasse dicitur* 56

*Mennonistae Arrianis aequantur* 16

*Mensae regiae quid* 69. *integrae seruan-*  
*dae* 73. 74. *quae bona pro bonis men-*  
*sae regiae habenda* 75

*Mensium militar. ratio habenda* 99. 112

*Metallorum fodinae aperiendae & repa-*  
*randae* 112. *in fundo terrestri nobili-*  
*bus asseruntur* 94

*Metricae quid* 70. 71

*Metricantes qui* 71. *alius maioris, alias*  
*minoris Cancellariae* 71

*Miles neque aliunde arcessendus* 79. *ne-*  
*que extra regnum mittendus* 79. 80  
*neq; domi nouis supplē. augendus* 78  
79. 80. *perpetuus a Sigism. Aug. insti-*  
*tutus* 79. *absque consensu ordinum*  
*non scribendus* 79. *exterorum more*  
*non legendus* 80. *suo stipendio vi-*  
uat 81. 82

Milites

Q

I N D E X.

Milites Prussiae, quod homines violenter abducant, inculpantur	86	iura seruentur 117. quod tamen cum limitatione quadam accipendum 118
Militaris disciplina descripta	82	Oeconomia publica in apparatum bellum 76. 77. Prouentus illi adscripti 77
Militia nouo modo ordinata	80. 81	duo Capitaneatus ipfi addendi 77
Militum melior ordinatio 81. 82. licentia eorum coercenda	82	Oeconomiae ne augentur 73. nec minuantur 73. iura Oeconomiarum 69-72
Ministeria Status suprema binia, non vni familiae conferenda 23. quae dicantur ministeria suprema 23. diuersa in vna familia	23	quaedam auulsae 74. quibus concedendae 74. Tattaris quaedam conces- sae 106
Ministerium Saxonicum a regni negotiis abstineat	110	Officiales Prussiae Polonicae 62
Ministri in aulis externis habendi	111	Officinae monetales aperiendae 97
Missae pro Regum salute	115	quare clausae 98
Modus in iudiciis obseruandus 66. 67. 68		Olcussiensis Oeconomia a ruinis præseruanda 95. plumbi & argenti olim fe- rax 95
Monasteria Oliuense & Pelplinense ius eligendi Abbates habent 100. nomi- nati tamen etiam a regibus	100	Osuiemensis Ducatus a teloniis immu- nis 60
Moneta corrigenda 112. vna debet esse in Rep. 97. consultationes de hac re fru- straneae 98. Prouentus ex moneta ad Remp. pertinent 97. de ordinat. monetalii non nisi in Comitiis agendum 97		P.
Munia Regni ad præscripta legum & se- cundum merita distribuenda 111. bene possestionatis danda	71	Pacta cum Imperatore renouata, in Co- mitiis confirmanda 40
Munus in vnum, non duobus regia di- plomata danda, neque conferendum, nisi quod vere vacuum fuerit 30. di- ploma posterius priori cedere debere 30. diplomata in acta metrices refe- renda, ac secum Cancellariae commu- nicent 30. diplomata Regia in vnum munus pluribus data	31	Pacta conuenta iureiurando firmando 108
N.		quod Augustus III. Tarnomontii præ- stit 108. mos ille quando cooperit 108
Neapolitanae summae vnde ortae	101	Pactorum conuentorum antiquitas 2
Neapolitani regni mutatio	102	cum singulis Regibus ineuntur 2. vtrum seruata 2. ex illis Rex & Resp. obstrin- guntur 2. qua lingua scribantur 3. in singulis Comitiis legenda 20. 21
Neuburgensis ciuitatis traiectus 82. ab Electore Brandenb. sibi vindicatus 84		Panis bene meritorum qualis 35
Nobiles omnes aequales	17. 19	Papa, controuerfiae cum eodem compo- nendae 46. 47. in eum Constitutio 46. 48
Nobiles noui ne dignitates impetrent, aut publicis negotiis adhibeantur 48. 49		Patronatus ius 46. 47
quales Rex sua auctoritate creare possit 49. noui interdum veteribus acquan- tur	50	Pax externa & interna restituenda 41
Nobilitas quibus & quomodo danda 48		Pecunia a Candidatis Regni Reip. offerri solet 114
49. pretio comparata	49	Pietistae Quackeris additi 16
Nobilitas libere vtitur fodinis in bonis terrestribus	94	Plebeii arcentur bonis Regiis 28. & Ab- batii 100
Nobilium iura circa salem	92. 93	Polonia salis feracissima 70. a nonnullis Iudeorum Paradisus dicta 72
O.		Poloniae regnum secundum leges suas gubernatur 110
Obsequium Regi non praestandum, nisi		Polonicae linguae vsus in negotiis pu- blicis 37
		Praefecti auctoramenti extranei qui- nam 99
		Praefectura Drahimensis Elect. Brandenb. inscripta 82. quam & a. 1668. occupa- uit 82. consilia de illius redemtione irrita 82. 83
		Praefecturae praesidiorum in Oecono- miis

I N D E X.

miis 72. nobilibus possessionatis & be-		Regia domus nullam sibi in Regnum suc-
nemeritis dandae 72		cessionem vindicet 5. quae eius condi-
Praefectus rei tormentariae qualis esse		tio 6. quid requiratur, si quis ex illa
debeat 77		Reip. muneribus admoueri velit 35
Praemiorum distributio in emeritos ad		Regibus viuent. successores constituti 6
regem pertinet 99		Regimenta & vexilla aliis non venden-
Priuilegia ne insciis Cancellariis extra-		da 81. 82
dantur 37. 38. Iuri publico ne sint con-		Regina Reip. negotiis abstineat 55. 56
traria 59. Priuilegia & publicae expe-		Reginae quae non catholicae 8
ditiones non nisi in Polonia concedun-		Reginae aula ex indig. & extraneis 52. 53
tur 95. 96. exceptis militaribus &		Reginae dotalitium 53
spiritualibus 95. 96		Regis custodia corporis & Cancellaria 54
Priuilegium Incorporationis Prussiae 63		Regum libera electio 3. 4. 5. eorum filii
Professores Academiae Cracouensis		post mortem Patrum Reges electi 6
equestri dignitate ornati 104		Religio vna olim Romano-Catholica 9
Propositiones Reip. oblatae 108 sqq. quid		accessit Graeca 9
sint 108. earum initium 108. cf. Prae-		Religioni in Prussia Ducali prospicitur
fat. Pactis inseri solebant 108. quando		84. afflita tamen non vno modo 84.
Pactis seorsum adiectae 108		hinc disceptationes variae 85
Prussi ad Regum electionem pertinent 4		Rex & Regina sint catholici 7. 8. Rex ex
Prussia in quo Palat. diuisa 29. ibidem op-		parentibus orthodoxis 8. vtrum spe-
pidani, & oppidanorum filii nulla lege		re possit Regnum, qui diuersis sacris
terrestribus dignitatibus non arcentur		addictus 8
36. suis iuribus gaudet 61. imprimis		Rex suas opes in Reip. commodum im-
iure indigenatus 61. 62. quod saepius		pendet 112. dissentientibus Senatori-
confirmatum 63. 64. vectigalibus im-		bus haud quicquam decernat 67. in
muniis 65. ibidem ciuitates maiores		Iudiciis nullius cauissam suscipiat 68
ius monetandi habent 98		Russorum Augusta magno animo Polo-
		niae subuenit 41
<b>Q.</b>		<b>S.</b>
Quackeri Arrianis aequantur 16		Sal nobilitaris integre extradendus 112
Quartiani milites 78. 79		Sal quartualis 92. vnde dictus 93. iura
<b>R.</b>		Palatinatum circa eundem 92. No-
Regentes bini 71. eorum officium 71		bilibus minori pretio venditur quam
Regentiae in Regno & Lituania 69. 71		aliis 93
Reges habent ius commendandi ad Car-		Sal transmarinus Elbingam vehi non per-
dalitiam 45. 46. solent ad hanc		mittitur 86
dignitatem exteris prae indigenis		Salisfodina Cunigunda dicta 94. confili-
commendare 46. gaudent etiam iure		um de permutanda illa cum aliis bo-
iustitiae distributiae 111		nis Reipublicae 94. 95
Regestrum quid 66. varia sunt regestra		Salisfodinae ad Regiam mensam perti-
66. fisci 69. 72		nentes 70. Bochnensis & Vielicensis 92
Regi bona haereditaria acquirere non est		ad bona mensae regiae pertinent 93
permissum 19. retinet quae habuit,		Salisfodinarum cura habenda 112
cum Rex eligeretur 20. Augusto II.		Salui conductus damnatis in sex menses
concessum, quae in Polonia sibi com-		dandi, & non nisi bis prorogandi 58
parauit, ad haeredes transmittere 20.		Schliben, Comes, odio religionis 30000
Regi per interualla Saxoniam adire		imperialibus multatus 84
licet 95. sed ex consensu omnium or-		Scholae in Academiarum damnum non
dinum 95. 96. non tamen ibi Priuilegia		aperiendae 104
Polonis extradere 95. 96. exceptis mi-		Secre-
litaribus & spiritualibus 95. 96		

## I N D E X.

Secretariatus Regni & Lituaniae	69.71	conferendi 38. Regius 69.71. Curiae
Secretarii duo maiores	71	Regni 102
Semgallia sub Curlandiae Ducatu conti-		Thesaurarii in Polonia bini 102. quo-
netur 89		modo a se inuicem distincti 103
Serenissima dicitur Respublica tempore		Thesaurus Regni diuersis clauibus clau-
interregni 113		ditur & referatur 98.99. totius Rei-
Sigilli cubicularis & signi priuati vsus	37.	publicae consensu aperiendus 99
38. cubiculare extraordinarium 37		Tituli extranei 17.18. Principum seu
Sigismundus Augustus Augustanam con-		Ducum 18. Marchionum 18.19. Co-
fessionem amplecti voluisse dicitur 7		mitum 19
Sigismundus I. Iudeos teloniis arcet 72		
Sigismundus III. monetam in Rempubli-		V.
cam transfert 97		Vniuersalia a Cancellariis signentur 37.38
Sobolis regiae iura 57.58		Vniuersalia vnde dicantur 38
Stephanus eximit de religione sua scrupu-		Vnitorum ritus graeci Priuilegia confir-
lum 7		mantur 116
Studiosorum res vectigalibus exemtae.		Varsaviae ciuitatis iura 106. sedes regia
Summae Neapolitanae vnde dictae 101		106. Comitiorum locus ordinarius 106
frustra petitae 102		Vectigalia & telonia vetera mensae re-
		gliae adiecta 71
<b>T.</b>		Vladislaus IV. in religione remissior vi-
Tattari in Volhinia & Lituania 106. Rei-		fus 7
publicae militant 107. gaudent cer-		Vladislaus Jagello Academiae Cracovi-
tis priuilegiis 106.107		ensis instaurator 103
Telonia, qui Ducatus ab iis immunes 60		
Tenutae ultra duas boni prouentus vni		X.
non dandae 25		Xenodochium militare exstruendum
Tenutae quae 26. ius communicatum		111.114
in iis 26. non promiscue plebeiiis		
dandae 27. variae auulsae 74		Z.
Theſaurariatus magni plus offerentibus		Zamoisensis Academia 116
		Zatoriensis Ducat. a teloniis immunis 60
		Ziuicensis Comitatus 119

## E R R A T A.

Pag. 11. l. 18. leg. arceri; absentes. p. 19. l. 2. leg. Sallarolianam. lin. 30. 31. leg. sexcentis. p. 20. lin. 25. leg. te-  
starentur. p. 21. lin. vlt. seruatur. p. 24. l. 28. leg. talesque nunquam. lin. 37. leg. Andraeouensi Abba-  
tia Olczouio. lin. 41. leg. 1685. p. 26. lin. 15. leg. illi. p. 29. l. 21. leg. consiliarios. p. 30. l. 33. leg. Cance-  
llarios. p. 36. l. 24. leg. Archiepiscopatus & Episcopatus. p. 40. l. penult. leg. Maiestatis, quam & Sac. Reg.  
Maiestatis &. p. 53. l. 25. leg. diffidentias. p. 56. l. 5. leg. Malronke.

